

Зайниддин Маҳмуд
Восифий

Бадоеъул вақоеъ

(Нодир воқеалар)

Форсийдан Наим Норқулов
таржимаси

Faafur Fulom nomidagi Adabiёт
va sanъat nashriёti
Toшkent — 1979

ББК
В 87

В $\frac{70304-252}{M 352(01)-79}$ 108—79—3703040100

© Гафур Ғулом номидаги Адабиёт ва санъат нашриёти, 1979 й.,
(Тарж.)

ЗАЙНИДДИН ВОСИФИЙ

Замонасиининг стук адиби ва шонри Зайниддин ибн Абдужалил Восифийнинг ҳаёти ва ижоди ҳақида унинг ягона улкан асари «Бадоєъул-вақоєъ» («Нодир воқеалар») орқалигина фикр юрита оламиз. Восифий бу асарини эсадлик сифатида ёзган. У султон Ҳусайни мурзонинг набираси Мўъмин мурzonинг ўлдирилмиши ҳақида ёзар экац, шунда 903 (милодий 1497—98) йили ўзининг 11 ёшда бўлганини айтади. Ёхуд 1511 йили Ҳирот шоҳ Исломил Сафавий томонидан ишғол қилинганда Восифий 26 ёшда эди. Шуларга кўра унинг таваллуди тахминан 1485—86 йилларга тўғри желади. Унинг отаси — Абдужалил Ҳиротнинг олим ва фозил кишиларидан эди. Зайниддин Маҳмуд ёшлигидан шеъриятга қизиқиб, 12—13 ёшидан шонир ва шеършунос сифатида танилади. Айниқса, муаммо санъатида шуҳрат топади. Насрининг кўпгина турлари (мактуб, эрза, ҳикоя ва ҳ. к.) да, бадний сажъ услубида, ранг-баранг ташбехлар ишлатнида, айниқса, «бароати истеҳсол» санъатида уста бўлган. Яъни, қасида, мактуб ёки бошқа бирор илтимоснома ёзганда асл мақсадга ўтишдан олдин танбех, киноя, истиоралар, бадний бўёқлар орқали унга ишора қилиш маҳоратини яхши эгаллаган.

Восифий эсадликларидан маълумки, у араб тилини ва замонасидаги илмларни пухта эгаллаган, жисмонан бақувват ва ажойиб инсоний фазилатларга эга бўлган. У Ҳиротда мадрасани тутатиб, Ҳусайн Бойқаронинг ўғли Фаридун Ҳусайн мурзога котиблик, унинг бошиқа ўғилларига эса муаллимик қиласиган.

XVI асрининг бошларида Ўрта Осиё ва Хуросонда кучайган ўзаро феодал урушлари бошқа илм-санъат аҳли сингари Восифий бошига ҳам оғир мусибатлар келтирди. Бу ҳолни биз унинг Машҳадга сафари кечинмаларида ва 1507 йили Ҳирот Шайбонийхон томонидан ишғол қилингандан кейин содир бўлган воқеаларда кўрамиз. Хуросонни Эрон шоҳи Исломил Сафавий истило қиласигач эса, Восифий шна амалдорлари таъқибидан қочиб, олдин Эронда, кейин Хуросонда яшириниб яшашга мажбур бўлади. 1512 йили эса яширин равишда Мовароуннаҳрга қочади. Дастлаб, Самарқандда бир йилча яшайди. Кейин Бухорога ўтади, бу ерда бир юз вақт яшагач, Саброн (Туркистон шаҳридан 40—50 км. чамасидаги мавзеъ)да туради. Бу ердан Фаркат, Тошкент, Шаҳрисабз шаҳарларига сафар қиласиди. Каерга бормасин, ситамкор давр Восифийни саргардоилик саҳросинга улоқтиради: «Бадоєъул-вақоєъ»да унинг ҳаёт сахифаларини варақлар экамиз, уни тоҳ мадрасалардаги талабалар ҳужрасида, тоҳ олиму шоирлар мажлисида, мушонраларда, тоҳида оддий халқ куршовида, тоҳи ҳуқимдорлар саройида кўрамиз. Восифий кечинмалари бизни ўша вақтдаги ижтимоий муносабатлар—халқ ҳаёти билан ошино қиласиди. 1522 йили Восифий Шоҳрухия шаҳрига келиб, Келдимуҳаммадхон саройида қарор топади. Келдимуҳаммад-

хонинг отаси, Тошкент ҳокими Севинчхожа 1525 йили вафот этгац, ўрдига ўлтирган ўтли билан бирга Восифий ҳам Тошкентта келади. 1529 йили Келдимуҳаммад султон Бухоро хони Убайдуллахон бошлиғига сафавийларга қарши Хурросонга лашкар тортганда Восифий ҳам унга ҳамроҳ эди.

«Бадоेъул-вақоєъ» 1532 йилгача бўлган воқеаларни ўз ичита олади. Восифийнинг шундан кейинги ҳаёти Тошкентда кечали ва 1566 йилда шу ерда вафот этади.

Восифийнинг бу асари Ўрта Осиё ҳалқлари маданият тарихи учун муҳим манбадир. «Бадоеъул-вақоєъ» Хурросон, Мовароунаҳр, Тўркистон ва қисман Эроннинг ўша давр илмий, адабий аҳволи, маданият савиаси ва зиддиятларини акс эттирадиган ойнагина эмас. тарихий аҳволни китобхон кўзи ўнгидан аниқ-равshan намоён қила оладиган улткан бир тасвирий лавҳадир», деб ёзади Садриддин Айний.

Бу асарда биз кўптина алабиёт ва санъат намояндлари ҳақида қимматли ва зарур маълумотлар топамиш. Алишер Навоий даври ва унинг шахси ҳақида ёхуд унинг поэтик санъати ҳақида тадқиқот ишлари олиб боргар бирор олим йўқки, у Восифийнинг мазкур асарига мурожаат этмаган бўлсин.

Ленинградлик шарқшунос олим, Александр Николаевич Болдирев 1954 йили «Бадоеъул-вақоєъ» асари бўйича докторлик диссертациясини ёқлади. Садриддин Айний бу ишга юқори баҳо берди ва «А. Н. Болдирев тайёрлаган «Бадоеъул-вақоєъ»нинг танқидий матни нашр қилинадиган бўлса, Совет шарқшунослигининг улкан зафари бўлгуси эди», деган фикрни билдири. Улкан олимнинг орзуси 1961 йилга келганда амалга ошиди: 90 босма листча келадиган «Бадоеъул-вақоєъ»нинг танқидий матни икки жилдда чоп этилди. А. Н. Болдиревнинг бу тадқиқотини жаҳон илмий жамоатчилиги катта қониқиши билан кутиб олди.

Асарининг танқидий матни устидаги ишни олим 1935 йилдан бошлаган эди. У Совет Иттифоқидаги қўллэзма фонdlарида сақланадиган «Бадоеъул-вақоєъ»нинг 25 нусхасини тўплаб, уларни таққослаб, танқидий матнини тиклай бошлади. Айниқса асарнинг Восифий даврида кўчирилган нусхаси сақланиб қолмагани унинг танқидий матнини тузиш ишини бир мунча мушкуллаштириди. Тадқиқот иши ниҳоясига етгунча ва у эълон қилингандан кейин ҳам А. Н. Болдирев Восифий ва унинг асари ҳақида ўнлаб йирик мақолалар ва алоҳида рисола ёзиб, чол эттириди. «Бадоеъул-вақоєъ»нинг 1961 йилги нашри ноёб бўлиб қолтани туфайли, 1971 йили Камол Айний ташаббуси билан Төхронда унинг иккинчи нашри амалга оширилди.

Восифий ва унинг асари ҳақида Садриддин Айний кўп тадқиқот ишлари олиб борди. 1956 йили унинг «Восифий ва хулюсай» Бадоеъул-вақоєъ» китоби босилиб чиқди. Сўнгроқ эса, бу асар Айний кулииётининг 13-жилдига киритилди.

Айний мазкур китобида Восифий ва унинг даври ҳақида кичик тадқиқот иши билан «Бадоеъул-вақоєъ»нинг қисқартирилган, хронологик тартибга солинган мазмунини баён этади.

Восифий ўз асари мундарижасини қўйидаги тартибда тузади, аввал, Мовароунаҳрда кечган ҳаёти ва кўрган воқеалари, сўнгра, китобнинг ижкинчи қисмида—Хурросонда кечган воқеалар баён этилади. Биз мазкур асарнинг ўзбекча таржимасига қўл урар эканмиз, асосан А. Н. Болдирев тузган мукаммал матнга таяндик.

МОВАРОУННАҲРГА САФАР

Қудратли тангрининг энг заиф қули Восифий номи билан машхур Зайниддин Маҳмуд ибни Абдужалил шундай дейди:

Хурросон вилоятида... пишқирган фитна денгизи тўл-қинлари фалак гумбази авжига кўтарилган, бало ва ма-шаққат буултлари тўдаси тинчликнинг жаҳонни ёритув-чи офтобини ўзининг зулмат пардаси билан тўсган бир пайтда замона аҳлининг аччиқ кўз ёшли дийдалари суроҳ каби қон тўкар ва остин-устун бўлган баҳт фалак ғалвиридан фалокат қўли билан ўша хоксорлар бошидан ғаму андуҳ гардини тўкарди. Қизилбошлар хунрезликлари аксидан ва улар тожидаги қизиллик тобидан ҳар на-мозшом фалак бинафшазори лолазор тусга киради...

Дар ҳар гили заминки, қизилбош жо гирифт,
Онро замона ҳамчу яки лолазор ёфт.

Ўзни бу фалокат гирдобидан ва хатарли хавфдан чи-қазмоқ ва бу қонхўрлар қаъридан қутқазиб, нажот со-ҳилида туғ тикмоқ қасди барчанинг ҳиммати ва хотирида қарор топди. Аммо... йироқ аҳд ва узоқ муддат бу мақсад чеҳраси турғунлик пардаси остида қолиб келди. Ноумидлик пардасидаги бокира маҳрумлик гўшангаси-дан чеҳра кўрсатди ва барчанинг тилидаги дарди шун-дай эди:

Эй мусулмонон, фигон аз жаври чархи чанбари,
В-аз жафои тиру қасди моҳу, сайри муштари.
Гар бихандам в-он ба ҳар умрест гўяд заҳрканд,
Гар битирям в-он ба ҳар рўзест гўяд хунгари.

Осмон дар кештии умрам кунад доим ду кор,
Гоҳ шоди бодбони, гоҳ андуҳ лангари.

Кунлардан бир кун камоли бетоқатлик ва ниҳояти сабрсизликдан хонамдан чиқиб сайр қилардим. Ҳар тарафга боқардим. Нақоботнаноҳ, саёдат дастгоҳ... Саййид Зайнобиддин Амир Муртознинг олижаноб шогирдларидан, аксар пайтда, гаройиб илмларни ўрганиб юрувчи, қадрдон ва чин дўстларимдан бири Ҳожа Абул Аъло Ҳоразмийни учратиб қолдим. Мени паришонҳол ва изтиробли кўриб, бир оз аҳволимдан сўради. Мен дедим:

— Эй, қадрдоним, қиёматлик дўстим! Мен бугун бир кори ҳол қилсаму, у менинг ўлимимга сабабчи бўлса, деган ният билан хонамдан чиқдим. Пайғамбаримизнинг азиз саҳобалари ва сўхбатдошлари шаънига лаънату ҳақоратларни эшитишга бошқа тобу тоқатим қолмади. Шундай бир сўз айтсан, ёки бирор иш қилсан-да, бу тоифа менга шаҳодатим шарбатини ичирса ва мени ҳалок этса...

У азиз деди:

— Эй, биродар! Менда ҳам шу ҳолат. Аммо, эшишимча, Хиёбоннинг бошланишидаги Дарвеши Мунис қалъаси ёвуғига Мағриб Андалусидан Абулжуд номли бир азиз келиб жойлашибдики, ундан шарм қилиб, фалакининг юксак буржлари коинот чўққисининг кунжу бурчига яширингусидир. Зеро у, жамийки гаройиб илмлар ва нафис санъатларда соҳиби комил экан. Ҳазрати Амир Муртоз айтдиларки: «Гаройиб илмларда мен кўп мушкулликларга дуч келдим, уларни ҳал қилиш учун кўп йиллар давомида бор кучу имкониятимни ишга солдим, натижা чиқара олмадим. Сўрай десам, уни ечишга қобил бир одам топа олмадим.» Холироқ учрашганимизда у одам (Абулжуд) деди: «Эй, Зайнобиддин Муртоз, нега дил очишга жазм қилмайсан, нечун кўнгил ойнасига сайдал бермай юрасан? Бу нарсаларга эришинш кейин сен учун мушкул бўлмасин». Мени қаттиқ титроқ босди. Шунчалик изтиробга тушибманки, охири ҳушдан кетибман. Ўзимга келиб қарасам, у ғойиб бўлипти. Барча мушкулларим ҳал бўлган эди... У ҳақда одатдан ташқари кўп нақл қиладилар. Уни улуғ авлиё ҳисоблайдилар. Мазкур ҳам унинг одатдан ташқари хислатларидандир: у ўтирган хона эшигини ёпиб, очгандарида уни топа олмаганлар. Ҳузурига ким келмасин, у кишининг исми, отаси, қавми, қабиласи, касби ва ҳу-

нарини адашмай айтар экан. Шундай илмлар борки, ҳатто «Куллиху сирран» калимасидаги ҳар ҳарф бир илмга ишорадир. Коф—химиё илмига маъданларнинг таркибини ва бир-биридан фарқланиши ҳақида, лом—лимийе илмига ишора бўлишидан ташқари саноқ, ҳандаса, илми ҳайъат ва илми мусиқийдан иборатdir. Ҳо—химиё илмига ишора, илми жабр ва муқобала, илми масоҳат, жарри сақил ва зижлар, тақвимлардир. Сим—симиё илмига ишораки, машҳур ва маъруфдир. Ро—римиё илмига ишора бўлиб, тилсимлардан иборат. Нажот юлдузларнинг ҳаммасини ниҳоятда яхши билади.

Абул Аъло деди:

— Кел, унинг ҳузурига борайлик. У бизнинг ҳаққимизда нима деркин.

Ўша минорага етганимизда Абул Аъло: «Мени қўрқувдан ҳарос босяпти. У ёғига боролмайман», деди. Мен ўзим минорага кўтарилдим. Менга кўзи тушиши билан Абулжуд деди:

— Эй, Восифий! Сенинг номинг Зайниддин Маҳмудлар. Оқибат ишининг ҳам маҳмуд (мақтагудек) бўлади. Сени олдинда ҳали кўплаб ажойиб ҳолатлар, гаройиб ишлар қутади. Яқин кунларда Мовароуннаҳр мамлакатига борасан. Ҳашамли подшоҳу арбоблар, шавкат эгалари билан дўстлашиб, суҳбат қурасан. Туркистон вилояти шоҳи Чингиз авлодидан, ғоят одил ва муруватли подшоҳдир. Раиятга нисбатан ниҳоятда шафқатли ва инсоф эгаси. Унинг номи Севинч хожаҳондир. У сени бир қадар риоят ва тарбият қиласди.

Унинг икки фарзанди бўлиб, ҳар бири адолат дарёсининг дури, салтанат осмонининг юлдузидир. Бирининг исми Султон Муҳаммад. Шундан сен кўп эътибор топасан. У сени ўзига муаллим, имом ва қози аскар қилиб тайинлайди. Унинг вафотидан кейин эса, укаси Наврӯз Аҳмадхон ҳам сенга шуларни муносиб кўради. Султон Муҳаммаддан салтанат таҳтида олий мартабали... меҳрибонлик хислати унга ҳос бўлган Абулмузаффар Ҳасан Султон олти ойлигига қолади. Аммо шундай бўлса ҳам, аввал бошдан салтанат белгилари унинг гўзэл юзидан товланиб туради ва улуғлик нурлари унинг ёруғ нешонасида порлагуси...

Муборак толеъи фаррух сарири,
Ба толеъ тождори таҳт гири,

(Қутлуг таҳт, муборак толеълисан, томинг тождорлик-дир таҳт олурсан.)

Хуаш учрайиш хурсандчилик пайдо қилиб, диллардан дағдағани улоқтиргуси. Зоҳир бўлишининг қувончи шодлик келтириш учун сийналарнинг сурур яловини ба-ланд қиласди. Ҳурматли амакиси унга ўз тарбияси, уйининг тўридан жой беради... Олти яшарлигидан сен унинг муаллимни ва устоди бўласан. Сен унга худованд қаломи ва йўриқларидан таълим берурсан. Унинг машҳур номи ва азиз сифатларига атаф «Бадоеъул-вақоэъ» деган қитоб таєниф қилурсанки, унта мақбулу матлуб, кўпгина зукко сultonлар ва ҳоқонлар орзу этганча бўлади. Ул шаҳзоданинг зоичаси — Искандар ибни Филикүс толеига мосдир: рубъи маскуннинг аксарини у ўз ихтиёри қўлига ва иқтидори доирасига олади. Ӯн икки ёшида Машриқ диёри ҳоқонларидан бири унинг устидан ғалаба қозониб, мулкини истило қиласди. Уни ўз чегараларига олиб кетмоқчи бўлади. Аммо шу арафада нажот топиб, ўз амакисига қўшилади. 17 ёшида Хуросон волийси бўлади. 94, яъни юз йилга яқин умр кўради...

Шундай сўзларни айтди-да, Абулжуд назаримдан ғойиб бўлди. Ногаҳонда мени ҳарос босди. Ӯша минора зиналаридан қулаб-қулаб пастга тушдим. Ўз суҳбатдош им сўзига биноан, ҳар томонни суриштириб, Моваро-уннаҳр тарафга кетмоқ учун бирор ҳамроҳ ёки дўст қидиртириб, Ҳожа Абдулаълони жўнатдим. Иттифоқо йўлим Инжил соҳилига тушди. Бир жамоа шоирлар анҳор бўйида ўлтириб, суҳбатлашар эдилар. Назарлари менга тушиши билан, мен томон чопишиб келдилар ва сўрадилар:

Шоҳ Исмоил Қамол Исмоил Исфаҳонийнинг

Эй, дар муҳити ишқат саргашта нуқтаи дил,
В-эй, аз жамоли рўят хуш гашта маркази гил.

(Эй гўзал, ишқинг дengизида дил нуқтаси саргашта ва жамолингдан ер маркази обод бўлди) матлаъли «тантароний» қасидасига ва Салмоннинг:

Мавсуми дай рафту ҳуррам шуд чаман, омад баҳор,
Богу бўстон сабз гашту кўху саҳро лолазор.

матлаъли «Роняи баҳория» қасидасига Хуросон шоирлари татаббуъ боғласин, деб фармон бериди.

Мен бу гапни эшитиб, менга Севинч хожаондек подшонинг мулозамати ва азиз тутиши лозим. Мен унинг икки шахзодаси мадҳи учун бу қасидаларга жавоб ёзурман, бу ул икки олий мартабали подшо учун кичик бир туҳфа бўлади, деган андиша хотирамдан ўтди. Бу жамоадан ажрагач, ўша икки қасидани ёзишга киришдим.

Тантароний қасидасига жавобни олижаноб подшо... Султон Мұҳаммад Баҳодир мадҳига зийнатлаб, мувашшаҳ боғладим. Салмоннинг «Роияи баҳория» қасидасига жавобни эса султони аъзам... Абулғози Наврӯз Аҳмад Баҳодирхон мадҳига бағищладим...

Бу икки қасида тугаши билан аълоҳазрат... Саййид Шамсидин Мұҳаммад пайғамбар дини ва худо бандалари каби юзини парда орасига олди, таҳқири жазосиз мустафо ёрларига итоат қилмади. Узиниси Саййид Амир Ҳусайн билан бирга «алғиёс-алғиёс», дея фарёд чекаётган ва нажот берувчи даргоҳга илтижо қилаётгандарга юз ўгириб, Амир Ғиёс лангари орқали кетдилар...

Ғаним ва дин душманларининг кирдикорлари туфайли ул жанобнинг ушбу вилоятида ватан тутиши мушкул бўлгач, кўпчилик — улкан жамоа укишини қатл этмоқ қасдига бирлашмоқчи бўлдилар. Қечаю кундуз уларнинг қатли учун пайт пойладилар... Шу сабаб, ул жаноб қочмоқ ва сафарга чиқмоқни ихтиёр қилдилар.

Шу вақтда бахтли тасодифлар-ла шу ҳол содир бўлдики, беш юзга яқин киши Хурсон вилоятидан Мовароннаҳр мулкига қараб йўлга чиқди. Хурсон ҳокими Лалабекдан нишонлар ҳам олдилар. Бу жамоадан уч киши мазкур сафардан четлатилди. Хурсон вилоятининг аъёну эътиборли кишиларидан Хожа Мұҳаммад сарроф, Озарбайжон вилоятининг ажойиб кишиларидан Хожа Ихтиёр ҳар иккаласи ўша карвоннинг карвонбoshisi эди. Мазкур маҳдумнинг номини, унинг иниси ва бу каминани ўша уч киши ўрнига ул жамоа рўйхатига қўшдилар.

Ҳижрий 918 йил, муҳаррам ойининг охирлари эди. Мазкур жамоа Хиёбон бошида чодир тикиди. Бу сафар баҳор фаслида бўлдики, қиши Баҳманини Фарвардини Фаридуни тор-мор келтирган пайт эди. Карнаю ногора, момақалдироғу милтиқ, чақмогу яшиндан замину замонга зилзила тушди. Даврон сарбоңлари юк ортилғап

төгдек туялар, жиҳозларни яшил писта сақарлот билғен ёнилар. Селнинг сув чизиқларидан уларнинг бошида занжир юганлар бойланди.

Ҳаёт лолалари баҳорнинг янги келинчаги учун ранг-ранг кўқату райҳонлар билан зийнат топган кўрпалинин уйқу истироҳати учун дашту саҳро узра тўшёгани эди. Булат пахталарининг наддофи ёй билан камалакни саваб, тойлаш учун келтирди. Баҳор баҳодири бўлса, кўкламдан ранг олган тоғ қиррасини яшин сайқали билац тарошлади, унинг ўнгирларига лоланинг қизиллиги ва момақалдироқ тўқмоғи билан тоб берди. Аниҳор бўйларида ғунча пайконлари савсан ханжарлари, хатми ва настаран қалқонларининг қуббалари ранг олганлигидан шамол ичидағи сувни аррамисол қилиб қўйган эди. Фитна қўзғатишни чоғлаган шамол сабза ба райҳонларининг лашкарларини ерпарчин қўлган эди. Сув уни ҳубоб зиндори ичра ҳибс қилмоқ қаҳрига йўзиқтириди. Ҳаво муҳандиси ёмғир нуқталаридан чаман гўдакларига тумор учун сув саҳифасига паргорий доиралар ясади. Табархун қон ранжида забун бўлгани туфайли сақмоқ фассоди унинг бўғин томирларини очиб юборгани учун замона ўз ҳолидан шундай тарона бошлиди:

Тароватест жаҳонро зи фарри фарвардин.
Ки ҳар замон хижил аст осмон зи рўйи замин,
Зи лутфи ҳол ҳаво гашт бар замин ғолиб,
Чунонки мечакадаш аз ҳаё арақ зи жабин...

(Фарвардин ойи ҳашамидан жаҳон тароватли бўлди, шунинг учун осмон ер юзидан хижолат чекади. Замона лутфидан ҳаво замин устидан ғолиб келди. Бетидаги оқаётган тер сувлари ҳаёданdir).

Ўша қофилада ҳусну жамол соҳиблари, фозиллар ҳам кўп эли. Маҳвашлар ишқ даштида минг қофила саргардон созандаю хушхонлар аҳли билан бирга улар шитиёки биёбонида иолаю афгои чекардилар. Улардан бири Қосимали Қонуний шундай созанда элики, фалак ойи унинг қонунин торлари учун деб ҳоласидан кумуш калавасини келтирад; ҳури ийнлар ўша қонун қулоқлари намунасига беҳишт боғининг гулғунчаларини қонун-соз ҳузурига келтиради.

Ҳазрати Жабраил гар унинг руҳбахши нағмаларини эшитса, уни ясаш учун сидра дарахти шохидан, мизроб учун эса ўз шаҳпарини унга келтиради...

Яна Жигарий Чангий муганиния бўлиб, чангни оғушига олган он фалак базмидаги Зуҳро ўз созини ерга урарди; осмондан ерга тушиб сочи торларидан унинг чанги учун тутарди:

Дилбари чанги ки сози дилбари оҳанг соҳт,
Риштан жони ман аз ҳам канду тори чанг соҳт.

(Бир дилбар чангини бир дилбар оҳангга созлади. Жоним ришталарини юлқилаб, ундан чангига тор ясади).

Созандалар пешвоси устод Саййидаҳмад Ғижжакий эдики, фалак Шарқ қуёшининг заррин жомини унинг ғижжаги тоси учун муносиб кўрарди; жаннат ҳурлари гижжак камончасининг тори учун ўз анбарин соч толаларини келтиради. Аълоҳазрат... мавлоно Нуриддин Абдураҳмон Жомий унинг шаънига бир ғазал битдилар. Матлаъси ушбуудир:

Садои он ғижжак жушту ҳусни он ғижжаки,
Ки шўри мажлиси унишоқ шуд зи пурнамаки.

(Бу ғижжак овози ўлдирди, ғижжакчининг ҳусни тузли бўлганидан ошиқлар мажлисининг шўри қўриди).

Муҳибали Балабоний илгари... Муҳаммад Шайбонийхонга тааллуқдор йигит бўлган. Бу матлаъни унинг шаънига айтишган:

Балабони шаккорин то ба лабон оварди,
Балабони ту, ки жонам ба лабон оварди.

(Ширин овозли балабонингни лабларингга қўйганингда, балабонинг эмас, жоним лабларимга келди).

Оlamning нодир созандаларидан устод Ҳасан Удий бўлиб, руҳбахш муғанийлар унинг қуллигига әдилар... Устод Ҳусайнини Қўчак Ноий ҳусну жамолда камолотда, Арабу Ажам Ироқида унинг сози овозаси шуҳрати ўз чўққисига етган эди...

Яна Мир Хонанда бўлиб, у хониш қилаётганда Ҳофиз Басир ғоят беҳуд ва бетоқат бўларкан. Ваҳоланки, Ҳофиз Басирнинг ўзи замонасининг ягонаси экан. Ҳазрати Довуд пайғамбардан кейин ҳеч ким Ҳофиз Басирдек хонандалик қилолмас экан. Шуниси ҳам машҳурки, унинг хонандалик мажлисида тўрт киши ҳушдан кетган экан. Нақл қилишларича, Ҳожа Товус Ҷевоннинг таъ-

зияси куни эътиборли ва мансабдор кишилар, ҳозир бўлганлар Ҳофиз Басирдан ашула айтишни илтимос қилганлар. Ҳофиз Хожу Кирмонийнинг «Вафоти беҳ бувад онро, ки дар вафон ту набвад» («сенга вафо қилмаганларнинг ўлгани беҳроқ») деб бошланадиган ғазалини бошлаб, қуидаги байтга етган:

Дар оташ афканам он дил, ки дар ғами ту насўзад,
Ба бод бардиҳам он жон, ки дар ҳавои ту навбад...

(Фамингда куймаган дилни ўтга ташлайман. Сен учун ёнмаган жоннинг кулини кўкка совураман).

Айвон кунжидан бир мусича парвоз қилиб, ўзини ҳофизнинг қўйнига ташлаган ва жон берган. Ўша куни қариб қирқ киши ҳушдан кетган. Уларни мажлисдан кўтариб олиб чиқишган.

Алқисса, марҳум подшоҳ Султон Ҳусайн мирзо Бой-қаронинг яйлов манзилларидан Чилдухтаронда Ҳожа Муҳаммад Сарроф сұхбат тузди ва зиёфат берди. Үнга карвон аҳлиниң барча аъёнларини таклиф қилди. Ҳар ким ўз ўрнига жойлашиб олгач, мажлисга ҳозир бўлганлар Ҳофиз Мирдан бир ғазал айтиб беришни, устод Ҳусайний Кўчакдан най чалишни илтимос қилди. Ҳофиз Мир мавлоно Бинойнинг устоз Шайхи Нойий учун бадеҳа тарзида айтган ғазалини бошлади...

Мақсадали Раққос шундай йигит эдики, ҳар гоҳ рақсга тушганда Шарқ қуёши ва мунаввар ой гаровга кетарди... У йигит рақс тушаётганда менда мавлоно Биной ғазали ва уни Ҳофиз Мир ўқиганидан, шу ғазалга жавоб ёзиш кайфияти туғилди. Шояд шу раққос йигитга атаб бадеҳа ғазал айтсаму қадамларига нисор қилиш учун тоза лаъллар сочсам. Йигит рақсдан тўхтагани ҳам йўқ эдики, ғазал поёнига етди... Йигит рақси ни тамомлагач, ғазални мажлис аҳлига ўқиб бердим. Ғазал таҳсин нисори ва офарин тухфалари билан зийнат топди. Қобилиятимни изҳор қилмоқчи бўлиб юрган дўстлардан бири бу фикрни мақтаб деди:

— Мавлоно Восифий мусиқа илмини яхши билади,
ажойиб ғазаллар ўқиёлади.

Мажлис аҳли буни эшитиб, муболағани ҳаддан оширишди. Нойийдан найни созлашни сўрашди. Нойий найда бир фасл чалгач, менга: нега ўқимаяпсиз, биз фақирларни нечун баҳраманд қилмаяпсиз, деб қолди.

Мен:

— Эй, сарафroz сарв, эй дилнавоз дўст, қанча мушоҳада қилмай, хотирам саҳифасида кўнглим дафтари ни қанчалик варақламай, бирор байт ё ёзув тополмаяпман.

У табассум билан деди:

— Сизнинг қуввату қудратингиз шу даражадаки, бадеҳа тарзида шундай ажойиб газал ва раъно шеър айтдингиз. Яна бошқа шеърга эҳтиёж сезасизми?

Бу сўзларни эшлишим билан гойибдан шундай севинч туйғулари қуюлиб келди. Мен, найни олинг, дедим ва бошладим:

Ушшоқро зи сози ту хун дар жигар шавад,
Чун най бари ба суи даҳон, найшакар шавад.

Жоно ман он наямки, бинолам зидасти ту,
Суроҳҳо чу най агарам дар жигар шавад.

Хоҳамки баъди марг дамад най зи турбатам,
Бошад, ки ҳамнафас ба ту, эй сиймбар, шавад.

З-он най жаёварам бадаҳон к-оташи дилам,
Уфтад ба наю з-оташи маш тезтар шавад..

З-ин сон, ки ҳамдами лаби лаъли ту бинамаш,
Охир ба най ду даст маро дар камар шавад.

Эй Восифий, ба полаву афғон дигар чунин,
Бо най матгу, мабод, касеро хабар шавад.

Бу базм йигитларнинг сараси, агар бошқаларга уни нисбат берилса, юлдузлар ичра қуёшдек найчи йигитни Шоҳқосим дер эдилар... Мажлис аҳли уни таърифлашга бу каминани муносиб топдилар. Мақтов ва таъриф водийсида қойилмақом шитоб этдилар.

Хуросоннинг машҳур фозилларидан муаррих мавлоно Хондамирни Амир Алишернинг хос одамларидан са-нашарди. У киши дедилар:

— Эшлишимча, сизнинг муаммо санъатидаги маҳорату тажрибангиз шу қадар эмишки, ҳар қандай муаммони ўқишича, номини айтмасалар ҳам топармишсиз. Андак ўйлаб, ҳал қиласар эмишсиз. Аммо биз бунга ишонқирамай турибмиз. Сўнг бу муаммони ўқидилар:

З-офтбои рухи жолафрўзе,
Мерасад бар дили решам сўза.

(Жонга ўт ёқувчи юзинг офтобидан ўртанган дилимга олов келади).

Мен дарҳол, бу муаммо «Азиз» номига битилган дедим. У ҳайратда қолиб, гумонимиз борки, сиз бу муаммони илгари эшитгансиз. Аммо, мен шаҳардан чиққанимдан бери беш муаммо ёздим. Бирортасини ҳам бирорвга ўқиб берганим йўқ. Буларини ҳам топсангиз сизга тан берамиз, дели. Тўртталасини ҳам мен дарҳол топдим. Биттасига келганда ўйланиб қолдим. Сабаби: ростини айтканда, у галатироқ ўқилган эди. Шуни айтганимда, муаммо эгаси мен билан баҳслаша бошлади. Мажлисга йиғилганларнинг кўпи муаммо санътидан воқиф бўлганлари учун муаммонинг ғалатлигини тасдиқ этдилар. Шундан кейин у йигит бошқа йигитлар билан Амир Ҳусайн Нишопурийнинг муаммо рисоласини менинг ёрдамимда ўргата бошлади. Аммо бу фақир ўша чуқур маъноли муаммони ҳал қилиши билан овора эдим...

Карвон Аму соҳилига яқинлашди. Айни сувнинг тошиб оқаётган пайти экан. Жайҳун тўлқинлари тўдаларининг кўпик сачратувчи маст туялари осмондек забардаст нортуялар билан жанг бошлади, кемалар саҳнига тогдек юкларни ташлаб, унга тушган сорбонлар устига уюрилди. Балиқ овлаш қасдида Қайвон ҳар тун фалак аксидан юлдузларга тузоги суфрасини ясади, денгиз сувини симирувчи наҳанг коми учун унга янги ой аксидан ёй ўқини отди.

Саҳмгин обе, ки мурғоби дар у эми ни набуд,
Қамтарич мавжосо санг аз каронаш дар рабуд.

(Ўрдак учун омонлик бўлмаган қўрқинчли дарё, мавжидек тошини қирғоқдан юлиб олиб кетди).

Замин юксак осмон билан юзма-юз келиб, кўкнинг бесомон йўлига бақамти турди. У Жайҳун дарёсининг белига камар қилиб, балиқлардан кескир ханжарлар қистириб олган эди. Дарё соҳилида кўк гумбазинини юлдузлари монанд ўз-ўзидан униб чиққан гуллар, садбарглар кўринди.

Карвон дарё соҳилига етгач тўхтади... Дарё бўйила карвоининг тарқалиб кетиши муқаррар бўлди. Баъзиси Қобул ва Омул томон, баъзилари Ҳисору Ҳузор томон юзландилар. Бир тўдаси сафар байроғини Самарқанд

ва Бухоро томон кўтарди. Хайрлашув ва видолашув бақтида Ҳофиз Мирдан бир ғазал айтиб беришни илтимос қилишди. Иттифоқан, булутли кун эди. Булут ошиқлар кўзидек ёш тўкар эди. Фасоҳатлилар фосиҳи, шоирларнинг энг ширин такаллуми ҳазрати Шайх Саъдийнинг ушбу газалини ҳасби ҳол учун ўқидим:

Бигзор то бигиръям чун абрин дар баҳорон,
К-аз санг гиръя хезад рўзи видон ёрон...

(Қўйғил, баҳор булутидек ёш тўкайни, дўсту ёрлар видолашган куни тошлар ҳам йиглайди-ку!)

Жайҳун дарёси бўйида йифи фифони осмон авжига чиқди. Қиёмат куни келипти-да, деб ўйлардингиз. Фозилларнинг ҳар бири вақтга муносаб байт айта бошлиди, бу эса жон ўртовчи йиғига қўшилди. Бири бу рунонтийни ўқиди.

Жамъ омада будем чу парвин яқчанд,
Чу иқди жавоҳир ҳама дарҳам пайванд.
Ногоҳ фалак риштан он иқд бурид,
Ҳар дона ба гўшан жаҳони афканд...

(Парвингидек бир жойга йиғилгандик, Жавоҳир шодасидек бир-биримизга боғланиб қолгандик. Ногоҳ фалак бу шода ипини узди, ҳар донани жаҳоннинг бир кунжига отди).

Дарё қирғоғида барча қучоқлашиб ҳайрлашди ъаҳар томонларга равона бўлди. Шоҳ Қосим ўзига тегишли нарсалари билан кемага ўтириб, Амуударёдан ўтди ва Самарқанд сари юзланди.

Тўрт кун ўтгач, субҳидам чоги чин тонгнинг оқ кулоҳли хоҳони Машриқ томондан нур яловини баланд кўтарди, кечанинг занги қуюнини маҳв этиб, зулумотнинг зар сочувчи мушкдек қора қалқонини даҳр хокрэзига улоқтириди. Карвон аҳли Насаф қалъасига яқинлашганда тўда-тўда, гуруҳ-гуруҳ одамлар ёнимизга келиб, Мирзо Бобир Убайдуллахон билан Могиён кўли олдида жанг қилиб, шикаст топибди, деб хабар бердилар. Карвон аҳли тез суръат-ла Самарқандга йўл олди.

Уч кун ўтгач, наҳор шаҳсувори кунботар сарманзили томон оққанда, офтобнинг заррин жомини ложувардий таркашидан олганда, у қўлидан Мағриб чашмасига тушиб кетди ва юз минглаб паришон қатраларга айлана-

ниб, кўк тусдаги тўнкарилган фалак эгнида доғлар ҳосил қилди.

Карвон Самарқанд шаҳар дарвозасига етгач, шундай бир шаҳарни кўрдиларки, ғоят мустаҳкам ва маҳкам. Деворнинг баландлиги шу қадарли эдики, агар фалак ҳўқизи унинг тепасидан ўтканда, кўнгурасининг нуки қорнини йиртган бўларди.

Кўнгурда дандон шуда бар шаҳрбанд,
Токи бихояд сари қасри бўланд.
Сурх шуд аз шармки, шуд хокбўс,
Кўнгурдан арш чу тожи хурўс.

(Шаҳар деворининг кўнгураси тиш бўлиб, осмон қасри нинг тепасини қашлаганда, арш кўнгураси хўroz тожи-дек қизариб шармдан тиз бўкди).

Шаҳар хандақининг чуқурлиги шу қадар эдики, ерости ҳўқизи унинг қаъри сабзазорида ўтлаб юарди.

Умқи дар у коре ба жои кашид,
Қаз таҳи у гашт замин иопадид.
Рафт замишро чу ҳижоб аз миён
Аз таҳи у гашт падид осмон.

(Унинг чуқурлигидан шу ҳол юз берарди: остидан ср кўринмасди, замин пардадек ўртадан кўтарилиб, тагидан осмон кўзга ташланарди).

Шаҳар бозорлари келинлар чеҳрасидек безатилган ва ҳар тарафдан дилбарларнинг жингалак сочидек фитна қўзғатиб, латиф мевалар назарга ташланарди...

Иттифоқан, жумъа куни тонготар чоги Убайдуллахон Самарқанд шаҳрига кириб келди...

Олижаноб, олий насаб, аждодининг сараси, фозиллар ва аҳолининг паноҳи Хожа мавлоно Исфаҳоний... Убайдуллахон номига ажойиб хутба инишо қилди. У шу даражада фасоҳатли ва етук ёзилган эдики, хатиблар хатиби, балоғат аҳлининг сараси уни кўриб, сукут муҳрини оғизларига солиб, унинг мадҳу саносига оғиз очдилар.

Жумъа номози чоги Убайдуллахон Самарқанднинг барча акобири улуғлари, олий табақа аҳли билан жомъе масжидга келди. Хатиб хутбанинг оллоҳ ризолиги учун муҳтарам саҳобалар зикрига етказганда одам-

ларнинг фарёду фифони ғулғуласи шу даражага етди-
ки, хатибнинг овози эшитилмай қолди...

Бир ҳафта ўтгандан кейин улуғ хон Кўчкунжихон
Туркистон тарафдан йўлга чиқиб, ўзининг ҳашамдор
чодири ва салтанат саропардасини Самарқанд шаҳри
томон тортди. Шайбоний сultonлари силсиласининг
доимий тартиб-қоидаси ва муқаррар дастури шундай
эдики, катта оғалари ва улуғ хешлари ҳаёт экан, кичик-
лар подшолик салтанати таҳтига ва буюк шаҳаншоҳ-
лик саририга қадам қўймасди. Шунинг учун Убайдул-
лахон жаноби Кўчкунжихонни хонлик таҳтига ўтқазиб,
ўзи Бухоро томон юзланди. Мазкур хон Самарқанд
шаҳрида салтанат суро бошлади ва халифалик яловини
осмон қуббасию, ою қуёш авжигача кўтарди. Ўзининг
ҳукмронлиги ва салтанати айёмида олиму фозилларга
марҳамат ва таъзим бажо келтиришни ўз ҳиммати зими-
масига олмоқни вожиб ва лозим деб билди. Унинг сал-
танати замонида илгари замонларда вайронга айланган
мадраса ва хонақоҳлар, ибодатхонаю масжидлар, бу-
қъяи хайрлар (жамоат бинолари) зебу зийнатнинг
олий даражасига эришди. Улар иморат ва таъмир қи-
линиб, шаҳид сulton Улугбек Гургоннинг мадраса ва
хонақоҳигаки, рубъи маскунда унга тенг келадиган
олий иморат бўлмаган эди, ўн мударрис тайин қилин-
ди...

Мадраса муazzзам айвонининг баландлиги шу дара-
жада эдики, агар Шарқ қуёши ўз нурлари торини пай-
ванд қилиб, нурли юлдуз ясаганда ва янги ой илгагига
илганда ҳам унинг болаҳонаси шарафасидан пастлик
қиласарди. Агар хаёл сайёхи андиша дастёргидига қўн-
гураси тепасига қадам қўйганда, боши ломакон гумба-
зи шифтига тегар эди.

Шу мударрислардан бири Мавлоно Амири Калон
эдики, унинг мунаvvар хотири манбаи ҳақойиқ нурла-
рининг машриқ мамлакатларидағи машъалалари билан
баён этилгуси: денгиз каби теран ақли қоидаси оллоҳ
ҳикмати фасллари мажмаидир. Мунаvvар ботинининг
ёруғ юлдузлари машриқнинг чексиз ҳақойиқ чироқлари
нурлари унинг равшан фикридан ишора; тўғри ройининг
изоҳи динининг ёруғ машъали ва муқаррар мушкулот-
лар кашшофи эканлигидадир. Инояти ихтиёрининг жи-
лови сарфини талабалар тарбиятига йўналтироқчи
лозим топиб, диний жаҳолат қолдиқларини йўқотмоқ

ва аниқ илмлар байроқларини ўрнатишга жидду жаҳд кўрсатдики, залолат биносининг синмоғи унинг заминида илова эди. Бундай қатъий аҳд унга вақолат қилингани эди. Кимиёасар замирининг боислари маъноли сўзларнинг жамъи ва саодат оятларининг муфассали эди; фазилат тарқатувчи фозиллар тарбияси билан банд эди. У билиш шарти муқаррар қилинган суфада олимларнинг олими — мударрис бўлиб дарс берарди.

Зи ҳарки ғояти плмаш уюни мадэр ки қосир,
Зи кунҳи ояти наъташ нуфуси нотиқа музтар.

(Илмининг ниҳоят даражада фаҳмлилиги олдида ботин чашмалар ожиз. Наъти оятининг моҳиятидан нотиқ инсонлар музтар).

Шаҳид хон, замон имоми... Муҳаммад Шайбонийхоннинг Самарқанд Чорсуқи бошланишида қурилган мадрасасининг ҳам олий даражали айвони баландлиги унинг баланд ҳиммати монанд, жаннатга ўхшаш саҳнининг кенглиги унинг дили ва қўли янглиғ кенг ва аржу-манд эди. Унга тўрт мударрис тайинланди. Шулар жумласидан, мавлоно Хожагийни мавлоно Хавофиј шарафли авлодидан санар эдилар.

Айтишларича, Улугбек мадрасасини қураётганларида мавлоно Хавофиј унинг тезроқ қуриб битказилишига кўмаклашган. Чунончи, у ҳар куни келиб устод қўлига гишт узатиб турган. Бир куни мавлоно Хавофиј пўстинини тескари кийиб олиб гишт тўдалари орасида ўтирганди. Бир киши мирзо Улугбекдан сўради:

— Шоҳим, бу улкан ажойиб мадраса тугай деб қолди. Унга кимни мударрис тайинламоқчисиз?

Мирзо жавоб берди:

— Бу мадраса мударриси жамеъи илмларга моҳир ва барча фанлардан баҳраманд ва комил киши бўлиши керак.

Мавлоно Хавофиј жойидан туриб, шундай деди.— «Ана мутаъайянун би ҳазаул-mansabi» («Бу мансабга мен тайин этилурман»).

Мирзо унинг кимлиги, қаерлик эканлиги ва номини сўради. У кишига шундай жавоб беришди:

— уни мавлоно Муҳаммад дейишида. Хавоф вилоятидан. Анча муддатдан бери бу шаҳарга келиб, жидду жаҳд билан таҳсил кўрди.

Ҳикоя қилишларича, Мирзо уни ёнига чақириб ҳар илмдан баъзи нарсаларни сўраган. Нимани сўрамасин, маъқул ва мақбул жавоб олган. Кейин уни ҳаммомта олиб бориб ювинтиришни буюриб, ўзи хос жомалар кийдирди ва азиз тутди; уни Қозизода Румий ҳузурига бошлаб бориб, кўп таъриф-тавсиф қилди ва ўзига ҳам-сабоқ қилди.

Айтишларича, мадраса очилганда йиғилишиб, муно-зара ўтказишган кун мавлоно Хавофий Мажастий ҳақи-да дарс ўқиган. Ўша йиғилишида тўқсон донишманд ҳо-зир экан. Унинг сўзларини Мирзо ва Қозизода Румий-дан бўлак ҳеч ким тушумаган.

Мирзо дебдиларки, мавлоно Хавофий жамеъ илмлар ва фанлар соҳасида шундай миқёсга эгаки, агар барча китоб ва рисолаларни дарёга ташласалар ва бирор илм-дан оламда асар қолмаса, у барча илмларни ҳаётга қай-тара олишга қобилдир. Бирор илмдан ва фандан нуқта ёки дақиқа нобуд бўлмагай.

Мавлоно Ҳожагий кўп илмларда, хусусан, маоний ва баёни илмларида шуҳрат тонган эди...

Бир куни каминани зиёфат ва меҳмондорчилик рас-ми билан бир хонадонга таклиф этишиди. Самарқанд шаҳрининг кўпчиллик фозил ва олий табақаси, аъёнию аҳолиси у ерда ҳозир эди. Ул ҳазрат (мавлоно Ҳожа-гий) нинг бу фақиру ҳақирга илтифоту тақрор лутфу иноятларидан самарқандлик икки толиби илмнинг кек тўла юраги оташдонида ҳасад ўти ёна бошлади. Улар-нинг сабру тоқат матоъи куйиб битди. Муаллифдан:

Аз ҳасад дар сийнаи худ оташе афрухтанд,
Ҳам маро ҳам хешро ҳам жону ҳам дил сўхтанд.

(Ҳасаддан ўз юракларида ўт ёқдилар, Менинг ва ўзла-рининг жону дилларини куйдирдилар).

Хуросоннинг жоҳилтабиат кишиларидан келадиган бўлмагур лафзу иборалар, маъносиз сафсата гапларни бу каминани хижолат қилмоқ учун айта бошладилар... Ҳазрати Ҳожагийнинг жаҳли чиқиб, уларни тартибга чақириди. Мен ўзимга оладиган бўлсам, у киши қарши-лик қилмоқ ҳаёлида эмас эди. Иш қўйполлик ва дашном-га бориб етди. Бунга ҳам у киши эътибор бермадилар. Кейин ҳазрати Ҳожагий дедилар:

— Субҳаноллоҳ, сухан аҳли ўртасида воқеъ бўлган не миқдор тафовут. Бир тараф шу даражада занифки,

бундай кишилар кам топилади. Иккинчи тараф ҳайвонларга... ҳамоҳанг. Бунга ўхашлар билан инсон тоифасидагилар орасида катта тафовут бор. Рубой:

Бир азиз одамки, арзирди жонга,
Бир мўй ундан тушса татирди конга.
Яна ул бири ҳам одам зотидан,
Кўрмаслик тенг эрур мулки жаҳонга.

Ана шу ҳол туфайли уларнинг ҳасади алангаси фойда бермай, ўчди. Ул азизнинг насиҳати насимидан улар ботинидаги чангалзорда мулойимлик гули очилмади.

Сухан ба лутфу хуши бо дуруштхўй магў!
Ки зангхўрда нагардад бо нарми сўҳон пок.

(Лутф ва яхшилик билан ёмон хулқиларга сўз қотма, Занг босган нарсани эгов билан тозалаб бўлмас).

Мен дедим:

— Эй, азизлар, сизлар не деган бўлсаларингиз ўринили. Аммо мен бу вилоятга келиб, одамларнингиздан бир-икки калима эшитдимки, агар оламдаги барча бемаъни гапларни тўплаб, тарозининг бир палласига ва ўша икки калимани иккинчи палласига қўйсалар, ҳаммасини босиб кетади. Ўша икки калима сўз тарихи шундай: бир куни жамеъи толиби илмлар билан Хожа Кафшир сайрига чиқсан эдик. Болалар хокпилла ўйини бошлидилар. Бири ўйинга аралашмай турганича деди:

— Хокпиллага қўшилмайсами?

У бўлса «иштоним йиртиқ» дейиш ўрнига...

Мажлисдагилар шу қадар қийқириб кулишники, ғулгуласи Сурайё авжига чиқди. Ўша икки кишининг масхараси чиқди. Кейин мен дедим:

— Сизлар гапни ўрнига қўёлмадинглар. Мендан эшитинглар,— деб мавлоно Бинойининг Хожа Маҳмуд Тойбодийга аталган ҳажвидан бир неча байтии уларга қараб ўқидим. Қизифи шу бўлдики, ўша икковидан бирининг исми **Маҳмуд** экан...

У иккови шундай ҳолга тушники, ер ёрилмади-ю ерга киришса...

БУ ҚАМИНАНИГ УЛУФ ХОН ҚУЧҚУНЖИХОННИНГ ВАЗИРИ ХОЖА ЮСУФ МАЛОМАТИЙ БИЛАН МУНОЗАРАСИ

Намозшом пайти Чокардиза гўристонида шавкатли имом Абумансур Мотиридий... қабри тепасидаги масжидда хастадил ва ғамгин ўтирас эдим. Ёру диёр ёдида кўз ёшим билан жигарим қонини ювар, оҳим дудининг туғини ул бузруквор қабри тепасидан чиқарар ва жонни ўртагувчи бу байтларни тақрор-тақрор айтар эдим:

Намози шоми ғарибон чу гиръя оғозам,
Ба мўяҳои ғарибона қисса пардозам.
Ба ёди ёру диёр ончунон бигиръям зор,
Ки роҳу расми сафар аз жаҳон барандозам...

(Шоми ғарибон намозида йифи бошласам, ғарибона фифон билан қисса айтсан, ёру диёр ёди билан шу қадар зор йиғлайманки, йўлу сафар йўриғини бутунлай йўқотсан).

Ногоҳ, бир киши келиб, сизни Хожа Юсуф Маломатий йўқламоқда. Унинг уйида Самарқанд фозиллари йиғилишган. Сизнинг муборак пойи қадамингизга мунтазирлар, деди.

Хожа Юсуф олампаноҳ улур хоқон Кўчкунжихоннинг соҳиб ихтиёр вазири эди, ноиблик майдонида вазирлик саманида жавлон уради.

Хонага кириб келишим билан қарасам, бир мажлис ороста қилинганки, жаннат деса бўларди. Ҳар томонда бир беҳишт ҳурларидек дилбар ўтирибди. Оқ баданли соқилар тиниқ соғ шаробни мурассаъ жомларга қўймоқда. Намгин лаблар нақлини ширин шакарханд қандига омихта қилар эдилар. Муаллифдан:

Жоми зарро соқнён аз лаъл зевар соҳтанд,
Духтари разро зи чинишиша меъжар соҳтанд.

(Соқилар лаълдан заррин жомга зеб бердилар. Ток қизи майга шишадан меъжар — ёпинчиқ ясадилар).

Гўё ой юзли мажлисоролар кўзбойлагич каби ёниб турган оташни тоза сув ичига қатор тизиб чиқмоқда эдилар. Ёки коми аччиқ ошиқларнинг жигари қонидан оқбадан ширинлабларга намуналар кўрсатмоқда эдилар. Суроҳийлар аччиқ кўз ёшига жавобан жомлар ла-

би хандадан юмилмасди. Шундайин руҳ очувчи базмда йиглаб кўзёш тўкиш жойизми. Дойраку ҳалқачалари дастидан ўзини уради; бундай жаннатга ўхшаш ишратгоҳда чангнинг ўз сийнасини тирнаб, нолаю афғон қилини иайтими? Шароб бетидаги ҳубоб жомни бир қатра ҳам қолдирмай сибқармоққа ишоратдир...

Хушандом шириңсухан надимлар, ой юзли ҳумоюн хислатли улфатлар хушчақчақ сұхбат тарқини тузар, мажлисни жаннатнинг рашки келар даражада безар әдилар.

Хожа мажлис аҳлини бадеҳа айтмоққа қўзғади. Ҳозир бўлғанларда бадеҳада ютиб чиқиш кайфияти шу даражада кучайдики, ундан ортигини тасаввур қилиб бўтмасди. Ироқ ва Хурросон фозилларининг афзали бўлган мавлоно Қатиلىй яқин келиб, қулоғимга деди: «Бу Хожа бизни бу жамоа назаридага ажаб забун ва расво қилдими? Иш шунига бориб етдик, эпди биз унга лом-мим дейлмаймиз». Мен:

— Сабр қилинг, шошилманг, жаноб хожа илм либоидан холи бўлди ва жаҳолат зулматига яширинди. Оқибатда, ундан бир иш қилиб бош чиқаргуси. Шунда хижолатга қолиши турган гап ва бизнинг ҳужумимизга сабаб топилади...

Шу асюда шеърда анча забунҳол Туний тахаллусли бир киши мендан шеър, аruz ва қофия санъати қоидалари ва истилоҳларидан сўраб қолди, жавобини ҳам эшиитди. Бадеҳа тарзида бу байт айтилди:

Эй, ки ту Туний тахаллус мекуни,
Шеърро аз мо тафаҳҳус мекуни?!

Эй, сен Туний тахаллусини олибсану, шеърни биздан суринтирасанми?)

Буни эшиитган Хожа дедилар:

Чун ту медоники марди ожиз аст,
Аз чи маъни ин тажассус мекуни.

(Ожиз кишилигини кўриб, яна нега синааб кўрмоқдасан).

Мен бенхтиёр кулиб юбордим ва дедим:

— Баракалло, каромат қилдингиз. Ўзингизни бехудага расво қилдингиз.

Хожа эътиroz юзидан сўради:

— Не иш ўтдики, бундай гапларингизга сабаб бўлса.
Мен дедим:

— Эй маҳдум, қоғияни ғалат туздингиз. Шоирлар учун бундан ўтар айб бўлмайди.

Алқисса, хожа ғоят паришон бўлиб, алжираб қолдилар ва ўз айини эътиroz либоси билан ёпмоқчи бўлдилар. Ёмон қилиқ оташини газаб шамоли билан алангалитиб, ўз обрўсини тубанлик тупроғига тўкди. Мажлисга паришонлик тоши тушиб, ҳар ким ўзини бир бурчакка ола бошлади. Базмдан ташқари ўтирган жамеъи толиби илмлар ва фозиллар каминага эътиroz қилишиб дедилар:

— Бу қадар забунлик ва сабру тоқатлилик разолат ва енгилганлик аломатидир. Юсуф мартабасининг не миқдор маломатга қолгани ва фазилат аҳли қошида эътибори қанчалик экани маълум бўлди.

Гар беҳунар ба мол кунад фахр бар ҳаким,
Куни ҳарашиб шумор агар гови анбараст.

(Агар беҳунар моли учун ҳакимга фахр қилса, гови анбар бўлса ҳам эшак қаторига қўшавер).

Мен дедим:

— Эй, мушфиқ дўстлар, меҳрибон тарафдорлар. Сиз изҳор этган гаплар айни лутфу қарамингиздири. Аммо менинг орзийим Самарқанд шаҳрила бир неча кун бўлиш эди. Менинг бундай муомалага йўлиқишим сизларнинг ўйлаганларингизча бўлиб чиқмади.

Ҳар биримиз уй-уйимизга тарқалдик. Мен ўз меҳнатхонамга келдиму ғаму ҳазинлик бурчагида қолдим...

Хотирамга Хожани фозиллар бизга ўргатмаган ва бирортаси қўл урмаган усулда бир навъи ҳажв қилиш келди. Зоҳирда, мадҳдек бўлсину, ғоят латиф ва муаммо тарзидаги бир ҳажв бўлсин... Эрта билан ёзган назмимни олиб, Хожанинг ҳузурига келдим. Бу фақирдан бурунироқ Самарқанднинг кўзга кўринган фозилларидан мавлоно Муҳаммад Параглий келибди. Кечаги можарони эшитгани учун танбеч бериш ниятида Хожанинг ҳузурига келиб: «Албатта, Восифийдан узр сўрашинг ва бундай бадномликни рўзномачанг вараги саҳифасидан ўчиришинг лозим», деб изо бериб, таъна қилаётган экан. Мен кириб келишим билан Хожа таъзим, ниҳояти эъзозу икром билан такрор-такрор узр сўрай бошлади. Фақир дедим:

— Бундай дағаллик ва нохуш қилиқ бу камина томонидан воқеъ бўлди. Шунинг узрига бир неча байт жаноблари мадҳига хотиримга келди.

Мен қофозни ёнимдан олдиму ўқий бошладим. Шу аснода бир киши Хожага түхфа тариқасида бир урмаки той етаклаб келди. Мадҳия ўқиши тугаши билан Хожа урмакини фақирга ҳавола қилиб, айни пайтда бу ажо-йиб назмингиз силасига бўлсин, деди. Мен уни олиб чиқдим-да, мадраса ҳужрасига йўл олдим. Мен кетишим билан Хожаникига Самарқанднинг фозилларидан Мавлоно Муҳсин Ширвоний келиб, уни роса маломат қилипти. Хурросон ва Мовароуннаҳр фозиллари тан берган бир одамни меҳмонга чақириб, шу даражада қўполлик ва нохуш қилиш равомиди, дебди. Хожа: Тўғри айтдингиз. Аммо сиздан бурунроқ Восифий келган эди. Узрхоҳлик йўлида бу камина мадҳида бир неча байт ёзиб қолдирди. Унинг силасига бир урмаки той бериб юбордим.

Мавлоно Муҳсин ўша мадҳияни сўрабди. Ўша ерда бўлганларнинг нақл қилишича, у қарийб беш байтини ўқиб, олтинчисига етганда яна матлаъдан бошлаб бир-бир ўқий бошлабди, кейин кулиб юборибди. Таажжуб қилиб дебди:

— Хурросон вилояти бунёдининг вайрон бўлгани шуки, шундай одамлар у ердан чиқиб кетибди. Хожа сўради: «Кулишингнинг боиси нима?» Мавлоно Муҳсин Хожанинг қулоғига яқин келиб, дебди: «Бу назм зоҳиран мадҳ бўлса ҳам, маънан ҳажвиядирки, ҳеч ким бундай қилолмаган?» деб, уни Хожага эсадалик қолдирган.

Айтишларича, Хожа ниҳоятда ошуфтаҳол бўлиб, таҳдидли сўзлар ва ваҳшатангиз ҳикоятлар гапира бошланган. Мавлоно Муҳсин: «Сизнинг ҳаяжонингиз хато устига хатодир. Бу ҳол ҳажвиинг шуҳрат топишига сабаб ва сизнинг расво бўлишингиз боиси бўлгуси. Менга қулоқ солсангиз, унга одми бир сарпо ва харжи учун бирор маблағ юборсангиз. Шу йўл билан уни шарманда қилмоқ лозим», депти. Бу гап Хожага маъқул тушиб, ҳашамли сарпо ва юз хоний тилла билан мулизимларидан бирини мадрасага, бу камина ҳузурига жўнатди. Фақир хижолат ва шармандаҳол бўлиб қолдим. Бу кори ҳолнинг дафъи, ва хушфеъл Хожадан узрхоҳлик учун жўшқин бир қасида ёзмоқ хаёлимга келди. Хожа мўҳрдорлик мансабида бўлган учун мавлоно Котибийнинг

Мирзо Байсунғур мадҳига ёзган «ангуштарин» радифли қасидасига жавоб тариқасида қасида ёздим...

Қасидани олиб бориб, ўқиб бераётганимда ҳар байтинг сўнгида бир бармоғини йиғиб санар эди. Ўқиб бўлишим билан хонага кириб уч юзу эллик хоний танга чиқариб бердилар. Бу қасида ўттиз беш байт эди. Мáълум бўлдики, ҳар байтига ўн тангадан тўлашни ўз ҳиммати зиммасига лозим деб топиб, карам қилибдилар...

ФОЗИЛЛАР САРАСИ ОЛИЖАНОБ... МАВЛОНО ХОЖИ ТАБРИЗИЙ ҲОЛАТИ ВА ВОҚЕАЛАРИ ЗИКРИ

Жаноби Шайхулислом Хожи Табризий Шоҳ Исмоилдан қўрқиб, қочиб Хурросон ۋىلоятига келган вақтда сайдийд, нақиб, олим, қози ва эътиборли аъёнлардан иборат киборларнинг бир мажлисида бўлди. Ҳазрати Хурросон шайхулисломи мавлоно Хожи таърифида қуидаги мадҳ сўзларини дедилар:

— Ўн икки йил бўлдики, мавлоно Камолиддин Хожи бу фақир дарсига қатнашадилар. Гап келган ўринда ҳаргиз хомуш ўлтиримас ва чурқ этмай ўлтириш лозим бўлган жойда сўзга ҳаргиз оғиз очмайдилар.

Фазлу камол аҳлиниг мунаvvар хотирларига махфий ва мажхуб қолмагайки, бундан ўта етук ва баланд таърифни тасаввур қилиб бўлмайди.

Ду чиз тийраи ақл аст: дам фуру бастан,
Ба вақти гуфтану гуфтан ба вақти хомуши.

(Икки нарса ақлнинг заифлигидан нишон беради: ўрни келганда жим ўтириш ва сукут ўрни келганда гап қотиш).

Мазкур мавлоно қизилбошларнинг жафо ва изоси туфайли Хурросондан қочиб Самарқандга келган пайтда Самарқанд ҳукумати Бобир подшоҳга тааллуқ топган эди. У мавлонони иззату икром билан қабул қилди ва Улугбек мирзо мадрасасига мударрис қилиб тайинлади. Самарқанд Кўчкунжихон қўлига ўтгандан кейин муҳофиллар тўдасидан баъзилар хонининг садри Ҳофиз Тўтийга мавлоно Хожи Бобир подшоҳ замонида қизилбошлар кулоҳини кияр эдилар, деб етказди. Ҳофизда

мавлавийнинг шиа мазҳабида эканлигига гумон пайдо бўлиб, у кишини туттириб, бир хонада ҳибсда сақладилар. Дўстлари ва талабалари жамъ бўлишиб, Ҳофиз Тўтий дарвозасига ҳужум қилдилар ва издиҳом уюштирилар. У кишини халос қилмоққа қанча уринмасинлар, фойда бермади. Жаҳл ва эътиroz янада кучайди.

Фақир журъат қилиб у кишининг ҳузурига арзга кирдим:

— Эй, маҳдум. Масалан, агар бир киши кулоҳига кўнгироқ ёки тулкининг думини тақиб олиб кийиб юрса, бу унинг ҳаёти тўхташига сабаб бўлди, дейлик. Агар, у ўз жонини сақлаш учун шу кўйга тушган бўлса-чи? У инсоф аҳли олдидагазаб ва сиёсатга мустаҳиқми ёки инояту риоятга сазоворми?

Жаноби садр бу сўзларни эшлишиб, чеҳраси очилди, хандон отиб кулди-да жаноби мавлоно Ҳожини хонадан олиб чиқиши буюрди. Таъзиму мулозаматда бўлиб, иззату икром либосини кийдирди.

Бошқа бир бало ва баттарроқ муснбат шу бўлдикни, Мирзо Ҳоразмий камоли беҳаёлик ва бешармлик кўрсатди. У узлуксиз мулозамат ва борди-келди қиласвериб, шайбоний ўзбаклари табақаси эътиборини қозонди. У жамоа уни мулло, донишманд деб эътиқод қиласиган бўлди... Замон имоми, халифатурраҳмон Муҳаммад Шайбонийхон, худо унинг гуноҳларини афв этсан, уни Улугбекмирзо мадрасасидаги суфада, илм аҳли учун унда дарс бериши шартдир, мулдарис этиб тайинланганди.

Мир Ҳоразмий билан ўша замон фозилларидан биги орасида низо пайдо бўлди. Ўша азиз Муҳаммад Шайбонийхон учун бир қитъа ёзган эди. Унинг охиригина байти будир:

Худ соз паст мартабаи, у ки нест касе,
К-орад фуру хари, ки ту бар бом бурдае.

(Уни настроқ мартабага қўйгини, инсон бўлмагач, чуники эшак билан томга чиққанини пастга олиб тушади).

Бу маъно моҳиятини бузиш ва байти ажратиб олинганидан ҳосил бўлган эди. Жаноб маҳдум мавлоно Ҳожи билан жанжалгача бориб етдилар. Ҳазрати мавлоно дарс беришини ихтиёр қилган вақтда, у эртароқ келиб, суфани әгаллаб, чунон ҳақорат қиласики, у киши дарс бақтида қаттиқ ҳаяжондан жон бердилар. Кейин оҳ тортиб, барҳо шундай дейдиган бўлишди:

Гар туро беҳшит бошад жо,
Дигарон дўзах ихтиёр кунанд.

(Сенинг жойинг агар беҳиштла бўлса, Ўзгалар дўзахни ихтиёр қилур).

Хуллас, мавлоно Хожи бу каминани бошқа толиби илмлар билан бирга ўша жаноб ҳузурига юбордилар ва шундай дейишни буюрдилар: «Жаноб куннинг қайси соатларини ихтиёр қилсалар дарсларини белгиласинлар. Мен дарсхонанинг қачон бўш бўлишига қараб ишимга борайин, токи у кишининг вақтларига тўғри келмасин». Биз Мирзо Хоразмийга мавлононинг бу сўзларини етказдик. У жанжал кўтариб деди: «Хожи Табризий девона бўлганми ўзи? Шартга мувофиқ бу суфада аълами уламо — донишмандлардан донишмандроқ киши дарс ўқимоги лозим. Мен шу сифат соҳиби эканман, дарс ўқиш менинг ҳаққимдир. Унга айтинглар, ўз ҳаддини билсин ва бундай бемаъни гапларни қўйисин». Мен бу сўзларни маҳдумга етказдим. У киши хандон отиб кулдилар, кейин бир оз мулойим тортиб, йиғладилар: «Қарангки, илму уламо иши не ерга бориб етди. Шунача одам шундай жойда мударрис бўлса ва бу каби сўзларни деса. Сен нима деяпсан, сенга гапни ким қўйипти, дейдиган одам топилмаса». Самарқанд улуғлари бу мажарони эшитгач, раҳму шафқат қилиб Хожи Табризийни ҳазрати Хожа Аҳрор мадрасасига мударрис этиб таҳиғладилар...

**САМАРҚАНД СОВУГИ ВА ҚИШИ ШИДДАТИ,
ҚАҲАТЧИЛИК ВА ОЧАРЧИЛИК ТУҒАЙЛИ ҲЕЧ БИРИ БИРОР
ЖОЙДА ИШЛАМАГАН ВА ОШНАСИ БУЛМАГАН ЖАМЕ'ИИ
ХУРОСОНЛИК ТОЛИБИ ИЛМЛАРГА БУ ФАҚИРНИНГ
ЕРДАМИ ЛОЗИМ БЎЛГАНИ ТҮГРИСИДА**

Ҳижрий 918 (1512) йили Самарқанд шаҳрида шундай қаттиқ қиши бўлдики, тўртинчи фалакнинг тўрт болиш (безалган таҳт)ли шоҳи ўзининг Қавс хонасига қириб олиб, курран заминни замҳарир ўқлари нишонига айлантирди. Камон (ноябрь—декабрь ойларига тўғри келадиган ой) чилласидан туриб у ерда яшовчиларни ўқка тута бошлади...

Ҳазрати бемонанднинг тақдир фарроши дашту биёбон ҳавоси фазосига булат соябонини ташлади ва фалакнинг ложувард хонасини булатнинг намад пардаси остига батамом беркитди... Булат санжобига ўраниб олган офтоб қалтиарди. Осмон қуёш мажмар (манқал)-ини этаги остига беркитгани билан совуқ шиддатидан афт-ангори кўкариб кетган эди... Шу йили Самарқандда вазминчилик ва қаҳатчилик шу даражага етдики, ҳалқ фалак дастурхонидаги ою қуёш патиридан ўзга юмaloқ нон кўрмасди. Фақиру оч-яланғочлар туилари Парвин хирмонидан бошоқ терниш хаёлида эди.

Гуруснашикам бар намад дўхт чашм,
Ки, ҳамсояи гўшт бўдаст пашм.

(Қорни оч намадга кўз тикишдан ўзга иложи йўқ, Чунки, юнг гўштга ҳамсоя бўлган-ку.)

Яна бир ажойиб воқеалардан бири шу бўлдики, кечқурун бир дўстимникига меҳмонга бориб, бир ўғрининг мадраса хонаси қулфини бузиб, нима қўлига илинса олиб кетганини эшитдим. Ўнга яқин хуросонлик толиби илм ниҳояти паринишонҳоллик ва муҳтоҷликдан бу факирнинг олдига келиб, ўз аҳволларини шундай изҳор қилдилар:

— Агар бирор илож қилмасангиз, ҳаммамиз совуқ ва очлиқдан ўламиз.

— Эй дўстларим, ғам еманг... Ҳазрати шайх Шафиқ Балхийдан нақл қилиб айтгардики, агар замин биринж бўлсаю, осмон темирга айланса, на заминдан, на осмондан бирор нарса келади...

Фўлод Султон хонадонидан бир ёш йигит ҳақида эшитгандим. Фаҳму фаросатли, карамли бўлганидан уни Амирко Шоҳий дер эканлар. Унга бир мактуб ёзиб, талаба ҳолини баён қилдим. Бу хат мазмуни билан танишгач, у зиммамдаги фақир толиби илмлар томон шошилибди. Уларни уйида меҳмон қилиб, бу камина учун бир мўйна пўстин ва муносиб сарупо, ҳар бир талабага биттадан барра пўстин ва кўйлак-иштон карам қилибди. Мактуб унга қўйидаги мазмунда ёзилган эди: «Эй, олий мартабали инсонпарвар! Офтобдек мунаввар замирингизга арзимиз шудир: қиши ойи совуғининг шиддати ва қаттиқчилиги, совуғию буюғи шу даражага етдики, Шарқ ҳукмдори бўлган тўртинчи фалак авжининг қуёши ҳар шом ўзини самандар янглиғ шафақ оташига

ташлайди. Шом мамлакатлари шоҳи нурафшон ой бўлса, ёсмон кулдонида ва юлдузлар қўрида макон тутди. Ҳавонинг ёқимсизлиги булатнинг парли тўни өғушиданги қиши шиддатининг дам-бадам совуқ нафас олишидан дир. Оташ унсури шунданки, унинг елкасидаги дуддән бўлган қундуз пўстини ҳаво изғиринидан ҳамиша ларзага келади... Олам безаги бўлмиш раъйнгизга маҳфий қолмасинки бундай фаслда юрак оташи ва сийна оташи совуқни бошимиздан дафъ этолмас экан, фақирлар ҳали яланғочлик туфайли ҳаёт хилъатидан ажрашгача боради. Лутфу банданавозлик шеваси ҳазрати саттор жомаҳонасидан сиз зоти бузруквор эгнига ёпилган бир жомадир. Ишончли умиду содиқ тилак шуки, бу бе-саруло фақирларнинг ҳар бири ул ҳазрат карами жомаҳонаси пўстини билан ёпилур. Ҳамиша баракали зотингиз ҳаёт хилъати либосида бўлсин...»

Толиби илмлар иши ва аҳволи шу даражага етдики, улардан иккитаси очлик бетоқатлигидан чидаёлмай, ўз пўстинларини сотиб еbdилар ва совуқ шиддатидан жонларини жон ато қилганга топширибдилар. Яқин дўстларимдан бири мавлоно Абдулали Балхий бир кечқурун камина ҳужрасига келиб, деди:

— Бу толиби илмларнинг ҳаммаси ҳалок бўлади. Улар борасида не фикр қилмоқчисиз?

— Мен ҳам чорасини тонолмай ҳайронман.

— Қаҳатчилик йили таърифида Абусаид Султон мадҳини қилиб қасида ёзмоқ, бадий маънилар дурларини тизмоқ лозим. Ундан инъом олиб, бу фақирлар умри кемасини қонхўр қаҳатчиликнинг лишқирган дарёсидан соҳилга олиб чиқамиз.

— Абусаид Султон туркдир, форсийни асло тушумайди, биз туркийни билмаганимиздек.

— Менинг бир ошнам бор. У имом ва султоннинг қоиби. У бизни ва бу қасидани унга таъриф қиласди. Шунинг ўзи етади.

Алқисса, ўша замон қасида ёзмоққа киришдик, ўша кечаси ёзиб тамомладик.

Тонг билан уни кўчириб Конигилга жўнадик ва у қасидани эгасига топширдик. Олий мартабали ул подшоҳ ўша шарафли имом ёрдами туфайли қасида инъоми учун ўн бош семиз қўй, йигирма ман ун, юз хоний маблағ ва ўтин учун тўрт дараҳт беришни буюрди. Уларни олиб мадрасага келдик. Ўша қишини бу фақир

толиби илмлар ва бошқа бир нечта фақирлар билан фароғатда ўтказдик...

ФАЗИЛАТ АҲЛИНИНГ БУ ҚАМИНАНИ ИНШО САНЬАТИ ВА МУАММО ЕЧИШДА ИМТИҲОН ҚИЛГАНИ

Самарқанд фозилларидаи бир гуруҳи хожа Амирко Шоҳий уйида меҳмон эдилар. Гац иншо ва муаммога келиб тӯхтади ўша мажлиса. Улардан бири деди: «Агар иншо ва муаммо счмоқ санъатида Восифий нақл қилганларингиз даражасида бўлса, бу икки нарса даъвосининг бисотини йиғиштирайлик. Бошқа бу икки масалага қайтмайлик. Инсоф юзасидан айтганда унинг назири йўқ». Баъзиси, ўжарлик қилиб деди: «Қаердан у муаммо билади — еча олсаю ёд билмаса, ёки муншотини билади — бошқанини айтиб берсаю йўқки, ўзномидан тартиб берса».

Хожа Амирко дедилар: «Биз муаммони тушунмаймиз. Аммо, Мухаммад Ҳусайн қассоб учун у кишидан бир иншо ёзиб беришини илтимос қилдик. У кишига юборилган кишининг айтишича, хабар етиши билан дарҳол қалам олиб, ўша иншони ўйлаб ҳам ўтирмасдан саҳифага тушира бошлапти». Мажлисдагилардан бири деди: «Бу шубҳани кетказиш ва бу даъвони исботлаш осон. Уни бу мажлисга чорлаймиз. Жамъ бўлганлар ҳар биримиз биттадан мактуб илтимос қиласмиз. Бадеҳа тарзида бу мажлиса иншо қиласди. Ҳар биримиз учига биттадан муаммо айтамиз. Яхши бўларди эшитилмаганларидан бўлса». Шу йўсун келишиб, бир кишини каминанинг ҳузурига жўнатдилар. Уша мажлисга кириб келишим билан, биттаси деди: «Махдум, сиз бу шаҳарга ташриф буюрганингиздан буён мақтовга сазовэр жиҳатларингиз ва фазилатларингиз зикри хосу авом оғзидан тушмай қолди. Халқ жаноблари таърифу тавсифида сўз бошлаб, ҳар мушкул муаммони ўқисалар айтилмаган номни ечишингиз, ҳар мазмунники айтсалар, муддаодагидек қилиб ғоят фасоҳат ва балофат билан бадеҳа тарзида иншо қила олишнингизни айтишди. Баъзилар бунга бовар қилишмади, булар хаёлий гаплар, деб. Нима бўларди, агар шу кеч бу мажлиса пардалиқ махфий кўнгил очиш кечаси юзидан пардани ол-

сангизу, мақсад чеҳрасини толибларга намоёни қилсангиз?!» Мен, ихтиёрингиз, деб жавоб бердим. Мавлоно Саид Қарокўлий деди: «Мен ўта қаллошлик ва қашшоқлик даражасидаман. Қарзини сўровчилардан қочиб, ватанимдан кетишга мажбур бўлдим. Хожа Ҳабиб девонга номимдан арзи ҳол ёзиб берсангиз». Қалам олиб, бадеҳа тарзида унга бу мактуб ёзилди:

«Эй назди худову ҳалқ маҳбубу Ҳабиб,
Бошад ғураборо зи наволи ту насиб.
Ин банда гариб аст, агар бинвози --
Уро ба камоли лутфи худ нест гариб.

(Эй, худо ва ҳалқ наздида суюмли Ҳабиб, гарибларга эҳсонингдан насиб эт. Бу банда мұсоғирдир, унга яхшилик қилсанг шу лутфи камоли олдида ҳечқиси бўлмасди).

Қуллик изҳоридан сўнг арзимиз шулки, худо донондири, бу гариб бенавода оқ ва қора (кумуш ва қора чақага келган) да кўзининг оқу қорасидан бошқа бойлиги йўқ. Унда одамлар назарида кўз ёши монанд обрўйини тўпроққа тўкишдан бошқа ҳунари бўлмай қолди. Ўзватанимда қаерга бормайин қарзини сўровчилар соядек «оёғимга бош қўядилар», қаерга ўлтирамай «қора баҳтдек» тепамда туради. Зарурат ҳукми... билан ўзимни ғурбат (ғариблик) азобига ташладим. Барча қарам арбоби жамъ бўлган бу вилоятга етиб келишим билан сиз жанобнинг қарами ва хушхулқу ахлоки васфларини одамлардан эшитдим. Умидим: одамлар эътиқодига яраша амал қилиниб, бу фақирнинг ғариб ҳолига марҳамат кўзи билан боқсалар».

Мавлоно Мұҳаммад Куфиний обгинагар (шишасоз) деди: «Менда ишхонамда синиш, қўлдан тушиб кетишлилар кўп бўляпти. Бир неча шишани Фўлодсултонга тухфа тариқасида пешкаш қилмоқ ниятида эдим. Шу маънода бир ариза қофози лозим эди».

Унинг учун ариза ёзилди: «Олампаноҳ! Мұҳаммад Обгинагар арзи шулки, ходимларингиз арзига етсинким, даврон султонлари ва олий наасаб ҳоқонлари бу бандай каминани ҳамиша май жоми инъомидан ва ўзларининг инояту икроми қарроба (шиша идиши) сидан сархуш баҳраманд этиб, бу шикаста фақир ҳолига иноят назари билан қараб келганлар. Эндиликда, анча муддатдан, бери кўк тусдаги фалак бедодлик тошини бу шикастанинг умид обгинахонасига қараб отгани-отган; бу хас-

тадилнинг саҳро кезувчи муроди оёғини балою уқубат шиша синиқларида афгор қилмоқда. Натижада, бу фарқирнинг турли буюмлари синиб, йитиб кетмоқда.

Гаҳам дил бишканад, гоҳ соғари ишрат зи даст афтад,
Мабодо дардмандиро шикасти бар шикаст афтад.

(Гоҳ кўнглим синади, гоҳида қўлимдан ишрат жоми тушиб кетади, Дардманлар ҳадеб шундай синаверар эканда).

Энди «Туҳфатулҳақири фақирун» («бечора ҳол одамнинг туҳфаси арзимаган бўлади») ҳукмига биноан бир неча шишани ҳадя тариқасида подшоҳлик даргоҳига келтирдим. Қазо шишасози қўёшнинг заррин жоми ва фалак шиша идишларини бу даргоҳ базми зебу зийнати учун ясаб, тақдирнинг боқий соқийси унинг ишрати сағари учун деб шафақнинг гулгун бодасини уфқ пардаси этагига сузиш учун келтиргай. Умид шулки, бу номуроднинг муроди шишалари подшоҳнинг чексиз инояти шароби нобидан лим-лим тўлгуси. Мартабангиз жоми душманларини худо дил суроҳи каби қонга тўлдирив, шишадек мудом ғам ажинларига ва пешонасини андуҳга ёр қилсин».

Мавлоно Маҳмуд Убаҳий деди: «неча муддат бўлдики, Бухородан хожа Офоқ девон мулозаматига келибман. Мазкур Хожа Еряйлоққа кетганлар: У кишига фақиридан бир мактуб лозим. Бу фақир яна илми сиёқ (ҳисоб, арифметика) дан воқифман. Шунга кўра мактуб ҳам илми сиёқ истилоҳлари ва муҳаббату иштиёқ изҳорини ўз ичига олган бўлиши лозим...»

Мавлоно Фиёсиддин Турбатий илтимос қилдиларки, бу фақирнинг устод Камол отлиғ дўстим бор. У ҷархгарлик санъатида соҳиби камолдир. Устод Ҳусайн мисгар уни кўп ранжитади. Бу каминадан шу бобда Хожа Мирамга ҳат даркор. Ҳат ушбудир: «Эй, маҳдуми бандоновоз... азиз тутиб маълум қилмоқчимизки, жаноби устод Камолнинг ҷархкорлик санъатидаги камоли шу қадарлики, азал корхонасининг устоди фалакнинг нуқрақуб тосини ҷархкори қилиб, заррин офтоб офтобасини ва ойнинг нуқра лаганини фалак кулдонида кусуф (қўёш тутулиши) ва хусуф (ой тутилиши) занги ва қоралигидан тозалаб, заррин гардун гирдиҳонини шафақ оташида пардоzlаб, субҳи содиқ оқлигида қалайилама-

Гунга қадарли бунинг каби бир ҳунар эгаси ҳунармандлик курсисида ўтиргагандир. Бу мақолнинг келтирилишидан мақсад шулки, устод Ҳусайн мисгарки, ҳануз вужуди миси риёзат тўқмоғи остида бир шаклга келмаган ва истеъоди соғари ҳунармандлар корхонасида пардоз кўрмай туриб, хизмат офтобасидан сиз устод қўлига сув қуя олмаедан у билан баҳслашув ва рақобат йўлига кирди. Ҳар лаҳза ўзининг нотамом ишларини табақ устига чиқармоқда ва ўзининг ҳамда ҳунармандлар бозорининг равнақини йўққа чиқармоқда. Карам қилиб, уни ўз ишининг охирги ўрнига қўйсангиз ра унинг чатнаган қозонига сув сениб қўйишда ҳокимдирсиз».

Хожа Мирак михчагар номи билан машҳур бўлган Мавлоно Руҳулло Машҳалий Самарқанд ёшлиарига бош эди. У менга яқин кини эди. Бир мактуб ёзиб беришимни илтимос қилди...

Мавлоно Муҳаммад Хоразмий деди: «Руҳий танбурчига бир мактуб ёзиб йўлласангиз, бу мажлисга келиб, мажлис аҳлининг кўнглини оларди». Бу мактуб унинг учун ёзилди:

«Ёрон ки ба базми ишқ дамсози туанд,
Фарёд кунон зи шиваву нози туанд!
Бархезу биё жониби ёрон, ки ҳама —
Дила ба роҳу гўш ба овози туанд.

(Ишқ базмида дамсоз бўлган ёронлар, нозинг фарёдидида ишвангдан гирёнлар, Бу ён келгил, тез ўрнингдан тур, йўлингда кўз тикиб — бир тан-бир жонлар).

Руҳ очувчи раъйинг қаршисида арз қилурмизки, жамеъи дўстлар бенаво ушишоқ каби ғам кунжидан чанг монанд андуҳ тиззасига бош қўйиб, ноумидлик нохуни билан сийналарини тирнамоқдалар. Иштиёқ қондаси бўйича най каби фироқ билан жанг қилмоқдалар. Агар улар турган жойга сайд қилгудек бўлсангиз, якжиҳатлар доираси дойра монанд сиз ёри дилнавознинг қулови ҳалқали қули бўлурлар; руҳафзо савт билан ёронлар дили ойнасидан ғам нақшини аритсангиз, ҳокимимизсиз. Умидимиз шу сўзларга амал қилиб, келишда баҳонажўй бўлмагайсиз».

Мавлоно Сафоий дедиларки, Хожа Абдулҳамид баззознинг ажиб латиф анори бўлади. Бирор мактуб йўл-

ланса ўшá мевалардан юборган бўларди. Мактуб ёзиш пайсалга солинмади: «Ул латофат ва зеболик навниҳо-ли иштиёқининг ғами, сабоҳат ва лоларухсор раънолик дараҳтигининг бир меваси фироқининг азобидирки, май-гун оразининг орзуси ўт шуъласини бу ҳазин муштоқ bemорлар дилига ташлади; бир гулъузордирки мавзун гулнор рухсор гулгунасини кўриш орзуси фироқ биста-рида куйганлар жигарини қон қилди; ажаб дилором-дирки, гуландом гўзаллар ҳуснидан ҳиссаси бор. Унинг рухсори бира тўла гулдек тўлиб очилибди, зотан у ҳам бесаранжом, қон ютувчилар ишқидан баҳрамандлар. Ҳар ҳолда, унинг хаста дилида минглаб қатра хуноба яширин. Турфа ҳолдирки, у беҳишт боғида яхшилар гу-руҳи насибасидир... Афгор қалбларнинг севгани ва умид-вор хотирнинг ёқтиргани... таъсири кучайди ва аллан-галанди. Кутлуғ висол зилолидан бўлак нарса уни ўчи-ролмайди ва фойда бермайди. Иноят қилиб, агар юқо-рида мақталган нарсадан ул ҳазратнинг иззат пардаси-да ва яширин бўлса бу фироқ дашти лабташналарига юборсалар, гоят лутфу эҳсон кўрсатган бўлардилар. Зоти иқболингиз ниҳоли ҳамиша ҳаёт мевасидан серба-рака бўлсин...»

Мавлоно Саъдулла Соғаржий дедики, бир дўстим бор, Тошкентда котибдир. Унга мактуб ёзишим лозим эди. Бу мактуб унинг учун ёзилди:

«Эй, саводи қаламат айни саодатро нур.
Күҳли хатти ту бувад равшани дидан ҳур.

(Эй, қаламинг қораси саодат нури бўлган, хатинг сур-маси ҳурлар кўзига равшанлик беради).

Фазилатларга бой жанобнинг зебо ёзадиган қалами хушбўйликлари ажойиботи ва мушкин ҳидли хома са-ҳифаларининг порлашидирки, унинг мушкин райҳоний хати ёқутлаб дилбарлар лаби руқъасидек Ёқут хатини йўққа чиқарди. Шу нарса ҳақ бўлиб чиқдикни, Ибн Муқ-ла ўзининг сулс, насх, таълиқини ёзмаган. Яъни, эй маҳдум, эй шайх Муҳаммад, энг басир кўзлар нурини кўпайтирувчи, замонларнинг кеча ва кундузи дафтари саҳифаларига зеб берувчи бўлгин. Сўнгра тилагимиз шуки, мисоли синган қалам, дилининг дуди бошигача чиққан бу бечораҳолни котиб қалами учидан түшиб қол-

ган ҳарф монанд, эътибор даражасидан соқит қилмагайсиз...»

Мавлоно Дўстий Сарахсий деди: «Мавлоно Афсарийга бир шикоятомуз мактуб ёзмоқ лозим. У Убайдуллахоннинг ноиби ва шоиридир. Илгари у, менга давлат муюссар бўлса, дўсту ёрларимни унутмайман; улар ҳолидан хабар олиб, парвариш қилиб турман, деган эди. Убайдуллахон ҳузуридан жой ва мансаб тегини билан ўз ваъдаларини унутди-қўйди...»

Хожа Шоҳмуҳаммад ҳусни жамоли камолга етган бир хожазода бўлиб, оламни ёритувчи офтоб гўё унинг нурағиши оразидан иур истиора қиласарди. Гулу райҳонлар унинг рухсоридан рашик қилганиларидан юзларига шабнам терини чиқарарадилар. У дедики, мен бир боғ тарҳини тузган эдим. Мева дарахти ва гул ниҳолларига эҳтиёж туғилди. Фаррохинда Абдулазиз деган фаҳму фаросатли, иншодан ҳам хабари бўлган бир шайхзода бор. Шунга бир мактуб ёзib берсангиз. Ниҳолларидан юборса. Бу мактуб унинг учун ёзилди: «Давлату иқбол ниҳоли, иззату буюклик гулбуни, олижаноб, энг улкан сулоланинг олинасаби, шайхлар ичра ҳурмат эгаси..., азиз ҳукмдорлар муруватига хос бўлган шайх Абдулазиз.. иззату саодат чаманида, буюклик ва каромат гулшанида фазилатлар зилоли ва яратганинг инояти булутининг томчилари билан доимо тоза ва ҳуррам, душманларининг баҳт боғи толеъсизлик хасу тиканлари билган ҳамиша пажмурда ва хароб бўлгай.

Мунаввар раъйнингизга буларни етказишдан муддао шуки, бу дуогўй мухлисингиз бир боғ тарҳини тузган эди. Бир қанча вақтдан бери унинг таъмирий ишларига машғуллар. Айни пайтда, бальзи дўстхотирлар ишопрати ва далолати билан унинг тарбиясига киришдим. Эшитишмча, ул томонларда мевадор ва бошқа ниҳоллар кўплаб ундирилармиш. Гўзал хулқ эгасидан орзу этилган ва кутилганлар бир-бир зикр этилур. Қанчани муюссар топсангиз ниёз хатини элтувчидан юборарсиз. Бири сийминтан гўзалларнинг дилни овловчи қомати мисол ниҳолдирки, чаман атрофида қад кўтариб, ариқ бўйида ўз аксига қараб ўзоқ зеб берганидан боғбонни қийнамоқ учун юз минглаб шохларини сувга ташлайди (сарв)... Яна бир ниҳол чодирга ўхшаб шоху барглари бир-бирига туташиб, боғ гўзали юзига ой юзлилар анбарин холининг рашигини қўзратувчи соясини ташлайди.

Гоҳида гўё соя ва нурдан ул дарахт пойига мушку кофур элайдилар. Ёки такядорлар сингари паланг тери-ларини ўша дарахт пойига тушайдилар (Ножу). Яна бир ниҳолки, дилга яқин дўстлардек шохлари бир-бiri-ни қуchoқлаб, гул юз гўзаллар каби баҳор фаслида бошига гул тақиб, жилва қила бошлайдилар. Фунчалари гўё яшил шишалардирки, баҳор соқийси унга гулгун бода қуйган; ёки гул шохига илиниб қолган зангхўрда, қонли булбул дилларидир... (Атиргул).

Бошқа бир мева ниҳолики, дили афгор ошиқлар гульъузор гўзалларнинг оғзи фунчасидан умидворлик қилиб, лабташна жигари куйганилар уни хаёл ва тасаввур қилиб, оғизларига сув келтирадилар. (Шафттолу)...

Яна бир ниҳолки, меваси дилбарлар ёноғидек, сиймбарлар бағбақасидан хабар берур ва руҳбахш рангу бўйи билан оёқдан қолган беморлар дилини шодликка чулғаб, қувват баҳш этади... (Олма). Яна бир ниҳолки, ўз мева баргу кўклиги билан Халил оташини ёдга солади. Ёниб турган оловдан хабар беради. Гўё тақдир хазиначиси боғнинг ёш қизлари бўйнидаги қизил ёқутларни хитой ҳариринга ўраб, ақиқ дуржда сақлаган, ёки даврон... лаъл пораларини имтиҳон учун ёниб турган олов курасига ташлаган... (анор). Яна бир бошқа ниҳол, меваси беҳишт боғи меваларидан афзал бўлиб, ранги ошиқлар ранги ангоридир. Нардага ўралиб олган зоҳиддирки, риёзат чекавериб ранги синган, ёки гариблик губори чеҳрасига қўнган бемор деб ўйлагин... (бехи). Яна бир дарахт, меваси замон қанинди (ҳалвогар) наввот селобасини Ҳалаб шишиасига солиб қўйгандек, ёки оби-ҳаёт митҳара (сув идиши) сидирки, баҳор Хизри йўқлик зулуммотидан келтирган. Йўқ-йўқ, яратувчининг устод қанинди баҳор болаларини хурсанд қилмоқ ниятида қанд каллаларини бир хилда майдалаб, ҳарирга ўраган ва атторлардек дарахт шохларига илиб қўйган... (нок). Яна бир дарахтки, меваси сийнасининг чоки даврон хасталигидан, рангу равиши ҳазин дили шикастлигига равшан далилдир. Атамаси номининг биринчи қисмидан зоҳирдир... (зардолу)».

Шундан сўнг мавлоно Зиё Муаммоий бир неча муаммоши номини ёзмасдан бир вараққа кўчириб қўлимга тутди. Дарҳол бир қалам олиб, ҳар байтнинг тепасига номини ёзиб чиқдим...

Бу хатлар ёзиб бўлиниб, муаммолар топилгач, мажлис аҳли инсоф билан таҳсину оғаринга оғиз очди. Дедиларки, бунингдек ишни ҳеч бир кўрмаганимиз, эшигмаганимиз.

Мавлоно Фатхулла Астрободий дедиларки: «Биз бу кишидан бошқа бир ажойиб нарсани эшиганимиз. Муҳаммад Шайбонийхон замонида Ҳирот шаҳрида Шайбонийлар хонадонининг амирулумароси ва маликушшуароси амир Муҳаммад Солиҳ ҳавлисида ҳурматли шоирлар ва азиз фозиллар ҳозир бўлган. Мазкур амир мавлоно Бинойга деганлар: «Биз катта авлод олимларидан арзирлисини билмаймиз. Уларни таърифу тавсиф қиласангиз, билиб улар ҳурматини жойинга қўйиб, бордикелди қилиб турсак, муносиб бўларди». Мавлоно Биноий бу каминага ишорат қилиб, бу киши мавлоно Восифий бўладилар. «Ҳамсан муҳаййира» шу кишиникидирки, унинг таърифи сизга ҳам етмаган. Котибийнинг «Шутр ҳужра» («Туя ҳужра») қасидасига жавоб ёзганлар. Ёзганда ҳам ҳар байтида тўрт унсурни қўшиб ёзганлар. Бир ғазаллари тўрт баҳрда. Бир луғз (топишмоқ) лари бор, ҳам луғз ҳам муаммо. Абдулвосеъ Жабалийнинг «Чор дар чор» қасидасигаки, уни ҳазрати... маҳдум Нуридин Абдураҳмон Жомий... «Баҳористон»да шундай таъриф қиласандар: «Бу қасида вужудга келгандан бери бирор киши унга ўхшатиб жавоб ёзиш уддасидан чиҳа олмади», шундай жавоб ёздиларки, иштиқоқ санъати йўлидадир. Ундан бир ғазал чиқариш мумкин. Шу ғазалдан мазкур санъат йўли билан рубоний ва бир матлаъчиқариладики, унинг ҳар бир мисраси муаммодир. Ғазалнинг мисралари Абулғози Султонмуҳаммад номини ўз ичига олган муашшаҳ йўлида тизилган.

Жаноби Мир бу ҳикоятни айтиб беришлари билан жуда ҳам миннатдорчилик билдирилар... Кейин мавлоно Бинойга ишорат қилиб, субҳонолло бу шаҳарда у кишига ўхшаш одамлар бор эди.

Биз улардан ғофилмиз. Кейин бир отни эгар жабдуги билан бу каминага инъом қиласандар». Мавлоно Фатхулла бу ҳикоятни тугатиши билан мажлис аҳли шавқу завқ изҳор қиласди... Ҳожа Мирако Шоҳий авраси хитой атласидан бўлган қундуз пўстинни ва юз танга хоний пулни менга инъом қиласандар.

САМАРҚАНД ШАҲРИДА ЗӨХИР БҮЛГАН ВОҚЕАЛАР ЗИКРИДА. У ҲАМ БУЛСА, НАЖМИ СОНИЙНИНГ КЕЛИШИ ЭДИ

Санаи ҳижрий 918 (1512) йил рабиулохир ойи бошлари (июнь ойи ўрталари) эди. Амир Нажми соний саксон минг бебош қизилбошлар билан Амударёдан ўтиб, тезюар араби отларда, тожу давожларда, гўё ўт шамоли келиб қамишзорга тушгандек эди. Қежим, зиреҳ ва жавшанлар кўплигидан, темир тоғи каби эди... Ёки Убайдуллаҳон улуғворлиги ва ҳашамати тантанасининг зўридан темир тоғи эриб кетиб, дарёдек сув бўлчб оқардики, унда юз минг коннотни ютиб юборадиган наҳанг жилвагар эди. Самарқандга хабар келдики, Нажми соний Самарқандни эгаллаб, шаҳарни текислайман, полиз экаман. Унинг қовунидан туҳфа қилиб Шоҳ Исмоилга юбораман. Қейин Ҳитойга томон юриш қиласман, деганиши. Бу хабарни эшишган Самарқанд аҳлининг қўллари полизга тушган касалликдек шалвираб тушди, бошларини эса қовунга ўхшаб ноумидлик саҳросига ташлангандек кўрдилар. Олижаноб олимлар пешвоси мавлоно Хожи Табризий барча талабаларни тўплаб... иттифоқ бўлиб Ҳиндистон сари кетмоқ керак ҳаёт ва тириклик сувини ўша зулумотдан сўрамоқ лозим, деди. У киши ўша талабаларни тўплаган кечаси бу факирнинг рўёси оиласида ғойибдан хабар берувчилар ва муайян мубашширлар шундай намоён этдиларки, осмон юлдузлари қўйининг елинлари мисол сут еглира бошлади. Кўча ва бозорлардан сут ариқ бўлиб оқа бошлади. Эрта билан туриб, ул ҳазрат ҳузурига келиб, воқеани айтиб бердим; багоят хушҳол бўлдилар ва дедилар: «Сут Мұҳаммад динининг нуридир, унинг иллати шариатининг сафосидирки самовот оламидан нойил бўлгандир. Бу фарҳабаш воқеа хабари бўлиб, порлоқ далил ва қиъий ҳужжатдирки, бу тоифа давлатининг ярамас дарахти... хорлик тупроғига йиқилгуси. Пайғамбар тубомисол дини ниҳоли... дунёning Фирдавс боғида тарова ва гўзаллик топгуси». Шундан сўнг дедиларки, фалон киши рўёсида кўрган воқеани бир неча бор тажриба қилиб кўрдим, ҳаргиз хатога йўл қўймадим. Қандай таъбир топган бўлсам, ўшандай чиқди. У киши ўзларининг жамеъи дўсту ёрлари билан Ҳиндистон сафаридан воз кечдилар. Оёқларини саломатлик этаги билан ўрадилар. Учинчи куни

эрта тонг пайти эдики азон нидосининг садоси, хўрозлар найи дод солиб тонгнинг оппоқ мўҳрасига дам уаралди. Бузрук оҳангини Ироқ срида туриб тузган, оламнинг улкан дойирасини Арабу Ажам устида ростлаб, бенаво ошиқлар дилидек танг қилган у ҳайдарий палидларнинг, подшо аскарларининг ўқ ёмғири кўнгилни хуш қилувчи найризи билан Нажми соний сипоҳини пешрави устидан ғалабасининг карнаю сурнайи эштилди... Уша ғалаба кайфияти шуки, қизилбои аскарлари Насаф шаҳрини, яъни Қаршини қамал қилганида Убайдуллахон ва Жонибек султон Кармина атрофларида, Кўчкунжихон ва Темурхон қолган бошқа султонлар билан Миёнколда әдилар. Уларнинг барчаси... чекинишга қарор берганда олижаноб... султонлар нақиби Амир Араб лақабли амир Саййид Абдулла Туркистон вилоятидан Бухорога келадилар. У киши Убайдуллахон билан кўришганларида у инони ихтиёрини қўлдан бериб, гоят бедил бўлиди. Шунда у киши дедилар: «Эй фарзанд, сизга не бўлди. Ҳазрати ҳақ субҳона... сиз учун туҳфа ва ҳадялар юборди; сизга бу дунё ва охиратда олий мартабалар муҳайё қилди. Сиз уларни оёқости қўлмоқ истайсизми ва қабул қилмайсизми? Убайдуллахон деди: «Эй маҳдум, шу нарса ҳақки, бу жамоа лашкари сони саксон мингдан ортади. Лашкаримиз озлиги сизга маълум». Амир Араб дедилар: «Қуръонда айтилганки, кўпинча кичик гуруҳ катта гуруҳ устидан ғалаба қозонади. Бадр жангига воқеасини олий мартабали ҳимматингиз назаридага манзур тутинг ва ўртаманг». Шу ҳикоят устига хабар келдик, душман Қаршичи олиб, ялпи қирғин қўлмоқда. Бирор жонзодни тирик қолдирмоқ ниятида эмас. Убайдуллахон йиғламоқда тушди ва деди: «Эй маҳдум, бу жамоага қандай қарши туриб бўлади?..» Амир Арабнинг газаби қайнаб, деди:

То нагиръяд кўдаке ҳалвофурущ,
Баҳри баҳшони кужо ояд ба жўш?

(Бола йиғламаса, ҳалвофурушнинг баҳш этиши дарёси тошармиди?)

Ҳозироқ тараддудингизни кўрингки, ул жамоа мағлуб бўлгуси. Чунки зулму бедодлик олий даражасига етдими, уига завол ҳамроҳ бўлади. Бу улар зулмининг энг ниҳоясидир. Турингиз, эй ўғлим, давлат оёғини сао-

дат узангисига қўйинг-да, ҳаммани олға чорлангиз; давлат гўйи (тўпи)ни..., ҳимматингиз чавгони хамига киритгунгиз ва маҳв этмоқни ул хоксор жамоа ихтиёридан олгунгиздир». Хуллас, Убайдуллахонни отга миндириб, у лашкар жиловининг суворийсига ва эгасига айланди ва қизилбош лашкари томон кетди. Бир-икки фарсанг юрганларидан кейин Амир Араб: «Сиз то мен бориб Жонибек Султонни сизнинг қўшинингизга қўшиб қайтмагунимча бу ердан жилмай туринг», дедилар. Амир Араб Жонибек Султон ёнига келиб қарасалар, бир лаҳза кечикилса, у лашкар батамом тарқаб кетар экан. Унга ғазаб қилиб дедилар: «Шарму ҳаё борми сенда. Шундай диловарлик ва баҳодирлик кўрсатишаётганда сен қочмоқни хаёл қилибсан. Убайдуллахон-ку сенинг фарзандинг. Буни худонинг марҳамати билади ва дейди: ана давлату шараф — Муҳаммад дини ва миллати... йўлида сарбозлик қилмоқда...» Шу хил сўзлар билан уни жангга отлантириди. Аммо, Нажми соний шаъну шараф ва қаҳрамонлик осмонида шундай жавлон урадники, кўк гумбазининг олами ёритувчи оғтоби унинг назаридан заррадан ҳам паст турарди. Қизилбошлар фирмаси туғён ва нажотсизлик водийсида қўшалоқ отлиқ бўлиб, жидду жаҳд кўрсатарди. Дабдаба ва «инно ланаҳнул-голибуна» нидосини олам гумбази саройи бўйлаб таратдилар. Ҳижрий 918 йил зулқаъда ойининг 20-куни (1513 йил 27 январь) эди. Фиждувон касабаси қалъасини ангиштарин ҳалқасидек қамал қилган эдилар. Нард ва шатранж ўйинида ягона бўлган Дўстий ва Барночанинг қўли нард ўйнида устун эди. Үн минг, ундан ҳам зиёда бу санъат устодлари мағлублик хонасидан чиқолмай қолардилар. Абу Зайд, Лайлож ва Қаҳрамон Наррод — бу уччаласи аср ягонаси эдилар. Агар замондошлари бўлганда ҳам ўз ишлари иложини уларнинг ортидан юриб, уларга тегишли одамлардан сўраб билардилар. Шатранж санъатида ҳар бири даъвогарлик майдонида жавлон қилиб, руҳ қўйиб, филнинг нодиралик тахтида савлат тўқадиган ҳинди Ҳамораполни пиёда қиласарди. Шоҳга яқин бўлган фарзин янглиғ Назми соний уларни ўз ёнидан узоқлаштирасди.

Амир Муҳаммад ибни амир Юсуф Ҳурсоннинг машҳур нақибу фозилларидан эди. У Султон Ҳусайн Мирзо ва Муҳаммад Шайбонийхон замонида олимлик даъво-

си дағдағасини фалак авжига чиқарғанди. Шоҳ Исмоил даврида мансабпаратлиги туфайли ғурурлик қоҳига тушиб, шиа мазҳабига кирган ва улар силсиласида хали-фалик мансабига эришганди. Темур Султон уни Хуро-сондан Самарқандга юборган вақтда, бир мажлисда у бу каминага қўйдагиларни ҳикоя қилган эди: «Биз умримиз давомида уч мажлисни кўриб, тамошо қилганимиз. Улардан ўтиб тушадиган тўртингчи мажлисни ақли-мизга сифдиролмаймиз. Бири мавлоно хожа Исфаҳоний ва мавлоно Бинойнинг шатранжбозлик мажлиси. Ўйин асносида улар бадеҳа айтишган ва гаройиб маъно дурларига зеб берганлар. Улар бадеҳаси ҳажвга ўтди. Оғизларидан шунақа уятли ва чандиқ сўзлари чика бошладики, уларни эшигтанлар тобу тоқат қилолмай, кулавериб беҳуш бўлиб йиқилаёзди. Яна бири мавлоно Хожа Гўянда ва Амир Халил хонанда мажлиси. Бу иккovi бир ўйин бошлаб, олдиларига бир яланроқ пичоқ ва дойра қўйдилар. Қаттиқ ва кескин қасамёд қилдиларки, шу ерда ҳозир ва тамошо қилиб турганлардан кимда-ким бизнинг ўйинимизга дахл қиладиган бўлса, ёки бироримизга ўргатадиган бўлса, мана шу пичноқни олиб дастасининг тубигача унга санчилади. Дойра шунинг учун эдики, ким агар бир пиёдан ортиқча ютиб олса, ўша дойрани олиб рақсга тушарди. У шунақа мазқом ва жилва, шундай ҳаракатлар қилиб ўйнардики, мажлисда ҳозир бўлганлар кулавериб, ҳушдан кетаёзди. Иккинчиси шу қадар мотам тутаёзгандек қайғуда эдики, гўё унинг бутун кавму қариндошини қирғин қилганлар. Уни кўрганлар баттарроқ кула бошлади. Ҳалиги рақкос рақс давомида боши ва оёқларини унинг тумшуғига яқинлаштириб, масхара қиларди. У тура солиб ёқалашиб кетди. Бир-бировларининг кийимларини йирта бошладилар, муштлашувга тушдилар...

Яна бири Дўстий ва Бисотийнинг нарди ва шатранж бисотини тўшагани эди. Унда устодлар қасидаларидан, шатранж ва нард бобидаги луғз, ғазал, қасида, қитъа ва маснавийларидан, рубойиларидан пала-партиш ёд айтардилар.

Бир куни Фиждувон қалъаси гирдида ўлтиришганди. Дўстий ва Барноча нард ўйнаб, муносиб байтлар ўқирдилар. Барноча нард ҳақида бир луғз айтди. Амир Нажм уни эшитиш ва мағзини чақиш билан банд эди. Гап тахаллусга етканда, сўради: Восифий ким? УХу-

росондаги бир зиёратгоҳга келганлар учун бир мактуб ёзган эди. Унинг иншоси ажойиб эди. Кўп қидириб, уни топа олмадик. Ҳозир унинг луғзини эшишиб, соҳиби камол киши эканлигининг гувоҳи бўлдик. Шеърлари матонат ва латофатли иншоси билан ажралиб туради.

Амир Муҳаммад дедиларки, биз унинг ўн ҳунарда ягона эканлигини айта оламиз. Шундай қудратли қўли борки, нарра шер унинг қаршисида таслим қўли пуштини ерга қўяди. Бирор забардаст Хурсонда уни енга олмагац, унинг баҳодир қўлини қайира олмаган. Юриши ва рафтори шу қадарлики Машхад...дан Хурсонгача, яъни Ҳиротгача бўлган 60—65 фарсанглик машақ-қатли йўлни икки кунда пиёда бўсиб ўтган. Сузишдаги қобилияти шу дарражадаки, бир куни Фаридун Ҳусайн мирзо Бони Зоғонда унинг икки қўлини икки оёғига боғлаб қўйишни буюрган. Уни гупчак қилиб ҳовузга отганлар. Пешин намозидан то намозшомгача уша ҳовузда шу аҳволда сузиб юрган. У хушхон ҳофиз, Қуръонни оҳанг билан шундай ўқийдикни, бирор ҳофиз ундан ўтказа олмайди. У мавлоно Ҳусайн Вонзингшогирдири. У киши Восифий таърифида шундай деганлар: ваъзда унинг билан менинг орамизда шундай фарқ бор — у мендан хушвазроқдир. Унга тақлид қилишга уринсам ҳам эплаёлмадим. Муаммо ечишда шу дарражадаки, номи айтилмаган ҳар қандай мушкул муаммони ўқицмасин — дарров топади. У яна тез ҳам ёза олади. Бир кунда «Қоғия», «Шоғия», «Шамсия» рисолаларини кўчира олади ва ҳеч бир жойда хато кетмайди. Очликка ҳам чидаш бера олади. Шундайки, ўн кун сурункасига рўза тута олади. Шеъриятда унинг бадеҳаси шу кадарлики, ҳар қандай уста қасидагўй 50 ёки 60 байт айттолса, бир кечада унга жавоб ёза олади. Шунда ҳам унинг ҳар бир байти, маъносига, хаёли, ташбеҳи ўзига хос бўлади.

Амир Нажм сўради: «Ҳозир бу оламнинг мислсизи, одам наслининг бу нодири қаерда? Мен, Самарқандда, деб жавоб бердим. У буюрди: албатта одам юбориб уни чақиритиринг. Самарқанд ялпи қирғинида бехуда ўлмасин».

Шу гап устида атрофу теваракдан лашкар гулгуласи ва ур-йиқит, йиғиу фарёди кўтарилди. Айтишларича, ўзбек лашкари етиб келибди. Амир Нажм, Убайднитирик ушлаб келтиринг, уни шоҳ ҳузурига жўнатурман.

Бошқаларнинг ихтиёри қўлларинингизда, деб буюрган экан. Унга, аҳвол сиз айтганчалик эмас, тезда отга ми-ning дептилар. Амир Муҳаммаднинг айтишича, уни тез-лаб, ковушда, кўйлакчан ва бош яланг тезда отга ми-нишга рози қилишибди. «Булар нима, шулар туфайли отга миссан», депти. Алқисса, отга минай деб турға-да уни отдан ағдариб калласини кесиб, найзага илди-ришди. Яъни ҳаётидан жудо қилдилар.

Саре к-аз такаббур расида ба арш,
Ба зери қадам гашт чун сангি фарш.

(Такаббурлик билан арши аълого кўтарилиган бош йўл-
га тўшалган тошдек оёқости бўлди).

Бир куни Самарқанднинг Атторлар бозорида бир тў-
ла шоири фозиллар Муллозода Мужаллид дўконида ўл-
тирган эдик. Жилланган китоб варақлари сингари бир-
биrimizga иноқлик, шерозаси билан боғланиб, бадеҳа
ва мушонира суҳбатин ўртага қўйиб, самимий ва хушдил
йигин майдонида мутойиба байрофини баланд қилган
эдик. Ногоҳ бозорнинг бир тарафидан ғулғула ва тўп-
лон овози келди. Муллозода дедилар: шубҳасиз бу бо-
зорда хиром қилиб юрган Мақсад Хаммор тўполнони
бўлса керак... У нозанин ва хушхулқ йигит бўлгани
учун Самарқанднинг машҳур шоирларидан мавлонои
Малолий, мавлоно Омоний Хурросоний, мавлоно Ноди-
рий Самарқандий, мавлоно Шоҳудий Самарқандий,
мавлоно Сафо, мавлоно Нурий Нишопурий, мавлоно
Абдулали Балхий унинг шаънига мадҳия шеърларини
бадеха тарзида ўқидилар.

...Зарурат ҳукми-ла бир-биrimiz билан видолашиб,
сафарга отландик... Бухоро қалъасига етганимизда шун-
дай бир шаҳарни кўрдикки, қалъа деворининг узунлиги
ва баландлиги шу қадарли эдики, агар чарх ўзининг
эгик қаддини ростлаб, унинг кўнгурасига кўз ташлагу-
дек бўлса, қуёшдек тугилган дастори бошидан ерга ту-
шарди...

Бу шаҳар зебу зийнати ва орасталиги шу қадарли-
ки, қиёмат куни муқаррар ва муайян бўлса, ўликлар
бош кўтарадиган куни анбарсиришт беҳишт ҳам унинг
олдида ўзининг яширин ниқоби ва ҳаё чодиридан жамсл
кўрсатмасди... Айланиб, наззора қилиб, шаҳид сulton
Саъид Улуғбек Мирзо Бухоро шаҳрининг Чорсуки тепа-
сида қурдирган мадрасага етганимизда, ҳазрати мах-

дум Саййид Шамсуддин Мұхаммад ул мадрасага ташриф буюрдилар... Ул олий қазрат ишорати билан ул олий мартабали остоининг тавофиға вилоятнинг кибөрлари, муллалари ва аҳолиси йифилди... Қози Ибрөҳим... ва шайхулислом хожа Ҳошимий... ул олижаноб зот мулозаматида әдилар. Мулозимлардан бири келиб деди: Убайдуллахоннинг арши аълодек таҳти муншиларидан мавлоно Маҳмуд мунши Қарши яйловидан келиб, қазрати Убайдуллахондан мулозимларга бир хат келтирди. Жаноби улуғ хожа уни чорлаб, ҳисобсиз эъзоз ва икром кўрсатди. Убайдуллахон мактубининг мазмунни шу эдики, кўп муддатдан бери ҳукмдор таъби шоирларнинг энг фасиҳи, фозилларнинг буюги мавлоно Қотибийнинг... шеърлари мутолаасига майл кўргазди. Шунинг учун номдор фозиллардан унинг шеърлари куллиётини топмоқ учун шавқ изҳорини қилибдилар... Муқаддас ошиён остонасида баҳтини топган мавлоно Наим Нишопурин мавлоно Султонали Машҳадийнинг шогирдлари сараси бўлмиш Мавлоно Султон Мұхаммад Хандон томонидан кўчирилган қарийб ўттиз минг байтдан иборат бўлган мавлоно Қотибийнинг куллиётини хоннинг олий мажлисига тухфа қилди. Бу тухфа эътибор назарида, Нишопур фатҳидек туюлди. Гуллар ҳақида ёзилган лола, наргис, бинафша, фунча, гул радифли қасидалар унда кўзга ташланди. Шу қадар хос маънилар ва ўзига хос ташбеҳлар мушоҳада этилдики, жаннатлар боғи бу бадиа ҳёлотлар ва муборак фикрлар мулоҳазасидан гулистанга ўхшади. Шунда шу гуллар радифли қасидаларга татаббубъ боғлаш фикри тугилди... Беш кунда, Убайдуллахон Қарши яйловидан шаҳарга етиб келгунча қасидалар ёзиб бўлинди...

Бу дурри макнунларни фикрат гаввослари табиат денгизи қаъридан баён соҳилига етказгач, андеша саррофи уни фикр мисқаби билан тешиб, таҳрир ипига тизгач, уни олий мартабали жаноб қазрати хожа Ҳошимий остонасига нисор этмоқ фикри хотирга келди. Ўша даргоҳга қараб йўлга чиқдим. Йўлда у жанобнинг мулозимларидан бири етишди. У деди: «Беш кундирки, хожа сиздан хавотирдалар ва сизнинг ташрифингизни кутадилар. Қадамингизни теззлатсангиз яқиндир». Малик ошёнли остона тавоғидан сўнг ул қасидалар арз қилинди. У жаноб кайфияти ўзгариб, ажиб бир ҳолатда дедилар: «Шу беш кун саъий рахшимиз баён жавлонида қан-

чалик жавлон урмасин, ўша қасидалар мақтаъсига етарили бўлмабди. Инчунин, шоирлар силсиласида бирортаси айтарли иш қилолмади». Иттифоқо, шу замон хабар келлики, ҳазрати Убайдуллахон шаҳарга кириб келдилар. Хожа мулозаматида ул оstonага қараб юрдим ва ул ҳазрат мулоқоти ва илтифоти баҳтига эришдим. Ҳазрати хон хожадан сўрадилар: «Мавлоно Қотибий қасидаларига жавоб ёзиш иши билан шуғулландингизми?» Хожа дедилар: «Жаноби мавлоно Восифий маънолар гулзори гулларидан бир навъ терибди. Биз эса ҳайрат тиканлари ва ҳасрат хашакларидан бошқа нарсани қўлга киритолмадик. Агар Қотибий шу асрда бўлганда унга бандалик ҳалқасини ўз қулоғига, ва иззат-эътибор тўнини унинг елкасига иларди». Ҳазрати хон ўша қасидаларни сўради ва катта-рағбат билан эшитди. Сўнг деди: «Мен ўзимни ажаб ҳолатда ҳис қилмоқдаман. Ноғоҳ бу ҳасад томири ҳаракатидан эмасмикан, деб қўрқаман». Хожа деди: «Менда ҳам шу ҳолат юз берди. Аммо, шуниси равшанки, бу ҳасад эмасдир. Зероки, ҳасад неъматнинг заволини кўзлади. Файирлик ва бу ҳол унинг қабилидан эмас. Бу урфга кўра, рашқ ва файирлик дейилади». Кейин ҳазрати хон дедилар: Эшитишмизча мавлоно Восифий хушловоз ҳофиздир ва Қуръонни яхши ўқир эмишлар. Малол келмаса бир ашарани қироат қилиб берсалар». Тиловат бошлишим билан ҳазратихон ғоят таъсирланиб ўтирилар. Хатм бўлгач, дедилар:

Ёраб, аз ҳифзи ту ё ҳусни каломат гўям,
Эй ту мажмуаи хўби, зи кадомат гўям.

(Ёраб, ҳифзинг (эсда сақлаш) ёки камолинг ҳуснидан сўзлайними? Қаердан бунча яхши хислатларни ўзингда жамлагансан?)

Кейин қироат илмидан айтиб беришимни сўрадилар. Мен, ёшлигимда Шотибийнинг бир неча байтини ўқингандим, дедим. Хон: биз мавлоно Ёрмуҳаммад Туркистонийни Шотибий деб ўқиганмиз. Мавлоно қироат илмinda замонасининг ягонаси эдилар. Сиз агар бу сабоқда шерик бўлсангиз яхши бўларди, дедилар. Кейин ўзлари кўчирган Шотибийнинг китобини фақирга бердилар. 500 убайдий маблағ, муносиб сарупо ва эгар-жабдуқли от инъом қилдилар.

Кейин зафар оятли хон байроби ва хоқоннинг осмон гумбази қадарли ялови Қарши яйлови томон юзланди. Жаноби Ҳожа каминага дедилар: хон ҳукми шундай содир бўлдики, то ҳумоюн мавқибининг саодат билан қайтиши ва узоқ умрли давлат байроби келгунича бу фақир байтулэхзорни мулозимлари қароргоҳида бўлғайсиз.

Ложарам, ўша олий останада иқболвор яшадим. Ҳар куни Бухоро шаҳрининг фозилу шоирлари жамъ бўлиб, мулозиматда бўлдилар ва биргаликда олий остана саодат шарафини топдилар. Ул ҳазратнинг одати шу эдики, ҳар куни бир шеъри ўртага ташлаб, уига татаббуъ ва жавоб ёзишга шонрларни уидардилар. Дердиларки, табъни бекорга ўтказманглар, уни машғул қилмоқ лозим. Сустлик табънинг бўшашишига сабаб бўлади ва зеҳнни ўтмаслаштиради. Кейин айтдилар: «Хусрав Деҳлавий, ҳазрати Махдумий (Жомий), мавлоно Котибий ва бошқалар ғазалиётидан юзга яқини саралаб олинди. Хотирга келдики, ёронлардан узарга тотаббуъ боғламоқни илтимос қилинса». Мажлис аҳли қўлларини кўксиларига, бармоқларини кўзларига қўйинб, ўша ғазалларни сўраб олдилар ва кўчирдилар. Ҳар кун бир ғазал ёзib, хожага ўқиб беришга қарор қилинди. Хожанинг яқин кишиларидан бирни менга етказди: хожанинг мақсади сизни имтиҳон қилмоқдир. Фақирнинг фикри кўринишларидан бўлмиш ғазаллар таҳрир қилинди... (жамъи 39 ғазал):

Базми васлинигдин менингдек зору маҳжур ўлмасун,
Жоми ҳижрон журъасидин розу маҳмур ўлмасун.
Ганждур меҳринг анго бир манзили вайрон керак,
Бу бузулғон кўнглумиз ишқинингда маъмур ўлмасун.
Чарх аҳли фазлини туфроқ била якосон қилур,
Фазл бирла ҳеч киши оламда машҳур ўлмасун.
Мудданий қўйимас мани бир лаҳза ғамсиз ваҳ нетай,
Ёраб ул инеофиз оламда масрур ўлмасун.
Восифий қўрқуб рақибдин қолди сарвдин йироқ,
Ул каби ёраб киши даргоҳидин дур ўлмасун.

* * *

Ул шўҳки, мандин яна бегона бўлубтур,
Агёр била ҳамдаму ҳамхона бўлубтур.
Бу ҳаста кўнгулким ичиди икки кўзунг бор
Ёномдурур мағз анга дугона бўлубтур.

Чун шамъ оининг қошида куйдургулук ўлди,
Куймакка оининг ошиқи парвона бўлубтур.
Жон мамлакатиким бурун обод эди, эмди,
Ғам ишҳаси зулми била вайронга бўлубтур.
Зулфунгға кўнгул боғласам ўлғай дедим, эй шўх,
Дедики, кўрунг: Восифий девона бўлубтур.

Бир куни ҳазрати шайхулислом хожа Ҳошимий мажлисида Бухоронинг номдор шоирларидан бир гуруҳи ҳозир эди. Мавлоно Наим Нишопурӣ Қарши яйловидан у кишининг шарофатли ҳузурларига ташриф буюрдилар. Ҳазрати Хожа уларга бағоят иззату икром кўрсатдилар... Сўнгра сўрадилар: ҳозирги кунда Хуросон мулкида форсигўй суханварлик мизмори (гўёси) ва фазилатлилик майдонининг чавандози ким? Жавоб бердилар: Мир Хожа қасидагўйдирки, тахаллуси Унсийдир. Барча қасидагўй шоирлар у киши олдида таслим қўлини кўксига қўюр ва ўзларини у киши ҳузурида камтарни шогирдларидан санайдилар...

**ОЛИҲАЗРАТ ХОНИ АЪЗАМ... УБАЙДУЛЛА
МУҲАММАД БАҲОДИРХОННИНГ ҚАРШИ
ЯЙЛОВИДАН ҚАЙТИШИ**

Зулҳижжа ойининг 18 ида ҳижрий 919 йили (1514 йил 14 февраль куни) оламни ёруғ қилувчи офтоб — Убайдулланинг зафарли ялови маҳчаси илоҳий иноят билан Қарши вилоятининг машриқ томонидан чиқиб келди ва ўзининг таважжуҳ нурини Бухоро узра сочди; шу атрофни жаниат ва олий беҳиштга айлантирди. Атрофу теваракдан амалдору улуғ зотлар унинг истиқболига чиқдилар. Ҳазрати шайхулислом хожа Ҳошимий мулозаматида бу камина ҳам нурларга тўла ҳазрати... Хожа Баҳовуддин Нақшбанд сармозорида подшо рикобдорларини кутиб олиш бахтига мушарраф бўлдим. Ҳазрати хон иноят қилиб хожа Ҳошимийдан сўрадилар: мавлоно Котибиј луғзларидан муборак назарингизга етмадими? Хожа дедиларки, мавлоно Котибијдан бир луғз машҳурдир ва уни ўқидилар (15 байт)... Ҳазрати хон дедилар: Котибијнинг луғзлари кўп. Ҳаммаси табъга мувофиқ ва мақбул. Луғз шеърнинг шундай навъи-

ки, табъ тарозусида ғоят мавзундир. Табъи ҳалол кишиларнинг унга майли ҳаддан зиёддир. Ҳазрати хон ўз лугзларидан бирини ўқиди...

Бир неча кун ўтгач, бир кечаси Улугбек мадрасасида бир гуруҳ дўстлар билан ўтирардик, бегона учун ихтилот эшиги берк эди. Ногоҳ, бир киши келди ва дарвоза ҳалқасини қоқди. У деди: «Ҳазрати хон мавлоно Восифийни сўрамоқдалар». Қосиддан сўрадилар: ҳазрати хон мажлиси аҳли кимлар? У жавоб берди: «Азизонлақабли мавлоно Маҳмуд Балхий, унинг укаси мавлоно Абу Юсуф, Самарқанд мавлонозодалари, Пуроний шайхзодалари, мавлоно Афсарий, Ҳофиз Меросий хон ноибининг чуҳралари». Мен ҳусну қабилиятда камолга етган мавлоно Маҳмуд мунши лақабли ўғлим Муҳаммадшариф билан... хон мулоzиматига шошилдим. Қелгач хон мадҳидаги луғзни ўқиб бердим. Олий ҳазраг... Убайдуллахон таъриф ва банданавозликда шу қадар муболаға кўрсатдиларки, мажлис аҳли аксарининг ғайрлиги келди...

Хон бу каминадан муаммо талаб этдилар ва номили айтманг, дедилар. Биз ҳам сизнинг сунниянгиз суннати қудратига таяниб шояд ечолсак ва топсак. Хон номига икки муаммо ўқилди. Иккаласини ҳам хон ҳазрати номсиз ечдилар...

Шундан сўнг дедилар: «Муаммоларнингиз услуби тахминан маълум бўлди. Кўпроқ муаммоларнингизни беном топа оламан. Бир қанча ёдда қолган муаммоларнингиз бўлса, хотирга келтириб ёзинг». Муаммолардан бир қанчаси (79та) ёнимда эди. Ҳазрати хон дедилар: ёзган номларнингизни ўчиринг. Мен варақ бошидаги номларни миқроз билан ўчирдим ва ҳазрати хонга топширдим... Шу муаммолардан ўн тўрттаси номини айтишга эҳтиёж бўлди. Қолганини ҳазрати Убайдуллахон номсиз топдилар...

Хон дедилар: «Айтишларича Ҳиротда бир одам бўлиб, уни мавлоно Дарвиш девонаи Шамъариз дер эдилар. У мажнунларнинг ақллиларидандир. Үндан ширин, маъқул ҳикоятлар ва мақбул рангин сўзлар қолган. Агар ундан бир оз нақл қилинса тузук бўларди. Мен айтиб бердим: Бир куни мавлоно Дарвиш Ҳирот шаҳри Чорсуқи бошида турганди. Катта жамоат унинг гирдида жамъ бўлган эди. У овозини кўтариб деди: Эй, беақл жамоат, ғофил авом! Нечун худонинг шукрини қилмай-

сизлар. Ҳақнинг шаънига ҳамд ўқимайсизларки, шундай бахтли замону даврондасизлар. Собиқ замонда дин пешволари Жўнайдак Багдодий, Боязидак Бистомий, Зиндафили Аҳмади Жоми, Абдулла Ансорий тариқат йўли муршиллари ва ҳақиқат тариқининг раҳбарлари эдилар. Бугунги кун пешволари, раҳбарлар қандай кишилар: Палангি Табороний, Ҳисомий маддоҳ, Ашраф Астрободий, Зангичаи Туний ва бошқаларнинг номларини айтдики, роғизийлар тепасида бўлиб, бахтсизлик, куфр, жоҳиллик, ҳамоқату жаҳолатда машхуру маътуфдирлар.

Убайдуллахон, мажлис аҳли бу ҳикоятдан хандён отиб кулдилар... Мен сўз бошладим: Қадим замонларда бир латиф табъли, ажойиб одам бўлиб, замона зайли туфайли у қашшоқлашиб қолибди. Ўша давр подшоси ҳузурига йўл олибди ва дебди: «Шоҳим, мен нон билан қатиқни қандай ейишни яхши биламан». Подшо кулиб, фармон берибди нон ва қатиқ келтирибдилар. Ҳалиги одам косага қатиқдан бир оз қуйиб, унга бир миқдэр сув қўйди. Кейин унга нон тўғраб, устини рўмол билан ёпиб қўйди-да, бир қизиқ ва ширин ҳикоя бошлади. Ҳикоя тугагач, коса устидан рўмолни олди. Нон билан қатиқни тановул қилди. Подшо шаънига дуо ва санолар ўқиди. Подшога унинг бу иши жуда маъқул тушиб, буюрди: унга минг хоний тилла берибдилар. Ўша одамнинг бир ҳамсояси бор эди. У қараса бунинг ҳаёти хотиржам, ҳузур-ҳаловатда кечаяпти. У сўрапти:

— Фалончи, сенинг аҳволу авзойинг маълум эди. Бу молу дунёни қаердан топдинг? У дебди:

Мен подшо мулозаматига боргандим. Нону қатиқ еб бу бойликни орттиридим. Бу одам ҳам подшо ҳузурига борипти. Нону қатиқ сўрапти. Подшо бу одамни илгари келиб кетган хаёл қилиб, нону қатиқ келтиришни буюрипти. Уларни келтирибдилар. У бир бурда нонни қатиқта теккизиб, оқизганча ебти. Қолганини қўлтиғига урибди. Бир оз қатиқни соқолига сурибди. Подшо сўрабди: ишинг шуми?—Ҳа. Подшо фармон берибди: унинг гарданига ўн қамчи тушурибдилар. Яна ўн қамчи уриб подшо мажлисидан чиқариб юборибдилар.

Бу ҳикоя тугагач, подшо мажлисида гулгула кўтарилиди. Ҳофиз (хоннинг ноиби ва имоми Ҳофиз Меросий)-га адовати бор кишилар чунонам кулдиларки, ҳофиз мулзам ва расво бўлди:

Бўрёбөф агарчи боғандада аст,
На барадаш ба коргоҳ ҳарир.

(Бичиқчилик бўрёбөфга тегадиган бўлса, ишхонасига ҳарир келтира кўрма).

УБАЙДУЛЛАХОНДАН РУХСАТ ОЛИБ ТУРКИСТОН ВИЛОЯТИ ТОМОН ЙЎЛГА ЧИҚМОҚ ХУСУСИДА

Лълоҳазрат хоқон, сулаймон мартабали Абулғози Убайдула Баҳодирхонининг бу каминага бўлган лутфу меҳрибончиликлари пойдор ва саодатли давлатлари сингари тараққий ва зиёда бўлмоққа давом этиб, қарами булути иноят ёмғири билан барчанинг паноҳоҳи бўлган бўстонлари райҳонларининг таровати ва тозалигини зиёда қилгандек эди. Ҳасад шамоли душман арбоби сийнаси қаъридаги адоват алангасини янада кучайтириди. Уларнинг сабру тоқати хирманини батамом ёндириб юборди... Фикр юритувчи андиша хабарчиси тадбир олами атрофу теварагига йўл олиб, ул арш мартабали фалакдек оstonадан жудолашув йўли ва йироқлашув чорасидан бошқа тадбир топа олмади...

Ифтихор эгаси ҳазрати Саййид Шамсиддин Муҳаммад бир неча муддатдан буён Туркистон вилоятининг Саброн шаҳрида Амир Араб лақабли ноиб... Амир Саййид Абдулла ҳузурида эдилар... У томон жазм қилиниди... Шу орада бир толиби илм кириб келди. Қўлида ҳазрати... Нуриддин Абдураҳмон Жомийнинг девони бор эди. Мазкур мақсад ва ҳосби ҳол учун уни очдиму шу байтга кўзим тушди:

Жомий, аз муъки Хуросон чи қуни азми Ҳижоз,
Чун туро Каъбан мақсад ба Туркистонаст?

(Жомий, мақсадинг Каъбаси Туркистон экан, нечун, Хуросондан Ҳижозга отланмоқчисан?)

Шунга биноан бир қарорга келингач, Убайдуллахондан рухсат олиниб, Туркистонга йўл олинди. Бу сафар шундай бир вақтга тўғри келдики, Шарқ ҳусрави ўзининг ҳашамли саропардасини саратон буржига тиккан; ҳарорат шиддатидан, Савр яқинлашувидан Ҳамал зилолдек сув ахтаришга тушди. Гоҳида у иссиқни дафъ қилмоқ ниятида фалак далвига ўлтирмоқни орзу қилар,

гоҳида гардун асадининг қорни соясидан манзил тутмоқни истарди. Иессиқ шиддати шу даражада эдики, ҳатто денгиз қаъридаги балиқ танаси зиреҳларигача қизитар эди. Ер курраси ҳавосининг ҳарорати темирчи кўрасидек қизирди. Иессиқ кучидан шундай хавф бор эдики, садаф сийнасидаги дурри ятцм етимлар кўз ёшидек қатрага, кон дуржидаги лаъл ошиқлар кўз ёшидек қонга айлангуси... Илоҳий қазо муқтазоси билан Бухоро вилояти доруломонидан Туркистон биёбонига етишдик. Бир неча кундан кейин бир сахрога чиқдикки, унда сув саробдан бошқа нарса эмасди. Бу хуихор чўл қаърида саргашталар боин косасидан ўзга коса кўринмасди. Билмадим, шамол турганида қумликлар бетидаги мавжлар намоён эдими, ёки изезиз йўқолганлар қабиргалари тупроқ остидан аёнимиди? Ёхуд офтоб тоби шиддатидан ер юзи буришиб қолган, ё баҳтсиз лабташиналарнинг кон ютишидан бу замин юзини буришти, ими, дэя ўйлайсан...

Алқисса, оллоҳ йўлбошлигида учексиз биёбондан Туркистон вилоятига соғ-саломат етиб олдик. Саброн шаҳрига кириб келдик. У шундай бир шаҳар эдики, мустаҳкамликда кўк тусли фалак биноси билан рақобат қиласар, обу ҳавосининг ёқимлилиги жаниат боғлари билан баробарлашарди... Ҳазрати Амир Араб катта иззату ҳурмат билан кутуб олди... Саброн қалъаси ичкарисида ҳазрати Убайдуллахон адлу эҳсони асосинийг бинокори мадраса бино қилмоққа амр қилди. Аъло даражадаги фаришталар тўдаси осмон юлдузлариники, шу маъмур иморат гишти поралари улардан иборат бўлгуси эди, ул мадраса биноси учун фалак майдонига ҳар тарафдан тўпладилар. Аммо унинг нодиракор меъморлари уларни лойиқ кўрмасдан ўз жойида фалак сахросида пароканда қолдирилар. Кечаю кундуз шомму субҳнинг анбару кофурларини сипеҳр майдонила лой ҳозирлаш учун мукаммал қоришитирарди. Лекин устод муҳандислар уни яроқли эмас деб тошиб, у билан пардоз бермадилар. Гардун унинг айвони пештоқининг шамасаси ва ёнидаги улкан қолиби учун қуёш ва ҳилолни муҳайё қилди. Улар ҳам писанд қилинмай, ҳар бирини бир бурчакка иргитдилар... Айвонининг икки кифтида баланд икки минор қурилди. Фояти баландлиги ва аржумандлигидан агар кўк гумбази унинг қаршисида қорнини тортиб турмаганда, Айюқни пора қилувчи най-

заси нукидан ўз такягоҳини пора-пора ҳолда кўрарди. Ул мадраса хуштабъларидан бири шу айвонни заҳҳоки моронга ташбек қилибди. У икки минор гулдастасига яқин жойга занжир ўрнатдилар. Ҳар бир минора қуббасининг остига бир чўп ўрнатишди. Қим бу чўпни ҳаракатга келтирса, у занжир ҳаракат қилиб, кимки, ўша минора ёнида турган бўлса, уни ваҳимага солган, гўё минора қулаб тушаётгандек. Бу ҳол олам ажойиботла-риданdir. Иморат доригаси ва мутасаддиси жаноб вазо-ратмаобу Осаф табиат Қавомиддинхожа бинни Султон Иброҳим эди... Бу олимақом иморат тугагандан кейин Убайдулла Мұҳаммад Баҳодирхон саройидаги бир тўда яқинларини ва олампаноҳ даргоҳ ноибларини туҳфа ва лойиқ ҳадя, инъом ва шарафли саруполар билан Саброн шахрига жўнатди. Туркистоннинг жамеъи аҳолиси, улуғ кишилари, уламо ва фузалосини тўплаб... мавлон Сай-йид Шамсиддин Мұҳаммад Куртийни мударрис тайин-ладилар. Ҳазрати Мир Араб бу улкан мажлисда дедилар: «Мажлисда ҳозир бўлган азизлар, зебу зийнатда... шу мадрасага ўхшashi Хуросон вилоятида ва Мово-роунинаҳр, балки бутун рўйи заминда бўлганини хотир-ларига келтира оладими?» Шу йиғинда шундай азиз-лар бор эдики, рубъи маскуннинг кўп қисмини қадам-лари қалами билан кезиб, паргор монанд олам нуқтаси гирдидан айланиб чиқсан эдилар. Улар қасамёд қилди-ларки, ҳинд мамлакатининг у чети бўлган Сарандибдан то Рум чеккаси, Хитой узоқ-узоқларигача, Андалус ат-алмиш жой ва Мағрибнинг энг чуқур ерларини саир қилдик, аммо бундайин йиғинни асло кўрмадик ва эшит-мадик. Шу мажлисда қобилият ва салоҳиятда барка-мол... ёшлардан эллик нафардан ортиқроқ эди.

Беш кундан кейин Бухородан мужда етишдик, ҳаз-рати Убайдуллахонга бир шарафли фарзанд ато қили-нибди. Ҳазрати Мир Арабдан унга исм қўйишни илти-мос қилибдилар. Ул ҳазрат бу шаҳзодага исм қўйиш ва қутлаш борасида бир мактуб ёзишни бу каминага топширдилар. Мактуб ушбудир: «Адолат маъданидан зоҳир ва ярқираган ҳар бир ажойиб гавҳар, давлат ва салтанат уфқидан кўринган ҳар бир баланд юлдуз шав-кат моясининг кўпайиши, ҳашамат ва рифъат мустаҳ-кам асосларининг самарасидир. Муқаддас оллоҳга мин-натлар бўлсинким, яна безавол давлат тожи ва абадий ҳашамат жиғаси давлат ва иқбол баҳрининг тенгсиз

дурдонаси билан яна безалди. Салтанат вә кәмол осембени азамат ва буюклик буржининг саодатли юлдузи шуъласида зийнат топди... Худо ҳаққи, бу жонга роҳат берувчи руҳбахш хабар шунчалик фараҳу суур, завқу ҳузур келтириди, унинг даражасини тасвирлаб бўлмайди. Инишооллоҳи таоло, ки бу саодатли тенгсиз дур бошқа азиз гавҳар билан даҳрда абадий бўлган давлат ва салтанат тизимиға тизилгай. Қейин арзимиз шулки, баҳтли фарзанд Абдулазиз... гойиблик дунёсидан вужуд маконига келган вақтда унга исм қўймоқ учун қаломуллода фол очилди ва шу ном чиқди: «Ҳувалазизулраҳим». Бу фарзанднинг исми Абдулазизга қарор топди. Бу қалом икки номдан иборат бўлгани учун ғойибдан дарак берувчи муниҳий қулоққа шундай етказди: ғойиблик оламидан яна бир фарзанд туғилгуси, унинг исми ўшанинг номи билан аталади. Алҳамдулилоҳ, ки бу ҳам мұяссар бўлди...»

Туркистонда кузатилган ажойиб ишлардан бири шу бўлди: Амир Араб Саброндан бир фарсанг ерда икки кориз қурдирган эдилар. Оlam барру баҳри мусофирилари ободонликда ва маъмурликда оламнинг инсон яшаб турган жойларида шу икки коризга ўхшишини кўрсата олмадилар. У коризда икки юзга яқин ҳиндистонлик гулом тиимай ишлади. Шу икки кориз тепасида бир қалъа бино қўйдиларки, фатҳ дуржини башар тадбири калиди билан очиб бўлмасди. Уни забт этиш масаласи мушкулликларини қанчалик иқтидори бўлмасин, бирор вазир ё амир шарҳлаётмасди... Шу қалъа ичидаги бир чоҳ қазилган эдики, чуқурлиги икки юз газга етарди. Муҳит денгизи чуқурлигига даъво қиласди. Қамица густоҳлик қилиб дедим: «Бу хаёлингизга халойиқ ишонмаяпти. Улар буни хаёл доирасида тутадилар». Амир хандон отиб кулдилар-да, дедилар: Мағриб чеккасида бир шаҳарни кўрганман. Унда бир подшоҳ чуқур қаздирган. Чуқурлиги муҳит сатҳига етказган. Ўндан сув отилиб чиқарди, бир минора баландлигича кўтарилиларди. Ўндан тўрт шаҳар, ободдир. Нимаси билан бу чоҳ унга тенглаша олмас экан?!

Ба ҳар коре, ки ҳиммат баста гардад,
Агар хоре бувад, гулдаста гардад.

(Ҳар қандай ишга ҳиммат камарини боғлаб киришилса, тиканини гулдастага айлантириш мумкин).

Ердан то сув сатҳигача эллик газ әди, чуқурлиги бир юзу эллик газ. Шу миқдорда сув чиқарилардики, бир йирик далв ясагандилар; бир томонда қурилган сардобага яқин жойда бир жуфт ҳўқизни қўйиб, уларни шу чоҳ чиғириғига боғлаган эдилар. Ҳўқизларни сардобра томон ҳайдардилар. Сардобра чеккасига етганиларида далв қудуқдан чиқарди ва суви тўкиларди. Кейин соҳни яна қазир эдилар. Тўсатдан соҳда дам(газ) пайдо бўлиб, ишлаш мушкуллашди. У одамларга ёмон таъсир қилди. Чоҳнинг бир томонидан қудуқ тубигача бир лаҳм кавланди. Кейин чармдан енгчага ўхшатиб бир меш тикилди ва ўша қазилган лаҳм оғзига ўрнатиб, мустаҳкамланди. Унинг учига темирчилик дамини ўрнатдиларда, дам бердилар. Нақб қазувчи усталар ишга тушдилар. Нақб қазувчиларнинг ҳар бири икки кадуни икки сонига боғлаб ишларди. Тўсатдан сув отилиб чиқсанда ҳам, улар сув остида қолиб кетмасдилар. Сенингча, бу қудуқ аждаҳодан ҳам қўрқинчли. Дам томондан қудуқ остига тушган набни ҳазрати Мирнинг шавкати шамёнаси михи деб ўйлайсан; гўё оллоҳнинг сеҳргар фарроши уни ерга қоқиб кетган. Ёки оллоҳ лутфининг ахтасини Ер куррасини тешиб, фалакнинг кўк тусли оти думига ул араб шаҳсувори суворийсига кўз тегмасин деб боғлаган. Йўқ-йўқ, ер золи бетидаги чоҳи зақандирки, шу қадарли соҳибдил дилини чоҳ қаърига ташлаган. Ул икки кориз ёнида икки чашма бўлиб, ошиқлар кўзидек унинг ҳасалидан зор-зор йиғлардилар. Кўз ёшининг фаровон сели ва вайрон сийналарининг чоки билан яшардилар...

ҲАЗРАТИ УБАЙДУЛЛАХОННИНГ ВАЗИРИ ТАЪРИФИДА

Аълоҳазрат... Убайдуллахоннинг Хожа Низом деган вазири бор эдики, мамлакатнинг барча ишлари ва салтанат амалларини бажаарди... Убайдуллахон амирлари ва аркони давлати Хожаи Хурд номи билан машҳур бўлган Хожа Абулвафо Самарқандий ва Хожа Мирдўст Марвазийни Хон ҳузурида жуда таъриф қиласар эдилар. Аммо улар Хожа Низом шавкати биносини вайрон қилиши пайдан юрар эдилар. Хожа Низом бир воқеанинг олдини олиш мақсадида Амир Араб саройига, Туркистон вилоятига келди. Хуфтан намози пайти эдики, иқболдек Мирнинг муқаддас уйи оstonасига келиб тушди. Ҳазрати Мир уни эъзозу икром билан кутиб олдилар ва Убайдуллахон мадрасаси дарсхонасига жойлаштирилар.

Мен ўша кечада улар мулозаматида эдим. Мулоҳаза қилдимки, умрим давомида фасоҳат ва балоҳатда, малоҳат ва зарофатда унингдек учратмаган эканман. Тонг отар маҳали совут кийган ва қуролланган бир киши жамоатхона эшигидан кириб келди. Хожа сўради: «Эй фалончи, қаердан келяпсан. Не хабар айтмоқчисан?»

— Бухородан келяпман. Келтирган хабарим шуки, уйингизни форат килишди. Үглинигизни ушлаб олиб, изо бердилар ва қийнадилар. Аммо аҳли аёлингиз саломат қочиб қутулди, дўстларнигиз уйида яшириндила.

Хожа бу сўзларни эшитиб, кулиб қўйдиларда, гапириб турган ҳикояларига қайтдилар. Авзойларини заррача бузмай, ўша кўйда гапира бошладилар. Бу ҳол оламдаги энг ғаройиб ишлардан бири эди. Тонг билан ҳазрати Амир Араб мадрасага келдилар ва Хожа Низомни алқаб, дилдорлик кўрсатдилар: олам ашёси кетганидан фам смаслик керак.

Забар зер агар шавад олам,
Эй Бадахший, чи ғам? Чу дар гузараст!
К-ин фалак ҳамчу шиша соат,
Соате зеру соате забар аст!

(Зеру забар бўлганда ҳам, эй Бадахший, дунё ғамини ейишдан не фойда? У ўткинчиидир. Бу фалак шиша соатга ўхшайди. Бир соат тўнкарилган турса, бир соат рост туради).

Хожа Низом Мир арабга жавоб тариқасида Ибни Яминнинг бу қитъасини ўқидилар:

Ибни Ямин, агар ҳамма олам ба коми туст,
Бояд к-аз фараҳ на фазояд дили туро!

Б-ар мулки коинот зи дастат бурун равад,
Ҳон! То ғамаш зи жо нарабояд дили туро!

Чуп ҳасту нест жумла намонад ба як қарор,
Бояд к-азин ду ёд наёяд дили туро!

(Ибни Ямин, бутун олам сенинг қўлингда бўлганда ҳам бу билан дилингда завқу шавқ ўсмайди. Олам мулки қўлингдан кетгай. Огоҳ бўл! Ғамингдан дилинг кейин таскин топмайди, Бору йўқ нарса бир жойда турғун қолмайди. Шундай экан, бу ҳар иккисининг меҳрини дилингга жо қилма!)

Келган хабарчи деди: «Бухорода ёлғон бир хабар тар-

Қалдики, гүё олиҳазрат Мир бир баҳтсиз ҳодисага учраб-дилар. Яна бир гапни гапириб юришибдики, уни тилга келтиришга ожизман. Хожа Низом бу рубоийни ўқидилар:

Харонро намоянд ҳар шаб ба хоб,
Ки полонгаронро бибурдаст об.
Чу полон ба пушти харон бар ниҳанд,
Бидонанд полонгарон зиндаанд!

(Эшаклар тўқимдўзларни сув олиб кетади, деган умидда уйқуга кетадилар. Тўқимларни эшаклар устига қўйишгач, улар тўқимдўзлар ҳали тирик эканлигини биладилар).

Амир Арабнинг авзойи ўзгариб, Бухоро сафари ҳозирлигини кўрдилар. Уч кун ўтгач, шошилинч равишда Хожа Низом ҳамроҳлигига Бухоро вилоятига отландилар. Амир Арабнинг ҳашамли отлари Фиждувон қасабасига яқинлашганда ҳазрати Убайдуллахон бутун амирлари, вазирлари, аркони давлати, Бухоро вилоятининг акобириу олинасаблари, фозилу оддий аҳолиси билан... уларнинг истиқболига чиқдилар. Бир милча масофа қолганда Убайдуллахоннинг кўзи ул Араб шаҳсуворга тушиб, бутун сипоҳи билан пиёда бўлдилар; бир кишини юбориб, дедиларки, Амир албатта асло отдан тушмагайлар. Убайдуллахон пиёда, Амир Араб сувора ҳолда учрашдилар. Учрашув жойидан шаҳаргача икки фарсах масофа эди. Амир Араб дунёнинг бевафолиги ва беэътиборлигидан ҳикоятлар сўзлардилар. Убайдуллахон кўзлари булутидан тупроқни лой қиласди... байтлар ўқирди... сўнг дедиларки: «эй ўғлим, воқиф бўлгил. Дунё маккораси сенга фириб бериб, дилинг қушини ғурурлик домига тушурмагай... Хожа Низом обрўси ва давлати пайда душманлик қилиб юрганларга қарата Амир Араб кўп насиҳатлар қилдилар, мисоллар келтирдилар.

Дараҳти дўсти биншон, ки коми дил ба бор орад,
Ниҳоли душмани баркан, ки ранжи бешумор орад!

(Дўстлик дараҳтини эккин, дилинг коми мева бергуси, душманлик ниҳолини илдизи билан олиб ташла, чунки у саноқсиз уқубатлар келтиради).

Улар орасида бўлган узоқлик ва келишмовчилик қиёматчалик бўлса ҳам, ул ҳазрат насиҳатлари билан унинг кайфияти нур ва қуёшдек ёриди. Амир Араб Бухорода бир ойга яқин яшадилар... Хожа Низомни яна вазирлик

тахти ва ноиблик саририга ўтқаздилар. Девон аҳли ва қалам арбоблари ўз итоат ва таслим бошларини унинг фармони чизигига қўйдилар. Кейин Амир Араб дедилар: «Эй фарзанд, фазилат ва фозилликда мумтоз деб билган кишиларингдан тарбия қилмоқ олиҳимматингни аямагин...» Убайдуллахон қўлини кўксига, бармогини кўзи устига қўйиб, деди: «Боракалло, маҳдум! Қарам қилдингиз ва каромат изҳор этдингиз. Бир неча муддатдан буён бу фойдали маъни бу фақир хотирида эди... Энди мулозимлар ҳузурида амалга ошади... Мавлоно Камолиддин ҳожи Табризийни садрлик мансабига тайинлаш хотиримга келди. Сарой ноибларидан баъзилари олий арзга етказдиларки, мавлоно Шамсуддин Муҳаммад Хурросонийки, Абу Ҳанифа соний лақаби бор, лойикроқдир. Зероки, Хурросон вилоятида Султон Ҳусайн мирзо ҳукуматида уни шу мансабга таклиф қилган эдилар. У бу мансабдан ибо ва истиғно қилганди. Бу ҳол унинг шу мансабга сазовор эканлигининг ёрқин далилидир». Амир Араб дедилар: «Бу икки таклиф ҳам муносиброқдир». Уша мажлисда иккаласи учун ҳам нишон ёзилганди ва Самарқандга юборилганди. Амир Араб Туркистонга жўнадилар. Мазкур мавлавийлар Бухоро вилоятида садрлик олий маснадида қарор топишгач, амирлару аркони давлат икки гуруҳга бўлинди. Ҳар гуруҳ бу икки олиқадр садрдан бирининг тарафдори эди. Убайдуллахон саройида шу сабабли ихтилоф ва вайронлик бошланди. Бир тўда хожа Абулвафо ва хожа Амирдўст Марвазий тарбиятига майл қилди. Баъзилар хожа Низомни йўқотмоққа бел боғлашди. Уни Убайдуллахон кўзига ёмон кўрса-та бошладилар. Бу хабар Амир Арабнинг муборак қулоғига етгач, хожа Низомни мақтаб Убайдуллахонга хат йўлладилар. Хат мазмуни шундай эди: «Ирода ва муҳаббат йўлидан неки бизга мақбул бўлган бўлса, сизга ҳам мақбул бўлган. Нима бизга тўғри келмаса сизга ҳам тўғри келмаган. Шунга қарамай, Хожа Низом ишлари тартиби ўзгарибди; унинг ишлари ва шавкати бошқача бўлибди. Мисра: «Душман не қиласди дўст меҳрибон бўлганда».

Мавлоно Ҳожи Табризий, мавлоно Шамсиддин Муҳаммад Хурросоний, Хожа Абулвафо, Хожа Амирдўст Марвазий Амир Араб мулозаматига ғуркистонга отландилар. Бу қиши фаслида юз берганди. Бошқа унсурлардан юқори турган оташ унсури совуқ зарбидан ер курра-

си бурчак-бучакларига кириб кетди. Қура ҳавоси восита-сида яна бош чиқариб ҳар хонадан жой олди. Ўша кошо-шанинг эгалари ва яшовчиларининг ўтин-чўпини ялмаб-юта бошладики, вужудидан тутун чиқа бошлади... Бу жаноб муборак мулозаматига келиш шарафига эга бўл-ғай ходимлар дедиларки, «... кўнгул очувчи номанинг лебо жомаси дўстлар мажлисининг безагидир. Ҳайф ва юз ҳайфки, унинг кейнидан у одам қиёфасидаги нобакор, маънан маймун бўлганнинг ҳол-аҳволини сўрашда ва зикр этишида айб ва иуқсон топилди... Шу қувончли мактуб сабаб бўлиб у нобакорининг ёқаси хоннинг тааруз қўлидан омон қолди». Бу сўзларни эшитиб, бу ҳол оқи-бати мушоҳадасидан у киши ҳайрат бормогини тафак-кур тишига қўйдилар...

Ҳазрати Амир Араб Бухорога жўнадилар. Сафар ойининг ўнинчи куни Бухорога келиб тушдилар. Шу олий зот, ҳазрати Мирнинг жаҳонни ёритувчи офтоби Бухоро осмонида чиққани куни Хожа Низомнинг давлати ойи наҳслик ва уволлик сари юз тутди. Уни разил кишилар тўдаси рад қилиб лаънат ва сазойилик тупроғини бетига суртди; итоб ва ўқоб сарпанжаси ва Убайд азоб исканжаси билан жонини олдилар. Ўшанда хожа Султон Иброҳим Туркистонда эди. Бу ваҳшатли хабарни эшитиши билан Амир Араб тилидан Убайдуллахонга мактуб ёзди. Чунки Амир Арабнинг меҳри унинг қўлида эди. Мактуб мазмуни шундай эди: «Биз барча эзгу ҳиммати-мизни давлатинг тараққийси ва ҳашаматинги равожига сарфладик. Буюклигини ва салтанатинг истиқболини ўйлар эдик. Сен шоҳлик осмонида ва шаҳоншоҳлик фалагида офтоб мартабасига эгадирсан, бошқалар эса се-нинг ҳукминингда... Агар бир неча кун сендан олдин даврон сурадиган бўлсалар салтанатда, ҳечқиси йўқ, ахир гул мевадан олдин очилади-ку! Ҳар кимнинг қадри ва мартабаси муқаррар ва муайянидир. Зинҳор қайғу-ғам емагин, яқинда булар талаф майдонига айлангуси. Под-шоҳлигу салтанат истиклол йўлида сенга қарор топади... Буни Мир Араб мўҳри билан тўлдириб ташлаб, Кўчкун-жихоннинг ўғли ва Ясси қасабасининг ҳокими Абдулла Султонга етказди ва деди: «Анча бўлди. Менга бу мактубни Мир Араб бериб, Убайдуллахонга етказ, деган эди. Мактуб фитна ва фасод, душманликка сабаб бўлади, деган андиша билан сақлаб қўйган эдим... Энди билсам, буни сақлаб туришнинг ўзи катта фитна экан. Чора то-

полмай, сизга айтишга мажбур бўлдим». Абдулла Султон йирик амирларидан бирининг воситасида мактубни Тошкент вилоятига Севинчхожаҳонга жўнатди. Севинчхожаҳон мактубни ўқиб, номадек печу тоб бўлди ва интиқом тифини қинидан чиқазиб, Султон Иброҳимни ўз саройи яқинлари билан Амир Араб хонадонини талон-торож қилиш учун Туркистон вилоятининг Саброн қасабасига жўнатди. Машриқ султони ўз саропардасини субҳ отига юклаб, шом подшоҳи ҳазинасини таловга берган пайтда Амир Арабнинг дирҳаму динорлари, майда-чуйдасидан йиригигача, каму кўстидан тўласигача бўлган барча молу мулкини талаб олдилар. Айтишларича, Амир Араб ер остида бир хона ясаб, ташқаридан бир тешик қолдирган. Шу ердан у хонани тиллою нуқра буюмларга тўлдирган.

Мазкур воқеа содир бўлгач, олижаноб саёдатмаоб, Убайдуллахон мадрасасининг мударриси Саййид Шамсуддин Муҳаммад Куртий дедиларки, сизга ортиқ бу вилоятда қолишингизни маслаҳат бермайман. Ўзлари мадраса талабаларини тарқатиб юбордилар. Ҳар ким ўз кўч-ўланини ҳар томон кўтариб кетди. Бу каминна ҳазрати маҳдум мулозаматига келдим, Ҳиндистон орқали Қаъба зиёратига кетмоқ бўлиб йўлга тушдик. Тошкентга яқинлашганимизда, бу диёрга тушмоқни маслаҳат кўрмай, Фаркат қасабасига йўналдик. У фоят хушҳаво ва дилкаш жойдирки, Боги Эрам ундан хижолат тортиб, юзига яшириниш пардасини олган эди. Жаннат боғи унинг чашмаларига рашқ қилиб, ҳавзи кавсардан оғзига сув олиб олганди. Зилолдек сувлари тириклик чашмасини қора ерга киритиб юборган эди. Жонга малҳам обу-ҳавоси жон баҳш этувчи Масихо нафасини оддий шамолча кўзга илмасди. Қайси сифати ва таърифини қиласинки, бу ерда олижаноб... ҳазрати шайхулислом... Мунизиддин хожа Абдураззоқ яшашининг ўзи уни ҳар қандай мақтовга сазоворлигига далил эди.

Ҳижрий 928 йили шаъbon ойининг 26 куни панжшанба (милодий 1522 йил 21 июль) да тонг пайти жаҳонни ёритувчи шайхулисломнинг ҳилолдек пайкари биқинида санчиқ пайдо бўлди. Масиҳонафас табиб у кишини даволади... У ҳазратнинг жаннатдек мажлиси фозилу камол аҳли, хусну жамол арбоби ва созу навоз кишиларидан холи бўлмасди. Фозиллардан... мавлоно Қизилий бор эдики, у кишининг дилкушо ҳазаж ва ғамзудо ра-

зâж бâхрларидан сâмâрали ёзганлари кўп эди. Ётук файз эгаси эдилар. Соз ва навоз арбобларидан жаноби даврон ягонаси, «Таркиботул-нафмот вал-алҳон» асарининг муаллифи, оғзаки ва амалдаги достонлар мунаққиди, ҳазаж ва рамал қонунларининг нозими, шундай бир ҳушнавозки, ҳар гоҳ бенаво ошиқлар базмида руҳафзо нағмалари, дилкаш ва ғамни йўқотувчи овози билан амал қилардик, Ироқу Арабу Ажам катта-кичигидан зангуладек фарёду нола кўтарилади. Ҳар гоҳ нодиракорлик қоидаси юзасидан ҳунарварлик арганунига қўл ургандада аҳлисафо мажлисни қизитарди; фалак авжининг достончи мутриби Ноҳид рашқдан ўз чанг созини уddeк ёқиб юборарди. Унинг мақоматлари овозаси олти жиҳати билан баланд бўлгани шиорга айланиб қолган. Қароматларидан бир шуъбаси шуки, удники сингари қулоқлар истаб, гоҳида Нишопур ва Исфаҳон томон сайд қиласиди. Гоҳи Зобил ва Наҳованддан хабар беради, бу мавлоно Ҳусайн эди. У ҳазрати хожанинг доимий ҳамсуҳбати ва яқин қишиси эди. У муҳаббат қонуни ва дўстлик аргануни билан ғам изини дил ҳужрасидан аритарди... Буларнинг беҳишт мисол ва осмон зйнатли мажлисларида иштирок этиб, Аҳси вилояти томон отландик. Фаркатдан бир фарсаҳлиқ ерда бўлган Нимдонак қишлоғига етгач, бу факир бир ҳодисага дуч келдим; қаттиқ оғриб қолдим, ҳаётдан умид узиб, узоқ ётиб қолганимдан, ҳазрати Махдумдан ёлвориб сўрадим: мени қўйиб, Аҳсига жўнадилар. Бир ҳафтадан кейин тузалиб, Тошкентга шошилдим.

Бир шаҳар кўрдимки, зангори фалак ҳар шом газандаларни қувиш учун юлдузлардан исириқ уруғини унинг учун шафақ оташига куйдиради; аҳолиси йўли ва равишига деб ойнинг жаҳонни ёритувчи машъалини ёқарди. Қон ичувчи Баҳром бу қалъа забти ва қўриқланиши учун юлдузлардан милтиқларга соқقا тайёрларди. Зухал ҳиндуси раъд тошини Шарқ қуёшидан мукаммал ясарди... Бу шаҳар атрофида Кайковус биноларидан чорбоғлар бўлиб ундан Эрам боғининг дилида доғи бордир. Сафолиги гўзаллар вағосидан зебандатар, ҳавоси маҳбублар карашмасидан ҳам фирибгарроқдир. Сув тўла ҳовузлари сафо чашмасидан нусхадир: ойнадек тоза суви дараҳтлар ва қушлар суратларидан тасвирили саҳифага ўхшаб кетарди. Булбули гўё дараҳтлар минбаридан туриб: «Жаннатин тажиrimин таҳтиҳ аланҳору» ояти камримасини шарҳлар; нарғиси бино ариқлари атрофида

анҳорлари васфини қиласди... Бу жаннатдан нишона бўлган бўстон гуллари кўп ханда отганидан оёқ пуштига ағнашиб ғазабини сочарди. Бу гулистан чамани ғунчалари янги келинчаклар сингари кулгидан ўзларини аранг тутуб, бошларини ёқалари остига олардилар. Сабо наси-мидан беҳишт чамани васфини тингладими, ё наргиси шаҳло нуқра табақчасидан зальфароний кайф берувчи ичимлик ичганми, ширингина яйраб ўйнайди. Табархун дарахти ғалаён қиласвериб, қизариб-бўзарган. Бузуқчи булат ништари билан унинг томирларини мафосилдан очарди. Тол дарахти ҳамиша баҳор гули туфайли ярақон касалидан қутулмоқ ниятида юз минглаб балиқни ўз барглари аксидан оқизарди. Баҳор фаслининг нодирликлар яратувчи мемори чаман атрофларида бинафша ранг ариқлардан кул тўкиб, иморат тархини чизган деб ўйлайсан, ёки боғнинг ёш келинлари жомадори жингала тукли кўк барра пўстинларини ёзиб шамоллатмоқда дейсан. Савсан ғунчалари боғи Эрам васфида бу чаман гуллари қаршисида бир сўз айтдими дейман, гулғунчалар шамолдан ҳаракатга келиб, улар оғзини мушт зарби билан ни-лу ранги лойидек кўкартирган эдилар. Ҳар томонда минглаб кофурний шамълар мавжуд эди. Занбақ ғунчаларидан омода қилиб, ҳар томонда кўк тўхтамлар ясади. Ариқ бўйида нилуфар гулларидан қўйилган навраста сабзалар гул юзли дилбарлар нозик лабидаги хатдек кўринарди. Сарв, аръар дарахтлари ул руҳпарвар жаннат ҳовузла-ри атрофида ҳавзи Кавсар бўйидаги гўзал қизларнинг дилрабо қоматлари кабич назарга ташланарди. Кимки бу жаннатнишон боғ дарвозасига қадам қўйса, ғайб ола-ми фариштасидан муборак «Бу жаннат боғларига хуш келибсиз!» сўзларини эшитарди. Мевадор дарахтлари ҳосили кўплигидан ёшини яшаган қариялардек қомати-ни букиб, осмон дарахтидек ҳар тарафдан этакларини ерга текизардилар. Беғубор олмалар дилбарлар ёноғию сийманбарлар чоҳи зақанидан хабар берарди. Руҳбахш рангу бўйи оёқдан қолган беморлар учун қувват ва суур бағишлиарди... Анорларини кўриб... тақдир ганжинаси-нинг хазинабони руммоний ёқутларни боғ ҳарами қизлари гирибонининг яман ақиқи дуржларида чиний ҳарир қоғозга ўраб, омонат деб яширган, ёки даврон заргари жавҳару ёқутни имтиҳон учун ёниб турган нор курасига ташлаган, деб ўйлайсан... Серсув латиф шафтотуллари шу қадар дилрабо эдики, ўз хаста ва мажолсизларици

висоли неъматидан тўйғизар, то уни пичоқ билан нимтамай қўлдан қўёлмасдинг. Улар шундай турфа маъшуқаларки, ошиқсифат кўксига тиф ургайлар. Ёки маҳвашлар лаъли лаби шавқидан ёқаларини этакларигача чок этиб, багрилари чокини кўрсатгайлар. Чиний серсув поклар гўё навот жаллоби эдикни, даврон қанноди уларни ҳалаб шиншаларига солган, ё муқаддас оби ҳаётдирки, баҳор Ҳизри йўқлук зулматидан келтирганиди; ёхуд парвардигорнинг устод қанноди баҳор болалари хотирини овунтирмоқ учун қанд сочиб, уларни боғдод ҳарир қофозига ўраб, атторлар каби дараҳтларга илиб қўйғандек эди. Беҳилари жаннат меваларидан беҳроқ, руҳпарвар бўйи жигари қон беморлар дил қувватини оширап, гўё пашмина ёпинган зоҳидлар, риёзатдан рангу рўйи синиқтарки дунё қилганлар; ёки касаллар гарибхонасининг беморлари дирки, ғариблик ғубори улар чеҳрасига қўниб, норанжий тиллодек гўё беҳишт меваларидан латофат олган деб хәёл қиласан. Жаннатлар боғининг турунжигуниң ёдида оғзига сув келиб, ҳасрат ёшини тўкарди. Ажаб ҳолки, унинг ранги ҳамиша сафромизож (сафайма) беморлар каби сариқдир, аммо сафромизож беморларни ботиндан шифо қиласади. Беназир анжири кўкнори доналарини қанд ширасида парвариши қилиб, баргафтига қўйган ва боғ аҳлини чорларди; гўё ширин маъжун қутисининг нархи тушиб, боғ аҳли учун ўзининг ихлос кафтига қўйган.

Тошканд мулкин букун таърифин этай,
Нукталар шодасин назмга битай.

Бир диёрки, анда сунбулу раъно,
Халқин жаҳон айтар мардуми доно.

Андоқ бир шаҳарки жаннатмакондир,
Хижолатдин жаннат сийаси қондир.

Бу кептини ким кўрса асло жилимагай,
Жаннат неъматларин орзу қилмагай.

Бўлак юртларда гар бўлгунг баҳтиёр,
Бунда гадолик беҳ, этгил ихтиёр.

Муборак тупроғи мисли тўтиё,
Суйи раҳмат суйидин хўброқ гўё.

Тупроғин гардлари етса фалакка,
Бўлгудек тўтиё чашми малакка.

Шунинг-чун ел уни элтиб осмона
Атру упа қилур ҳуру ғилмона.

Суйи қаршисида оби ҳаёт ҳеч,
Зулмат сари кетсин, шармандадан кеч.

Хизр гар суйидан хабар топсами,
Зулматни тарк этур, ҳам қолмас ғами.

Балки аввал излаб топган бўлса ул,
Оби ҳаёт таркин айлаган буткул.

Төп-тоза зилолдек Парак дарёси,
Салсабил нахрига монанд қиёси.

Остидаги тошлар дурдан қолишмас,
Дурлар бозорида нархи ҳеч туяшмас.

Насими гўёки Исонафасдири.
Анга етмоқ Маснҳога ҳавасдири.

Хушбўй сабосини этсанг иҳтиёр,
Рӯҳпарвар дилбарлар нафасича бор.

Ҳавоси малҳамдир хаста жон учун,
«Қонун» шифодир бағри қон учун.

Олови дилбарнинг феълидек саркаш,
На дилкаш! Оташин, воҳ, лаъли маҳваш!

Фитна қўзғашлари жонга балодир,
Шуъласи серафшои ўтлар солодир.

Ҳар бир нур ўриидан туриб қолса гар,
Тасаввур қиласкўр—шиша тўла зар.

Дуди оловидан гар кўтарса бош,
Дейсиз лолазорда сарзи қаламқош.

Теграсин қуршаган гўзал чорбоғлар,
Алардин Эрамнинг кўксидаглар.

Боғларин васфини агар киришсам,
Ёддан кўтаришур беҳишту Эрам.

Ғераклар саф тортиб турарлар қатор,
Ҳар бирин дегайсан сарвиқомат ёр.

Тераклар қоматин кўрганда қизлар,
Шармдан қизарур, ҳаёдан гизлар.

Ясанган қизлардек қадди санавбар,
Викор-ла туради саф тортиб аръар.

Ёраб, тол баргининг сувдаги акси,—
Қармоққа илинганд балиқлар рақси.

Заминга инади соя билан нур —
Гўё мушку анбар ерга сочишур.

Чаман узра атир гулнинг болқиши,
Айман водийсининг оловкор ниши.

Анҳор тарафида кўрингган гулбун,
Ҳаша яшил дарахт, гули эса — хум.

Қара, гулбунидин ғунча кўрингай,
Сабзаранг хум мисол, ичи тўла май.

Ё доғли сийнаси маҳзун булбулнинг,
Ичи қонга тўлмиш дардида гулнинг.

Ӣӯқ, ғалат сўзладим — бу бир боғ гули,
Шундан доғли эрур булбулнинг дили.

Гулининг шавқида доимо нолон,
Шул гулнинг жабридан чекадир афғон.

Алвойи бинафша ариқ четинда,
Титратма бор каби тану этинда.

Ё йўқлик мулкидин қаторма-қатор,
Яшиллик келтуур карвоңда баҳор.

Савсан ғунчалардин кўрсатур бармоқ,
Олуда этиби нийлу рангга, боқ.

— Мендандир,— дейди у,—боғнинг чиройи,
Бўёқчига келур кўк ранг киройи.

Наргис кўзи тегди упга азалдаи,
Кўкариб бўй чўзди сарв касалдан.

Шунданми юз минглаб ғунча чўзиб тил,
Дам солур сарвга бир-бир мустақил.

Ҳамиша баҳор гули деганича бор,
Ундан чорбоғ ичи ҳамиша баҳор.

Ёнинки пойига қирмизи гулни,
Чаман сонди эшрафийлар сонқипи.

Ёки Қорун ганжи өр остидайди,
Баҳор анинг сиррин фош этиб қўйди!

Гулхайри гулларин қалқон айламиш,
Устида забаржад маржон айламиши.

Шунданми ҳамма ёқ ганжга ўхшайди,
Қалқон тутган баҳор ганжни ўлчайди...

Лолазорда масқан қурган андалиб
Гул мадҳин тарк этмас тани ўт олиб.

Боди сабо лола ҳовончасида
Фолия туяди гул боғчасида.

Арғувон гуноҳкор бир ҳиндумикин,
Тани чўб зарбидан қорайдимикин?

Таёқ зарбидандир танда яралар,
Баданида юз минг қонли қатралар.

Занбақ гули ғунчаси ёнар чаманда,
Шу важ кофур нархи тушган экан-да?!

Анинг шу жилваси шишаи зарми?
Ёрнинг бармоқларин аён этарми?

Ворнинг янги келинчаги настаран —
Оҳорли рўмолин бошга боғлаган.

Қарилликдин нишонами—боши оқ!
Ёки жондин умид уздими ёш чоқ,

Чамалга маст қумри нолон кирибди,
Зебо сарв кўксини ошиён дебди.

Ул ҳам гул хабарин эшитибди-ку,
«Қани!» деб аламда зорланди «ку-ку?».

Қумрилар чинорда, маснад юқори,
Ҳар бири минора узра бир қори.

Бадроқдек ҳаммаси шавқу завқда, ҳур,
Ҳаммаси тангрига сано айтадур.

Оғиз шу маҳали лаззатга тўлар,
Мевалар сифатин сўзласам агар.

Узумин васфидан айтайн бир қур,
Лаълу дурлар билан гаровда енгур.

Назарга келтиринг соҳиби навъин,
Эслатур чиққабел дилбарлар лабин.

Ҳусайнин узумин ҳар бир донаси—
Гўзаллар лаълининг ол дурдонаси.

Ишқомлар осмонин кузатсанг агар,
Бобаки кўринур мисоли Ҳулкар.

Кузаки қанд билан гаровда банддай,
Новвотнинг устидан шакар тортгандай.

Шаккари навъининг узумидан енг,
Нархини сўрсангиз новвот билан teng.

Бир кезиб чиқсангиз тарвуз пайкалин,
Ҳавас ҳам қилмайсиз беҳишт асалин.

Чарх бу экинни омонда сақлар,
Балки осмон уни тумор-ла ёқлар.

Қовуни новвотнинг таъмини берар,
Мазаси танингга жон бўлиб кирап.

Араблар ҳалвога чўп ўрнатурлар,
Шириналлик қасдига на чуст қилурлар?

Қовуннинг ҳар бири каллақандча бор,
Өдамлар шунинг-чун бошини ёрат.

Айшу ишрат рукни эрур ҳар боли,
Шу бинонинг ҳеч ҳам бўлмас заволи.

Майсалари қўзга ташланган ҳамон,
Гўзаллар хаттининг ҳечлиги аён.

Нозик сабзалари—барра. ўлтириңг,
Нозикқадлар әҳсонига тенг кўринг.

Ширилиги ўткир — тилни тилади,
Алишер табъидан — буни билади.

Меваларга тўлиқ бу рангин бўстон,
Арзийди ёзолсам шаънига достон.

Ҳар аюри гўё чўғдек санжоний,
Лаъл каби товланур ёқут румоний.

Ҳўққа тўла лаълу ҳам қизил ёқут,
Жонингга бағишлар қувват билан қут.

Нашвотисин қиласай таъриф, сифотин,
Сув олади оғзиңг, зикр этсан отин.

Гўё шишачалар тўла новвотдир,
Дема наввот, унда оби ҳаётдир.

Ўн оғоч, ёйинжи ўн тош наридин,
Мушкин ҳид таралар олмаларидан!

Ўхшайди дилбарлар занахдонинга,
Кўрганлар илингай унинг домига.

Ё тавба, беҳисин обу рангидан,
Боғ кўрки ортади янги-янгидан.

Шираси беҳиштнинг сувими десам,
Жаннатнинг лаззати унда мужассам,

Таърифда ягона Тошканд анжири,
Бунда жамулжамдир сирларнинг сири.

Булардан ҳамиша жонга ҳаловат,
Шираси асални қилур маломат.

Бу вилоят подшоҳи ва бу олижаноб ноҳият шаҳаншоҳи... Севинхожаҳон эди... Адолати шу қадарли эдик, салтанати замонасида чумчуклар ўз ини учун лочину қарчи гайлардан нар сўрарди; алқору тоғ эчкилари ўз соқолига тароғликка ўткир човутли паланг чангалини муносиб кўрардилар... Адолатининг овоза тантанаси Арабу Ажамда шу қадар баландовоза бўлдики, йўлтўсарлар дастидан ҳеч ким танбур ноласидан бўлак нолани эшитмасди... Саховати камолидан ва адолати ободонлигидан мамлакатининг гадолари ўз ганжини яшириш учун бир вайронга тополмасди. Ситамгар гўзаллар ва жафокор дилбарлар ошиқлар сийнасидан ўзга кишиларга гамза тийги ва қарашма ҳәмжари билан жароҳат солмас эдилар; қўли очиқлигидан денгизу кондән келган бойликларни ҳадя этиб юборганди... Бу динпанаҳ подшонинг шаҳриёрлик дуржида икки гавҳари ва баҳтиёрлик буржида икки юлдузи бор эдик, ҳар иккиси салтанат дарёсининг дурри ва ҳашаматли осмонининг дурраси эдилар...

Бир куни олижаноб... вазир хожа Жалолиддин Юсуф Кошгарий хонасида эдик. Мазкур хожа улуғ хон ҳазрати мулоzаматидан келиб, бу каминани ҳузурларига чорлаётгандари ҳақида хушхабар келтириб, дедилар: «Бугун ҳазрати хон мажлисида Тошканднинг акобири улуғлари, уламою фузалоси жам бўлган эди. Илму уламо фазилатлари борасида сўз борарди... Аълоҳазрат хон дедиларки «илло алҳамду валминнату»ки мунаввар замири мизда лавҳи ва кўнглимиз саҳифасига илм соҳиблари иззату икроми битиклиkdir... Шундай экан, энди биз суюқли саодатманд фарзандимиз, салтанатимизнинг кўрар кўзи ва қудрати... Наврўз Аҳмадга муаллимлик ва сабоқ бериш мансабига...илмий ва адабий фазилатлари билан мавсуф (васф қилинувчи) ва «илм ҳусндири» маъноси сифати билан маъруф бўлган мавлоно Қамолиддин Восифийни тайинлаймиз. Чунончи, маъқул хислатлари ва ёқимли шамойили бу саодатманд фарзандимизга камолат асбобидан таҳсил беришда ва одобу адолат расм-руссумларини камолга етказишда жидду жаҳди етарлидир...»

Иттифоқо шу куни саодатли соатда ихтиёр қилиб,

улув хожа тегишли тайёргарликни кўриб, девонхонада бу каминани мажлисга таклиф қилди. Ҳазрати Султон Наврўз Аҳмад мавлоно Нуриддин Абдураҳмон Жомийнинг назмий сарфини ўқишидан бошлади. Унинг жидду жаҳди шу қадарли эдики эрта тонгдан намозгаргача, кечқурундан шомгача мутолаа ва баҳс ҳикри билан машғул бўларди. Бирлаҳза ҳам унинг хаёли сабоқдан ташқари чиқмасди. Баъзида тезрафтор қалам жилавини сахий бармоқлар ихтиёрига бериб, руҳият ҳандасаси бўлмиш хат қондаларига машғул бўларди. Андақ фурсатда «ilm қаламдандир» сўзи ёрдамида сулс тавқеъники, насх ғуборини замон хушнавислари риқоғсига сепарди; гўзаллар хатти райҳонидек диллар таълиқини таҳрир қиласарди. Хат ва қалам сурмоқ фанларида, иншо турлари ва фасоҳатли жумлалар тузишда замонанинг илғорларидан бўлиб қолди. Кеч кириши билан сабоқ ва варақларда машқ қилишдан фориғ бўлиб, созандалар созини чалиш ва навозанда мутриблар ижросига эргашишга ҳаракат қиласарди. Жонфизо наволари ва дилрабо нағмалари билан чаңгчи Зуҳрони фалакдан Ер томон индира оладиган, тарабангиз куйлар ижроси билақ бенаво ошиқлар кўзларидан қўшалоқ булоқ оча оладиган муганийлар табакаси билан суҳбатлар қуарди. Мулоим нақарот, мавзун нағмалар адоси ва ритм усуслари ҳосилларидан сўнг улар бу киши билан қонунда машқ қиласардилар. Токи мусиқий илмида ва адвор фанида шундай жойга етдиларки, нишот қўзғатувчи замзамаси хушовоз Ноҳиддинг қулоғини чанг гўшасидек бураб қўя оларди. Туркона куйлаганда руднинг қуруқ торлари дастидан айш булогига сув очиларди, чашмининг бир имоси билан минг чашмани очиб юборарди. Гоҳида фикр ҳазинисини аruz баҳрида оқизар ва суханварларнинг соғлом табъи садафидан чиққан буюк шоирлар фикри дур бўлакларини фаҳму фаросати риштасига тизарди. Тақтеъ ва зуҳофлар кайфияти, шеър баҳрлари ва вазнларининг, санъатлари ва бадиаларининг миқдори, ҳарфлар хислатлари ва камчиликлари, қоғия ҳаракатлари ва ҳожибу радииф шарҳи, бу латиф ва муборак фанга тегишли бошқа жиҳатларни ўзластириб олди. Қамондорликда шу даражага етдики, бирорта паҳлавон ҳам унингдек камон тортолмасди. Унинг ёй ўқи душман кўзига бориб етмай тинчимасди; камон тортган вақтида фалак Қавс чиллахонасидан туриб таҳсинга оғиз очарди. Ўқи отилган вақтда

бурчак бурчаклардан «Офарин!» овози кўтарилади... Шаҳзоданинг бир тезюар оти бор эдики, тезлиги суръатидан ўтган замонлардан ўтиб кетарди. Шитоб қилиб, бир-икки қадам билан келадиган замонларга ҳам етиб борарди. Сайри суръати шу қадарли эдики, кўз уйқуда пайти жавлон қилса, ширин уйқу лаззатини зойил қилмасди. Йўртган пайтда оёқ босишидан ернинг асло хабари бўлмасди... Шу отни тахтга ўлтирган кунлари тўла эгар жабдуғи билан бу каминага инъом қилдилар. Кураш тушиш расми, олишув қоидаларига шу қадарли эдики, Рустами Дастон ҳадиси, Исфандиёри Рўйинтан достонини янгилатган эди; шер овловчи Пижан ҳикоясини эл ёдига соларди. Уруш сафи девонини тошбўрон ўтида яшин сингари кўйдирив юборар, сипеҳр майдонининг найзадори. Самоки Ромиҳ кўзини шигоб янглиғ найзаси билан санча олади. Шунингдек, осмон зийнатли, жаннат тартибли, маслаги нодир фазилатлар инадиган жой бўлган илму камол аҳли унинг мурожаатгоҳи эди.

Баҳор вақти, азал сунъининг машшотаси рабиъ ойининг дилрабо янги келинини лола ғозаси ва гуллар оқлиги билан ораста ва зийнат бериб, сунбулнинг жингалак муанбар сочи қўнғирогини унинг юзига таққанда, сарв панжасидан билагини безаганда... Замон кўзи нарғислардан юз минглаб кўзларини тамоша учун очди. Баҳорнинг нодиракор нассожи (тикувчи, тўқувчи) гулбунларнинг писта ранг атласи ёқасини феруза ғунчалар тугмаси билан зийнатлаган эди. Ёсуманинг рангин кошинли алвон жомасига турли нақшлар ва товланувчи барглар билан товус паридек пардоз берганди. Бўстон саҳнини Кайковус базмининг рашкини келтирадиган даражада безаганини кўриб, бўстон саҳни тўй мажлиси ёки келин саройи деб ўйлабсанки, сарвлардан ҳар томонда яшил чироқлар порларди. Нилуфарнинг кўк шамдонлари ҳар тарафдан кўзга ташланарди. Гулгун бода тўла ғунчаларнинг яшил шишачалари, лаълин лола пиёлалари юз мингдан ҳам ортарди. Ҳазрати аъло ҳоқони Сулаймон-маконий Севинчхожаҳоннинг давлат сифатли мавкиби яйлов сари йўл олиб, салсабил наҳридан хабар берувчи Калас дарёси бўйини шоҳона чодирлар қароргоҳига айлантирди. У манзилдаги қозиқлару тортилган таноблар юлдузи шиҳоблардан ҳам зиёда эди.

Бир куни сultonнинг муборак мажлисида ўтирадик. Ҳар бобдан сўз борарди. Шу аснода Қароқозининг ўғли

Мұхаммад Боқи Туркистон вилоятидан келиб қолди ва осмон мартабали остана тақбилига мушарраф бўлди. Гўё бир ажойиб махлуқ ва ғаройиб санъаткор масҳарабоз келди... Ногоҳ подшо чодири эшигидан кирдию менга ассалому алайкум, деди. Мен жавоб бердим-да... унинг беназир сунбатига боқиб, бир ҳикоя бошладим:

Хурросон вилоятида бир надим бор эди; Қосим Ҳисорий дер эдилар. Очиқкўнгил бўлганидан нишот аҳлидилидан завқу шавқдек ўрин олган эди. Юракдаги ғаму андухни хамирдан қил суғургандек олиб ташлаёларди. Уни Ҳисор халқи таърифу тавсифи билан қўшиб гапирадилар. Фаҳму идрокда овозаси қетганди. Ўша халқнинг фасоҳату балоғатини баён саҳифасида жилвалантиради. Бир куни Ҳисор томондан бир карвон келди. Биз у билан Ҳирот хиёбонида сайд қиласардик. Бир киши отидан сакраб тушиб, Қосимга юзланди-да, ассаломалайкум, деди. Мен, баракалло, мавлоно Қосим Ҳисорнинг халқи қобилияту салоҳияти уларнинг саломидан маълум бўлди дедим. Қосим шарманда бўлиб, ерга қараб қолди. Ҳалиги одамни уйи томон бошлаб кетди. Хурсоннинг донғи кетганди шаробхоналаридан бўлган Мирза Баҳодир ҳовлисига етганимизда ҳовлидан мастларнинг бақириқ-чақириқлари эшитилди... Қосим Ҳисорий ҳалиги мусофирга деди: бу бизнинг уйимиз. Кирғинг, суфада бемолол дам олинг, менинг зарур бир ишим бор. Ҳалиги одам кириб, bemolol суфага ўтирди. Мастилар ундан: сен кимсан? Қаердан келдинг? — деб сўрашди. У, мен Қосим Ҳисорийнинг меҳмониман, деди. Мастилар галаси уни дўппослаг кетишиди, бошини уриб ёришди. Йкки қўлини орқасига қилиб боғлаб чунонам уришдики, байрам кечаси ноғорани ҳам бунчалик уришмасди. Уни уқубатли бир аҳволда кўчага чиқариб ташлашди. Қосим Ҳисорий етиб келди. Уни бу ҳолатда кўриб: «Эй оғайни, алифломни танвин билан жам қилган сазою жазога лойиқ киши ким бўлди? Мени фозиллар орасида шарманда қилдинг-ку!»

Ҳикояни тугатишм билан... мажлис аҳли гуррос уриб кулиб юборди... Келган одам деди: «Мен толиби илм ва Абубакр Сиддиқ авлодиданман. Эй Абубакр, мени ҳўрлаётган бу одамларни шарманда қилгин ва бало-қаърига ташлагин!» Мажлис аҳлидан бири деди: «Биз уни яхши биламиз. У Янги шаҳрининг энг пасткаш одамларидан. Зиндиқнинг Сиддиққа қанақа алоқаси бўларди?» Мен дедим: Насабинг маълум бўлди, ҳасабдан баён

қил!. Ундан мавлоно жабалий «Алқориату малқориа» сурасининг тафсирини сўрадилар. Бу жуда яхши ва фалати савол эди. Жавоб беришдан олдин мавлоно Мұҳаммад Боқи Туркистоний туркийча сўз бодслаб дели: «Сиз айтасизки, қилич-милич, қалқон-малқон, ўқ-мүқ. Тангри ҳам ўшундоқ айтибдурки... «Алқориату малқориату». Бу бемаъни гапни эшитиб ичимга ўт тушган-дек бўлди, сабру тоқатим матоини куйдириб юборди. Мен, эй нодон... худо каломинию Қуръон сўзини шу маънида баён қилгани уялмайсанми, дедим. У қизишиб, ҳақорат қила бошлади... Мен чодирдан чиқиб кетдим....

Хондан рухсат олиб, Тошканднинг зариф ва надим киниларидан бўлган мавлоно хожа Али Ўбаҳий билан ҳамроҳликда Тошкандга етиб келдим. Қирқ кундан кейин зафарли хон байроқлари Тошканд доруссалтанаси томон йўналди. Ўша куни олижаноб... сайдилар авлодининг сараси Сайид Шамсиддин Мұҳаммад Куртий... Ахси вилоятидан Тошкентга ташриф буюрган эдилар Жумъа намози адосидан сўнг хожа Убайдулло... олий мадрасаси суфасида... жамеъи акобири олий зотлар, каттаю кичик уламою фузало йигилган эди. Олижаноб мавлоно Абдулғаффор илми каломдақ ўртага масала ташлади... (Баҳсга мавлоно Шайх Боқи, Тошканд қозиси мавлоно Ҳофиз Поянда кабилар қатиашди)...

Мен амирулумаро Сулаймон тархон ҳузурига бориб; уни васила қилиб, хондан Шаҳрсабзга бориш учун рухсат олдим. Ҳазрати маҳдум Сайид Шамсиддин Мұҳаммад, мавлоно Амир Ҳусайн ва Тошканд қозисининг ўғли билан Шаҳрисабзга жўнадик. Қози Шайхмуҳаммад Содик ўз уйида бизни илиқ кутиб олди. Анча муддат бу мақсадлар каъбасида туриб қолдик. Бир ой ўтди. Оқибат мен ва мавлоно Амир Ҳусайн Тошканд қозисининг ўғли билан ижозат олиб, Тошкандга келдик. Бу ердан Туркистонга жўнадик. Иттифоқо хон, Кўчумхон ва Самарқанднинг бошқа султонлари қозоқлар устига юриш қилиш учун Туркистонга келиб қолди. Султон Абусайднинг вазири хожа Офоқ тоби бироз қочганидан Сабронда қолди. Мен у билан яқин дўст бўлиб қолдим... У мени Самарқандга биргаликда кетишга ундали. Султонлар қайтишаётганда у билан Самарқандга жўнадим. Самарқанднинг амалдору аслзодалари мени эҳтиром билан кутиб олишди ва ҳазрати улҷиф хожа Убайдулло қурдирган

Атторон бозоридаги масжид имомлигига тайинлашди. Шу масжида панжшанба куни ваъз айтишга қарор қилинди. Одам кўплиги ва жойнинг торлигидан ваъз мажлиси Масжиди жомеъда жумъя намозидан кейин бўлиб ўтди. Самарқанднинг акобирку муударисларидан мавлоно Амири Калон, Амир Абулбақо, мавлоно Иброҳим Ширвоний, мавлоно Бобои Ширвоний, мавлоно Хожагий, мавлоно Маҳмуд Бохорий ва бошқа маҳдумлар ташриф буюришган эди...

Шу йўсинда бир йил ўтди. Олижаноб... Султон Мұхаммад Баҳодирхон Шоҳрухия вилоятидан бу каминани сўраб, лутфу иноят нишонини юбордилар. Унга муҳр босиб банданавозлик ва заррапарварлик қоидасини намоён этган эдилар. Самарқанд акобирлари бу фақирнинг кетишини маслаҳат кўрмай, рухсат бермадилар. Нишонга узр сўраб жавоб ёзиши таклиф қилдилар... (Хонга, садр шайхулисломга, амир Мұхаммад Мирак, мавлоно Қатилийга ҳам мактуб ёзиб жўнатилди...) Бу ариза ва мактублар ҳазрати султонга... етгач, муҳаббат ва иноқлик занжирни ҳаракатга келиб, шавқ олови шуъласини янада кучайтирги. Абу Сайд султонга бир мактуб ва Самарқанд акобирлари номига ҳам даргоҳи олампаҳоҳ муншийларининг дур тўкувчи ва гавҳарнисор қалами билан битилган нишонни Ҳожим Тархон Туркистоний Самарқандга олиб келди. Абу Сайд Султон вазири хожа Оғоққа сафар ҳозирлигини кўриб, бу каминани... Келдимуҳаммад Султон... саройига етказиши буюрди.

Шоҳрухияда эътиборим кундан-кун орта бошлади. Илми нужумдан маҳорати бўлган мавлоно Қатилий хон мажлисида ҳаммадан юқори ўринда ўтиради. Дастлабки мажлисида мен ундан қўйироқ ўтирмоқчи бўлдим. Аммо у тавозе ва камтарлик билан мени ўзидан юқорироқка таклиф қилди. Охири у мени ўзидан баландроқ ўринга ўтқазди. Келдимуҳаммад султон менинг юқорида ўтишимдан Қатилий норози деб гумон қилиб, шу хусусда деди: «Худо такаббурларни ёқтирамайди». Камина дедимики, шоҳо! Биз ҳар иккимиз ҳам биримизни юқори ўткашишга ҳаракат қилдик. Аммо, мавлоно Қатилий камоли камтаринликдан мени юқорига ўтқазди. Султон хурсанд бўлиб, сизга ўхшаш фозиллардан бундай хислатнинг солидир бўлиши марғуб ва эътиборга лойиқдир, деди. У бизнинг бу ишимизни, бир-биримизга тавозе қилганимизни бир неча мажлисида фахр билан ҳикоя қилиб берди. Шу

мажлисда оғонага яқин жойда икки киши турарди. Ҳазрати Султон ҳар замонда уларга кўз қирини ташлаб кулиб қўярдилар. Охири бу фақирға қараб дедилар: «Бу икки одамин танийсизми?» Мен: «Буларни кўрмаганман, танимайман», дедим. Султон: буларнинг ҳар бири нақлидан бир нуқл (луқма) изҳор табағида келтираман, кимлигини билиб олинг. Уларнинг бирига ишорат қилиб,— бу кишини мавлоно Ҳожи Муҳаммад дейишади. Толиби илмлардан. Үзлари жуда ҳам садоқатли, фазилат аҳли муҳаббатини қозонишига қобилияти бор. Бундай зотлар мансабига тақлид қилиш номаъқулдир. Маслаҳат билан бу кишига шу даргоҳ китобдорлиги мансабини бағишладик. Мавлоно Нодирий аср гўзаллари ва даҳр соҳийларидан бўлиб, бу ерга ташриф буюрган эдилар. «Изҳори музмари» санъатини билишларини изҳор қилдилар. У киши бир рубоий ўқирдилар. Ким агар Султон Муҳаммад исмидан бирор ҳарфни хотирида сақласа, у шу рубоийни қайтараётганда топарди. Мавлоно Муҳаммад дедиларки, мен бир ҳарфни «Султон Муҳаммад»дан хотирга олдим. Сиз уни тополмайсиз. Мавлоно Нодирий ўша рубоийни ўқидилар-да, сўрадилар: «Ўша ҳарфи музмар қайси мисрада?» Жавоб бердиларки, ҳеч қайсисида йўқ. Ҳамма таажжубда қолди. «Бундай бўлиши мумкин эмас, бирор мисрада бордир. Иноят қилиб айтинг-чи бўлмаса, у қайси ҳарф бўлди ва қайси мисрада? Ҳожи Муҳаммад дедиларки, у айн ҳарфидир... Шундан кейин у кишини «Айни инсондирлар ве инсон айнилар» дейдиган бўлишиди. Кейин хон дедилар: «Иккинчиларини Паҳлавонзодаи тарроҳ» дейдилар. Бир неч суҳбат қургандик. Кайковус базмидек ораста мажлис бўлди. Ҳусн аҳли созу навоз арбобининг сону саноғига етиб бўлмасди. Ҳазрати... мавлоно Нуриддин Абдураҳмон Жомий шеърларидан ўқилди. Мен дедимки: «Ҳазрати мулло қандай бузруквор ва азиз одам бўлганлар. У кишининг камоли жамолидан мунаvvар бўлган кўзлар эгаси баҳтиёрdir. Виляятимизда у кишини кўрган киши топилармикин?» Паҳлавонзода: Бали, Султоним, фақир у кишини кўрганман, мулозаматларида бўлганман. Ҳазрати мулло кўқимтир юзли, қотмароқ, ўртабўй, идрокдан холи бўлмаган одам эди, дедилар. Шу гапни айтиши билан мажлис аҳли гуррос уриб кулиб юборди. Шу бўлди-ю, бу кишининг номи «Паҳлавонзода холи аз идрок» бўлди.

Мен дедимки, Паҳлавонзоданинг бу сўзида жон бор. Бу гапни Жомийнинг: «Жомий, дилшуда ҳам холи аз идроки иист» («Дил берган Жомий ҳам идрокдан ҳоли эмас) мисрасидан олган бўлишлри мумкин. Ҳазрати Султон узоқ кулганларидан сўнг дедилар: «Илло, йўқ, унда бу қадар идрок йўқдир».

Шундан кейин ҳазрати Султон сўрадилар: «Ҳазрати маҳдумнинг байтлари қанчага боради? У кишининг нағисликлари нақдинаси қандай миқдорда». Мавлоно Қатилий дедиларки, маълум бўлишича, ул ҳазратнинг айтган байтлари тўқсон минг байтдан зиёда, юз минг байтга бормайди. Ҳазрати султон сўрадилар: «Мен ҳазрати мавлавийнинг эътиборга лойиқ, ўтмиш ва замондош шоирларининг шеърларидан ажратиб, мумтоз қилиб турган байтлари ҳажмини сўраяпман?» Мавлоно Қатилий жавоб беролмай, сукут сақладилар. Мен, маҳдумнинг куллиётини топиб, бир неча кун назаримдан ўткармасдан бу саволга жавоб беролмаслигимни айтдим. Ул ҳазрати киши юбориб, куллиётни ўрдадан келтирдилар ва мураккаб фикрли байтларини саралашни буюрдилар. Мен уч кун давомида куллиётни ўқиб, ул иқтидорли шоирнинг ажойиб шеърларидан ўнта парчани танладим. Бири—«Бисмилло»нинг таърифи борасидаги ул ҳазратнинг—биринчи девонидаги парча... иккинчиси—у жанобнинг девонидаги «Ҳам дар он жо маъние зоҳир бувад ҳам таъмия» (Мунда бир маъно зоҳир бўлур ҳам таъмия—яширин фикр, муаммо) сарлавҳали қасидаси... учинчиси, Яъқуббек мадҳига битилган қасидадан бир неча байт... тўртинчиси, савдогарлар бошлиги номасига жавоб тарзida ёзилган қасида, бешинчиси, он ҳазратнинг қўш қофияли газалидирки, Хуросон шоирларидан Мир Алишер унга татаббуъ боғлаганлар. Ҳожа Осафий ва Малолийдан бошқа аксар шоирлар унга жавоб ёзганлар. Жаноби Мир жавоб ёзмаган, бу икки шоирга инъомлар бериб, оғарину таҳсиллардан кейин дедиларки, сизлар шеършуносликда қўлингиз узун ва улкан қувватга эга экансизлар... олтиничиси; мавлоно Ҳамидкал тўгрисидаги қитъя... еттинчиси, мақтуъ (алоҳида-алоҳида) ва мавсум (пайваста) қоидалари бўйича ёзилган газал... саккизинчиси, ҳазрати пайғамбар шаънига наъти бўлиб, «Силсилатуззаҳаб» қитобидадир... тўққизинчиси; ҳазрати Юсуф алайхуссалом билан Зулайхонинг висол кечасига бағишланган байтлар...

Уч кун ўтгандан кейин ул олиҳазратнинг мажлисига келиб, шу ҳодисани изҳор ва ул бокира келинлар юзидаң ишқобини олмоқ истадим. У ҳазрат дедиларки, шошилманг, сабр қилинг, мавлоно Қатилий ҳам бу чуқур гирд об ва таҳқиқ уммонида ғаввослик қиласин. Кўрайликчи, бу киши соҳилга нима олиб чиқар эканлар. Мавлоно Мавлавийнинг куллиётини олиб уйларига жўнадилар. Уч кун ўтгач, мен ҳам ўнта нарса танладим, дедилар. Муқобала қилингандан бу каминанинг танлаганлари билан у кишиники мувофиқ келди, фарқ қилмади. Бу ҳол ҳам оламнинг ажойибу гаройибларидан бўлди. У ҳазрат... бизнинг ҳар биримизга эгар-жабдуқли от ва муносаб сарупо инъом қилдилар... Кейин ҳазрати Султон дедиларки, Фирдавсий достонидан... «Баҳористон»да ёки бошқа баъзи фозиллар китобларида келтирилган марғуб парчалар жуда кам. Кўпроқ бўлса керак. Батафсил зикр этилса мақсадга мувофиқ ва кўнгилдагидек бўларди.

ФИРДАВСИЙ ТУСИЙ ДОСТОНИНИНГ ЁЗИЛИШИ

Айтишларича, Султон Маҳмуд Ғазнавий замонида Тус аслзода деҳқонларидан бир киши бўлиб, уни Али Дайлам дер эканлар. Унинг икки ўғли бўлган: Абулқосим ва Абумансур. Абулқосим шоиру фозилликда замонасининг ягонаси бўлган. Оталари дунёдан кўз юмди. Тус омилининг уларга хусумати бор эди, ака-указга зулм ва зўрлик қила бошлади. Буларнинг бир Муҳаммад Аскарий деган дўстлари бор эди. У билан маслаҳат қилдилар: мулкимиз, экин, ерларимизни сотиб, савдогар бўлиб кетсанмиз?! Бунга уларнинг дўстлари рози бўлмади. У деди: Султон Маҳмуд шоирларни эъзозлайди. Абулқосим Ғазнага бормоғи ва омилиниг ёмон қилиқларига барҳам бермоғи лозим. Шу фикрга келиндишлар. Абулқосим Ғазнага жўнади. Ғазна шаҳри яқининда Султоннинг бир чорбоғи бор эди; боғи Эрамдек ораста, ҳури ийндеқ безатилган. У қараса Унсурий, Фарруҳий ва Аскадий шу боғда ишрат қилиб ўтиришибди. Абулқосим уларга яқин кела бошлади. Шоирлар бегона одамнинг келаётганини кўриб, айшимизни бузмоқчи шекилли деб ўйлаб, ҳийла ишлатдилар, ундан қутулмоқ мақсадида: келишиб ҳар биримиз³

биттадан мисра айтамиз, тўртинчисини айтмаймиз. Унга деймизки, биз шоирлармиз, шоирлардан бошқа одамлар билан сұхбат қурмаймиз. Ким бизнинг рубоиймизнинг тўртинчи мисрасини айтса, бизниг даврага қўшила олади, йўқ эса, бизни холи қўяди.. Абулқосим улар айтган рубоийнинг тўртинчи мисрасини айтгач, шоирлар уни иззат-хурмат билан тўрга чиқаздилар, ҳол-аҳвол сўрадилар. У ўзи тўғрисида сўзлаб берди. Шоирлар, агар бу одам Султон ҳузурига йўл топса бизнинг қадру қимматимиз қолмайди, деган андишага бордилар-да, Султон ҳузурига кириш йўлини айтмадилар. Фирдавсий етмиш кун Ғазида яшади. Султон билан кўришини учун ҳеч баҳона топа олмади. Мушкул аҳволда қолди. Бир куни масжидда тафаккур бошини тиззалари орасига олиб ўтирас экан, ногоҳ бир нозанин йигитнинг фахрли либосда масжидга келишини кўрди. Фирдавсий унинг кимлигини бир кишидан сўраганда, унга «бу киши Моҳак кўзбойлағич дедилар, Султон мажлисининг хос надимларидан». Фирдавсий, зора шу орқали ишим юришса деб ўйлаб, унга яқинлашиди-да, ўз аҳволини баён қилди. Моҳакка унинг сұхбати ёқиб қолди. Абулқосимни у уйига олиб кетди; иззат-хурмат кўрсатди. Султон мажлисидан қайтар экан, Моҳак ҳар кун Фирдавсий билан сұхбат қуарди. Бир куни у Моҳакка деди: «Агар фурсат топа олсанг, ҳолимни ҳазрати султонга айтсанг». У деди: «Бугун шундай фурсат бўлган эди. Аммо «Сийярулмулук»ни назм қилган шоирлар бор эди. Ҳар бири бир достон назм қилиб келтирган экан». Абулқосим сўради: «Кимнинг шеъри маъқул топилди?» У деди: «Унсурийники». Абулқосим, «Сийярулмулук»ни олдинроқ назм қилганлар», деди. У, шундай бўлмаса керак, йўқса ҳамма биларди-ку деди. Абулқосим ўзи ёзган достонни унга тутқазди. Моҳак уни Султонга етказди. Достон Султонга маъқул тушди. Сўради: қаердан олдинг? У, бир фозил ва шоир, омил жавридан қочиб Тусдан келган бир кишидан, у менинг ҳовлимда, деди. «Сиярулмулук» ҳақида гап кетганда менинг бошлаган бир достоним бор, шояд тамом қилолсам, деб шу достонни берди. Султон уни келтиришни буюрди-да, деди: «Аниқлаш лозим. Агар шунгача айтилган бўлса, заҳмат чекмай қўяқоламиз». Фирдавсий Султон мажлисига келиши билан, Сиз сўраган ушбу китобни мен назм қила бошлаган эдим, деди. Султон худои таолога шукурлар қилди, шундайин шоир-

га стишгани учун. Шунда Султон мажлис ахлига қараб, Лёзининг хатти ҳақида бир рубоий айтишни буюрди. Шорлар Абулқосимга ишора қилишди. У бадеҳа тарзида рубоий тўқиди. Султон буни эшишиб, омон бўл эй Фирдавсий, мажлисимни Фирдавс боғидек обод қилдинг, деди-ла, унга инъомлар берди. Ҳукм қилдикни, бундан буён уни Фирдавсий деб улуғлашсан. Унга «Шоҳнома»ни назм қилишини буюрди. Саройи ёнидан унга жой ҳозирлаб берди. Айтишларича, Шоҳноманинг муқаддимасида Фирдавсий Султон даргоҳи аъёнларидан бир нечасини мадҳ қилган. Султоннинг вазири Ҳожа Ҳасан Маймандийни, Фирдавсий шна ва у эса носибий (Алини тан олмайдиган)лар тоифасидан бўлганилиги учун тилга олмади. Фирдавсийнинг дўстлари унга насиҳат қилиб, Маймандийни мадҳ этишга ундадилар. Аммо у қабул қилмади: Менинг номим назм билан боқий қолади. Султон карами билан эмас, левон миннатини тортмайман. Эътироуз билдирувчилар бу гапни Ҳожа Ҳасан Маймандийга етказдилар ва унинг дилида адоварат қўзғатдилар. Фирдавсий олтмиш минг байт ёзиб, ҳазрати Султонга келтиргач, асар фоят мақбул ва манзур бўлди. Ҳожа Ҳасан Маймандийга буюрди «Юз минг дирам қизил тиллани Фирдавсийга жўнатинг. Одам Атодан шу кунгача ҳеч ким бунчалик назм айтмаган ва айта олмайди ҳам». Фирдавсийга гаразни дилига туғиб юрган вазир фурсатни ғанимат билиб деди: «Султон ҳиммати ва Фирдавсий шеърини қиёслаганда бу инъомни икки бор кўпайтирмоқ лозим. Шунда ҳам унинг ҳақи кетади. Аммо оз-оздан бермоқ лозим». Султоннинг ғазаби қайнаб, нима хазинамда бунчалик зар йўқми, деди. Ҳасан деди: «Султоним, агар истаса ундан юз минг чандон ортиғи топилади. Аммо одам бундай катта бойлик олдида ҳайратдан ва хурсандликдан ўлиб қолиши мумкин. Унда ҳайф бўлади, гарчи Фирдавсий рофизий ва мұтазилий бўлса ҳам...» Султон Маҳмуд мутаассиб одам эди. Бу сўзлар унга ёмон таъсир қилди. Ҳожа Ҳасанга деди: «Билганингни қил. Иложини топиб уни рози қилиш йўлини топ». Вазирнинг буйруғи билан олтмиш минг дирамни Фирдавсийга олиб бордилар. Фирдавсий ҳаммомда эди. Уйига келса унга пул халтасини беришиди. Қизил тилла бўлса керак деб ўйлади. Кумуш эканлигини кўриб, дилгир бўлди. Ҳожа Ҳасан уни алдагани маълум бўлди. Маблағнинг йигирма минг дирамини ҳаммомчига берди, яна йигирма мингини бўзачига, қолган

Йигирма мингини уни олиб келтирган кишига бериб, деди: Султонга менинг таъзимимни етказ. Менинг бу хизматим номимнинг боқий қолиши учун қилинган, фоний молу дунё учун эмаслигини ҳам айтгин. Бу гап Султонга етгач, Ҳожа Ҳасанга ғазаб қилди: «Сен қўзгадинг шу фитнани. Биз энди шоирлар орасида гап бўламиз, бадном қилдинг». Ҳожа Ҳасан деди: «Эй шоҳим, Султондан нима келса, раият уни улуғ тутунини лозим. Унга бир бўлак кесак бериладиган бўлса ҳам, уни хор қилмаслиги лозим эди. Камҳурмат ва илтифотсизлик қилмаслиги лозим. У одам аҳмоқ экан. Сизнинг инъомингизни ҳор қилибди». Султоннинг авзойи ўзгариб, деди. «Фармоним шу-бундайин қарматийни фил оёқлари остига ташласинлар». Фирдавсий буни эшитиб даҳшатга тушди. Уйидан Султон саройига келаётганди. Султон таҳорат қилиш учун хонасидан чиқсан пайт Фирдавсий унинг оёғига йиқилиб, деди: «Шоҳим, бу банда хусусида шубҳангиз бор экан, шоҳ фикрига қарши чиқиб бўлмайди. Аммо Султон мулкларида мусулмонларга зид бўлган ҳар миллат одамлари борки, ҳашаматингиз соясида яшамоқдалар. Не бўлгайки, бу қулингиҳни ҳам уларнинг бири қаторида кўрсангиз-у, у ўлимдан қолса.» Бу гаплардан Султон хижолатда қолиб, деди: «Жонингизга омонлик бераман. Аммо бу даргоҳдан кетишингиз лозим». Фирдавсий ташаккур айтиб чиқиб кетди. Ўзига тегишли нарсаларни Тусга жўнатди. У Аёз билан яқин эди. Унга қофозга бир неча байт ёзиб берди-да, йигирма кундан кейин Султонга берасан, деди. Ўзи эса Газнадан чиқиб жўнади. Ўша муддат етиб келгач, Аёз қофозни Султонга берди. Султон ишрат билан машғул эди. Уни ўқиш учун Унсурийга берди... Султон Маҳмуд унда ўзининг ҳажв қулинганини билиб, ғазаби қайнаб тошди. Лашкар нақибларига буюрди: «Кимки Фирдавсийни келтирса ўн минг динор бераман». Улар муддат сўрадилар. Қидириб, Фирдавсийни тополмадилар. Шу сабаб бўлдию, Султон Маҳмуд Ҳожа Ҳасан Маймандийни қатл этди.

Фирдавсий Газнадан кетиши билан Ҳиротдаги Азракийнинг ўғли Исмоил varroқ уйида олти ой яширини яшади. Уни изловчилар қайтиб кетиши билан омон қолган Фирдавсий Тусга қараб йўл олди. «Шоҳнома»ни олиб Табаристонга келди. У ернинг подшоси Шерзод ҳузурига келиб, буни сенинг номининг бағишлийман. У сенинг боғонг, аждодларинг тўғрисида, деди. Шерзод унга ҳур-

мат кўрсатди ва деди: «Эй устод, Султон арзига етказмагайлар яна. Сен шиа мазҳабидасан. Ким агар пайғамбар хонадонига тавалло қилса, дунёда унинг ҳеч бир иши юринимайди. Султон менинг ҳокимим. Сен «Шоҳнома»ни унинг номига ёзгансан, шундай қолдир. Унинг ҳажвини эса менга сот». Фирдавсий қабул қилди ва уйига қайтди. Эртасига унга юз минг дирам юборди ва ўша юз байт Султон Маҳмудга ёзилган ҳажвни олди ва ёндириб юборди. Ҳажвини йўқотди. Ҳақиқатда яхши хизмат эди бу. Қейин у Фирдавсийни Мозандаронга жўнатди. У вилоятнинг подшоҳи шиа эди, Султон ходимларидан эди. Фирдавсий шу ерда ўрнашиб «шоҳнома»ни қайта ишлади. Бир куни у шоҳнинг маҳрамларидан бирига деди: «подшони кўрсангиз, менинг ҳолимдан хабар берсангиз». Фирдавсий ҳақида подшога етказишлари билан у деди: «Мен Султон Маҳмуд мулозимиман. Мабодо уни талаб қилса, иш мушкуллашади». У Фирдавсийга кўпгина инъомлар бериб, бу ердан кетиши маъқул эканини айтди. Фирдавсий ундан Бағдод томон кетди. Шаҳардаги бир савдогарнинг уйига жойлашди. Савдогар ҳалифанинг вазири биландўст эди. Фирдавсий ҳақида вазирга гапирди. Вазир эса ҳалифага етказди. Халифа Фирдавсийни чорлаб, олтмиш минг мисқол тилло ва фахрли либослар инъом қилди ва шу ерда тинч яшайверишини айтди. Султон Маҳмуд бу гапдан воқиф бўлиб, дорулхилофага ёзди: «Агар ўша қарматийни менга жўнатмасанг, Бағдодни филлар оёғи остида топтатаман». Бу хат ҳалифага тегиши билан жавоб ёзди: «Бисмилоҳир-раҳмонираҳими алам»... У билан элчини қайтариб жўнатди. Султон хатни ўқиб қараса уч калима сўз. Бўлак гап йўқ. Таажжубланди, бу нима румуз бўлди, деб. Бутун оқиллар уни ҳал қилишдан ожиз эдилар. Шулар тўдасида бир ёш йигит бор эди. У деди: «Агар Султон рухсат этса бу мушкулни ечсан». Султон буюрди. Йигит деди: «Султон ўз мактубида агар рад жавоби келса, Бағдодни фил оёқлари остида топтатаман деган эдилар. Жавоб келди: Аламтара кайфа набала раббика биасҳабилфили». Бу гап Султонга ёқиб тусиб, йигитни тарбия қилди.

Бир қанча фурсат ўтгач, Султон билан гуз қабиласи ўртасида уруш бўлди. Фузларга мактуб ёзилди. Ўлардан қандай жавоб келганини Султон вазиридан сўради. Вазир деди: Жавоблари шундай:

Агар на ба коми ман ояд жавоб,
Ману турэу майдони Афросиёб.

Султон бу кимнинг байти эканлигини сўради: ундан мардлик ва жасорат уфуриб турибди. Сарой аъёнларидан бири деди: «Бечора Фирдавсийники. У ўттиз йил ранж чекиб, шундай китоб ёзди. Аммо ҳеч бир самарасини кўрмади». Султон унга бу гапни Газнага келишлари билан ёдга солишни буюрди. Газнага келгач, Хожа Аҳмад бинни Ҳасан Фирдавсийни Султоннинг эсига солди. Султон юз минг мисқол тилло топтириб, хос туяларга ортишини ва Тусга элтишни, Фирдавсийга топшириб, ундан узрлар сўрашни буюрди. Хожа Ҳасан кўпдан бери шундай орзу билан яшарди. Дарҳол ишга киришди. Туяларни ҳозирлаб жўнатди.

Фирдавсий Бағдоддан қайтиб Тусга келган эди. Бозорларни айланиб юрар экан, бир гўдакнинг ҳазин овозда қўйидагиларни хониш қилишини эшилди:

Чу Рустам падар бошаду ман писар,
Ба гити намонад яки тожвар.
Чу равшан бувад рўйи хуршиди моҳ.
Ситора чаро барфарозад кулоҳ?

(Рустам отам бўлсаю, мен ўғли бўлганимда, жаҳонда қолмасди бирор подиоҳ. Қуёш ва ой болқиб турганда юлдуз нечун кулоҳини осмон сари кўтаради?)

Фирдавсий буни эшилдию, оҳ деб беҳуш йиқилди. Уни уйига келтирдилар. Уч кун ўтиб, жон берди. Фудбор дарвозасидан Султон туяларини киритдилар. Фирдавсий жанозасини эса Разон дарвозасидан чиқардилар. Тусда бир мутаассиб одам бор эди. У деди: «Ўнинг жасадини мусулмонлар гўристонига қўймайман, у роғизий эди». Но илож Фирдавсийнинг жасадини ўзининг боғига қўйдилар. Фирдавсийдан бир қиз қолган эди. Султон инъомини унга келтирдилар. У қабул қилмади. Бўлган гапларни Султонга етказганларида, у буйруқ юборди: «Ҳалиги ўзбошимча кишини шаҳардан чиқариб ҳайданглар. Тиллаларни эса Имом Исҳоққа топширинглар, мозорот, хонақо вақфларга сарфласин». Шундай қилишди.

САЪИДИ ШАҲИД УЛУҒБЕК МИРЗОНИНГ БАЪЗИ ФАЗИЛАТЛАРИ ВА КАМОЛАТИ ЗИКРИДА

Бир куни олижаноб садоратмаоб, шайх Шайхулолам ва Муҳаммадамин Мирак бу банданинг уйига келиб, меҳрибонликлар кўрсатдилар ва дедилар; Ҳазрати Султон сизнинг суҳбатингиздан ифтихор ва завқ ҳосил қилдилар ва дедиларки, мавлавийнинг хуш ахлоқи ва марҳаматлари насимидан шу нарса сўралади: ҳар субҳоҳ, забаржадий фалак дастурхони гирдини оллоҳ ошхонаси хонсолори юлдузларнинг майдага ҳалқалари ва учарюлдузларнинг нозик иплари билан безаб, худо паноҳидаги подшоҳлик оламининг нағмапардоз хушвовоз қориси... овоз қилганда, ионуштадан сўнг келиб, худо каломи ва йўриқларидан ушрини тиловат қилсалар, токи у кишининг баҳти бизнинг еаодатнишон замонда зиёда ва баландроқ бўлса. Яна шуки, насиҳат ва ўғит мазмунидаги ибраторумуз ҳикоялар ва ҳикматли нукталар айтиб турсалар, зора ундан табиат ўткирлашар, зеҳи фараҳ топарди. Бундан ташқари, олий мақсадли ҳимматимиз шунга қаратилганки, мазлумни ва ғамзада бечоралар ҳолини сўраш ва доғига етмоқ пайғамбар шарнати ва аҳмадий дину миллатига мувофиқ келади. Шу туфайли, ҳол сўраш вақтида ҳозир бўлмоқлари лозим, токи у кишининг мадади ва ёрдами билан ўша ишлар шарнат йўли билан файсал топса.

Каминанинг бу такаллуфотларга кўнмай иложим йўқ эди. Хоҳишу рағбат билан у мултамасларни қабул қилдим:

Рўзи дигар кин жаҳони пурғурур,
Ёфт аз сарчашмаи хуршид нур.

(Бу мағрур дунё әртаси кун қуёш сарчашмасидан нур топди).

Олижаноб салтанатмаоб адолатпаноҳ, улуғ подшоҳ, жаҳон шоҳларининг энг одили... Келдимуҳаммад Султон... баҳт тахти ва шоҳлик саририда қарор топди... Давлат арконию ҳазрат аъёнларининг ҳар бирни иззат ўрни ва ҳурмат маконидан жой олган эди. Ҳазрат ҳикмат дуржи эшигини очиб, дедилар:

Машҳурдирки, фаросату зийраклик, адолату раҳмдиллик, илму фазилат бобида Улугбек мирзо синғари бир

подшоҳ салтанат таҳтида ва ҳашамат олий мақомида ўлтиргмаган. Агар унинг хислатлари ва фазилатларидан олий мажлисда бир оз зикр этилса айни муддао бўларди. Мен сўз бошлаб дедим:

Бир куни бир киши Улуғбек миrzо ҳузурига келиб деди: «Шоҳо бошимга мушкул иш туиди, ажиг бир ҳодиса юз бердики, уни ҳал қилолмай ақлим, балки барча оқиллар аҳли ҳайрондир. У ҳодиса шундан иборат — мен Ироқдан келмоқдаман. Хурсони карвони билан Самарқанд томон йўл олгандим. Карвон Жайхун дарёси бўйида тўхтаганда, мен холироқ жойга бориб, кийимларими ни ечдим. Менда бир бўлак қимматбаҳо лаъл бор эди. Уни бир парча чармга ўраб, билагимга боғлаб юрадим. Ҳалигини ечиб, кийимларимнинг устига қўйдим-да, сувга тушдим. Қайтиб чиққач, ўша лаъл бўлагини тополмадим. Ерга кириб йўқ бўлгандек эди. Ҳеч ким бу томонга келмаган эди. Карвон аҳлидан уни суриштиришга ор қилдим. Бўлган воқеа шу». Подшо: сен бу ишда бир йил сабр қилишинг лозим, дедилар. Топилса... қанчалик қимматбаҳо бўлса ҳам сенга етказаман. Ҳалиги одам таъзим билан чиқиб кетди. Ҳазрати подшоҳ девони аҳлини чақириб, мажлис қилди ва деди: қаламровимдаги барча аворжа (солиқлар ҳисоб-китоби) ни тумор (узун қилиб ўралган ҳужжат) қилиб насталиқда ёзиб келинг. Подшо уни мутолаа қила борди. Янги йил кириши билан яна девони аҳлини йигиб янги йил ҳисобидан ҳам олдингидек аворижа қилишга буюрдилар. Ҳар икки туморни солиши тирди. Қараса, Қоракўлда яшовчи бир киши ўтган йилги мол солиги эллик танга бўлса, бу йил беш юз тангага кўтарилиби. Шу одамни чақиришиб, бир хилватда сўради: «Бу тафовутнинг сабабини тушунтириб берсангиз; мол солиғингиз нега кўп? Бирор нарса топдингизми. Ёки бирор кишининг уйини урдингизми, ёки мерос олдингизми? Ё бирор карам соҳиби инъомидан бадавлат бўлдингизми? Ростини сўзланг, ёлғон деманг...» У жавоб берди: «Шоҳо! Мен, тикувчиман, Қоракўл қасабасиданман. Бир куни ўз ишни билан банд эдим. Саройим ўртасида бир дараҳт бор, қарасам унинг шоҳида бир акка ўтирибди. Тумшуғида гўштга ўхшаш бир нарса бор. Ногоҳ, унинг тумшуғидаги ерга туиди. Акка уни олишга интилганда, мен сапчиб ўрнимдан турдиму бориб олдим. Қарасам, бир парча чарм. Ичини очиб эдим, бир бўлак лаъл чиқдики, шуъласидан шарқ қуёши

хира тортади, ёлқинидан рашк қилиб дилбарлар ёқут лаби қуриб, тийра бўлиб қоларди. Уни худо юборган ҳади, кутилмаган туҳфа деб билиб, дарҳол Самарқандга келдим. Уни жавҳарийга кўрсатдим: «Қадри зар заргар ишиносад, қадри жавҳар жавҳари». У лаълни кўриши билан эси оғиб, кўз соққаси олайиб, ранг-руҳсори лаълдек қизарди. Мен бу тош қимматбаҳо эканини фаҳмладим. У сўради: буни қаердан олдинг? Мен суриштириб нима қиласан, оладиган бўлсанг, чамалаб кўр, йўқ эса қайтиб бер, дедим. Буни қанчага сотмоқчисан, деди. Мис икки минг тангага, дедим. У бўлса лаъл минг тангага арзиди, деди-да, тортишиб, охири бир минг беш юз хоний тангага унга бердим. Бозорга тушиб, бир ғулом, канизак олдим; уй асбобу зийнатларидан гилам, рўзгор буюмлари, эгар-жабдуғи билан от харид қилиб, ватанимга қайтдим. Аҳволимни сўраганларга, Самарқандда бир бадавлат хешим бор эди, мендан бошқа вориси йўқ эди. У ўлгач, бу нарсалар менга қолди, дедим. Ҳазрати Улуғбек мирзо буюрди: жавҳарийни келтирдилар. У иқрор бўлди. Чўитаги ҳуққасидан ўша лаълни чиқарди... Кейин ҳазрати подшоҳ ҳалиги жавҳарийга ғазаб қилдилар. Зеро, ноинсофлик қилиб, лаълнинг эгасига фириб берган ва аввалига инкор қилган эди. Мисра: «Минглаб азиз жон тадбиру коринг фидосидир».

Сўнгра яна арз қилдимки: мазкур подшо ҳузурига бир киши келиб деди: «Шоҳим, то дуроҳшон юлдуз драмлари Каҳкашон ҳамёнида сақланар экан, баракали зотингиз ҳаёти нақдинаси умру тириклигингиз суррасида маккор ажалнинг ўғрилик таловидан муҳофаза қилингай ва сақлангай! Офтобдек мунаввар замирингиз учун маълум бўлсинким, мен минг ашрафий маблағни ҳамёнга солиб, оғзини мум ва муҳр билан мустаҳкамлаб, бир одамга омонат топширгандим. Бир оз муддатдан кейин уни талаб қилдим. Олиб, очиб қарасам, юз ашрафий кам чиқди. Унга буни айтсам, мени масхара қилди: «Ҳамёндаги сенинг муҳринг бузилмаган бўлса, ҳамён йиртиқ жойи бўлмаса, сен пулингни қанчалигини унуган бўлишинг керак, ашрафийларинг тўққиз юз бўлган», деди. Эй подшоҳ! Худои таолонинг ягоналигига шак-шубҳам бўлмаганидек, пулимнинг минг ашрафий бўлганига имоним комил. Подшо унинг икки кундан кейин келишини, шунда иши ҳал бўлишини айтди.

Подшонинг етти тусда товланувчи хитойи атлас-

дан гирдболиши бор эди. Кечқурунлари унинг устига ўтириб мутолаа қилас әди. Фалак шоҳи субҳнинг оппоқ атлас дурроасини чок қилган субҳидам пайтида ҳазрати подшоҳ ҳалиги гирдболишдан туриб, жабран унинг бир бурчагини йиртди-да, хонадан чиқди. Тўшакчи канизак кириб бу ҳолни кўрдию, унинг тириклик либоси йиртилгандек ҳолатга тушди. Аҳволни эрига арз қилди. У фам ема, бунинг бир иложини қиласман, сенинг ишингдаги бу тугунни ўзим ечаман, деди. Унинг бир руфугар дўсти бор эди. У ҳаёт либосидаги чокдан бошқа ҳар қандай чокни баб-боягидек тўқиб ямардики, Суҳо юлдузини ложувард фалакдан чоштгоҳ пайтида ҳам аниқлай оладиган ҳар қандай кўзи ўткир, зийрак одам унинг ямоқ эканлигини сезмасди. Шунга айтган эди, у тўшакни тўқиб ямади. Кеч киргач, тўшакчи одатдагидек ҳалиги гирдболишини ўрнига қўйиб қўйди. Подшо қараса, ҳалиги чокдан асар ҳам қолмабди. У сўради: «Мен эрталаб тўшакдан туриб кетаётганимда оёғим тирноғига илиниб, тўшакнинг бир бурчаги йиртилган эди. Ҳозир ундан асар ҳам йўқ?» Тўшакчи бўлган воқеани бир-бир айтиб берди. Подшо руфугарни олиб келишни буюрди. Унга деди: «Ростини сўзласанг тўғрисан. Йўқса тириклигининг соғарини жаҳолат тошига урган бўласан!

Тўғриликдан «алиф» ўрни «жон» устида,
Эгрилиқдан «вов» ҳамиша «хүн» устида.

Рост дегил: шу кунларда ҳеч киши сенга ашрафий тўла ҳамённи келтирмадими? У ҳамённи йиртиб, юз ашрафий олиб, яна тўқиб ямагансан. У тўғрисини айтди: бир киши ичи ашрафийга тўла ҳамённи келтиргандай. Уни йиртиб юз ашрафий олдик. Ўн ашрафий менга берди. Қолганини ўзи олиб кетди...» Подшо буюрди: Халиги одамни топиб келтирдилар, подшо унга ғазаб қилди ва эгасига пулини олиб берди.

Кейин яна ҳикоя қилинди:

Улугбек мирзо ҳузурига бир киши келиб, деди: Шоҳим, мен Рум сафарига отланмоқчи эдим. Беш минг ашрафий маблағим бор эди, эҳтиёжимдан ортиқчароқ эди. Бу шаҳарда қозидан бўлак диёнатли ва амонатга хиёнат қилмайдиган одам бўлмайди, деган хаёл билан, ҳалигини офтобага солиб, оғзини мумлаб, қозига топширдим. Сафардан қайтиб, қозидан амонатни сўрадим.

У менга: «Девонамисан, сени ҳеч қаерда кўрмаганимсан. Бошқа бу афсонани демагинки, буюрсам тишиларингни синдиришади, балки тилингни суғуриб олишади!» деди.

Подшо деди: эрта мен ўша қозиникига бораман. У ердан чиқиб кетаётганимда, отга минишим билан тиз чўкиб, шу арзингни айт. У кетди.

Подшо қозини чақиртириб, хилватга тортди-да, деди: «Эй қози, мен бир ажиг фикр дарёсидаман, ғаройиб бир андеша гирдобида ғарқман. Менда нақдина ва нафис жавоҳири лаъллардан шу қадар тўплланганки, ҳеч кимнинг хаёли хазинасига сифтайди. Буларни тўплланганимнинг боиси шуки, ўлганимдан кейин фарзандларим ҳоли мушкуллашса, бахтсизликка учрасалар бир кунига ярайди. Бу нарсалар бизнинг хонадонимизда бўлса, мен ўлган кунини талоң-торож майдонида қолиб кетади. Ҳожат пайтида улар ўз ҳаётига васила топилмай қолади. Ҳеч бир кишига эътиқодим йўқки, буларни унга топшириб қўйсам. Сиз ҳазрати пайғамбар ишининг давомчисисиз — диёнату омонатингиздек одамчи бугунги кунда топиб бўлмайди. Сиз хотиримга келдингизу чақиртирдим. Бу сирни сиз билингу мен билай». Кози бу гапни эшитиб, эси оғиб, шодлигидан баданидан руҳи қуши учиб кетаёзди. Кейин яна ўзини тутиб, такаллув билан қараб тураверди. Подшо айтди: «Сиз бораверинг, мен дафина учун жой танламоққа уйингизга бораман».

Алқисса, подшо қозиникига келди бутун ҳовли-жойни кўздан кечириб чиқди, эҳтиёт бир жой тайинлади. Подшо чиқиб, отга миниши билан ҳалиги одам тизи билан юриб келиб, арз қилди: «Шоҳо, мен бир омонатни қозининг уйига қўйгандим...» Қозининг ранг-кути ўчиб, ўзича, агар мункир келсам, подшода шубҳа пайдо бўлади. Эътироф этишдан қулайи йўқ, деб ўйлади-да: «Сен девона бўлдингми? Тиз чўкишинг нимаси. Менда бўлгач омонатинг мендан сўрамайсанми?» деди. Сўнг қози ғуломига бунинг омонатини олиб чиқишини буюрди. Гулом офтобани олиб чиқиб, подшо ҳузурида эгасига топширди.

Бу ҳикояни эшитиши билан Султон ва мажлис аҳлидан бу беназир подшонинг ройи ва тадбири ҳусни, дақиқ назарига таҳсину оғаринлар ёғилди. Ҳазрати Султон буюрдиларки, у олижоҳ подшо ҳақида яна ҳикоя қилинлар.

Мен дедим: Улугбек мирзо ҳузурига бир одам келиб деди: «Мен Самарқанддан Бухоро томон кетар эдим. Минг тангалик ҳамёним бор эди. Икки фарсахча шаҳардан узоқлашганимда бир анҳор бўйидаги дараҳт соясига ҳордиқ олдим, овқатландим. Қарши томондан бир киши келиб қолди. Уни овқатга таклиф қилдим. Ўзимча шундай қарорга келдим, ҳамён менда бўлмагани маъқул. Уни ҳалиги одамга бериб, буни уйимга олиб борчб берсангиз, дедим. Бухородан қайтиб келсам, ҳалиги киши омонатни уйга келтириб бермабди. Ундан талаб қилганимда, мен сени танимайман, деди. Подшо буюрди, у айтган одамни топиб келтирдилар. Ундан сўради. У: «Мен буни ҳам, айтәётган дараҳтини ҳам кўрмаганман, қаердалигини билмайман ҳам», деди.

Подшо муддайига ўша дараҳтдан бир-иккита барг келтиришни буюрди. Мункир келган одамни эса ёнидан жилдирмай, ҳар тўғрида ҳикоя қилиб, машгул қилиб турди. Ҳикоя айни қизиган пайтда сўради: «Ҳалиги одам ўша дараҳтга етиб бордимикан-а?» Мункир келган одам камоли ғофилликдан: «Менимча ҳали етгани йўқ», деди. Подшо кулиб, сен у дараҳтни кўрмаганман, билмайман, деган эдинг. Энди қандай қилиб у одамнинг ҳали етиб бормаганини била қолдинг. Тез тур ўрнингдан, беҳуда алдамчиликни қўй. Инсоф ўлига киргину омонатни қайтар...

**ҲАЗРАТИ АДОЛАТЛИ СУЛТОННИНГ АМИР АЛИШЕРГА
ДОИР ФАРОЙИБОЛЛАРДАН ВА АЖОИИБ ТАДБИРЛАРИДАН
ҲИКОЯ ҚИЛИБ БЕРИШНИ СУРАГАНИ ВА ФАЗИЛАТ АХЛИЮ
КАМОЛ АРБОБЛАРИГА НИСБАТАН КУРСАТГАН ДАҚИҚТАБ
НОЗИКМИЗОЖ ВА ЛАТИФ ХИСЛАТЛИЛИГИ ВА
ЭЪТИБОРИ ҲУСНИ ТҮҒРИСИДА**

Ҳижрий 937 йил муборак муҳаррам ойи эди (милодий 1530 йил, сентябрь). Олижаноб... Султон Муҳаммад девонхона ичкарисидаги саодатли салтанат таҳтида ўтирган эди. Қаҳрли давлатнинг арбоблари, равшанзамир ҳазратнинг аъёнлари ҳар бири иззат жойи ва ҳурмат ўрнидан жой олган эди. У олиҳазрат бу хоксор каминага хитоб қилиб дедилар: «Бизга айтишларича, сиз муқаддас сифатлар эгаси бўлган зот, салтанат таянчи, мамлакат мумтози, дину давлат арбобининг пешвоси, мулку миллат асҳобининг сараси, хайрли ишлар мута-

саидиси, мубаррот муассиси Амир Алишер билан ҳамсұхбат ва дүстлашиш шарафига мұяссар бўлган экансиз. Ул бузрукворнинг атворига доир гўзал ҳодисалар ва туриш-турмушларига алоқадор зарифликлардан гаройиб ҳикоятлар ва ажойиб ривоятларни ҳотирингизда сақлаган бўлсангиз, унинг латифалари зикри тоза дурлари билан мажлисимиз варақлари саҳифалари зиннат ва оройиш топарди».

Мен арз қилдимки, камина ўн олти ёшли чоғимда маликулаълом (олимлар — шоҳи аллоҳ) каломини ёдлашдан фориғ бўлгандим. Ҳиммат камарини илм бойликларидан кўпроқ ўзлаштириш учун боғлаб, бу ишга қаттиқ киришдим.

Бир куни бир гуруҳ шоири фозиллар Ҳиротнинг Бозори Маликида сайд қилиб юрган эдик Ҳофиз Ҳусайн деган бир бадфеъл фитначи ўтиб қолди.

Алмулаққаб ба Ҳофиз Ғамза,
Табын у каж ба ҳайбат Ҳамза.

Қўлида бир китоб бор эди. Мен унинг қандай китоблигиги ни сўрадим. У: «Сайфий Бухорийнинг «Рисолаи муаммоли», деди. Ўшанда барчамизнинг мақсадимиз ва ниятимиз Амир Алишернинг кимёасар назарига етишиш эди. Яқинлашиб қолганмиз учун у жанобга муаммо тўғрисида ҳеч бир васила демадик. Кейинчалик Ҳофиз Ғамзани учратиб, ўша рисолани кўчириб олиш учун марҳамат қилиб вақтинча бериб туришини илтимос қилдим. Ҳофиз кулиб, деди:

Мормушу гулоб—яъни чи?
Гўши кару рубоб—яъни чи?

(Фор сичқони қайдою гулоб қайдо. Кар қулоқ қайдою рубоб қайдо?)

Бу маломат ва эътирооздан менинг кўзимга жаҳон гор каби тангу қоронғу бўлди. Гулоб тўкувчи кўзимдан юзим саҳифасига кўз ёшим гулоби ёғилди. Гайрат мурғанийси ҳамият рубобининг қулоғига тоб бериб, ҳазин жон томирлари рубоб торидек нолай зорга киришди. Гирён ва нолон уйга келдим. Бир бурчакка ўтириб, одамлар ошначилиги эшигини ўзим учун беркитдим. Намозгарда масжидга бордим. Намоздан кейин қарасам, бир одам масжид бурчагида намат ёпингган ҳолда суюниб ўтирибди, ҳазин нола чекмоқда. Унинг ёнига

чўкиб, юзидан намадни олдим. Назаримда булут пардаси остидан бир офтоб чиққандек бўлди. Шундай бир йигит эдики, ҳусну жамолли, аммо ранг-рўйи шикаста, ғариблик ғубори рухсорига қўнганди. Ботаётганда юзи сарғайган Шарқ қуёши ёки тутилган ўн тўрт кунли ой, леб ўйлайсан... Унинг ёнига ўтириб, аҳволини сўрадим. У тилга кирди:

«Мен Табриз фарзандиман. Отим Абдураҳмон Чалабийдир. Хурросонга сафар қилмоқ мақсади пайдо бўлди. Отам рози бўлмадилар. Ундан берухсат ва беижозат маблағу мол билан бу диёрга томон жўнадим. Ҳиротдан бир фарсах масофадаги Соқи Салмон ўзанига етганимизда, карвон аҳли хушҳоллик изҳор қилиб, дедилар: «Алҳамдулиллоҳ, йўл ҳавфу хатаридан қутулдик, йўлтўсар ва қароқчилар ҳаросидан омон қолдик». Карвон аҳли ҳазму эҳтиёт ипини бўшатиб қўйиб, фароғат ва омон сарманзилида ором олдилар.

Иттифоқо, ўша кечаси Табриздан бери бизни яширин таъқиб қилиб келаётган ўғрилар тўдаси фурсат кутиб туришган экан, устимизга ёпирилди. Сурайё мисол тўда бўлиб турган савдогарларни юлдузлар тўпидек шароканда қилиб юборди. Ногоҳ, жанггоҳда бир ўқ билагимга келиб санҷилди-да, тарозудек илиниб қолди. Гўё бало ва фитна даллоли вужудим матоъини ўша тарозуда ранжу машаққат аралашмасига қўшмоқчилик.

Карвоннинг аксари таланди. Мен шундай бир ҳолатдаки, ундан баттарини тасаввур қилиб бўлмасди, йиқила-суруна ўзимни бу ерга етказдим».

Мен йиғлаганча уйга келдиму тахти равон олиб келиб, уни уйга келтирдим. Бир жарроҳ қўшним бор эди. Қўк гумбазида Каҳкашон яраси аён бўлатуриб, парвардигорнинг жарроҳлари уни, умрлардирки, мана уни шаҳобларнинг заррин иплари билан тикардилар, уҳамон тузалмайди, юлдузлар ўқининг захмларини субҳ кофури малҳами билан даволасалар ҳам тузата олмаганлари бир пайтда, бунинг дастёрги ва таъсир қиувчи малҳами бўлганида наҳорга стмай ўша чок ъа яралардан асар ҳам қолмасди. Тор кечанинг ўзида ҳам улардан аломат қолмасди. Ўшани олиб келиб, ярасини кўрсатдим. Андак фурсатда уни тузатди.

Бир куни у йигит миннатдорлик ва ширинсуханлик изҳор қилиб, деди: «Мен Табризда икки илмда — муаммо илмида ва илми нујумда ягоналик ялови ва ус-

тунлик тугини кўтарган эдим... Хотиримга шу нарса келди: кўрсатган эҳсонингиз ҳаққи учун... шу икки илмни хотирингиз саҳифасига чексам ва ўзимдан шубилан сизда бир ёдгорлик қолдирсан.

Мен муаммо номини эшитишм билан назаримда етти қат осмондан номимга бир саҳифа етишгандек бўлди. Мен дедим: «Эй азиз. Менга илми муаммо таҳсили жуда зарур. Шуни ўзлаштиришимга саъй кўрсатсангизу, шу фанда етук бўлсан, фояти лутфу эҳсонингиз бўларди».

Давоту қалам сўраб, Амир... Али ибн Абу Толиб... пайгамбарнинг муборак ва саодатманд номларига муламмаҳ амалида муаммо ёзиб кўрсатди ва фақирга ўргатди... Муаммо фани қондалари ва истилоҳларини шарҳлари билан ёзиб бериб ёдлатди.

Шу пайтда Ироқдан одамлар келиб ҳалиги хожазодани зўр ҳурмату илтижолар билан таклиф қилиб, Ироқ томонга олиб кетдилар. Бу машаққатда қолганинг жонини, дилини азобу ўқубат лочини қўлига топширдилар. Аммо ўша соҳиби давлатнинг ҳиммати билан бу камина муаммо фанида шу қадарли қурдату маҳорат ҳосил қилдики, номини айтмасдан ўқилган аксар муаммоларни тополадиган, счадиган бўлдим. Бу нарса Ҳирот шаҳрида муаммоийлар орасида машҳур бўлиб кетди. Иш шунгача бордики, бир тўда кишилар келишиб, менинг номимдан шарт ва гаров боғлашибди.

Хурсонга Румий муаммоний келганди. Ундан эшитган мушкул муаммоларни нақл қиласидилар... Дўстларимдан бири унинг номи айтилмаган бир муаммасини Восифий еча олади деб юз тангага у билан гаров боғлашибди. Улар бир гуруҳ бўлиб, бу фақирнинг уйига келишди. Иттифоқо, ўшанда беш кундан бери тобим қочиб, ҳасба (терлама) касали билан оғриб, кўрпа-тўшак қилиб олгандим. Жамоат мени кўриб, худо ҳаққи, биз бу ҳолингдан бехабар эдик, дедилар. Улардан бири келишларининг сабабини айтди. Мен ўша муаммони ўқинглар дедим. Улар: «Тобингиз йўқ экан. сизни койитиб қўямиз!» дейишди. Мен муболага қилиб, ўша муаммони ўқинглар, топаман, деб қасам ичдим. Муаммо ўқилгач, озроқ тааммул қилиб дедимки, тўгрими-потўгрими, бу муаммодан «Сайфи» номици чиқарса бўлади, дедим. Ҳалиги Муаммоийда ажиб бир ҳайратланиш юз бериб, гаров қилинган маблагни шу ернинг ўзида чиқариб,

дўстимга берди. Бу фақирга эса бир яздийча фўта ва эллик хоний танга пул ниёз қилди.

Улуғ амир Амир Алишернинг энг яқин дўсти ва сухбатдоши... Мавлоно Соҳибдоро ул амири кабирнинг умри офтоби завол сарҳадига стганда ва руҳининг азиз қуши танаси қафасини бузиб, арши аъло кунгураси узра манзил танлаганда сагири кабир, амиру вазир бу мусибат доғидан нолаю фигонни осмон авжига, Кайвон айвонигача етказдилар. Дил хунобасини кўзларидан баҳор булути ёмғиридек тўқдилар. Мазкур мавлоно амирнинг бошқа мулоғимларига қараганда унга яқин эди ва доимо сўзсиз меҳрибончиликларига сазовар бўларди. Ўз ҳасби ҳоли тўғрисида қўйидаги байтни мўъжизакор шоир ҳазрати амирнинг оғзидан эшитган эди:

Манго улжум анису Соҳибдур,
Туну кун ҳамдаму мусоҳибдур.

У киши амир...га марсия ва вафотига таърих назм силкига чекдиларки, унга яқинларидан ва ўшаганларнинг манзумотидан санъат ва гаройибликда мумтоз эди. Айтиш мумкин эдики, бундай назмни Одам-ато вафотидан бўён ҳеч бир фозил баён саҳифасига тушуролмаган. Шу дамдан тортиб олам инқизозигача бундайин одамнинг дунёга келиши маҳолдир. Фазл арбоби инсоф аҳлидандирки, фақир не демоқчилигини тушунурлар. Ҳар бир байтнинг биринчи мисраси инъому эҳсон баҳри бўлган ҳазратнинг вилодат тарихидан хабар берса, иккинчи мисраси вафотидан...

Хижрий 912 йилнинг зулҳижжа ойи охирларида (милодий 1507 йилнинг апрели) 14 кун йўл юриб, Наҳшаб шаҳриданки, Қарши ва Насаф ҳам дейдилар, кўп манзиллар ўтиб, Ҳиротга келдим...

Бу фақирнинг мавлоно Соҳибдорога она томондан қариндоши бўларди. Бир куни отам билан бу кишининг уйига бордик. Камол аҳлию фазилат арбобларидан анча киши бор экан. Бу фақирнинг отасига хитоб қилиб дедилар: кўп муддатдан бери эшитаманки, ўғлини мақбул толиби илм, хушхон ҳофиз ва паҳлавон шоцр экан. Ҳар қандай номи айтилмай ўқилган мушкул муаммони ечаркан, деган шов-шув юради, деб бир муаммо ўқидилар, мен топдим...

Биз уйимизга қайтиб кетдик. Бир оз фурсат ўтгач,

мавлоно Соҳибдоронинг хабарчиси келиб, хожам сизни сўрамоқдалар, деди. Биз етиб боргач, мавлоно деди:

— Амир Алишер ҳузурларига борган эдик. Мирнинг одати шуки, ҳар куни мени чақириб, бугун шаҳарда бўлиб ўтган ажойибу ғаройиб ҳодисалардан иени кўрдингиз ва нима гаплар эшигдингиз, деб сўрайдилар. Мен жавоб бердим: «Бир кишини учратдим. Ўзи 16 ёки 17 ёнда. Номи айтилмай ўқилган ҳар қандай мушкул муаммони топади. Толиби илмликда, ҳофизу шоирликда катта иқтидори бор». Мир таажкуб билан сен уни имтиҳон қилдингми, дедилар. Мен, бир мушкул муаммони номини айтмай ўқиган эдим еди, дедим. Ҳазрати Мир менга у кишини нега олиб келмадинг, деб эътиroz билдирилар. Мен ўз гапларимдан пушаймон бўлдим. Чунки Мирнинг суҳбати ҳайратли ва даҳшатангиздир. Масалан, бирор мажлисда бирор фозилнинг номини сўрасалару айтиб беролмасангиз, койийдилар. Қабодо, бир муаммо ўқилсанга тополмасанг, шарманда ва хижолат бўлишингизга сабаб бўлади. Энди ҳозирлигингизни кўриб, эрта эртароқ бу ерга келиб турингки, ҳазрати Мир сиз билан кўришмоқ иштиёқидалар.

Кечқурун уйга қайтдиму, ажойиб кайфият мени чулғаб олди. Илон чаққан кишидек у ёқдан-бу ёққа ағнаб, ухлаётмадим. Фақирнинг отаси изтиробимдан воқиф эдилар:

Эй, жони падар, чи ҳол дори,
Аз рўйи чи дард беқарори?
(Ҳа, жоним ўғлим, бедорсан,
Не дард била сен беқарорсан?)

Мен у кишига: «Э ота! Нимасини сўрайсиз. Эртага Мир Алишер мажлисига боришим лозим. Ҳолим не кечарини билмайман»,— дедим. Отам кўз ёши қилиб, дедилар: «Эй, жоним ўғлим, сен бир инсон суҳбатидан бу қадарли қўрқув ва ҳаросдасан. Вой бизнинг жонимизгаки, маҳшар куни ўз қилмишларимиз дафтарини қўлимизга беришади. Ҳазрати раббил-оламиннинг ҳисоб бергил, деган хитоби келади. Сирларинг муаммосини изҳор қилгин, деб буюрадилар...»

Алқисса, эрта билан Мавлоно Соҳибдоро уйига етиб келдим. Мендан бошқа у кишининг ҳузурида яна уч толиби илм бор экан. Мавлоно Соҳибдоро менга: вақтида

келдинг. Бу уч ёшни ҳам Мирнинг ҳузурларида таъриф қилган эдим, дедилар. Уларнинг бири муаммоий эди. Маҳорати шу қадар эдикى, уни бу санъатда мавлоно Ҳусайн Нишопурый билан тенглаштирас эдилар... Иккинчиси қасидагўйликда шуҳрат топган эди... Учинчиси маснавийни жуда яхши айттар эди... Олий мажлисга кириб бордик. Мажлис аҳли ва ҳазрати Мир ўз надимлари билан ҳозир экан. Жаноби Мир биз томон қарадилар. Фақирга ишора қилиб, номини айтмай ўқилган муаммони еча оладиган дўстимиз шу кишими, дедилар. Мавлоно Соҳибдоро: бали, ўша маҳдум, деб жавоб бердилар. Мавлоно Муҳаммад Бадахший суҳбатга аралашдилар: «Маҳдумлар, худовадигоро муаммо ечишда Сиздан ўтадигани йўқ-ку?...» Мир дедилар: «Мен унинг муаммо ечишига иқтидорини кўзидан билдим. Зеро унинг фикрлари кўзларидан зоҳир бўлиб турибди.— Кейин шу муаммони ўқидилар:

Боғро бин аз ҳазон бефарру, сарв аз жо шуда,
Булбулаш барҳам зада минқору, ногӯё шуда.

(Богини кўр, ҳазонрезликдан кўрки қолмабди сарв ўрнида йўқ, булбулнинг тумшуғи йўқ бўлиб, куйлашдан қолибди.)

Иттифоқо, мен бу муаммони ёд билардим. Ўйланиб қолдим: номини айтиб, ўзимни гўлликка солиб, мажлисни ўтказаверсамми ёки тўғрисини айтайинми? Оқибатда, ростини айтишга аҳд қилдим. Дедим: маҳдум, мен бу муаммони ёд биламан. Ҳазрати Мир бир оз бошларини эгиг турдилар-да, ёнидагиларга, азизлар, биласизларми, бунинг сўзи не маънони билдиради. Ўз қудратини изҳор қилиб, бунисини биламан, бошқасини айтинг, демоқчи. Мир бошқа муаммо ўқимадилар. Анчагина лутфомуз сўзлар айтиб, сўнггида мавлоно Соҳибдорога: биз бунинг дъявосини қабул қилурмиз, дедилар.

АМИР АЛИШЕР МИЗОЖИ НАЗОҚАТИ ВА ЛАТОФАТИНИНГ ЗИКРИ

Жаноби Мирнинг Шайх Баҳлул деган мулозими бўлиб, уни ҳазрат ўзининг маслаҳатчиси, ишончли, эъти-

Қоди ва эътимодли кишиси деб биларди, ўзининг жузъий ишиндан муҳимиғача, озидан кўпигача, майдасидан тортиб йирғигача — бутунлай ҳамма-ҳаммасини уничг қифоятли кафти ва ишбилармон ихтиёрига топшириб қўйган эди. Уни Мирнинг ақли ва сўзловчи нафси дейишарди. Чунки у Мирнинг табъи ва қизиқишлиарини яхши биларди. Унинг номус хилъати (тўн) ёқасни безаклари фазилатлар ва камолат дуру лаъллари билан ораста эди. Унинг жаъми лаёқати фазилату камолининг олий назари туфайли мукаммал бўла борарди; кўп фазилат хулқда машҳур ва маъруф эди; ҳамма фанлардан хабардор ва воқиф эди. Хусусан, иншо ва муаммо фанларида мисли йўқ даражада беназир эди. Аммо у ўз фазилатларини камдан-кам ишга соларди. Чунончи, ҳазрати Мир уни чини хумдонига ташбеҳ берарди. Баъзи калта андешалар, бехабар, нодону эгри табълар эса буни айблар жумласига қўшардилар... Бу гаплар ҳазрати Мирнинг муборак қулоқларига етгач, мавлоно Баҳлул шаънига қўйидаги байтларни айтди:

Хоки машриқ, шанидаам, ки кунанд,
Ба чеҳил сол косаи чини.
Сад ба рўзе зананд дар Бағдод,
Ложарам, қйиматаш ҳамебини!

(Шарқ тупроғини қирқ йил тепиб, чини коса тайёрланаларини эшитганман; Бағдодда бир кунда юзтасини ясайдилар: «Ҳазрати маҳдум устод... анчадан бери бемор билавер.»)

Саҳибдордан нақл қилишларича, у дебди: бир куни Мир дўстлари билан суҳбат қуриб ўтиради. Фозилу шоир, надимлари шу ерда йиғилган эди. Каминага дедилар: «Ҳазрати маҳдум устод... анчадан бери беморлар. Мен у кишини иёдат қилолмадим. Бориб, узроҳлик қилсанг». Мен чиқиб кетишим билан таом тортилибди. Таомдан сўнг мажлис аҳли Ҳазрати Мирнинг кўнчилик олдида кўнгиллари беҳузур бўлиб, ёлғизлик талаб қилиш одатлари хотирларига келиб... бир-бирига боқишиб, ўринларидан турдиларда, ташқарига чиқдилар. Мирзо шу куни суҳбат ва улфатчиликни қўмсад турган эканлар. Ташқарига чиққан жамоага қараб, Мир ғазаб ва эътиroz билан дедилар: «Ҳар ҳолда Алишернинг уйи ошпазлар дўкониу Алишер эса ошпаз экан-да. Ҳарифлар келадилару ош еб кетаверадилар...» Мен

етиб келдим. Мирнинг камоли жаҳллари чиқиб турганиданми, мени мавлоно ва устод ёнига иёдатга юборганилари хотирларидан кўтарилибди, дедилар: «Ана, эй Соҳиб, сенга нима бўлди. Ошдан кейин ёнимда бирпас турмайсан! Ё сен ҳам манави паст, нафс кетидан юрувчи одамларга тақлид қилмоқчимисан?» Мен тиз чўкиб, дедим: «Махдум, одам бадани сиҳату касал бўлиб турар экан, малаксимот зотингиз сиҳату саломат бўлсин! Душманларингиз жисми ҳамиша касалу иллатлар мақони бўлсин! Офтобдек мунааввар хотирингизга махфий қолмасинки, сиз бу фақирни охунд иёдатига юборган эдингиз чамаси!» Шундай деб изо беришим билан Мир шуъладек қизишиб кетдилар. Безовта бўлиб, ўтириб-тура бошладилар. «Шундай одамлар билан ошиначилик ва масоҳиблик қилувчига лаънатлар бўлсин», дедилар. Шундай эътиrozли бир ҳолда ўринларидан туриб, ҳарамларига кириб кетдилар. Мен ўша ерда туриб қолганларга қарадим: дўстларим, кўряпсизларми, қандай балоларга қолдик...

Алқисса, жонимдан тўйган бир ҳолда уйга қайтдим. Пешин намози пайти одатдагидек Мирнинг мулозаматига келдим. Мир бинафшазорда турган эканлар. Менга кўзлари тушиши билан бинафшадек менга терс ўгирилиб олдилар. Юзларига тўғри бўлишга шунча уринсам ҳам, бари бир, ўзларини олиб қочавердилар. Уйимга қайтиб кетдим. Эртасига келсам, яна ўша муомала қайтилди. Ўзимча энди кетсам қайтиб келмаганим бўлсин, деб жазм қилдим. Шу фикри хотирга келтиришим билан «давлат арбоблари худо илҳомини олган кишилардир», деганлариdek, шу маъни малҳами каби мени чақириб, дедилар: «Эй, Мавлоно Соҳиб, ғалат ва хатога йўл қўймаслик парвардигоргагина раводир. Мен камоли ғазабим туфайли сени устод охунд иёдатига жўнатганимни фаромуш қилгандурман. Сенга эътиroz билдирдим. Тиз чўкиб, ҳаммага билдириб, шуни айтишинг ва Алишерга нима бўлдийкин, қариб ақлдан озибдими, деб ҳамманинг кўзи олдида мени шарманда ва хижил килишинг лозиммиди? Дўстлик олами нима бўлди? Ўтиниб қўйсангу менинг бу хатонмни беркитсанг ва мени одамлар ҳайратига сабабчи бўлишдан сақласанг бўлмасмиди?!» Мавлоно Соҳибдоро инсофга келиб, дарвоҷе ҳақиқат Мир томонда эди, хато мендан ўтган, деди.

**АМИР АЛИШЕР ВА ХОЖА МАЖДИДДИН МУҲАММАД
МАЖЛИСИ ТАЪРИФИ ВА ПУРЗА БОҒИДА
ФОЗИЛЛАРНИНГ МАВЛОНО АБДУЛВОСЕЬ МУНШИГА
ҲАЗИЛ-МУТОЙИБА ҚИЛГАНИ ЗИКРИДА**

Мавлоно Соҳибдоро шундай ҳикоя қиласиди: Бир куни улуг амир Амир Алишер Мири Қалон номи билан машхур бўлган хожа Маждиддин Муҳаммадни Боянди Ҳақонорода учратиб, дедилар: «Сизнинг беҳиштдек осмон зийнатли мажлисингиз таърифу тавсифини эшидик. Зариfu фозиллар мавлоно Абдулвосеъ мунишига ҳазлу мутойиба қилишибди. Мавлоно уларнинг қаршисида туриб олиб ҳаммасини енгибди. Бу ажойиб ва гаройиб ҳодиса. Эсингизда турсак, шундай суҳбатга биз ҳам мушарраф бўлсан». Хожа қўлинин кўксига қўйиб, «З-ин тафохур шояд ар сар бар фалак сояд маро!» (Бундай фаҳрдан шояд бошим осмонга етса!) деди ва мажлисга ҳозирлик кўриш учун бир ҳафта муҳлат сўради. Суҳбатни Ҳиротдан ярим фарсах узоқликда бўлган Пурза қарясида ўтказмоқчи бўлишди. У ерда Хожа бир чорбое қурдирган эди. У шуидайни бир боянди бўлган эдик, Эрам бўстони унинг хушҳавоси ва ёқимлилигидан ҳайрат бармогини тишлар ва андеша меъмори унинг латофати ва гаройиблиги, гўзал қурилишидан ҳайрон эди. Унда бир кўшк бўлиб, қоруралар чархи мисоли Ҳаварнақ обрўсини бир пул қиласди... Ҳар бир ариғи бўйидаги тик ўсган сарвлар маъшуқ қомати ҳаёлидек ушшоқ кўз чашмасидан ўрин олар; ҳар гул бутоғида булбуллар бедиллар каби гуландом ёрлардан ҳижрон шикоятини қиласди. Этагидан ёввойи лолалар гўзалларнинг дилга фириб берувчи хатти райҳонларидек сабза уриб ўсган; райҳон покдомон тол соясида «Беҳи наботун хайрун!» (Қандай соз, ўсимликлар, кўкатлар инъом-эҳсондир!) ни ўқиши билан овора. Чаман бетидаги бинафша нозанинларнинг паришон сочидек ҳар тори бир томон; наргис эса мастлардек ариқ бўйида кўз тикиб туради.

Илдам ва дастёр фаррошлар фалаклар қасри ҳасадини қўзғовчи ул иморатнинг Кайвондек айвони олдида зарнигор атлас шамёналар ва кечқурун тусидаги зарбафт соябонларни... айланиб турувчи фалак каби кўтардилар. Деворларга қоқилган ва ерга кетма-кет тўшалган гиламлар фаранг кофуридек, суратли пардалар,

мунаққаш ва етти рангда товланиб турарди. Хонанда-лардан Ҳофиз Басир, Ҳофиз Мир, Ҳофиз Ҳасанали, Ҳофиз Ҳожи, Ҳофиз Султон, Маҳмуд Айший, Шоҳмаҳ-муд хонанда, Сияҳча хонанда, Ҳофиз Убаҳий, Ҳофиз Тур-батий, Ҳофиз Чароғдон, созандалардан устод Ҳасан Но-ний, устод Қулмуҳуммад Удий, устод Ҳасан Балабоний, устод Али Ҳонақоҳий, устод Муҳаммади, устод Ҳожи Кў-ҳастий Нойий, устод Сайидаҳмад Ғижжакий, устод Али Қўчак Танбурий, шоирлар, надиму мажлисоролардан мавлоно Биноий, Ҳожа Осафий, Амир Шайхим Суҳайлий, мавлоно Сайфий Бухорий, мавлоно Комий, мавлоно Ҳа-саншоҳ, мавлоно Дарвеш Рӯғангар, Машҳадий, мавлоно Муқбилий, мавлоно Шавқий, мавлоно Завқий, мавлоно Халаф, мавлоно Наргисий, мавлоно Ҳилолий, мавлоно Риёзий Турбатий, зарифлардан Мир Сарбараҳна, мав-лоно Бурҳон Гунг, муарриҳ Мирхонд, мавлоно Муъин, мавлоно Ҳусайнин Воиз, Сайид Фиёсiddин Шарафа, мавлоно Муҳаммад Бадахший, мавлоно Халил Саҳҳоф, мавлоно Муҳаммад Ҳавоғий хаттот, Ҳурсоннинг обрў-ли йигитларидан Мирак Заъфарон, Шоҳмуҳаммад Ми-рак, Ҳожажон Мирак, Султон Сирож, Мирзойи Натъ-дўз, Ҳусайн Зардўз, Сарви Лабижўй, Шамшоди Соя-парвар, Мулло Ҳожа Хонанда, Юсуф Мозори Чилгазий, Юсуфи Соний, Моҳи Симонний, Соқи ва Боқи Ироқий-ларни ўша мажлисга чорладилар. Иморат айвонининг олдида мармар тошдан қурилган ҳовуз бор эдикি, Сал-сабил рашикини ва Ҳавзи кавсар ғайирилигини келтиргу-дек эди. Ӯшани қанд шарбатига тўлдирилар. Шуниси машҳур бўлиб кетганки, унга саккиз юз калла қанд ишлатилган эди. Нодиракор қанинодлар шарбатлардан ва маъжунлардан, қовурма очорлар (маринад), қанд мевалари, шира-шарбатлар, фирниялардан ҳам кўп ҳозирланган эди. Султон Ҳусайн мирзонинг бир бовар-чиши бор эди. Уни Абулмалеҳ дер эдилар. У шу маж-лисда қирқ турли таом тайёрлади. Ҳеч ким у таомлар номини санаб, билолмасди.

Мавлоно Халил саҳҳофданки, Мирак мажлислари-нинг варақлари ва саҳифа бўлаклари унинг латиф сўз-лари шерозаси билан мустаҳкам ва мажлис бузуқилари ва юзсизларининг кесувчи тилу баёни ҳужуми ва да-лиллари шиканжасидан омон сақлаган эди, эшитган эдим, нақл қилиб деди: «Эртасига чоршанба куни на-мозгарда келишилгани бўйича мажлисни бошлаш бел-

гиланди. Хожа Маждиддин Муҳаммад, мавлоно Абдулвосеъ ва мен бир бурчакда мажлиснинг баъзи ишлари заруратлаяридан гаплашиб ўтирган эдик». Жаноби Хожа мавлоно Абдулвосеъга дедилар: «Махдум, ёрдам беринг-ку, лекин ўз вақтингиз ҳозири ва ҳолингиз воқифи бўлинг. Наҳангийрат ҳарифлар ва аждаҳосифат зарифлар ганимлигининг аёвсиз деигизи ва шаштининг хуихор мажлисига тушиб қолишингиз мумкин. Эртага сизга юзланишмоқчи. Бундайин ажойиб марака ва ҳайбатли жангга сиз асло тушмагансиз. Инишоолло, яхшилик билан ўтсин». Мавлоно Абдулвосеъ деди: офтобдек мунаввар хотирингиз учун яширин қолмагайки, эртага менинг мажлисга келмаганим бўлсин... Хожа бу сўзни эшитдию изтиробда қолди. Жойидан сакраб туриб, ҳайрат бармоғини таажжуб тишига қўйиб, деди: «Махдум, бу қандай дил ўртайдиган гап бўлди. Амир Алишернинг мақсади сиз эдингиз. Бу мажлисга келмасангиз ҳолимиз вой-ку!.. Бу мажлисга мен қарийб юз минг танга харжлаяпман. Сизсиз Амир Алишер менинг бу хизматидан заррача мамнун бўлмайдилар. Менинг бу миқдор молим зоеъ кетади. Нега сиз энди бундай қилмоқчилигиз?» у деди: «Шу туфайлики, мана, анча вақт бўлди, Сиз билан Амир Алишер ўрталарингда дўстлик ниятилари борасида сизда бир оз губор ва кек кўринди. Алҳамдуилло, олло таоло ишояти туфайли, унинг карами саҳобидан бу губор тарқалур. Бу мажлис ва маҳфил биноси сўзсиз заиф ҳазил ва ярамас мутойиба асосига қурилиши керак. Мир Алишер ўзини олам хуштабълари ва зарифларининг пешвоси чоғлади. Ҳеч бир имкони йўқки, бу мажлиса бу каминага дахл қилмасалар. Энг мушкули шу бўладики, мен сизга йўналтирилган ҳужум тиғини иложи борича мулоҳаза қилиб, сизга томон қаратмасликка ҳаракат қиласман. Унинг нозикмизоз эканлиги сизга ҳам маълум-ку... Шундай қилиб, мен туфайли ўртадаги тинчлик ва мусаффолик барҳам ейди. Сафо кудурати билан алмашинади. Мирзо Султон Ҳусайн, худо унинг жойини жанинатдан қиласин, шу орзуда ва бу маънини даъволарни вожиб қилувчи даргоҳидан сўрарди. Мулоҳаза қилиб кўринг, ул ҳазратнинг менга нисбатан не муносабати воқеъ бўлди. Ё менинг ҳалок қилади, ёки ғазаб палахмонига солиб ўз мамлакати майдонидан улоқтиради. Мирақ дедилар: «Шу

шига не лозим бўлса ўз устнингизга олингу бу гапларни айтманг».

Алқисса, эрта тонгда панижашаиба куни жумодилоҳир ойи бошлари, санаи ҳижрий йил (милодий 1492 йил, апрель ойи бошлари). Амир Алишер улуғ амирлару ҳурматли аъёнлари, хосу авом, улуғу олий зот, мўътабар аҳоли билан бирга Мирак чорбогига йўналдилар ва арши аъло ҳашамли у маңзилга келиб тушдилар. Ҳар ким ўз жойига қарор топгач, Амир Алишер деди: «Жаноби мавлоно Абдулвосеъ қанилар? Нимага бу мажлисда кўринмайдилар?» Ҳожа Мажидиддинни ажиб бир изтироб чулғади, у ёқ-бу ёққа қараб, Мавлоно кеча намозшомда шу ерда эдилар, шаҳарга тушиб кетган эдилар, деди. Уч-тўрт кишини Мавлонони топиб, чорбоққа олиб келиши учун жўнатишди. Улар боғ кўчаларчиға тушиши билан Мавлонони топиб келишди, деган хабар келди. Мирак: «Унинг шаънига тегманглар, хафа қўйлманглар, ундан кўнгилхушилик ололмайсизлар», дедилар.

Миракнинг Шер деган бир югурдаги бор эди; жуссаси мустаҳкам, баланд қоматли, савлатидан даҳшатли шер ҳам ярақон касалига мубтало бўларди; қутурган фил унинг салобати олдида хартумини ерга қўярди. Унга дедилар: Мавлоно мажлис остонасиға қадам қўйиши билан ва чорбоғ дарвоғасидан кириши билан асонгина унга тўғрилаб, Мирак буюрганлар, у кишининг ижозатисиз ҳеч кимни киритмайман, деб айтгин, деб тайинлашиди.

Мавлоно Абдулвосеъ кириб келиши билан Шер асонинг унинг йўлига кўндаланг қилиб, «Миракдан ижозат бўлмагунча ҳеч кимни қўймайман», деди. Мавлоно деди: Қайси Миракни айтяпсан? Шер: «Мулло сиз нима деяпсиз? Битта Мирак бор, бошқасини билмайман», деди. Мавлоно деди: «Сен ҳалиги мен... Миракни айтяпсанми?» Шернинг жаҳли чиқди: «Мавлоно оғзингизга қараб гапиринг!» Мавлоно Шернинг ҳалқумига бир мушт тушириди. Шер ҳам Мавлононинг ёқасидан олди. Мавлононинг дастори ерга тушиб кетди. Мажлисга хабар бердилар. Мажлис аҳли гуррос этиб кула бошлади. Кутилған ҳодиса бўлди. Мавлоно аждаҳодек қаҳр билан мажлисга кириб келди. У кириши билан ҳамма ҳурмат таъзими билан уни қабул қилди. Амир Алишер Муллосга ўз ёнидан жой берди. Ҳожа Мажидиддин Муҳаммад

жўрттага ўзини билмасликка солиб, деди: «Махдум, мулозимлар сизнинг боғ эшигига ташриф буюрганингизни хабарини айтишганига анча муддат, қанча фурсат бўлди. Нима, у ерда тўхтаб қолдиларми?» Мавлоно деди: «Ори, боғи эшигига сизлар қўйган итсифат хўкниҳод, хирстабиат бир Шерча бизга тишини кўрсатиб, шағолдек ириллади. Бизнинг қоплон қаҳримиз ғазаб чангалини шердек унинг хунини тўкиш учун узатган эди. Маълум бўлиб қолдики, бу найранг сизларники экан». Мирак буюрди; Шерни келтириб, Муллонинг хотирига тасалли бериш учун унинг гарданига бир-икки қамчи туширишиди. Сўнг деди: «Мавлоно, маъзур тутинг, бу мажлисда бундан ортигини амалга ошириб бўлмайди. Тилингиз тифи билан унинг сазосини беришингиз мумкин...»

Мавлоно мажлис аҳлининг уни ҳажв қилмоқчи бўлганиларига тегишли жавоб беролгани учун эгар-жабдуқли, олтин узантими от, йигирмата мовут чакмон ва ўн минг танга пул билан мукофотлашди.

Нақл қилишларича, Соҳибдоро дебди: «Султон Ҳусайн Мирзонинг бир амири бор эди. Қозоқлик даврида чўлу биёбонларда соядек ҳар қадамда уни қўриқлаб, офтоб пайти соя шамёна сифат унинг тепасида сарв қоматини соябон қиласди. Уни Амир Жаҳонгир барлос дейишарди. Мирzonинг жаҳонни ёритувчи подшолик офтоби ҳашамат ва азаматлик осмонида кўрингач, унинг бетолеъ толеъ юлдузи Уторуд сингари офтоб нурлари остида оташ иссиғи изтиробида қолиб кетди. Ниҳоят даражада, хору зор беътибор бўлиб қолди. Ҳеч ким бу сирдан хабар топмади, хотира бармоғини бу мушкул ишни ҳал этиш учун босмади. Бу бадбаҳтиларнинг ҳаммаси учун у Амир Алишерга нисбатан ёмон муносабат қилиб юрди; Мирни ҳақорат қилишгача борди. Ҳазрати Мир буларни унутиб, унинг гуноҳини кечириб юради... Шу алпозда йиллар ўтди.

Бир кун Султон Ҳусайн Мирзо Амир Алишер билан хилватда ўтириб, ҳар бобдан суҳбат қуаради. Мирзо ҳикмат дуржини очиб, Амир Алишердан сўради: «Ҳалойшқ фақирнинг ҳаққида на сўз айтадурлар?» Амир Алишер жавоб бериб, Сизни доду адлда, лутфу карамда, саховату шижоатда, баҳодирлигу диловарликда ягона билишади. Мирзо сўради: «Менинг мақсадим — менинг ғийбатимда, айбларим ҳақида ҳалқ не демоқда?»

Амир Алишер деди: кеча келаётсам, бир болохонадан овоз келди. Секин яқин бориб эшитсам, бир киши шундай демоқда эди: «Султон Ҳусайн Мирзонинг ҳамма қилифи, ахлоқи жойида, кўнгилдагидек беназир одам... Аммо аҳволи пешонасида бемурувватлик; ҳақиқатсизлик ёзилган. Ўзининг эски хизматкорларини ва қулларини, йиллар давомида унга итоат камарини жон белига боғлаб, қуллик юзини елкасига қўйғапларни инояти назаридан узоқлаштириб, уларни оёқ остига ташлади...» Мен бир кишидан унинг кимлигини сўрадим. Унинг номи Амир Жаҳонгир барлос экан. Мен анча муддат ўз умрим нақдини сарфлаб хизмат қилдим. Ҳозир аҳволим шундайки, ундан баттарини тасаввур қилиб бўлмайди, дебди. Мирзонинг буни эшитиб, авзойи ўзгарди. Қейин деди: «Махдум, сиз билмайсизми, у қанақа одам, мен унга бир оз эътибор кўрсатсан, такаббур бошини Сурайё авжига етказиб, ҳар куни бир кишини ўлдириб юрмасмикин?..» Мир дедилар: «Сиз тўғри айтдингиз. Аммо халқ буни тушунмайди. Унга риоят қилганингиз, тарбиялаганингиз тузук. Агар қийинчиликлар курасида вужуди нақди зангларидан тозалangan бўлса... нима қилинса ҳам арзиди... Мирзо деди: «Унинг ишини сизнинг олий ихтиёргизга топшираман». Мир уйга келиб, бир кишини Амир Жаҳонгирга жўнатди, бўлган гапларни унга айтгин, деди. Айтишларича, у соқолини тутамлаб, юзига ўзи бир шаполоқ тушурибди ва «Эй дариф, Амир Алишернинг қадрини билмай юрар экамиз; унга шунча нохушликлар етказдик. У бўлса бизга шунча лутфу эҳсон ҳозирлаб юрган экан», дебди. У дарров Мирнинг уйига келиб, узр сўрабди. Ҳазрати Мир деди: «Олий ҳазрат хоқон... Сизнинг ихтиёргизни менга топширди. Сиз нима дейсиз?» У хурсанчилик изҳор қилди. Мир деди: «Биз сиз учун Хурсоннинг йирик қасабаларидан Туршизни олмоқчимиз. Туғ ва ногоралар билан сизни у томон жўнатамиз. Сиз у ерларнинг подшоҳи бўласиз». Илгари такаббурлик ва ҳурматсизлик кўрсатиб юрган Амир Жаҳонгир минг бор узру тавозеъ қилди. Тезда Мир уни катта дабдаба, туғу нофора, мулоzиму навкарлар билан ўша вилюятга ҳоким қилиб жўнатди. Лекин у ернинг халқи саркаш ва такаббур эди. Қўпинча улар ўз ҳокими ёки доруғасини, у ўзидан кетадиган бўлса подшо рухсатисиз ўйқотишарди. Амир Жаҳонгир бу ерга келиши билан бир

Шеча бузуқилар тўдасики, уларни чўғул дер эдилар, унинг ҳузурига тўпланиб, фитна қўзғатиб, ёмон қилиқлар ўргата бошладилар. Иш шунгача бориб етдики, халқ молу жонига қўл узатадиган, хотину фарзандлари номусига тегадиган бўлди. Амир Алишер ёнига бир тўда одамлар келди. У ўйлаб қараса, унинг ишлари уни қатл этиш ёки йўқотишга сабаб бўлолмайди. Мир келган одамларга: «Сизлар доим ўзбошимчалик, фитна ва нохушлик қилиб юрасиз, ҳокиму доругаларингиз билан келишолмайсиз. Энди сизларнинг адабларингизни берадиган вақт келди», деб қўрқитиб, подшога арзга боришга йўл қўймай, қайтариб жўнатди.

Амир Алишернинг ҳимоясига эътимол қилган Амир Жаҳонгир арзга келганлардан учта оқсоқолни қатл қилдирди. Туршиз халқи қора кийиб, икки юзга яқин киши Жаҳоноро чорбоги эшигига тўпланишди, фифону нола чекдилар. Мирза ҳарам ичкарисидан туриб, буларнинг дод-фарёдидан қўрқиб сўради: «Нима гап, уларнинг гулғуласи боиси нима?» Унга жавоб беришди: «Туршиз аҳли Амир Жаҳонгир дастидан арзга келибди». Мирза Амир Алишерни чақиртириб, таъна қилибди: «Тарбия қилганингиз устидан дод деб, келганларнинг додига стинг! Шариат буйруғига амал қилиш лозим».

Барча хатоларини, жиноятларини ҳисобга олиб, Амир Жаҳонгирни қатл этиш тўғрисида Туршиз халқи вакилларига нишон ёзиб беришди. Улар бориб ҳокимларини олиб ташладилар ва тошбўрон қилиб ўлдиридилар...

Мавлоно Мұҳаммад Бадахший шундай ҳикоя қиласиди: Олижаноб... Мирзо Султон Ҳусайн Баҳодирхоннинг Мирҳожи Пири Баковул деган бир мулозими бор эди. Қазо ва қадар баковули ою қуёш патирларини ва юлдуз пиёлаларини ложувард гардуннинг зарафшон дастурхони атрофига қўйғандан буён ва Каҳкашон дастурхонини парвардигор меҳмонлари олдига ёзганидан бери шоҳ ва шаҳриёр унинг каби баковул кўрмаган эди.

Бир куни ҳарамдан тахти равонда бир ҳурматли зотни олиб чиқишиди. Амир Алишер дарвозасига қадам қўйиши билан тахти равон ичидан товуш келди: «Махдум, бугун сизнинг мулозимларингиз ҳазрати Мирзо олдидা ажойиб гапларни айтишди», деди-да, ўтиб кета-

верди. Ўшанда подшонинг Мирдан кўнгли қолибди, деган одамлар орасида баъзи иғво гаплар юрарди. Мир шундан музтариб бўлиб, тахти равон орқасидан югурди: «Маҳдум, бирпас тўхтанг!» У деди: «Маъзур тутинг, Мирзо мени бир зарур иш билан жўнатдилар, шошиб турибман.» Айтишларича, Мир тахти равон орқасидан йигирма қадамча югуриб борганилар...

Шоҳга яқинларининг кўпроқ ташвиши,
Улар яхши билур Султоннинг ишин.

Мир ҳазрати Мирзо билан мулоқот пайтида ўзлари тахмини қилган гаплардан асар ҳам сезмади. Шоҳ хизматидан қайтгач, баъзи яқинларидан шоҳнинг кайфиятини сўради. Улар: «Мирзо бугун сизни яхши гаплар билан эсладилар. Ҳеч бир мурид бундайин иззату ҳурмат билан ёд қилмайди, дедилар», деб етказишди,

Мирга маълум бўлишича, Мирҳожи Пирнинг мақсади ўзини халқ олдида Алишер билан қай тарзда муоммада бўлишини кўрсатиш экан... Мир бу кинани дилида сақлаб юрди. Бир йил ўтди. Бир куни намоз вақтида Мирзонинг ёнига келдилар. Аммо бу ташриф одатдаги вақтда эмасди. Шоҳ Мирдан сўрадилар: «Қаердан келяпсиз? Чеҳрангизда ташвиш губори сезилади?» Мир деди: «Дарвешали шоҳ хузурига борган эдим. Қайтаётганда Ферузобод дарвозасига яқинлашган ҳам эдимики, дарвоза ичкарисидан ғала-ғовур эшитилди. Гумон қилдимки, мулоzимларингиздан бўлса керак. Бир тўда йигитлар тозинажод отларга миниб келиб қолдилар. Бундай гўзал йигитларни бу шаҳарда кўрмаганман. Улар ортидан ҳайхуйлаб келаётган кишилар кўринди. Ясавуллар одамларни четга суро бошлади. «Тарриқуво!» (Йўл бўшатинг) дейишиб, йўл очардилар. Мен ўзимни бир бурчакка олдимда, кузата бошладим. Қимматбаҳо гавҳару ёқутлар билан безатилган тахти равонида Амир Ҳожи Пир пайдо бўлди. Унинг товланишидан оламни ёрутувчи қуёш ҳам хира тортарди. Пахтагуллик жомаси чўнтагу ёқалари зарбафт, гавҳар қадаб, безатилганди. Бошида минг баҳияли шафтоли гулли тақия қийшайтириб қўйилган, қўлида кўк дастрўмол; арғувоний таёқ ушлаганди. Тахтиравонни тўрт ёш йигит елкасига кўтариб олган эдики, улар оразидан ою офтоб рашки келарди. Тахтиравон олдида ўн чорли йигит тилло, нуқра ва чини май идишларини кўтариб олиш-

гаи. Қўлларида лаъл, феруза, забаржад, ва ёқут пиёлалар. Тахтиравон ҳар беш-олти қадам юрганда Пир бир пиёла чой ичиб, газагига ҳалиги йигитчалардан бирини бўса қиларди. Фоят хушҳол бўлдик: Худога шукур, подшо мулозимлари Кайқовусу Афросиёб, Хисраву Парвиз, Баҳрому улуғ султонлар ва эҳтиромли хоқонлар муяссар бўлмаган нашъу намода юрибдилар. «Мирзо бу ҳикоятни эшитиб, ўзи билан ўзи бўлиб қолди; ҳайрон бўлди ва Мирнинг мажлисдан чиқиб кетишини пойлади. Кейин Бекина, Жонак, Бўдана ва Абу Шихналарни чақиртирди. Бу тўртталасини азоб малойикаси деб айтишарди. Мирзо уларга буюрди: Ҳожи Пир Баковулнинг уйига бориб, унинг бутун қариндош уруғи билан талонторож қилинг. Бирор нарсасини қолдирманглар. Қолалиган бўлса, ўзларингдан кўринглар. Бир соат ичиди Ҳожи Пирнинг хонадони юлдузлари ер билан яксон қилинди. Уни саодат авжидан кўтариб олиб, хорлик тупроғига ташладилар.

АЛИШЕР НАВОИЙ ТАБЪИДА НАФСОНИЙ ШАҲВАТ ВА РУҲИЙ ЛАЗЗАТГА МАЙЛНИНГ ЧЕҚЛАНГАНИ ХУСУСИДА

Ҳожа Маҳмуд Тойбодий шундай ҳикоя қиласди:

Бир кун ҳазрати Султон Ҳусайн мирзо Амир Алишернинг порсолиги ва таҳоратини бузмаслиги таърифини қилиб деди: «Бу жаноб дунёга келиб, ҳаёт хильъатини кийганларидан бўён этакларига шаҳват чиркини теккизмаганлар, футувват ва жўмардлик ёқаси лаълин тугмасини хотинлар ҳавою ҳавасига тутқизмаганлар». Замон Билқиси, даврон Зубайдаси Хадичабегим бу гапга бовар қилмади:

— Бундан чиқди жаноби Мир эркаклик хислатидан маҳрум әканлар-да?!

Шу гап устида баҳслашдилар.

Бир одам Румдан келиб жаноби мавлоно Нуриддин Абдураҳмон Жомий ҳузурида Рум порсоларини таъриф қилди.

— Бизнинг вилоятда шундай кишилар пайдо бўлдики, бирор соҳибжамол маҳбуби билан хилват қилишга муяссар бўлсалару у маҳбуба нозу карашмани ўрнига қўйса, улар панароқ жойга ўзларини оладилар... Сизнинг вилоятингизда ҳам шундай одамлар бор әкан.

Ҳазрати мавловий дедилар:

— Гапингиз тўғри, бундай одамлар бор, аммо бу ерда уларни биз ҳез деб атаемиз.

Хадичабегимнинг Давлатбаҳт исмли бир парипайкар, ой юзли чўриси бор эди. Фалак ойи унинг орази, қоши ва пешонасидан ранж қилиб ўзини гоҳ юзга, гоҳ қошга, гоҳида пешонага солиб кўради. Осмон офтоби унинг жамоли тобидан девона бўлиб, боши-ю юзини очганча гардун томида юмаларди. Нур занжирлари билан боғлаб қўйилмагаңда ўз нури каби ўзини унинг оёғи остига ташлаган бўларди. Султон Ҳусайн мирзо, Хадичабегим ва Амир Алишер ўртасида бўлган маҳфий гапларда бундан бошқа марҳам йўқ эди. Мир кўнглиниг баҳтиёр қуши ҳар замон унинг ишқи ҳавоси фазосида парвоз этарди. Хадичабегим бу розни очиш мақсадида баъзи гапларни ўргатиб, уни Мирнинг уйига жўнатди. Ложувард фалакнинг ёш келини мағриб саропардасида беркингач ва қоп-қоронги туннинг гулдор мушкин ёпинчиини устига тортгач, у Амир Алишер уйига кириб келди. Бемаҳал келгани учун Мир ҳайратда қолди. Алқисса, ўргатилгандек бир ҳикоят бошлаб, узундан-узоқ гапиргандан кейин, «Уҳ, нима қилдим. жуда кеч бўлиб қолди-ку!» деди. Мир, ҳечқиси йўқ, шу ерда тунаб қолурсан. Мисра: «Бир меҳнатхонамиз бор, бу ерда яшаш мумкин» деб жавоб берди. Унинг муддаоси шу эди, айтгани келди. Мир: «Ёнимдаги хонада ўзингга жой ҳозирлагин», дедилар.

Кечадан бирпас ўтгач, ул сарви раъно хиромон бўлиб Мирнинг хонасига кирди. Мир уни кўриб, унинг нима мақсадда келганини фаҳмлади. Аммо индамай ётаверди. Ул шакаргуфткор тўти сўзга кириб деди:

— Эй, олам маҳдуми, одамларнинг нури дийдаси! Баданимдаги ҳар бир мўй занжир каби менй бу томон судрагандек тасаввур қиласман. Бу судраш камина кғизакка бўлган иноятингиздандир.

Мирзо дедилар:

— Бу такаллӯф ва найранглар иш бермайди. Нима мақсадда қадам ранжидаги қўлганингиз маълум бўлди. Сизнинг барча масаладаги ишингиз мушкул бўлди. У узундан-узоқ гапларийнинг сири ҳам маълум.— Шундай дедилару унинг қўлини олиб, тиззаларига қўйдилар...

— Бу мусқаб билан мақсудингиз дуррини теша олишимга имонингиз қомил бўлса керак ва бу калид бирла

муроднинг дуржи қулфини очиб, мақсуд гавҳарини тона оламай. Шуни билнигки, бизда эркаклик хислати бор, қўлимиздан келади, аммо бу ишни қилмаганимиз, қилмагаймиз ҳам.

Тарки лаззатҳои шаҳвоний сахост,
Ҳар ки дар шаҳват фуру шуд бар нахост.
Халқ пиндоранд ишрат мекунанд,
Бар хаёли пур худ пар мекананд.

(Шаҳвоний лаззатини тарк этмоқ саховатдандир.
Шаҳватга берилган киши фойда топмади.
Халқ ишрат қилмоқни ният қилади. Ўзининг ана шу ха-
ёлида пар тўқади)...

Бу гаплар Хадичабегим ва Мирзо қулогига етгач,
уларнинг Мирга бўлган эътиқоди юз, балки минг чан-
дои зиёда бўлди...

МАВЛОНО БИНОИЙ ФАЗИЛЛАРИ ВА УНИНГ УЛУФ АМИР АМИР АЛИШЕР БИЛАН ЗАРОФАТИ

Мавлоно Муҳаммад Бадахший шундай ҳикоя қиласиди: Амир Алишернинг мавлоно Биноийга эътиқодлари кучли эди. Ўз туркий тилидаги «Тазкиратуш-шуаро»-ларида у кишига эътироz билдирган бўлсалар ҳам, закий фаҳм фозилларга маълумки, бу жуда катта таърифдир. Мир шундай ёзадилар: «Мавлоно Биноий авсотуннисдиндур. Мавлуди Ҳиридир. Бағоят қобилияти бор. Аввал таҳсилға машғул бўлди. Анда кўп рушдे бор эди. Бот тарк қилди. Ҳатга доги ишқ пайдо қилди. Оз фурсатда обдон битилди. Мусиқий фанига майл кўргузди. Бот ўрганиб, хийли ишлар таенниф қилиб, рисола доги адворда битиди. Аммо таажжуб ва мақсурлиги-дан эл кўнглуга мақбул бўлмади. Бу сифат сабаби учун фақир тариқин ихтиёр қилди ва риёзат ҳам тортди. Чун инди йўқ эрди, ўз бошича қилғон учун ҳеч фойда бермади. Эл таъну ташнеъидин Ҳирида тура олмай, Ироқга борди. Оидин доги ушибу раингда овозалар юборди. Аммо чун йигитдур ва қобил ва кўп ғурбат ва шикасталик тортти, умид борким, нафсига ҳам шикаст етмиш бўлғай, ҳар тақдир била. Бу матлаъ онингдур;

Ба сири моҳ онки, сияҳ кард чашми бри маро,
Ба сони сурмаи сияҳ кард рӯзгори маро.»

(Мазмуни: Мавлоно Биноий аҳолининг ўрта табақасидан. Туғилган жойи Ҳиротдири. Катта қобилиятга эга. Аввал ўқишига қаттиқ берилди. Унда етуклик иқтидори кўп эди. Аммо ўқишини давом эттирамади. Ҳаттотлик санъатига иштиёқ ҳосил қилди. Оз фурсатда кўп нарсани кўчира оларди. Мусиқий фанига ҳам майл кўрсатди. Уни ўрганиб кўп асарлар ёзди; адвор — мусиқа назарияси ва нота ҳақида рисола ёзди. Галати ёзилгани ва қусурлари бўлганидан эл кўнглига мақбул бўлмади. Шу сабаб бўлди-ю, бечораҳол бўлиб юрди, қийналди. Пири — устоди йўқ эди. Уз бошича иш тутгани учун иши юришмади. Эл таъна-маломатидан Ҳиротда туролмай, Ироққа қетди. У томонлардан ҳам шу каби гаплар эшитилди. Аммо ҳали ёш йигит ва қобилиятли бўлгани ва кўп фурбат ва шикасталик тортгани учун иззат-нафси шикаст топганидан ўз ўрнини ҳаётда теспишидан умид бор. Бу матлаъ унивидир: Ойнинг бошлари (ҳилол) ёrim қошлирини қорайтири; қора сурмадек рўзгоримни қорайтири.)

Мавлоно Биноийнинг ҳам Мирга эътиқоди зўр эди. Мавлоно Биноий ҳикояси: Ҳазрати Муҳаммад Шайбоний Хурросон вилоятини ўз қўлига олган вақтлари жума кунлари намоздан кейин Машкон жомеъ масжидида Мавлоно бир гуруҳ кишилар билан суҳбат қуаради. Бир куни мақсурга суфаси устида ўзининг Ироқ сафари ва Дарвеш Деҳакий, Султон Яъқуб билан шиганини шундай ҳикоя қиласди:

«Амир Алишернинг табъи нозиклиги ва мизожи қайтганлиги туфайли Хурросон мамлакатида яшаш имконияти бўлмай қолди. Думоғим тахтоҳида Ироқ мулки сайри ҳавосига жазм қилдим...

Ҳиротдан ўттиз фарсаҳча масофадаги Аҳмад Мирак работига етгач, дам олиш учун работ долонида ўтирардик ва таом ердик. Ҳусну жамолда инҳояти латофатли ва камолатли бир йигит кириб келди. Биз уни таомга таклиф қилдик. Таомдан кейин деди: «Маълумки, настаълиқни деворга сизнинг бу мулозимнингиздек ҳеч ким ёза олмайди. Агар бир қитъя ёзиб берсангиз, иноят қилган бўлардингиз. Биздан кейин бу ерга келганлар

ҳам хушвақт бўларди.» Мен бадеҳа тарзида бу қитъани ўқидим; работ деворига ёзиб қўйилди:

Ситамгаро, фалако, кажраво, жафокоро,
Нагўямат ки маро мулку подшоҳи дех.
Тўйию қўхна работи, ҳароб бар сари роҳ,
Зи ҳарки хоҳ ситону ба ҳарки, хоҳи дех.

(Эй ситамгар, фалак, кажрав, жафокорсан. Мен сенга мулку подшоҳлик бергин демайман. Сену мана бу қўхна, йўл тепасидаги ҳароб работ. Қимдан нима истасанг олгину, кимга хоҳласант бер).

Иттифоқо, бу фақирнинг оти юролмай, ланг бўлиб қолди. Ҳамроҳларим билан видолашиб, работда яшаб, қолдим.

Намозгар пайти эди, Ҳирот томондан бир карвон етиб келди. Карвонбоши Айний Ҳалвоий бўлиб, бир ҳачири бор эдики, Хурсондаги бирорта якмайдон йўрға от унга ҳамроҳлик қилолмасди. Унинг нархи икки минг тангага етган, эди, аммо эгаси сотмаган эди. Кечқурун у карвонсаройга келиб тушди. Кечаси туриб юкларни ортайлик дейишса, ҳачир ўрнида йўқ эмиш. Эшик берқ, эгаси эса эшик тагида ётганди. Бирортанинг ўтгани, ёки бузилган жойи йўқ. Одамлар ҳайрон бўлиб қолишиди, бу нима деган гап бўлди? Ахир, тонг пайти юкларни ортишмоқчи бўлдилар-да, яна работ эшигини кулфлаб қўйдилар. Тонг оқара бошлагандага ғала-ғовур кўтарилиди: работнинг бир бурчаги-томи тешилиби. Ҳачирни арқон билан ўша ергача олиб бориб юқорига тортган эканлар. Уни тушириб олишиди. Шунча қидирсалар ҳам томни ким тешганини тополмадилар.

Ироқ вилоятига келгач, Деҳак қасабасига тушдик. Бу жой Ироқ шоирлари пешвоси Дарвеш Деҳакийнинг ватани эди. Шу ерда тўхташимиз билан ҳалиги Дарвеш билан кўришмоқчи бўлдик. Бу ерда уч кун бўлдик. Излаб Дарвешдан асар ҳам тополмадик. Шунда ҳозир бўлганлар ҳайрон бўлишиди. Баъзи эътиқодчи дарвешваш кишилар узр сўрашиб, дарвешлар одоби шундайки, ҳеч ким билан яқин бўлмайди, дўст тутинмайди, қиши кунлари фишт қўйиш билан машғул бўлади. Ёзда амирулмўъминин Умарга ўхшаб иш тутишади. Дарвешнинг хат-саводлари йўқ. У киши такаллуф билан турли рангдаги қоғозлардан китоб тузганлар. Бу у кишининг де-

вонидир. Ҳар гоҳ бир маъни хотирларига келса, ёки хат-саводли кишини учратсалар уни ўша варақларга чектириб қўядилар.

Шуларни эшитиб у кишига муҳаббатимиз ва шавқимиз ортди. Дедик: бир йўлбошловчи бўлса, бизни у кишиникига олиб борса. Деҳак хатиби шу ерда эди. У бу ишни ўз бўйнига олди. Бизни у кишининг уйига олиб борди. Уйларига кирсак, у киши тўқувчилик дастгоҳида ўтирган эканлар, тўқувчилик қилаётган эканлар. Бизни кўриб ўринларидан турдилар. Таъзим бажо келтириб, бизни уйларига таклиф қилдилар. Хуш келиб сизлар, қаердан сўрасак, дедилар. Мен: «қуббатулислом Хуросонданман», дедим. «Пири Жом ҳузуриданми?» дедилар. Мен дедим: «Ори. У кишининг ажойиб ва марғуб шеърлари жуда кўп. У кишининг икки матлаъси, айниқса ёқади. Жонни сақлаш туморидек:

Шабам дар мотами ҳижрон ду абрў дар хаёл омад,
Ба сийна ҳар кужо нохун задам шакли ҳилол омад.

(Қошларинг хаёлимга келиб ҳижрон мотамидаман, кўксимнинг қаерига тирноқ урмай, ҳилол шаклини ясайди...)

Мен ҳам шеърларимдан икки матлаъ ўқиб бердим. У киши тахаллусимни сўрадилар. Мен — Биноий дедим. Кейин туриб, мени ўз ёнларига ўтқаздилар ва ғоятсиз лутфлар кўрсатдилар...

Табриз вилоятига яқинлашдик Яъқуббек мулозаматига мушарраф бўлдик. Бу дилинавоз шоҳ деди: «Бизнинг диёрда сизларга нималар ёқди?» Мен: «Дарвеш Деҳакий суҳбатидан ўзга ҳеч нарса ёқмади!» дедим. Дарвешни мадҳ ва васф қилдим. Гап давомида маълум бўлди, шоҳ Дарвешни кўрмаган экан.

Ҳикоят тамом бўлгач, шоҳ хижолат бўлиб қолди. Дарҳол муншини чақириб, Дарвеш Деҳакийни чорлаб бир шавқангиз ва муҳаббатомуз нома ёзишни буюрди. Ўз садрини тухфа ва ҳадялар, лойик эгар-жабдуқли от, сарупо билан Дарвешга жўнатди. Дарвеш у ҳадяларни олиб, подшони дуо қилди, унга санолар ўқиб, деди: «Оламни безаб турган ройига маълум қилингки, мен ўзимни подшога муносиб ҳамсуҳбат ва тенг кўролмайман. Унинг вилоятида яшаётганимнинг ўзи етади. Унинг мартабаси ва подшолигини дуо қилгум, аммо мени талаб қилмасинлар», деди. Ҳарчанд қистасалар ҳам кўнмади.

Садр ариза ёзиб Яъқуббекка жўнатди. Мазмуни маълум бўлгач, Дарвешга айтинг, бу томон келсин, ёки бизни ўз уйда кутиб олиш тайёргарлигини кўрсинг, деб кини жўнатди. Дарвеш: «Чора йўқ, иодино мулозаматига боринига тўгри келади», деди. Дарвешнинг бир эшаги бор эди, ҳар замонда минадиган. Садр ўз хос отингизни мининг деса ҳам кўнмади. Йўл асносида Яъқуббек мадҳи ва насиҳатига бир ғазал битди.

Шоҳ билан учрашганда ўша ғазални тақдим этди. Мажлисда юз чоғли киши ўтирганди. Унда ҳамманинг кўнгли юмшаб, кайфияти яхши бўлди. Подио сўради: «Ҳазрати дарвеш фақирдан пени талаб қиласидилар?» Дарвеш: «Подшоҳимизни умрини тилаймиз», деди. Подшо: «Йўқ, албатта бирор нарса сўранг», деди. Муболага ва илҳақлик кўпайгач, у деди: «Сиздан қиласидиган илтимосим шуки, мени бошқа ўз олий суҳбатингизга чорламасангиз, тинч қўйсангиз. Мен ўз тинчимда сизнинг дуойи жонингиз ва давлатингиз билан машгул бўлсам». Подшо деди: «Бизга маълум бўлишича, ёнингизда боғча ва сарой бор экан. Ҳосилга кирай деб қолганимиш. Ўшани сиз қабул қилинг, сизга топширамиз». Дарвеш деди: «Шоҳим, сиз яхши гап айтдингиз. Аммо, менимча, яна дарвешлар жамоаси бор. Буни эшитиб малул бўладилар ва дарвеш шоҳ ҳузурига бориб, ўзини халос қилибди, биз эса юк остидамиз, деб ўйлашади». Подшо: «Уларни ҳам халос қиласиз», деди. Дарвеш: «Одамларнинг сон-саноғи йўқ. Уларнинг барчасини халос қилмоқ малол келади. Энг осони биз ҳам улар қаторида ўз юкимизни кўтариб юрганимиз, уларнинг кўнглига юк солмаганимиз маъқул». Шунга келишишиди. Дарвеш подшога дуо ва сано ўқиб, ватанига қайтди...

Мавлоно Соҳибдоро қўйидагиларни ҳикоя қилган эдилар: Ҳижрий 903 йили (милодий 1498) Ҳирот шаҳрида безори, ўғри ва бевош ятимлар кўпайиб кетди. Иш шунгача бориб етдики, кечалари ҳар кўча ва маҳаллада албатта бирор ўлик ва мажруҳ кишини топардилар. Бундай фасод ва тартибсизлик ҳаддидан ошиб кетди... Ҳазрати Султон Ҳусайн мирзо ошуро (муҳаррам ойининг ўнинчи) куни Баҳром каби қизил либос қийиб, босига қирмизи тож кийди ва ҳукм қилдики, «Қайси кўча ва маҳаллада безори ва бевошлар бўлсаю уни тутиб келтириб беришмаса, ўша маҳалла горат қилиниб аҳолиси қирғин қилинсин!».

Ўшандайларни тутиб, текшириб, суриштириб, минг азобу уқубатларга дучор қилдилар. Баъзиларини михлаб ташладилар... Баъзиларини қўлтиридан осиб, оёғига тош боғлаб, иккига бўлдилар. Бу жамоат билан биргаликда жуда ҳам кўп бегуноҳлар босиш ва осиш майдонида қолиб кетдилар. Бу ганини подшога етказгандарида бевош ва безориларни текшириш ва тафтиш қилишни шоҳ амир Алишерга юклади...

Шайхзодаи Анзорий шундай ҳикоя қиласиди: Ҳофиз Фиёсиддин Деҳдор Озарбайжон вилоятидан Хуросон вилоятига келди. У Амир Алишер билан учрашишин мақсад қилган эди. Бу ишини у Мирнинг бирорта нодими орқали амалга оширмоқ истади ва мавлоно Бадахшӣ ҳузурига келди ва ўз мақсадини айтди. Мавлоно Муҳаммад Бадахшӣ унинг ҳолу аҳволини тафтиш қиласиди. Қайси водийдан гапирмасин, ўша майдон чавандози тарзida кўрди; қайси фандан гапирмасин зеҳнининг ўткирлигидан унинг самандига етолмай қоларди. У ўзича деди: агар бу Мирга яқин бўлса, бизнинг обрўйимиз қолмайди, у бизни чарху дук ёнига қўйиб қўяди. Яхшиси буни Мирнинг суҳбатидан қайтармоқ лозим. Мир билан ошно бўлиши нақшини унинг хотири саҳифасидан ўчирмоқ лозим. У деди: «Эй азиз, қандайни орзу қилмоқдасиз, не таманиони хотирингизга йўлатмоқдасиз? Мир билан ошночилик қилиш қийиндуру. Унинг мижозига мувофиқ келиш маҳол ишга киришиш билан баравар».

Ҳофиз Фиёсиддин унинг бу ишга рози эмаслигига тўшунди. Мушкули бу билан битмаслигини билди. У Соҳибдоро ҳузурига борди, У ҳам Ҳофизни роса текшириб кўрди. Забардаст олим ва фозиллигига иқрор бўлди. Бу ҳам важ кўрсата бошлади.

Ҳофиз ҳайрон бўлиб, ҳазрати Абдулла Анзорий мозори томон кетди. Амир Алишер у ерда бир чорбоғ қурдирган эдики, ундан Эрам боғи дилида рашку, ҳасаддан оташин лолалардан юз минглаб доғлар бор эди. Унинг дарахтлари олдида Ҳаварнақ санавбарининг ҳасратдан ҳайрат оёғи лойда эди. Ҳофиз шу боққа келди, саир қиласиди.

Эрта тонг пайти эди. Субҳи содиқнинг барра мушуги ложувард кўк гумбази чинихонасига югуриб кириб, порлоқ юлдуз чини идишларини осмон тоқчаларидан тушуриб юборган эди.

Ҳазрати Мир таҳорат учун ҳужра эшигини очди. Бир

мушук ичкари кирди-да, токчага сақрай бошлади ва ердаги чинни идишларни тушуриб синдира бошлади. Мирнинг газаби қайнаб тошдию заҳрини кимга сочишни билмади.

Намоздан кейин Мирнинг хотирига боғ сайрига босриш келди. Йўлга тушди, мулоzиму сұхбатдошлари унга эргашдилар. Лекин Мирнинг қовоғига қараб, гап қотишдан қўрқадилар. Боғ ўртасида чортоқ бор эди. Мир шу ерда тўхтадилар. Мусоҳиблари дарвозахонада қолдилар. Ҳофиз Фиёсиддин қараса, Мирнинг ёлғиз ўзи ўтирибди. Фурсатни ғанимат билиб, ичкари кирди. Мир ўз соясидан ҳам ҳадик олиб юрганди. У ўзи томон келаётган бегона кишини кўрди. Жаҳл билан сўради: «Бобо, сиз кимсиз, қаердансиз? Менинг ҳузуримга нега келяпсиз?» Ҳофиз тиз чўкиб, деди: «Мен ўзимни таърифи жомеъ ва монеъ қилиш учун келмоқдаман!» Мир бу ғалати сўзни эшишиб, деди: «Яқинроқ келинг, гапингиздан ҳайронман. Баён қилинг-чи, нима у «Таърифи жомеъ ва монеъ», деганинги?» У деди: «Аввало мен ҳофизман, қуръонни етти қироат билан ўқий оламан. Ашарапи үқисам, эшиитган кишилар шавқу завққа тўлади, биринки байт шеър ҳам айта оламан; ашула айтаманки, ундан иштаёқмандлар ёқа йиругулар, шавқ қанотида кўк гумбази узра парвоз қилурлар. Яна қиссаҳондурман. Амир Ҳамза, Абомуслим, Дороб қиссаларини бир навъи ўқийман. Уни эшиитган олам сўз усталари оғизларига сукут муҳрин солурлар. Яна муқаллидтурман! Ҳамма билади, бу ишда менга тенг келадигани йўқ. Яна толиби илмман. Фозиллар қайси илмдан сўз очмасин, ўша илмда менинг пешволигимга тан берурлар. Яна даллок (ҳодимчи) ликда маҳорату қувватим бор. Кимнинг баданида озори ё задаси бўлса хамирдан қилни суғургандек олиб ташлайман. Яна таббохман ошу таэмларнихтиро қилганманки, ҳеч боварчи унинг номини билмайди».

Мир ҳайрон бўлиб қолди. Деди: «Эй азиз, бу сени айтган нарсалардан бири амалга ошадигаи бўлса, сенидек менга анису җалис оламда бўлмайди». Сұхбат вақтида мавлоно Муҳаммад Бадаҳший мавлоно Соҳибдорога деди: «Бу ҳалиги бизнинг ёнимизга келган одам эмасми, Мир мулоzиматига васила излаб?» Мавлоно Соҳибдоро, ҳа ўша, бизга ўхшаганларнинг жону дилига оғату бало, деди.

Мир овоз бердилар: «Азизлар, киринглар. Ҳеч эши-
маган ва хаёлингизга келмаган мақолатлардан эши-
тинглар!» Ҳамма жамъ бўлди. Мир Ҳофиз Фиёсиддинга
деди: «Лофу даъво қилдинг. Энди изхорини қил!»

Ҳофиз аввало қуръондан ашара ўқиди. Мажлис аҳ-
линиг ҳушини олди. Кейин ғазал ўқиди. Ашула бош-
лади — дўсту душмани унинг овозига оғаринлар айтиш-
ди. Амир Ҳамза қиссасини бошлади. Кейин ўзи айтган
бир достонни ўқиди ва мажлис аҳлиниг ҳуши йўқолди.
Уни тугатиб Абомуслим қиссасини ўқиди — ҳаммани
сеҳрлаб қўйди. Мажлис охирида Дороб қиссасини ўқи-
ди. Боғбон билан унинг ғуломи шу ерда туришган эди.
Уларнинг тақлидини қилиб, ҳаммани кулдирди, баъзи-
ларга шундай таъсир қилдики, кулавериб юмалаб қол-
дилар...

Ҳар ким ҳар илмдан баҳс қилди. Буларга ҳам жавоб
берди. Ҳаммадав ғолиб келди... Кейин, Мирнинг буйру-
ғи билан ўн бош қўй келтирдилар. Бошқа керакли ас-
боблар ҳам керагича ҳозирланди. Ҳофиз таббоҳлик қил-
ди. Овқати ҳаммага ёқиб тушди. Шу бўлдию у Мирга
яқин одам бўлиб қолди. Бирор одам унингчалик яқин
бўлолмаганди.

МУФРАД ҚАЛАНДАР ЗИКРИДА

Бир куни Шоҳрухиянинг Ота ариғи мавзеъидаги
яйловда шоҳ саропардасининг манжуқи кўтарилид...
Безавол давлат чодирларининг таноблари гўё ҳашамат-
ли кўк гумбази кўнгурасига ташланган эди. Ҳазрати
Султон Муҳаммад девонхона ичидаши шоҳлик тахтида
ўтирган; фазилат арбоби ўз хизмати билан банд эди.
Шоҳ бу каминага хитоб қилиб дедилар: «Хуросон ятим-
ларини калтак жангига енгиб, уларнинг умри кемасини
ҳайрат гирдобига ташлаган Муфрад Қаландар ҳикоят-
ларидан гапириб берсангиз».

Мен ҳикоя бошладим: Хуросон муфрадларининг та-
лабкаши ва лангардори Дарвеш Аҳмад саллакаш Ҳи-
жоз сафаридан келди. У билан Бағдоддан Муфрад ном-
ли бир қаландар ҳам келди. Хуросон паҳлавонлари ва
муфрадлари шундай гапирадилар: «Биз хушқомат ва
зеболикда Муфраддек одамни кўрмаган эдик». Дубул-
фа шаклида бошида қалпоғи, етмиш ямоқ мағрибий

шамад тўни бор эди. Ичига кумуш қўйилган таёғи ҳам бор эдик, шариат мани ўлчовида уч ман келарди. У Ҳирот ҳиёбони бошига келиб овоз қилди: «Ҳиротнинг беш дарвозаси ва тўқиз булуғининг паҳлавонлари, ятиму наҳангларини чарлайман! Шу чўлга ким келса, агари Рустами Дастон, Соми Наримон ва Исфандиёри Рӯйнитан бўлса ҳам у билан жанг қиласман!»

Бунинг хабари Султон Ҳусайн Мирзога етди, уни чақиририб сўради: «Номинг нима?» У тиз чўкиб деди: «Шоҳим, шаҳриёrim, фалак муфради қўлида Каҳкашондек тобланган ятимона чўби бор экан, фалакнинг тўқиз булути паҳлавонларини ўз олдида паст деб билар экан, сидра дарахтидек улуғ мартабангиз саройи дабони қўлидаги таёқ султону хоқонлар бошида сингай, рубъи маскун паҳлавонлари хизматингиз қуллиғида бўлгай!»

Мирзо унинг фасиҳати ва балогатидан ҳайратда қолиб, яқинроқ чақириди ва қўлинини унинг қалпоғига қўйиб деди: «Мардона бўл, бизнинг ҳимматимиз сен томонда бўлади». Муфрад подшога маъқул тушди.

Хуросонинг бевошлари ўртасида шов-шув ва ғалавовур бошланди. Аламдорнинг ўғли бир ятим бор эди. Фоят паҳлавон ва уларга бош эди. Забардастликда барча ятимлар унга тан берардилар. Уни Муфрад билан жанг қилмоқ учун гиж-гижлатдилар. Бу гапни подшога бориб айтдилар.

Боғи Зогон чорбогининг ҳавзи лабида жанг бўладиган бўлди. Бу ерда Муҳаммад Мўъмин Мирзонинг чортоғи бор эди. Жанг куни у Мирзо чортоқ равоғида пари пайкар йигитлар билан ўтиарди. Мирзонинг ўн тўрт ўғли ўн тўрт кунли ойдек бўлиб ўз чортоқларида қарор топдилар. Муфрад ва Аламдор ўғли мисли иккни маст шер ва икки қутурган фил каби маърака ўртасида, майдонда бир-бирлари билан жанг бошлади. Аламдорнинг ўғли олдин таёғини кўтарди-да, Муфраднинг бошини кўзлаб урди. Таёқ тушаётганда Муфрад эпчилик билан ўзини олиб қочди. Аламдор ўғлининг таёғи қўлидан чиқиб ерга санчилди; уни тортиб олмоқчи бўлганида Муфрад бунга имкон бермай, таёғини боши тепасида айлантириди ва унинг жагига яқинлаштириди. Аламдорнинг ўғли ерга ағдарилди. Халойиқ бақириқ-чақириқи тутди ҳамма ёқни. Мирзо табақда олтин келтиршни буюрди. Уни Муфрад бошидан нисор этдилар.

Шу бўлдию Муфраднинг паҳлавонлик ялови ва забардастлик байроғи осмон авжи ва ою қуёш манзилига етди.

Ферузабод дарвозаси яқинида бир ятим бор эди. Уни Ҳайдар Тийргар дер эдилар. Баҳодирлар жанг куни унинг калтаги нукидан қўрқар, ятиму безорилар унинг ханжари ва пичоги заҳмидан қалтирас эдилар. Кечаси у шаҳар айланмоқчи бўлганда туркинг ойи кечаси кезувчиликни қўйиб, бир четга биқиниб оларди; қўлига ханжар олганда бешинчи фалакдаги Баҳром қўлидаги пичоқ қалтирасади. Ятимлар уни Муфрад билан жанг қилмоққа қўзгадилар. У, бундан менинг номусимга зиён етади, келиб-келиб қаландар билан жанг қиламанми, деди.

Кабутар бо кабутар, боз бо боз,
Кунад ҳамжине бо ҳамжине парвоз.

Унга: Ҳозир Ҳурносон паҳлавонларининг номуси елга соврулди. Қайтариб олиш қўлингдан келса, ўзингни кўрсат, дедилар. Алқисса, уни Муфрад билан жанг қилмоққа қўндирилар. Мирзо ҳукм қилди: «Муфрад билан Ҳайдар жангига Ҳиротнинг ҳамма номдор ятимлари тўплансин!» Жанг пайтида Муфрад ўз калтагини Ҳайдар кифтига туширганда омад Ҳайдар қўлидан кетди: таёқ отишга мажоли қолмади. Муфрад Ҳайдарнинг бели ва кифтига тўрт марта калтак туширди. Ҳайдар бир навъи ўзини тутиб турарди. Гўё пўлат мили ёки шамшод дараҳти ерга санчилгандек тебраниб турарди. Олтинчى таёқни Ҳайдарнинг бошига туширмоқни чоғлади. Мирзо мулоҳаза қилди: агар шуни ҳам Ҳайдарга теккизса, ундан ному нишон қолмайди. Мирзо деди: «Ҳой, Муфрад! Шу чўбни урма!» У энди туширмоқчи бўлиб турганда бу садони эшитиб, айланди-да, чўбини бир чинор дараҳтига қараб отди. Чўб ярмигача унинг танасига ботди. Муфрадни Мирзо ёнига чақирди-да, сўради: «Ҳайдар ҳақида нима дейсан?» У деди: «Шоҳим! Тоат тепасида инсоф билан айтар эканлар. Инсоф шуки, агар мен урган шу таёқларнинг бири менга теккудек бўлса, йиқилиб, маҳшар тонгигача туролмасдим. Паҳлавон Ҳайдар—жаҳон паҳлавонидир». Бу гап Мирзоға маъқул тушди, Муфрадга тилло тугмалии чорқаб ва беш минг танга пул инъом қилди. Ҳайдарга ҳам худди шундай иноят қилди.

Ҳирот кўфасида Амир Халил деган амирзода бўр эди. Шаҳарнинг беш дарвозаси ва тўқиз булутидаги ҳамма паҳлавонлар ятимликда унга таслим эдилар. У Муфрад билан чўб жанг қилмоқчи бўлди-да, Мирзо ҳузурига келди: «Мен Сизнинг Мурфадингиз билан жанг қиласман!» Мирзо хондон ташлаб кулди-да «Менда Мурфад йўқ, Муфрад бор! Жанг қиласдан бўлсанг, билиб олгин». Ногоҳ Муфрад кириб келди. Мирзо деди: «Жаноби саййизода Мирхалил сен билан жанг қилмоқчи. Сен нима дейсан?» У деди: «Бо оли Али ҳарки дарафтод барафтод» («Али насли билан ким жанг қилмоқчи бўлган бўлса, йитиб кетган»). У хонадон итлари билан жанг қилишни менга ким қўйипти. Мирхалил деди: «Эй қаландар! Бекорчи гапни қўй. Баҳона излама. Хоҳласанг мен билан жанг қил». Муфрад деди: Эй саййид! Истасангиз бошиму кўзимни ҷоқлаб уринг. Чарчаганингизча ёки кўзингиз етганча. Кейин эса мен жанг бошлайман!» Шундай дейишиб, иккаласи ҳам Мирзо ҳузуридан чиқиб кетишиди. Боги Зоғондан чиқишлари билан Амир Халил ва унинг ятимлари Муфрадни ўртага олдилар. Ўн саккиз жойига пичоқ ва ҳанжар урдилар. Бунинг хабари Мирзога етгач, ҳукм қилди: «Мирхалилни қаерда кўрсангиз ҳеч кимдан сўраб ўтирумай отиб ўлдинг!» Мирхалилни унинг тарафдорлари яширдилар. Мирзо Муфрадни ўз ҳузурига келтирди ва барча жарроҳларни йиғди ва деди: «Агар шуни даволай олсанглар, нима муродларингиз бўлса ҳосил қилурман! Хазинамдан сизлар учун инъом мусассар бўлғуси!» Жарроҳлар унинг жароҳатларини текшириб, ҳаммаси бирдек: «Иложи бор», дейишиди. Аммо ичаги кесилибди. Бунинг иложини топиш қишин. Уни тикиб бўлмайди. Мирзо буюрди: «Устод Шайх Ҳусайн жарроҳни топиб келинглар!» Шоҳим, у бемор ётибди, дедилар. Подшонинг буйруғи билан уни тахтиравонда олиб келишиди. Мирзо деди: «Эй устод! Агар шу одамни шифоласангиз, нима муроду мақсудингиз бўлса, бажарурман!» У суварак мўрчасиданки, мўрчай сулаймоний (от қоринчаси) ҳам дейдилар, бир қанчасини топиб келишни сўради — ҳозир қилдилар. У кесилган ичакнинг икки учини бир-бирига ёпишириб, бир мўрча оғзини ичаклар ёпиширилган жойига тутди. Мўрча ярага ниш уриб, тишлаган заҳоти унинг бошини кесдилар. Бошқасини унинг ёнидан шундай қўйиб, калласидан жудо қиласавердилар. Шу йўл билан кесилган ичак

атрофини тикиб чиқдиларда, қорнига солиб, қорнини ти-
киб қўйдилар. Кейин даволай бошладилар. Қирқ кун ичи-
да Муфрад оёққа турди, согайди. Муфрад тўшакдан тури-
ши ва сиҳат-саломатлик майдонига қадам қўйиши би-
лан подшодан Амир Халилга шафоат қилиниши, унинг
геноҳидан ўтишини сўради. Подшо афв қофози ёзиб бер-
ди. Эълон қилдиларки, Амир Халилнинг подшо инояти
 билан гуноҳи кечирилади. Қўрқмай подшо олий остонаси-
га етиб келсин. Бу хабар Амир Халилга етиши билан
 олий остонаяга келди. Подшо деди: «Агар сени Муфрад
 билан яраштириб қўйсам нима дейсан?» У деди: «Шо-
ҳим, мен билан Муфрад ўртамиизда жанг бўлмагунча
 бизнинг ярашганимизнинг қарори ва эътибори бўлмай-
 ди». Муфраддан, сен нима дейсан, деб сўрадилар. У
 деди:

Таҳаммул гарчи маҳмуд асту нағъиbekaron дорад,
 Начандони таҳаммул кун, ки мардиро зиёндорад.

(Сабр яхши нарса, у гарчи чексиз фойда келтирса ҳам,
 ортиқча сабру тоқат одамга зиёнди).

Мен қўлимдан келганча адаб юзасидан ва бу киши-
 нинг ҳурмати мулоҳазасида бўлдик. Қарасак, кўриб
 турганимизча. Энди ҳеч монеълигимиз йўқ. Мисра: Қо-
 радан ўтиб тушадиган ранг йўқ.

Алқисса, уларнинг жанг соати белгиланди. Жанг
 майдони Боя Шамол чорбоғида тайинланди. Айтиши-
 ларича, Амир Халил жанг бошланиши билан бехудона
 Муфраднинг бошини кўзлаб ўн марта чўп урган. Ҳэр
 гал Муфрад зарбани рад қилган. Муфрад ҳам ўз кал-
 тагини Мирхалилнинг бошига ҳавола қилди. Зарбалар-
 ни у ўз чўби билан қайтарди. Муфрад унинг таёғига
 чап бериб оёғини мўлжалга олди. Мирхалил оёғи суяк-
 лари пўсти ичидан майдаланиб кетди. У тиз чўкиб қолди.
 Кейин туриб, синган оёғини қимиратиб кўрди. Синиқ
 суяклари пўст ичидан тўпиққа ўхшаб, саночи ичидан кў-
 ринди. Йиғилган одамларнинг нафаси ичига тушиб кет-
 ди. Мирза буюрди; Устод Зайнобиддин шикаста бандни
 келтирдилар.

У шундай табиб эди: подшо ҳарами аҳлидан бир
 хотиннинг сурун суяги чиққанди. Подшо бунинг суягини
 жойига солиши керак, деди. Унга қўл теккиза олмаслиги
 сабабли кўп ўйлаб туриб деди: «Бир ҳўқизни ивитилган

ион билан уч кун боқиши керак. Сув берилмасин. Уч кун ўтгац, ҳўқиз белига ёстиқ қўйиб, ўша хотинни миндиринглар, оёқларининг икки учини ҳўқизнинг қорни остидан бир-бираига тортиб боғланглар. Кейин катта тоғорада сув тўлдириб ҳўқизнинг олдига қўйинилар. Ҳўқиз ичган сари қорни кўтарила бошлади. Кейин «қарс» этган товуш эшитилиб, суяқ ўз ўрнига тушди. Подшо унга кўп иноятлар кўрсатиб, эъзозлади. Алқисса, шу кишини келтириб, подшо деди: «Бу саййидзода беақллик қилди. Манави қаландар билан жанг қилиб, ўз оёғини ишдан чиқарди. Шуни тузатиш лозим». Устод буюрди: ердан тизза бўйича чуқурча қазидилар. Ганч топиб келтирдилар ва сувга қордилар. Мирхалилнинг оёғи кафтичи чуқурга қўйиб, қўли билан суяқ майдаларини ён-веридан айлантириб тартибга солиб чиқди. Синган қисмининг икки бўғунча келадиган жойига қадар ганч лойидан тўқди. Шундай қилиб, тиззасигача ганч лойи билан қотириди. Қирқ кун уни даволадилар. Тузалгач, оёғини ганчдан бўшатдилар.

ПАҲЛАВОН МУҲАММАД АБУСАҶИД ВА СУЛТОН ҲУСАЙИН МИРЗОНИНГ БОШҚА ҚУРАШЧИЛАРИ ФАЗИЛАТЛАРИ ВА КАМОЛОТИ ЗИКРИДА

Бир куни Шоҳрухия яйловининг манзил ва мавзеъларидан Лаклакон мавзеъида ҳазрати султони аъзам — хоқон адлу инсофнинг баланд туғларини тикди... Султон Муҳаммад Баҳодир осмондек саропарда ичидаги шоҳлик таҳтида ўтирганди. Амирлари, аркони давлат, фозилу фазилат аҳлининг ҳар бири ўз муқаррар ўрнидан жой олган эди. Шоҳ бу бандай каминага хитоб қилиб дедилар: «Машҳурки, Паҳлавон Муҳаммад Абусаҷид ўз маҳорати ва камолоти билан кураш фанида ва бошқа илму фанлар, фазилатларда ўз асрининг ягонаси экан. Унинг фазилатларидан бирор нарса айтиб берсалгиз кўнгилдагидек бўларди».

Мен ҳикоя қилдим: шоҳим то шу дамгача, куннинг заррин кокилли қизил паҳлавони кўк гумбази майдонида шомнинг қора либосли занги курашчиси юзини ерга қаратиб, забун этиб турган экан, ҳар вақт субҳидамда у ер узра кўтарилиб, калла уриш фанида у зангини за-

МОН ТУПРОГИДАН ОЛИБ, ЧУҚУРГА УЛОҚТИРАР ЭКАН, УНГА ТЕНГ КЕЛАДИГАН ПАҲЛАВОН ДУНЁГА КЕЛМАГАН. БИРОРТА ПАҲЛАВОН ҲАМ УНИНГ ТИЗИНИ ЕРГА ТЕККИЗОЛМАГАНИ МАҶЛУМ. ПАҲЛАВОН БАРЧА ИЛМУ ФАНЛАРГА, ФАЗИЛАТУ КАМОЛАТГА МОҲИР ЭДИ. УЛУҒ АМИР АМИР АЛИШЕР ПАҲЛАВОН МУҲАММАД АБУСАҶИДНИ ЎЗ ТАЗКИРАЛАРИДА ШУНДАЙ ТАЪРИФ ҚИЛГАНЛАР:

«ПАҲЛАВОН МУҲАММАДКИМ, КЎП ФАЗИЛАТ БИЛА ОРАСТАДУРКИМ, ХУСУСАН ГУШТИГИРЛИҚ ФАННИДА. БОВУЖУДИ УЛКИМ, УЛ ФАН ОНИНГ ҲАҚҚИ ВА МУЛКИДИР, МАҶЛУМ ЭМАСДУРКИМ, ҲАРГИЗ БИР КИМСА БУ ФАНДА АНДОҚ ПАЙДО БЎЛМИШ БЎЛҒАЙ. ЎЗГА ФАЗОЙИЛИГА КЎРА ДУН МАРТАБАСИДУР ВА МУСИҚИЙ ВА АДВОР ИЛМИНИНГ БЕНАЗИРИДУР. ЧУН КАМОЛОТИ «АЗҲАРИ МИНАШШАМС»ДУР, ШАРҲ ҚИЛМОҚ ЭҲТИЁЖ ЭМАС. ФАҚИР АСТРОБОДДАН БУ РУБОЙИННИ ПАҲЛАВОН ХИЗМАТЛАРИГА БИТИБ ЙИБОРДИМКИМ. РУБОЙИ:

Дар қаъбаву дайри мо ба иршиоди туим,
Дар савмааву майкада бо ёди туим.
Зокири саҳару шом ба авроди тунм,
Яъники ятими неъматободи туим.

(Каъбадаю юртимизда сенинг иршодинг биланмиз. Ибодату майхонада сенинг ёдинг биланмиз. Саҳару шомда сенинг дуои жонингдамиз. Яъники, неъматларинг — фазилатларинг мулки етимларимиз.)

ПАҲЛАВОН БУ РУБОЙИННИ ЖАВОБ АЙТИБ ЙИБОРДИ. РУБОЙИ:

Эй Мир, ту пиру мо ба ишшоди туим,
Доим ба дуоогўю бо ёди туим.
Ин шаҳр ба ту шушасту, мо бо ту хушем.
Сарвemu хароби Астрободи туим.

(Эй, Мир сен пир, биз эса сенинг иршодинг — тўғри йўл-йўриқларинг биланмиз. Доимий дуоғўйинг, ёдинг биланмиз. Бу шаҳар, яъни Астробод балки, сенга яхшидир; аммо биз сен билангина хушвақтмиз. Сарв эдик, Астрободдалигингдан харобмиз).

БУ МАТЛАЪ ПАҲЛАВОНДИНДИРКИМ, АЙТГОНДА ПОДШОҲ ЎН МИНГ ОЛТУН СИЛА ИНОЯТ ҚИЛДИЛАРКИМ. МАТЛАЪ:

Гуфтамаш дар олам ишқи ту корам, бо гам аст,
Гуфт хандон зерн лаб: «Гам нест, кори аломаст».

(Унга дедим: Оламда ишим сенинг ишқининг бўлди, ғам-

лимай. Лаб буриб кулди ва деди: «ҳечқиси йўқ, дунёни шунақа!»)

Закийфаҳмлар таъбига маълум бўлсинким, Мир «Тазкиратуш-шуаро»нинг тўртинчи мажлисини Паҳлавон Муҳаммад зикри билан бошлайдилар. Мисли мавлоно Масъуд Шервоний, Амир Атоулло, Мир Муртоз, мавлоно Ҳусайн Воиз, мавлоно Муъян Войз, Амир Камолиддин Ҳусайн, Қози Ихтиёр, мавлоно Муҳаммад Бадаҳший, мавлоно Мир Ҳусайн Муаммоий, мавлоно Номий, мавлоно Абдулвосеъ мунши ва бошқа Хуросоннинг зўр донишмандлари, фозилу уламолар зикрининг Паҳлавон зикридан кейин келиши унинг улуғ мартабаси ва олий обрўси далолатидир...

Айтишларича, мажлисда мавлонозода Мулло Усмон билан шайхулислом ва қози Низом тезлашиб қолибди. Шайхулислом деди: бу гап Мир Саййид Шариф ва мавлоно Саъдиддиннинг «Мифтоҳ»га ёзган шарҳларида бор. Мавлоно Низомиддин эса, у ерда йўқ, деди. У киши шарҳловчиларни келтиринглар, деди. Паҳлавон Муҳаммад Абусаъид ҳожати йўқ дедилар ва шарҳларнинг тегишли жойларини ёддан ўқий бошладилар. Ҳар мавзусидан бир саҳифа ўқидилар. Мажлис аҳли ҳайронликдан гала-ғовур қилиб қолди. Қози Низомнинг муддаоси исботланди.

Олий мансаб эгалари, аслзодалар ва улуғлар Мирзо Султон Ҳусайн мажлисига йиғилган кун бир масала ўртага ташланди. Шайхулислом икки марта қайтардилар. Бу ҳол Мирзога ёқмади. Чунки Шайхулислом сеқин, гапни чайнаброқ тушунтиридилар. Паҳлавон Муҳаммад масалани қайтарди. Мирзо дарҳол уни топдилар. Мажлис тарқагач, Шайхулислом ташқарига чиқиб, мажлисда шундай подшо, шундай уламо ҳозир бўлатуриб, курашчи одамнинг маликулкаломлик қилиши қандай бўлади, дедилар. Бу гапни Мирзога етказдилағ. Мирзо дедилар: «Бу мажлис Шайхулислом ва уламо учун чақирилгани тўғри. Туркигўй одамман. Агар Паҳлавон Муҳаммаднинг бу мажлисда сўзлашга қобилияти ва лаёқати бор экан, Шайхулисломнинг уни чеклашлари тўғри эмас. Агар сўзлашга қобил экан, бунга шайхнинг нима даҳли бор!» Мирзонинг бу гапини Шайхулисломга етказдилар. Ҳамма акобирлар йиғилган бу мажлисда Шайх сўради: «Сизлар бу хусусда нима дейизлар?» Мажлисдагилар деди: «Сиз бир нима дедин-

гиз ва Султон сизнинг ўша гапингизга яраша жавоб берди. Энди ихтиёр ўзингизда». Шайх бир қадар ўйланниб турди-да, деди: «Дарвоқеъ, инсоф билан айтганда Паҳлавон Муҳаммадни уламо мажлисида сўзлашдан манъ қилмаслик лозим». Паҳлавон Муҳаммад кураш санъати ҳақида бир китоб ёздилар. У шундайин латиф ва зариф тил билан ёзилганки, суханвар ва фасоҳат майдонининг муншилари уни балофат маъракаси деб биладилар ва ўзларининг ожизлик тизини ерга қўядилар...

Машҳурдирки, Паҳлавон Муҳаммад Ҳожа Ҳофиз Шерозийнинг кўп ғазаллари байтларидан исм чиқарганлар. Шу жумладан, қўйидаги байтдан «Шужоъ» исмини топганлар:

Дарахти дўсти биношон, ки коми дил бабор орад,
Ниҳоли душманни бар кан, ки ранжи бешумор орад.

(Дўстлик дарахтин эккил, дил коминг ҳосил бергай;
душманлик ниҳолини йўқ қилки, беҳисоб ранж келтиргай).

Ҳожа Муҳаммад Тойбодий шундай ҳикоя қиласи: бир куни Султон Ҳусайн Мирзо мажлисида Ҳофиз Фиёсиддин Деҳдор фазилатлари ва камолати ҳақида гал кетди. Жаноби Амир Алишернинг Ҳофиз билан Козургоҳ чорбоғида учрашгани ҳақида подшога бирма-бир гапириб бердилар. Ўша танишув пайтида Ҳофиз ўз сўзини «Мен ўзимни таърифи жомеъ ва монеъ қилгани келдим», деб бошлаганди. Буни эшитган Мирзо кулиб дедилар: «Бундан таъбининг латофати ва зарофати маълумдир. Бу кеча у киши билан суҳбат қургумиздур».

Жаҳонро чорбоғидаги хушманзара қасрда зиёфат муқаррар қилинди. Мирзо мажлисида бўладиганларнинг номини ёзиб бердилар: Амир Алишер, Паҳлавон Муҳаммад, Ҳожаги Абдулла Марворид, Ҳожа Камолиддин Ҳусайн Низомулмулк, Амир Саййид Бадр, Мирқосим Туркигўй, Амир Жоний мавла, Амир Низом Муқаллид, ҳусн аҳлидан Қосим Мирҳусайнӣ, Мирзой Тарёкий, Тоҳир Чакка, Сарви Лабижўй, Моҳи Симномий, Мирак Зальфароний, Руҳулло пари, Шомуҳаммад хонанда,

Мирзонинг Тайфур номли бир пайки бор эди. У шундай хушбичим йигит эдики, унинг ҳусну латофатини кўрганлар ҳазрати Юсуфнинг ўтганини унтишарди. Мир-

Унинг волаю шайдоси эди... Уни шу даражада кийинтириб қўйган эдикни, уни кўрганлар қуллик ҳалқасини тақишига ҳам рози бўлардилар. Заррин камари атрофига қирқта қўнгироқча тақдирган эдилар. Бошида жавоҳирлар қадалган тож, қуббасида ҳумой қуши пари ўрнатилган эди. Эгнида зарбафт қантара. Мирзо дедилар унга: «Бутугуғи суҳбатни сен учун тузмоқдаман». Тайфур: «Шоҳим, бугун хонамда бир гуруҳ дўст ва мусоҳибларим йиғилмоқчи эди. Нима бўларкин?» Мирзонинг ўзи ҳам мажлиса бошқаларнинг кўзи унга тушишига рози эмас эди... Алқисса Мирзо унга рухсат бердилар. Аммо Тайфурнинг хонаси ҳам, шу боғи жаҳонорода, Садафхона билан ёнма-ён эди. Суҳбат бошланиши билан, ҳофиз Фиёсиддинга ўз ҳиссиятларини намойиш этиш учун сўз берилди. Ҳофиз ўз хунарларини кўрсатиб мажлис аҳлига шундай қилиқлар изҳор қилдики, мажлисдаги илму фан эгалари, ҳамма унга вола ва ҳайрон бўлдилар. Бу мажлиса Ҳофиз Басир бир ғазал ўқиди, Ҳожаги Абдулла Садр Марворид қонунда бир куй ижро этиб берди. Кейин мажлис охиригача Ҳофиз Фиёсиддин ўз санъатини кўрсатди. Паҳлавон Муҳаммад мажлис охирлашганда шамоллаб келиш учун ташқарига чиқди. Қараса, Садафхона томонда машъаллар ёқилган, ғалавовур овози келар. Ширакайф ҳолда Паҳлавон ўша томон йўл олди. Яқинлашгач, уни Тайфур кўриб қолиб, йигитлар билан ташқари чиқиб, Паҳлавон оёғини тавоғ қилди ва: «Бу қандай лутфу банданавозлик бўлди, банданинг бошини осмонга етказдингиз...» деди у; Паҳлавонни ўз мажлисига таклиф қилди. Паҳлавон унинг суҳбатига кириб, бир журъа май ичиши билан Мирзо ва унинг мажлисини тамоман унуди. Бирор лаҳзадан кейин Амир Алишер Паҳлавон маст бўлиб, уйига кетган бўлиши керак, деб гумон қилиб, кетмоқчи бўлди. Ижозат сўраб, чиқиб кетди. Мирзо деди: «Анча бўлди Паҳлавони олам чиқиб кетганига, нега дараги йўқ?» Бир кишининг бу гапдан хабари бор эди: у деди: «Шоҳим, Паҳлавон Тайфурнинг субатига кетганлар». Мирzonинг икки жиҳатдан жаҳли чиқди: Паҳлавоннинг бир пайқ суҳбатини шоҳ суҳбатидан айло билгани: иккинчидан рашки келганидан. Мирзо тинч ўтиrolмай буюрди, Хисрав пайки келтирдилар, унинг кийимлари ва тақинчоқларини бир бўхчада тайёрладилар. Жони мавлагага: «Буни кўтар-да, обориб Паҳлавоннинг олдига қўй ва буни Мирзо

сиз учун бериб юборди, деб айт!» деди. У бўғчани Паҳлавонга келтириб берди. Паҳлавон уни очиб, пайк кийимини кўрди-да, мастилиги тарқаб кетди, ҳушёр тортди. Уйқуда эди — уйғонди... Нима қилмоқ керак? Мисра: «Иш тушубтур, эй кўнгил, мардоша бўл, нетмак керак!» Паҳлавон мажлис аҳлидан бир қайчи тониб беришларини ва хонани бўшатиб қўйиниларини сўрадилар. Пайклар қоидасидек, соқолини таги билан қиртишладилар. Пайк кийимини кийдилар. Белига тирбанд ва қўнғироқчаларни тақиб олдилар... ўзларини пайк ҳолига келтирдилар. Сўнг пайкаларни чақирдилар. Тайфур Паҳлавоннинг аҳволини кўриб, дод деб юборди. Бошини у кишининг оёғига қўйиб, йиғлади. Бошловчилар қоидасидагидек у киши Тайфурга қарама-қарши бир жойда туриб югурга бошладилар. Сўнг бадеҳа тарзида подшо мадҳига бир қасида тўқидилар. Ҳамма Мирзо мажлисига қараб югурди ва Паҳлавоннинг қай ҳолатда келаётгани хабарини айтишди. Мажлис аҳлининг Мирзодан ташқари барчаси ташқарига отилди. Паҳлавон Мажлисга кириши билан ҳалиги қасидани тўқиб бўлди. Кейин ўқиб берди. Мажлис аҳли олқишиш-таҳсинлар ўқиди. Мирзо деди: «Азизлар, фалак пайки ўзининг қуёш тожини бошига қўйиб унга бир даста шуълалар ҳумойи паридан зийнат бериб, юлдузларнинг заррин қўнғироқчаларини камари атрофига тақсан ва нилгун хитой атласидан тикилган зарбафт қантарасини кийгандан буён бирор подшоҳнинг бу каби пайки бўлмаган! Энди шу нарсанинг ўрники, мен ўзимни ва бу пайкимни олам аҳлига кўрсатмоғим лозим!» Хабар юборди: улуг подшоҳзодалар, ҳурматли амирлар осмон мартабали сарой аҳли машъалаляр ёқиб ўша томонга етиб келдилар. Шаҳар томон юрнишга қарор қилинди. Бир киши бу гапни Амир Алишерга етказди. Мир дарҳол отга миниб, улар турган жойга етиб келди. Мирзо отга миниб, Боги Шамол дарвозасида турган эди. Паҳлавон билан Тайфур унинг оти жиловидан тутган эдилар. Шаҳзодалар ҳам отда. Мир отдан сакраб тушиб: «Шоҳим, биз Паҳлавон билан ҳар ишда бирга бўлмоққа, ажралмасликка қасам ичгалимиз. Паҳлавон қандай йўлни ихтиёр қилган бўлса, камина ҳам шунга қўшлиаман. Бу саодат фақат Паҳлавонга тегинли бўлмасин. Ҳукм этинг, мен учун ҳам пайклар кийими ни келтиришсин Паҳлавон иккаламиз бир либосда бўйлайлик», деди.

Буни эшитиб Мирзо ўз хатосини тушунди, надомат бармогини пушаймонлик тишлари орасига олиб, буюрди: «Иноят қилиб. Паҳлавондан узрхоҳлик қилинглар ва устидан бу либосни ечиб олинглар!»

Мир Паҳлавон олдига яқин келиб деди: «Мирзо лутф қилдилар, узр сўрамоқдалар. Сизни бу либосдан холи қиласидилар». Паҳлавон дедилар: «Чиндан ҳам неча йиллардан бери шу маъни орзусида эдим. Энди буни қўлдан чиқармаслигим лозим».

Алқисса, айтишларича, Мирзо подшоҳзодалар, Мир Алишер ва аркони давлат бўлиб, Паҳлавонга юз минг танга сийлов бердилар.

Хожаги Абдулла садр шундай ҳикоя қилиб берган эди: Султон Ҳусайн Мирзонинг бир мажлисида фозиллар ва аслзодалар йиғилган эди. Паҳлавон Муҳаммад Абусаъид шу мажлисда оғир мусибатга ва маломатга қолганини гапириб қолди. Ҳазрати подшо бу гапни суриштириди. Паҳлавон деди: «Ҳазрати подшоҳ бу каминани Паҳлавони олам деб атайдилар ва менинг фаҳр этувчи бошимни шуҳрат авжига кўтардилар. Бу лақабини ўзимга татбиқ эта олмайман ва муносиб билмайман. Зоро, пойтахтда Паҳлавон Муҳаммад Молоний деган Паҳлавон бор. Мен у билан кураш тушмаганман ва йиқитмаганман. Бас, шундай экан, мен бу лақабга қандай сазовор бўлай?» Мирзо ва Амир Алишер ҳайрат бармоқларини тишладилар ва дедилар: «Эй, Паҳлавони олам, Муҳаммад Молоний башар жинсидан эмас. У одам суратидаги бир дев. Сиз у билан кураш тушсангиз бўлармиди?!» Шу гап устиди Паҳлавон Муҳаммад Молоний кириб келди, Мирзо унга дедилар: «Паҳлавони оламнинг сен билан курашгиси бор. Нима дейсан?» У деди: «Худо ҳаққи, у кишининг бундай номаъқулчилигини хотирда тутаман. Шуни айтишга ўзимда журъат сезаманки, мен бу киши падари бузрукворининг камина шогирдиман. Бу маҳдум менга маҳдумзода бўладилар:

Бо валинеъмат ар бурун ойи,
Гар сипеҳри, ки сарнигун ойи.

(Валинеъматингдан устун келмоқ истасанг, осмон бўлсанг ҳам яксон бўлгунг.)»

Ҳамма мажлисдагилар Паҳлавон Муҳаммад Молонийга таҳсину оғаринлар ўқидилар. Паҳлавони олам: «Бунинг нима даҳли бор. Курашининг шартларидан, би-

ри ҳам шуки, ким курашга талабон бўлса, ибо қилмайди, улар сўрамайди. Мисра: «Жамшид юзланса ҳам гар, келинг де!» Хуллас подшо буюрди, паҳлавонлар тунбон кийдилар ва олишувга киришдилар. Паҳлавон Муҳаммад Молоний ўзиҳа ӯзи ҳам уни ҳам йиқилишга йўл қўй-масликка қарор берди ва курашни давом эттириди. Кураш бошланиши билан гуштигирлар бир-бирларига ёпиша кетишиди. Паҳлавони олам: уни ангга қўйиб, илм берди ва йиқитди. Паҳлавон Муҳаммад Молоний ёни билан йиқилди. Паҳлавони олам келиб подшо қаршисида тиз чўкди. Подшо деди: «Эй, Паҳлавон, бу усулни у сендан ҳам яхши билади. Унинг елкасини ерга теккиз-масанг ҳисобга ўтмайди». Паҳлавони олам: «Эй шоҳим, миноранинг пушти ва ёни бўлмайди, деган ривоятни эшитганмисиз?» деди. Буни эшитиб Паҳлавон Муҳаммад Молоний ердан сакраб туриб, маст фидек кела бошлади. Паҳлавони олам қараса Мирзанинг ёнида бир иморат бўлиб, темир панжараси бор эди. Паҳлавон ўша панжарага маҳкам ёпишиб олди. Паҳлавон Муҳаммад Молоний келиб бир қўли билан белидан ва яна бир қўлини Паҳлавоннинг оёқлари остидан киритиб, шундай силтаб тортики, панжара Паҳлавони олам билан бирга суғрилиб чиқди. Девор эса ўпирилиб тушди. Паҳлавони олами панжара билан бирга ҳавога кўтариб, энди ерга урмоқчи бўлганда, Мирза ўрнидан иргиб туриб, «бошим ҳаққи, Паҳлавонни ерга ура кўрма!» деди. У Паҳлавонни секин, саломат ерга қўйди ва қўйиб юборди.

Олий ҳазрат... Мирмуҳаммад Мириюсуф қўйидагича ҳикоя қилган эдилар: ҳижрий 900 (милодий 1495) или Султон Ҳусайн Мирзо Чилдухтарон яйловида ўзларининг чодиру саропардалари манжуқини осмон Айюқи ва ою қуёш қуббасига етказиб тиккан эдилар. Деҳли подшосининг пешкаш тариқасида жўнатган бир фил ва Ҳиндистон газламалари шу ерга етиб келди. Фил манглус зотидан бўлиб, Ҳиндистонга борган ҳинд филларини кўриб келган одамлар у ҳақда дедилар: «Биз бутун Ҳиндистонни кезиб, бундайин азамат ва улкан жуссали филни кўрмаганмиз», уни кўрган одамлар: «Бу бир тоғки, унинг чўққисидан бир аждар осилиб тушган»,— деб ўйлашади. Ҳазрати бечун (худо) осмон остида тўрт устун кўтариб, пашша ҳужуми пайтида осмон филини қўйдики, субҳи содиқ хартуми билан юлдуз пашшаларини ҳайдар

эди. Ҳазрати Мирзо дедилар: «Субҳонолло, у нималарга қодирки, бир қатра сувдан шундай маҳлуқни яратса. Ибсан билло! Агар шунига ўхшаган одам бўлса, ундан қандай жон омон қолади!» Паҳлавон Муҳаммад Молоний деди: «Шоҳим, ундай одам бўладиган бўлса, нима ҳам қила оларди!» Подшонинг бу сўздан жаҳли чиқиб, ўзи билан ўзи бўлиб қолди. Узича: бу қандай манманлик ва қандай худбинлик бўлди, деди... Мажлис тугагач, шоҳ Саййид Бадрни чақириб, Паҳлавон Муҳаммад Молонийдан шикоят қилиб, дедилар: «Паҳлавоннинг қандай лоф урганини ва жаззофлик қилганини кўрдингизми?» Амир Саййид Бадр, бу фил унинг бу манманлигини бурнидан чиқарса керак, деди. Мирза филбонни чақириб деди: Мен Паҳлавонга адабини бермоқчиман. Сен филни Паҳлавонга қарши тезлагин, токи унинг кўзинни очсин. Филбон деди: «Шоҳим, сиз бу филдан жуда тез совибсиз шекилли, Паҳлавоннинг гурзиси агар филининг бошнiga бир тушадиган бўлса, мияси чиқиб кетади-ку».

Ҳиндистондан фил келаётганниш, деган гапни эшитган куни Паҳлавон гурзисини тартибга солиб қўйған эди. Унинг оғирлиги Хуросон тоши билан ўн етти ман (таксминан 40 кг) келар эди. Уни ҳеч қўлидан қўймасди. Мирзо деди: «Бу ҳинди тўғри айтяпти». Амир Саййид Бадр деди: «Менимча мен унинг гурзисидан жудо қиласман». Ўз манзилига келиши билан Амир Саййид Бадр Паҳлавонга қуйидаги сўзлар билан киши юборди: «Болаларнинг лоғу казофи жонимга тегди. Амир Аждар дейдик, мен Паҳлавон гурзисини ишлата оламан; Ибн Али айтадики, мен у гурзини юз марта ҳавога отиб, илиб ола оламан. Амир Мукаррам бўлса: мен бу гурзини юз навбат ҳавога отиб, шундай иламанки, ерга келиб тегишига тўрт ангештча қолганда тутиб оламан, деб даъво қилишмоқда. Гурзингизни бериб юборсангиз, мен бу даъвогаржарнинг гарданини бир совутмоқчиман!»

Паҳлавон Молоний бу макрдан ғоғил қолиб, гурзисини бериб юборди. Амир Саййид Бадр Мирзога деди: «Биз ўз ишимизни бажардик. Қолгани сизга ҳавола!» Мирза Тайфурни саройдаги барча яқинлар унинг қуллигига тайёр бўлган пайкини Паҳлавон Муҳаммадга юбориб деди: «Унга айт тезда бу ерга давлату иқболдек етиб келсин. Кийими маҳсисини киймасдан келсин. Қандай вазиятда ва кайфиятда ўтирган бўлса, шундайича олиб келгин».

Вақт пешин бўлиб қолган эди. Паҳлавон қаймула уй-қусида эди. Тайфур келиб, шоҳ фармонини етказди Паҳлавон гап нимада эканлигини тушуниб, гурзимни келтиринглар, деди. У, ҳозир гурзи келтиришнинг мавриди эмас, келтиролмаймиз, деди. Паҳлавон кўйлаги остидан тагбандини белига боғлаб олди.... Мирзо томони оёқяланг йўлга тушди. Мирзо Тайфурни жўнатишдан олдин филинг оғзига бир неча машқ шароб қўйдирган эди. Паҳлавон подшо саропардаснга яқинлашиши билан, ўрда томондан фил чиқиб келди ва Паҳлавонга йўналди. Мирзо деди:

«Ҳар, ки гардан ба даъво афрозад,
Душмане инчунин бар ў тозад.

(Кимки даъвогарлик гарданини кўтарар экан, душманнинг унга шундай ташланади).

Сиз эмасмидингиз, шу фил қадар одам бўлса нима бўлти, деган. Уни пашибадек писанд қилмаган эдингиз. Энди унинг уддасидан чиқинг».

Паҳлавон яктагу дасторини ўраб бир чеккага отди. Кўйлаги енгларини шимарди. Барини тагбандига қистирди ва бир оёгини сал олдинроқ қўйиб, жангга ҳозир бўлиб турди. Фил хартумини силкиб Паҳлавоннинг елкасига қўйди, ва қўлиғи аралаш ўраб бир силкиб тортганди, Паҳлавоннинг пошиналари ердан узилди. Яна бир ҳаракат қилганда Паҳлавон оёқ бармоқлари учиди қолди. Паҳлавон қараса: фил яна бир зўр бериб, кўтариб ерга уриши аниқ. Унда суяклари майда-майда бўлиб кетади. Паҳлавон лангар ташлаб, ерга оёқ босиб олди. Филнинг қорнига ниқтай бошлади. Кураш қоидаси бўйича белига тепа бошлади. Фил оғриққа чидай олмай айлана бошлади. Филбон ўзини ерга отди. Шу чоқ филнинг оёғи осмондан бўлиб қолди. Кўрган одам тўрт устун ҳавога муаллақ бўлиб қолди, деб ўйларди. Ҳалойиқ қий-чув кўтарди. Мирзо буюрди: бир лаганда олтин ва кумуш келтиришиб ва Паҳлавон бошидан нисор қилдилар. Филни устунлар билан кўпчилик бўлишиб турғаздишлар.

Орадан бир неча кун ўтди. Филбон Паҳлавон ёнига келиб, деди: «Эй, Паҳлавон, сиз филни йиқитган кундан бўён у сизга кийна сақлаб юради. Кечалари билан сизнинг чодирингиздан кўзини олмайди. Қўрқаманки, гофил қолгудек бўлсан, бу ҳайвон қабиҳ ҳаракат қилмасмикин. Қейин бошим балога қолади». Паҳлавон деди:

«Сен бу кечакуни ўз истеҳқомида бойлоқсиз қолдир. Майли, биз томон келаверсин. Уни ўхшатиб меҳмон қилмоқчиман. Манбаъд бунақа дағдаға қилмайдиган бўлади».

Намозшом бўлгач, Зуҳал ҳиндуси гардун филини Каҳкашон занжирига маҳкам боғлаб, Ҳилол гажагини унинг қаншарига суртиб, тозалагач, Паҳлавон ўзининг жойини чодир ичига, устун ёнига солишни буюрди. У ўз якtagини жойи устига ташлаб, дасторини ўз боши тепасига қўйди. Ӯзи гурзисини кўтариб, ҳамма ёш йигитлар билан панада кутиб турди. Ярим кечадан икки пос ўтгач, мулла аъло курашчилари учар шаҳоблар танобини фалак фили устига ташлай бошлаган пайтда, қарасалар, ўрда томондан қора тоғдек фил пайдо бўлди. У чодир эшиги олдига келиб ҳар томонга аланглади. Атрофда ҳеч ким йўқлигидан кўнгли хотиржам бўлгач, чодирга кирди; кўрпани Паҳлавон хаёл қилиб, оёғи остига хартуми билан тортдида, эзғилай бошлади. Паҳлавон жамоат билан етиб келди. Улар чодирнинг атроф танобларини уздилар. Ӯнгу чап томонидан филнинг оёқларини ўрай бошладилар. Паҳлавон гурзи билан филни дўппослашга киришди. Фил қаттиқ чинқира бошлади.

Ўрдадагиларнинг ҳаммаси бу гапдан хабардор бўлди. Мирза уйқудан туриб, нима шовқин, деб сўради. Ӯнга дедилар: «Паҳлавоннинг тепасига фил шабихун қилиб бостириб борган экан, у хабардор бўлиб қолиб... филнинг адабини бермоқда...» Мирзо буюрди: машъалалар ёқишиди. Ӯзи отга минди. Қариyb минг киши Паҳлавон чодири томон юрди. Қелиб, Мирзо деди: «Эй, Паҳлавон полвонлик қоидасига риоя қил, муруват кўрсат». У деди: «Шоҳим! Бу жонивор тамом мени ҳалок қилганди. Алҳамдилулло, давлату ҳимматингиз туфайли хабар топиб қолдим!» Мирзо Паҳлавондан филнинг гуноҳини сўрадилар ва халос қилдилар.

Тонг отгач, Мирзо мулоғимларига деди: «Паҳлавонни фил билан яраштириб қўямиз. Тўю базм қурамиз». Алқисса қўй ва отлардан сўйдилар. Тўй бошладилар. Паҳлавонга ва филга фаҳрли либослар кийдирдилар. Фил учун мошва гуруч пиширдилар. Баркашда фил олдига қўйдилар. Паҳлавон бир томондан, фил иккинчи томондан овқат ейишга киришди. Паҳлавон катта-катта ошамлар ясад, фил олдига келиб, оғзига ташлар, фил ҳам ошамлар ясад Паҳлавон ёнига қўярди. Паҳлавон уни тановул қиласиди. Кейин Паҳлавон филнинг пешонасидан

Үлди. Филя ўзининг ниёзмандлик бошини Паҳлавон қаршисида эгди.

Хожа Маҳмуд Тойболий шундай ҳикоя қиласи: «Паҳлавон Муҳаммад Абусаъиддиниг жияни — синглиснинг ўғли бор эди. Уни Дарвешмуҳаммад дер эдилар. Ўн етти ёшида мавлоно Шайх Ҳусайн дарсининг ўн икки моҳир талабасидан бири ва Ҳикматнинг «Ҳидоя»га ёзган шарҳида Мирак Чангий билан ҳамсабоқ әдилар. Мавлони Паҳлавон Муҳаммад дердилар: «Дарвешмуҳаммад жияним ким билан мубоҳаса ва мунозара қиласа, ўша одамга менинг раҳмим келади. Зероки, уни енгиб, мулзам қилмагунча қўйиб юбормайди». Дарвешмуҳаммад Ҳикматнинг «Ҳидоя»сига шарҳни назмга солганди. Бу ҳол фазл аҳлининг қоматини чалиғенфат рашқдан эгиб, ҳасад ноҳуни билан улар сийнасини тирнаган эди...

Аммо Ҳиротда шундай бир овоза тарқалди: бир Паҳлавон Ироқдан Ҳурросон томон жўнабди. У рубъи мәскуннинг барча подшоларидан мусалламлик хатини олганиш; номи Паҳлавон Али Рустоий эмиш; паҳлавонликда ва забардастликда жаҳон майдонидаю Қайҳон маъракасида ҳеч ким унга рӯбару келолмас экан. У Ҳиротга бораман, паҳлавонлик мажлисининг энг тўрига ўлтирувчишини таслим қилиб, қулимга ва итоатгўйимга айлантираман, деган даъвони қилган эмиш.

Паҳлавон Муҳаммад Абусаъид Дарвешмуҳаммадни ўқишидан олиб, гўштиғирликка ўргата бошлади. Унинг ёнига кўнгилли ёшлардан ўнтаси тўпланди. Дарвешмуҳаммад уларни бирма-бир белидан олиб иргита бошлади. Кейин шундай келишилди: у йигитлардан тўртласи бира тўла Дарвешмуҳаммадга ташланиб, тупроқда эзғилашлари керак эди. У бўлса чаққонлик қилиб, тўрттовини ҳам отиб урди ва енгди. Паҳлавон Муҳаммад Абусаъид таклифи билан бир қопни наминок қум билан тўлдирдилар, вазни Ҳурросон тоши билан юз ман эди. Дарвешмуҳаммад бир қўлини қоп остидан қўйиб, иккинчи қўли билан ҳалиги тўрт йигитни бирлаштириб тутиб, кўтариб ердан узди ва бошидан ошириб отди. Бу ҳолат машқ қиласавериб, шунгача бордики, ўша қопнинг вазнини икки юз манга етказдилар. Кейин ўша қопни туйнуги бор бир хона шифтига осиб қўйдилар. Қопни йигитлар бир томонига тортардилар. Дарвешмуҳаммад туйнук остига келиб турарди. Йигитлар қопни қўйиб юборганиларида унинг кифтига келиб тегарди ва у ўрнидан қўзғалмасликка ҳаракат

қилиб, куч билан бир томонга улоқтирар эди. Бориб-бориб, машқ шунгача бордики, қолни узоқдан қўйиб юборганинда қоп унинг бошига ё кифтига, гардани ё юзига келиб тегса ҳам, Дарвешмуҳаммад жойида тик туриб бернига ҳаракат қилиши лозим эди. Машқ ва кўникумашу йўсин давом этаверди. Паҳлавони олам деди: «Энди кўнглимиж жойига тушди. Аммо машқларни кечакундуз тарк қилмаслик лозим».

Уч йил орадан ўтди. Ўша Паҳлавон Али Рустоий Хурросонга келди. У кавсав қасабасига етганда Паҳлавони олам пойтахт Ҳиротнинг барча номдор мўътабар полвонларини унинг истиқболига жўнатди. Ҳамма туҳфа ва ҳаджалар билан уни кутиб олиш учун чиқди. Үнга ҳаддан зиёда иззат-икром ва эҳтиром кўрсатишди ва Ҳиротга олиб келишди. Паҳлавони олам барча гўштигирларга Паҳлавонни қирқ кун меҳмон қилинглар, деб тайинлади. Ўзи эса Дарвешмуҳаммадни шу қирқ кун мобайнинда машқдан бўшатмади.

Султон Ҳусайн Мирзо Паҳлавони оламдан сўради: «Бу Паҳлавон билан нима қилмоқ фикридасиз? У билан ким гўштигирликка тушмоқчи?» Паҳлавони олам деди, «Полвонлик такясини ўбдан ўргангани бир ятимак бор. Бу ишни үнга ҳавола қиласиз». Мирзо сўради: «У ким бўлди?» Паҳлавони олам «Дарвешмуҳаммад» деди. Мирзо ҳайрат бармоғини тишлаб, у ҳали ёш-ку, яна номусимиз слга соврилмасин, дедилар. Паҳлавони олам деди: «Умидвормизки, обрў ва номусимиз сабабчиси бўлгуси». Қирқ кун ўтгач, Мирзо: гўштигирлик бошлансан, деб ҳукм чиқарди. Боги Зоғоннинг ҳавзини қуритиб қўйган эдилар. Унинг ичини гўштигирлик майдони қилишга қарор қилинди. Дарвешмуҳаммад кийимларини ечгаңда, гўё мужассам руҳдай бадани намоён бўлди. Мирзо: Дарвешмуҳаммад баданини назора қилмоққа баробар келадиган лаззат дунёда йўқ, дедилар. Зотан, үнга «Паҳлавонлар Тўпчоғи» лақабини берган эдилар. Паҳлавон Али Ростоий унинг қархисида беандом ва беўхшов кўринар эди.

Алқисса, кураш бошланиши билан Дарвешмуҳаммад уни ёш болани кўтариб олгандек ердан узиб, осмонга кўтарди ва бир чарх уриб, ерга шундай урдики, майдон сахни симоб кўрасидек ларзага келди. Үнинг танаси бошидан то оёғининг учигача ерда чуқур изи қолди. Ҳалқ ҳайқириқ кўтарди. Али Рустоий туриб, йиғлашга тутинди. У

деди: «Шоҳим, бу жамоат мени сеҳрлаб қўйди. Мени шундай боғлашдики, қуввату ҳаракатим қолмади». Мирзо деди: «Бу гапларнинг аҳамияти йўқ. Гўштигирлик қоидаси бўйича уч бор кураш тушишга ҳаққинг бор. Яна уриниб кўр». У деди: «Шоҳим, агар мен одам бўладиган бўлсам, шунинг ўзи етарли!»

Мирзо ўз амирлари, аркони давлатига қараб: «Ким менинг бошимни азиз тутишни истаса Дарвешмуҳаммадга инъом берсин!» деди.

Айтишларича, қарийб юз минг дирам олтин инъом тушган. Дарвешмуҳаммад уларнинг ҳаммасини Паҳлавон Али Рустоййга баҳшида этди ва деди: «Менга шу обрўнинг ўзи етади. У ҳам умид билан диёрнизга келган, ноумид қайтмасин».

Паҳлавон Дарвешмуҳаммад Олий насабликда бу тоифа одамлари орасида фахрли ва тенгсиз мавқеъда эди. Зеро, унинг ота зоти Хожа Абдулла Аисорий уругига тааллуқли, она томондан эса Султон Абусаъид ибни Абулхайр зотига пайванд эди. Аммо, гўштигирлар тоифасини урф бўйича ҳасаби ёки насабига риоя қилмасдилар; уларни жат ёки лўли деб атар эдилар...

**ОҲАНГАРОНЛИК БИР ХОТИННИНГ СУЛТОНИ
АЪАЗАМ ҚЕЛДИМУҲАММАД СУЛТОН НОМИГА
ҲАЗРАТИ АЪЛО ХОҚОН СЕВИНЧХОЖАХОНДАН
НИШОН ОЛИБ ҚЕЛГАНИ ЗИҚРИ**

Санаи ҳижрий 903 йилда (милодий 1498 йил) Ҳазрати... Султон Муҳаммад... Пискант яқинидаги Лаклакон яйловида чодиру хиргоҳи манжуқи ва саропардаю баргоҳи қуббасини фалакдаги Айюқ ва ою қуёш авжига стказиб тиккан эди.

Бир куни у шаҳриёр шоҳ салтанат таҳтида ўлтирган эди. Давлат аркони ва ҳазрат аъёнлари ўз муқаррар ўринларидан жой олган эдилар. Ҳазрати Севинчхожаҳоннинг томоми вилояти шайхулисломи Хожа Абдураззок, Мавлоно Тайиби Қандибодомий, мавлоно Сайид Туркистоний, мавлоно Абдулмӯъмин, мавлоно Аҳмад Смарқандийлар шоҳ ҳузурига ташриф буюрган эдилар. Осмон мартабали даргоҳ остонасига яна толиби илм ва аҳли фозилнинг бир гуруҳи келган эди.

Ногоҳ бир хотин қўлида бир нишон тутган ҳолда кириб келди. Шоҳ ўз хожиби ва ноибларига нишонни олиб унга

кўрсатишни буюрди. Ҳалиги хотин: **мен** сизларнинг восила ва воситангизсиз бу нишон қоғозини султон қўлига тошириб, бошимни у киши остонаси тупроғига қўйрман, деди. Султон: яқинроқ келиб, нишонни қўлимга бергин, дедилар. Ҳазрати Султон нишонни мутолаа қилиб бўлгач, табассум қилдилар-да, ходимларга юзланиб, дедилар: «Бу нишонни ҳазрати хоқондан фақир номига келтирибдур. Нишон мазмунни шуки, хотиннинг эри буни учталоқ қўйибди. Хотин бир ой давомида олампаноҳ даргоҳига арз қиласвериб, мени эрим билан яраштириб қўйинг, деб сўрабди. Эри дептики, мени пора-пора қилсангизлар ҳам, буни қабул қилмасман.

Ҳазрати хон ҳарчанд бу хотинга насиҳат қилибдилар; сени шу эриндан бойроқ ва ҳуснлироқ бир эрга берайлик: буни қўй, десалар ҳам кўнмабди. Бутун олам подшолари менга майл қилганларида ҳам мен ўз эримни дейман, дебди. Алқисса, ҳазрати хоқон буюрибдилар: «Бу хотин ва эр Охангарон вилоятидан экан. У сенга тааллуқдор вилоят. Сен шу ташвишни менинг бошимдан дафъ қилгин».

Алқисса, ҳазрати Султон унинг эрини чақиртириб, уни ўзларига жуда ҳам яқин тутиб, унга тархонлик нишонини бердилар. Ҳар йили унга беш минг дирам инъом карам қилмоққа сўз бердилар. У одам рози бўлди. Ҳазрати Султон «Бориб, бу хотиннинг ўз эри учун ҳалол бўлиши чораларини кўринг!» деб ўз ходимларига буюрдилар...

Ходимлар уни султоннинг вазири Шайхулоламнинг чодирига олиб бордилар. Шайхулислом Хожа Абдураззоқ хотинга деди:

— Бу ўлтирган жамоатдан ҳалоллик учун қайсисини хоҳлассанг қабул қилгил, Хожанинг ўзи унинг гапини олиб, ҳазиллашиб соқолини сийпаб айтди:

— Биз нечукудурмиз?

Хотин Хожага қараб юзини бурди. Хожа деди:

— Дўстларим, кўрдингларми, бу хотин қарилигимиздан қабул қилмайди.

Хотин ҳар кимга бир-бир эҳтиёт билан нигоҳ ташлар эди. Аслида шармсорликдан сув бўлмоғи лозим эди. Пойгакда ҳусндор бир йигит ўлтиради. Шуни кўрсатиб: «Менга бу йигит бўлур» деди. У йигит бу сўздан зор йиғлаб, ташқари чиқиб қочиб қолди. Мажлис аҳли завқ билан кулиб қолдилар. Султоннинг шоири ва мўътабар

одамларидан мавлоно Матлаънийга бу иш қарор топди. Хотинни шунга никоҳ қилдилар. Матлаъний дарҳол ўрнидан туриб, бир намад шюлча олди, хотиннинг қўлигабир қумғон сув берди ва ўз чодиринга бошлади. У чодир эски бўлгани учун илма тешик эди. Икки юзга яқин киши чодир атрофида жамъ бўлиб, тениклардан қараб турар эдилар.

Хожа Абдураззоқ фарёд қилиб, деди:

— Эй дўстлар, биродарлар, қаранг, шариат либосидаги бу одам қандайин зино иш қилур.

Матлаъий асло шарм қилмади. Кўпчилик кўзи олдида хотин билан икки навбат мубошарат қилди. Шундан кейин мавлоно Тайиб бир масала нақл қилиб, бу хотин истибройи раҳм қилсии, сўнгра шул соат ўз эрига никоҳ қилса бўлур.

Хуллас, шу йўл билан хотинни эрига никоҳ қилдилар.

Бу воқеа хабари ҳазрати Султоннинг муборак қулоқларига етгач, ҳайрат бармоғини тишлаб, ҳаёп имон биландир, қандайин беҳаёп одам экан бу Матлаъий, деб уни саройдан узоқлаштирилар ва дедилар: Беадаб ҳар гоҳ подшоҳ мажлисига йўл топса, подшоҳ шукуҳи бартараф бўлур:

Адаб тожист аз нури илоҳий,
Бинеҳ бар сар, бирор ҳар жо ки хоҳи.

(Адаб илоҳий нурдан ҳосил бўлган тождир. Уни бoshиннга қўю қаерга хоҳласанг боравер, камлик кўрмайсан).

ШОИРЛАР ФАСОҲАТИ ВА ЗАРОФАТИ ЗИКРИДА

Бир куни, Султон Муҳаммад боргоҳда тахт устида ўлтириб, аркони давлат ҳам ўз ўринларидан жой олганда Шайхулолам Матлаъийининг аризаномасини ҳазрати-хонга кўрсатди. У ўзининг камхарж бўлиб қолганини назм қилган эди. Қабул асари хон чеҳрасида зоҳир бўлмади. Менким, бу воқеаларни таълиф қилувчи ва бу ҳикоятларни жамъ этгувчи Восифий... беадабона журъат кўргизиб, дедим:

— Мавлоно Риёзий шоир ва фозил эди. Ў foят камарж ва қашшоқ бўлгани учун Бадаҳшоннинг доруғалигини сўраб, бир аризанома назм қилди. Султон Ҳусайн миrzога унинг назми маъқул тушиб, номига ёрлиқ ёзиб берди ва баҳтиёр қилди.

Ҳазрати хон бу ҳикоятни эшитиши билан карам қилиб, Матлаъийини аризаномасини қабул этди. Унинг аризаномасига илтифот қилмаганига сабаб шу эдики, хақиқири ва андак нарсага араз қилгани хонга пастхимматлик далилидек кўринди. Менимча, хон шундан ғазабланди. Чунки, кичик нарсани сурамоқ подшоҳлар ҳимматига лойиқ эмасдир...

Нақл қилишларича, Амид Бовардий замонасининг етук шоирларидан бўлиб, уни Гул шоир дер эдилар. Бир куни Мирзо Бойсунқур мажлисида шоиру фозиллар жамъ бўлган эди. Подшоҳ олдида бир дастагул, бир соғар ва камон турар эди. У гулни олиб соғарнинг ёнига қўйди: камонни ҳам олиб, айлантириб қўйди. Гул шоир дарҳол туриб, ташқари чиқдида бир дастурхон анор келтирди. Мажлис аҳли бу ишга ҳайрон бўлди. Гул шоирдан бу синоатни суриштирилар. Ў деди;

— Подшоҳ гулни соғар ёнига қўйди. Ёзува «гул» билан «соғар» сўзларини Гул шоир деб ҳам ўқиш мумкин. Менга хитоб қилинаётганини билдим. Сўнгра камонни айлантириб қўйди. Камонни араб тилида «қавс» дейилади. «Қавс»ни айлантирилса «суқ» бўлади, бу бозор дегани. «Бозор» сўзи ёзува «нор ор» сўзига ўхшайди. Шулардан мен «Гул шоир нор ор!» яъни Гул шоир, анор келтир!» маъносини тушундим ва бу амри бажардим.

Бу сўзни эшитиб, ҳамма унинг камолига таҳсин ўқиди. Подшо буюрди, унинг анор келтирган дастурхонини тиллодан тўлдириб бердилар...

Нақлдурки, бир кун Амир Алишер билан мавлоно Соҳибдоро отлиқ борар эдилар. Ногоҳ Амирнинг оти бод қўйиб юборди. Амир зарофат юзасидан «мавлоно Камолиддин Соҳибининг соқолига!» деди. Мавлоно Соҳибдоро дарҳол деди:

— Эй маҳзум, бу бандага мунча таъзим ва қарाम не ҳожат?

Амир бу сўздан завқ олиб, кулди ва ўз отини мавлоно Соҳибдорога бериб, бу отга мининг, токи у икки маънида ҳам рост бўлсин деди.

Баъзиларнинг айтишича, мавлоно Соҳибдоро Амирга жавоб бериб дебди:

— Эй маҳзум, мунча иззат қилиб, камолдан соҳиб, демагингиз дакор, эмас эди. Соҳибининг соқолига, денг эди. Яъни от эгасининг соқолига,

**АСР НОДИРИ МАВЛОНО ЖАЛОЛИДДИН ЮСУФ
НАҚҚОШНИНГ БИР ЙЎЛБАРС ОВЛАЁТГАН ШАҲСУВОР
СУРАТИНИ ҚЕЛТИРГАНИ**

Санаи ҳижрий 928 йил, шаввал ойининг ўн еттинчиси, шанба куни (милодий 1522 йил 11 сентябрь) тоиг пайтида тақдир мусаввири ола отли найзадор суворий суратидаги тасвир қалами билан ўзгарувчан замон саҳифасига олами ни ёритувчи қуёш ва куннинг шер савлатли ҳайъати суратини чекканда... ҳазрати Жамшид савлатли Султон Муҳаммад баҳодир... чодир ичидаги шаҳриёрлик тахтида ором тутганди. Давлат аркони ва ҳазрат аъёнларининг ҳар бири ўзининг иззат ўрнидан жой олганди.

Жаноби... мавлоно Жалолиддин Юсуфки, наққошлик санъатида ва суратгарликда шу даражада камолатга етган эдики, Моний унинг замонида бўлганида ўзининг хунарварлик корхонаси бисотини йигиштирган ва инсоф қалами билан унинг мўъжизалар яратса оладиган ва нағис санъатлар сувратхонасини зайлига шундай сўзларни ёзган бўларди:

Ба рўзгори ту сураттарони афт иқлим,
Қалами шикастрав дар сурати ту ҳайронанд.

(Сенинг замонингда етти иқлим мусаввирларининг мўй-қалами шиқаста ва суратинг олдида ҳайрондирлар).

У муборак мажлисига кириб, ўзи билан бир саҳифа келтирдики, унда бир ёш найза ушлаган шаҳсувор, унинг найзаси йўлбарс пешонасига санчилган, нуқра тусли ражши йўлбарс савлати ва ҳайбатидан ҳуркиб тургани чекилган эди.

Алқисса, у шундай бир саҳифа эдики, мабодо ажойиб нақш этилган бу сурат фалак лавҳида бўлганида, бу шаҳсувор шукуҳидан фалак ўрмони шери гардун майдони найзадори (Миррих) паноҳига қочарди, йўлбарс

овловчи шер нақшин салобатидан найзадор Баҳром ўз кўч-ўланини Асад буржи томон кўтарарди.

Ша суратли саҳифани у олий мажлисга тухфа қилди ва таҳсии зёвари ва офарин нисори билан муаззиз ва сарафroz бўлди.

Шундан сўнг жаноби фазилатлар эгаси, котиблар сараси мавлоно Обидки, унинг латиф қаламлари раҳони ёнида Ибн Муқла хати саҳифаларига насх губори тушмоқғи муҳаққақ эди; Ёқутнинг риқоъ тавқеъси унинг таълиқи ёнида сулсдек кўринарди, олий остона тавоғидан саодатманд бўлди. У ўзининг аргувон хатини Ёқутнинг сара хати дурлари тўла дуржи билан тўлдириб, яна бошқа бир саҳифани мавлоно Маҳмуд хаттотни ва мавлоно Азҳар хати Нодир руқаъсини — жамъи тўхсон тўққиз нусхани муборак мажлисга ҳадя этди. Бу васила билан у аъло ҳазрат ҳузуридаги котиблар орасида ихтиносе байропини кўтарди. Кейин мажлис мавзун кенгайди. Молийни Ёқут хаттотлигига тошифрдилар.

«Таърихи олам»даки, олам таърихларининг муаззамидир ва муаллифи мавлоно Муъиниддин муаррихдир, бу фақир назари шу нарсага тушган эдики, Ёқут ва Ҳиндужоҳжа ҳар иккиси ака-ука эканлар. Халифа Мустаъсимбиллоҳ уларни сотиб олганди. Ёқутни ўқ отиш, Ҳиндужожани хат ёзиш ҳунарига топширган эди. Аммо Ёқутнинг майли хат ёзишда эди. Ҳиндужоҳжа ёяндозликка завқ пайдо қилди. Ёқут ўз ўқларини бир йўла қаламга айлантириди ва хат санъатини машқ қила бошлади. Ҳиндужоҳжа давоти ва қаламини унут тоқчасига қўйди-да, қўлига тушган нарсасини ўқу камонга берди...

Ёқутни устоди кўп калтакларди. Бошини ёриб бир хонага қамади. У хона эшигини ёқут дуржидек қўлфлаб қўйди. Ёқут қараса, ёқут сувлари унинг боши сарчашмасидан юзига отилиб чиқмоқда ва қазо котиби унинг руҳеори саҳифасига қизил жадваллар тортмоқда. У қоннинг зоеъ кетаётгани ва азиз вақтининг беҳуда ўтаётганини ҳайф санаб, ўз бармоғини қалам каби у қонга ботиниб, хона деворларини қизил хатлар китобаси билан ўхшатиб мунаққаш этди. Устоди келгач, бу ҳолни мушоҳада қилди-да, чиндан ҳам қаламдек бошига қора дуд урилди ва ҳасрат ёшини юзига тўқди. Оғзи давотдек таажҷубдан очилиб қолди. Ҳиндужожани ҳам устоди бир уйга қамаб, олдига давоту қалам қўйди. Ўқу ёйини тортиб олди.

Айтишларича, унинг олдига бир ҳўл ёғоч шохчаси келиб тушди. Уни камон сифатида эгіб, ипак ип билан тортиб боғлади ва қаламларини ўқ қилиб, отиш билан машғул бўлди. Устоди кириб, камондек қоши бурчагида гиреҳ пайдо бўлди ва камондан чиқсан ўқдек халифа даргоҳига борди.

Иттифоқо, йўлда Ёқутнинг устодини учратиб қолди. Ҳар бири ўз шогирди воқеасини баён қилди. Буҳодисани арзга етказмоққа келишидилар. Ҳалифага айтиш керак ва фарз дедилар. Бориб воқеа ҳолатини шарҳладилар. Ҳалифа жуда таажжубда қолди ва буюрди: шогирдларингни алмаштиринглар ва улар тарбиясига эътибор беринглар, деди...

Нақл қилишларича, Ёқут қисқа вақт ичида шу дарожага етдики, рўзгор саҳифаси унинг равнақли, зебо ёзувчи бадеа қалами гулруҳсор сабзхатлар юзи саҳифа-сидеқ ораста ва кечаю кундузнинг ёқасию безаги унинг дурлар сочувчи гавҳар тўқувчи ёқутдек қаламидан танноз ёш келинлар гирибони каби жавоҳири ёқутлар билан безангандек эди. Ҳалифа Мустаъсимбilloҳ унга каломуллони китобат қилишни топширди. Ёқут амрга амал қилиб, асбобу давоти билан китобатга киришди: гардун офтобнинг заррин давотини хатлар тизими лифасига жилвагар қилган, юлдуз чироқларининг дудасидан ясалган кечанинг қора сиёҳини ложувард фалак саҳнига жамлаб, олдига ҳадя тариқасида келтирганди, Субҳнинг оқ ёғоз табақаларини уфқ тахтасида нур сочувчи қўёш шишиаси билан мўҳра тортиб, унинг ходимига топширади. Баланд осмон унинг китобати сатр чизиклари учун учар юлдузлар изини ва қалами парғозаси учун ҳазрати Жаброил ўз шаҳпарини олиб, у томон шошарди.

Алқисса, Ёқут ўша Қуръон китобати билан машғул бўлди. Қасдан бир жойда икки «вов» ҳарфи ўртасида келадиган «вов»ни ёзмай, ўрнини қолдирди. Тутатгач, ҳалифага келтирди. Ҳалифа Ёқутга катта илтифоту лутфлар кўрсатди ва инъом берди. Аммо бергани минг дирамдан ошмасди. Ёқутнинг дили қаламдек шикаста, кўнгли давот сиёҳидек қоронғу бўлиб, манзилига қайтди.

Ривоят қилишларича, подшо каломулло тиловатини ўша «вов» ҳарфи тушиб қолган оятга келганда, ниҳоятда ғазаби қайнаб, ҳақорат сўзларни Ёқут шаънига айтиб,

деди: «Бориб у гуломни келтиринг!» Ёқут буни эшитиб, ўнг қўлини бўйнига оғсанча олампаноҳ даргоҳига келди. Халифа жаҳл қилиб деди: «Эй, Ёқут! Кўзинг қаёқда эди? Каломулло хазинасидан бир ҳарф гавҳарини ўғирлатибсан-ку!» Ёқут тиз чўкиб, деди: «Шоҳим, подшоҳлик ҳашаматингиз ва давлатингиз хазинаси жавоҳири даврон ҳодисалари хиёнаткор талонидан омон сақлангай! Мартабангиз мусҳафи ва шаҳаншоҳлик азаматингиз ҳамиша адолат шерозаси ва жилди билан маҳкам ва мустаҳкам бўлсин! Оламни ёритувчи раъйингиз учун маҳфий қолмагайки, у ҳарф қасдан эмас, унутилиш натижасида тушиб қолган».

Халифа деди: «Энди қалам олгину ўша гавҳарни ўша икки гавҳар тизимиға қўйиб қўй!» Ёқут деди: «Шоҳим! Маъзур тутсинглар, қўлим оғриб турибди. Энди бу иш менинг қўлимдан келмайди».

Халифа унинг баҳона қилаётганини тушунди ва жаҳл билан: «Эй, гулом, менинг қаламравимда котиблар жуда кўп, хушнавислар ҳам саноқсиз», деди ва Ёқутни лаъл чиркини каби назардан йўқотди... Ёқут ҳазин ва ғамили ҳолда бир бурчакка бориб чўқди ва одамлар билан алоқа эшигини ўзи учун беркитди...

Халифа буюрди: барча хушнависларни жамъ қилдилар ва унинг ҳузурига келтирдилар. Уларга деди: «Бу мусҳафда бир «вов» ҳарфи тушиб қолган, шуни мулоҳаза билан қўшиб қўймоқ лозим. Бу ҳарфни сизлардан хушнависликда энг ўтадиганинг ёзади». Котиблар у камомуллони кўриб..., мушоҳада қилиб, «вов» ҳарфидек ўзларининг хижолат ва ҳайрат бошлирини қўйи солдилар, ожизлик қўлларини узр енги ичига тортдилар-да, бу иш уларнинг қўлларидан келмаслигини изҳор қилдилар. Халифа бу гапни эшитиб, ўзининг Ёқутга қилган муомаласидан хижолат чекди. Ўзининг хижолат суратини ғазаб либосига ўраб деди: «Вой сизларнинг ҳолингизгаки, шу ҳарфни ёзолмасаларинг! Ҳаётингизни тириклик саҳифасидан сиёсат қаламтароши билан маҳв этгум. Сизларни «вов»дек «хун» ўртасига қўйгум!» Улар дейишид: «Шоҳим, бизга тўсатдан бу тақлифни айтдингиз. Бизга карам жўрсатиб, муҳлат берсангиз. Машқда беҳад мاشаққат чекиб, гаввоқдек жаҳду жадал баҳриғи кириб, шояд мақсад гавҳарини топиб чиқолсан».

Халифа уларга қирқ кун муҳлат берди. У жамоат

Қирқ кун кечаю кундуз «вов» ҳарфини ёзишни машқ қилдилар. Қейин ҳар бири бир саҳифага биттадан «вов» ҳарфини ёзиб, халифа ҳузурига олиб келдилар. Булар орасидан биттасини эътиборга олиниди. Халифа унга «вов»ни ёзишни буюрди. У деди: «Шоҳим, иноят қилиб, мен ёзган ҳарфни миқроҳ билан олиб, ўша тушуриб қолдирилган жойга қўйиб кўришисин, ёнидаги ҳарфларга муносиб келадиган бўлса, мен уни ёзаман». Халифага бу гап маъқул тушди. Буюрди: шу котиб айтгандек қилишиди. Қарасалар, ҳарфларда катта тафовут сезилди. Халифа ўз хатосини энди эътироф этди.

У инсоф мусҳафидан инояту лутфлар оятини ўқиб, иззату икром билан Ёкути топтириб келтирди ва ёнидан жой берди: «Эй Ёкут! Гавҳаринг ҳақиқати аён бўлди. Сени тож гавҳарининг ёқутидек иззату завқида сақлайман. Сени кўз мардумидек назардан узоқлаштирмайман».

Шундай қилиб, халифа ўша ҳарфни ёзишга ишорат қилди. Ёкут буйруқни бажариб, деди: «Шоҳим! Жаҳон очувчи мунаvvар раъйингизга махфий қилмагайки, то подшонинг карами хазинасидан мақсудим ҳосил бўлмагунча, бу муддаингиз амалга ошмайди». Халифа сўради: «Эй, Ёкут! Дегил, мақсудинг нима?» У деди: «Шу миқдор қизилу оқ зар тўкингки, чоштнинг нариги томонида турган одам кўринмасин!» Подшо карам хазинаси ни очинни буюрди. Унинг талабига яраши олтинни олдига қўйишиди. Шундан кейин Ёкут қалам олиб, ўз мақсуди ҳарфини чекди. Халифа иноят этагини очиб, Ёкут, бу зарларнинг ҳаммаси сенини, деди. Ёкут: бош устига деди-да, Халифага таъзим қилиб, бир тангани олди, дастори бурчагига қистириб, деди: «Зарларни подшо хазинаси олиб бориб, жойига қўйинглар. Бу молни бир жойга йиққанимдан мақсад шу эдики, подшога маълум бўлгай; менинг хатим қадрини билмай, ёзган мусҳафим учун минг дирам берган эдилар. Бир ҳарф қадрига етганларидан кейин бу қадар лутфу иноят қилдилар. Равшан раъйингиз маълуми бўлсинки, шу мусҳафдаги ҳар бир ёзган ҳарфим шу миқдор зарга арзийди».

**БАДИАЛАР МАНБАИ МУЪЖИЗАЛАР ИХТИРОЧИСИ
МАВЛОНО ЮСУФ НАҚҚОШНИНГ МАВЛОНО...
ҚОЗИ ЖОДАКНИНГ АЖОЙИБ СУРАТИНИ
САОДАТЛИ МАЖЛИСГА ЮБОРГАНИ...**

Санаи ҳижрий 929 йил, муборак муҳаррам ойи жумъа кунларининг бири (милодий 1528 йил, март-апрель) эди. Эрта тонг. Бадалар яратувчи мусаввир ғаройиб ҳунарлар ижодкори мўйқалами билан субҳнинг оқ соқолли қари мўйсафиди тасвирини хушвақту ҳуррамлик учун ва кундузнинг жаҳонни ёритувчи олампаноҳ подшоҳи нишоту хурсандчилиги учун фалакнинг кўк гумбази лавҳига чекди. Унинг соқоли мўйини нурлар торидан ясаб, улуғ нур таратувчи шуъласи хатлари фатиласини улар устидан тўқди. Ҳазрати султони аъзам... Султон Мұҳаммад баҳодир... давлат девонхонасида иззату шаҳриёрлик тахтига муборак ташриф буюорди. Асер нодири, ҳунарлар моҳири... жаноби мавлоно Юсуф наққошки, суратгарлик ҳунарида ва чеҳракушойлик касбida шундай даражада эдики, агар сеҳрлар яратувчи шўрангиз мўйқалами нақшларидан бирор саҳифани чин суратхонасига элтганларида, мисра: «Сурати ҳароб бўлиб, йитарди девор ичра», Агар унинг ҳунармандлик гулистанидан бирор гулни гулзор сари келтирганларида, мисра: «Гул қайта ғунчага айланиб, беркинарди тикан ичра», қози Жодакнинг ажиб бир суратини олий мажлисга келтирди. Соқолининг қуюқлиги қари дараҳт шоҳлари мисол, қомати қуруқ шоҳдек соқоли остидан кўринар эди. Боши ва чеҳраси жун устига қўнган канадек эди. Унинг соқоли ва мўйлаби олдиди денгиз қўтоси латифроқ, кўринишида калта ва доғдек кўринар эди. Бу ориқ бадан ҳалиги фатила соқол, мўйлаб орасидан заиф така пўстидаги мурдадек кўзга чалинарди. Бу сурат ҳазрати султоннинг мунааввар замери нишоти ва муборак хотири завққа тўлишига боис бўлди. Замоннинг аксар султонлари ва олий хоқонлари табъларининг шу каби суратларига майли кучли эди.

Машҳурдирки, Хурросон вилоятида... подшоҳ Султон Ҳусайн мирзо замонида бир киши Гавҳаршодбегим мадрасаси тахти устида занжабил сотиши билан шуғуллапар эди. Унинг шундай соқоли бор эдики, ҳар гоҳ унинг шамоли қўзғалгудек бўлса, қози Жодакка ўҳшаганлар соқолини битта қолдирмай юлқилиб кетарди. Шу қози ўша соқолни кўргудек бўлса, шармандалиқдан ҳайрат бармо-

ғини тишлари орасига олиб бориб, соқолини беркитган бўларди... Мазкур подшоҳ ҳар йили наврўзда ўзининг улуғ амирларидан бирини унинг соқолини сотиб олиш учун юборар эди... Кейин подшо наққониларга буюрди: занжабилғурушнинг соқолини товуснинг думига ўхшатиб ранго-ранг тусга бўядилар, турли нақшлар чекиб бе-задилар. Бу одам шундай соқолини ўзининг савдоси до-мига айлантирди, харидорлар келиб шу домга илина бошлади. Нозиктабъ шоирлар унинг соқоли таърифида гаройиб маънилар айтдилар ва фикр покиси билан қил ёрдилар...

Алқисса, мазкур сурат қози кўринишининг бузиб қўрсатилиши қасддан бадбашара қилиб чекилгани эканлигига қарамай, ҳазрати подшоҳ мунаввар замири завқу шавқига сабаб бўлди. Салтанат боғининг гулбуни сероб ғунчасининг очилиши лашкар аҳли ва мамлакат аҳолиси дили ғунчаларининг очилишига боис экан, у ғунча кулиб, фозиллар наздида ўша суратни таҳсину мақбул қилди. Зотан, раият оммасининг кўнгил ҳузури, хотиржамлиги ва аҳоли хотири сурури сабабчиси бўлган замон подшолари ва олий хоқонлар ўз табиатлари хуррамлиги ва хотираларининг фараҳ топиши учун доимо сеҳргар мусаввирларини ва бадалар ижодкорлари бўлмиш наққониларни олий пойтахтларида сақлаб, илтифот қўрсатиб, улар ҳолидан хабардор бўлиб турганлар. Бу тараабангиз тоифа ва пок табиат санъат аҳли олим аҳоли оммасининг ҳузури ва сурури сабабчисидирлар. Улар одам зотининг энг сара ва хайрли гуруҳидир.

Шунинг учун ҳам мағфиратли подшоҳ... бу санъат ҳунармандларидан ва бу касб сеҳрофаринларидан устод Беҳзод наққонини, етти иқлим мусаввирлари унинг қошида таслим бошини ҳам қилур эдилар, барчалари ўзларининг мусалламлик суратларини унга топширган эдилар, ўз ҳузурида сақлар эди. Ўнга Монийисоний лақабини берган эдилар. Ҳар гал бу олий мартабали подшонинг бирор ғам ёки алам хотирини айлантирганда ва хира губор унинг мунаввар хотири ойнасига ўлтирганда мазкур устод бирор суратни жилвагар қилар ёки бир пайкарни намоён этардики, ҳазрати подшонинг кўз қири тушиши билан унда табъ оиласи қудурат зангидан ва хотири саҳифаси кулфат ёуборидан дарҳол тозаланар эли. Жаноби устод моҳир

ҳунарманд, шунингдек тули-туман суратлар ва ҳар хил нақшларни ўзи билан олиб юрар эди. Ҳожат вақтида уларни ишига соларди. У кўпроқ олампаноҳ даргоҳининг шавқатли улуғ амирларидан ва йирик арбобларидан бўлгани Амир Бобомаҳмуд суратини ихтилофли ҳолатларда тасвирларди. Мазкур Мир ажид сурат ва гаройиб ҳаъйатга эга эди. Бу қитъя гёй унинг шаънига тўқилган:

Ҳама шаҳмию лаҳм, эй Мири аъзам,
Хуш он кү, чун ту Мири баргазинанд?
Агар асли ту ҳаргиз жав наёбад,
Зи заъфу логари кай ранж бинад?
Ту ҳар тоҳеки бар вай менишини.
Ду сад ман гўшт бар вай менишинад.

(Турган-битганинг ёгу гўштсан, Эй Мири аъзам, Сенингдек таниқли хушчақчақ Мир ўтганни ўзи? Отинг агар арпа топа олмаса, заифлигу ориқликдан ким ранж тортади? Қачонки, сен унга минмоқ истасанг иккни юз ман гўшт унга юкландек бўлур).

Шу ўйонлигу семизлигига қарамай ниҳоятда эпчил ва ҳаракатчан эди. Қамоли хушчақчақликдан руҳ монанд ўзига олам аҳли дилидан ўрин олганди. Надимлик сифати, ширин ҳаракатлари ва рангни ҳикоятлари подшо мажлисини жаннат багининг рашики келар даражада безар эди. Шу йўсун саодатли ул шоҳ дилига муҳаббат уруғи ташлар эди.

Унинг ҳақидаги ширин ҳикоятлардан бири шуки: ўша подшонинг тозинажод бир Ашҳаб номли оти бўлар эди. **Фалакда** хиром этгудек йўрғалиги шундай эдики, худонинг шаҳсувор сафири меъроҷ кечаси унга минар экан, унинг тўққиз қават мийно тусли осмон устида сайри ва кезувчанлиги файласуф ва ҳукамо хаёли олдида ҳам маҳол бўлмасди... Тезюрар ва чақмоқ хулқли эди. Унга минганд одам бирор томонга камондан ўқ отгудек бўлса, унинг олидидан от солгандা, у от нишондан ўтгандан кейин ўқ ўша мўлжалга етиб келиб тегар эди. Тасодифан бу хушқомат ва қарамли жонвор гўзаллар кўзи оҳусидек бетоб ва бемор, дилбарлар бели янглиғ озғин ва нозиклашиб қолди. Ӯшанда отларга ўлат келганидан мироҳўр ҳар замон «фалон-фалон отлар ўлди», деб хабар келтирас эди. Подшо Ашҳабнинг бетоблигини эшитгач, хотири кудурат

босиб, жаҳл билан деди: «Кимки Ашҳаб ўлди, деган хабарни келиб айтадиган бўлса, уни икки нимта қилгум...» Иттифоқо, шу куни Ашҳаб жон берган ва нариги дунё яйловига майл кўргузгани эди. Мирохўр Мирбобо Маҳмуд ёнига келиб, маълуминигиз бўлсинким, Ашҳаб оти ўлди ва жонини жон ато қилувчига топшириди. Агар мен бу воқсанни арз қиладиган бўлсам ва бу даҳшатли хабарни айтсан, шаксиз руҳим Ашҳаб ортидан йўл олгуси ва адам саҳроси томон равон қилингуси. Сиздан ўзга одам бу воқеани етказолмайди. Бу ёғини ўзингизга ҳавола қилурмиз, деди.

Мазкур Амир подшо ҳузурига кирди ва ўз ўрнига ўлтириди. Подни ундан сўради: «Ашҳабдан хабар олиб турибсанми?» У туриб, тиз чўқди-да, деди: «Шоҳим, доимо давлату шаъну шавкатингиз рахши эгар остида тамкину иқболли, безавол баҳту давлатингиз пойи саломат ва саодат рикобида бўлгай! Иттифоқо, ахтакона эшигидан ўтар эканман, Ашҳабни кўрдим. Ажаб одат пайдо ва фаройиб йўл ихтиро қилибди: Сомону арпа асло емайди, сув ичмайди. Ухлаб, ҳаракат қилмай ётади. Нафас ҳам олмайди!» Подшо кулиб деди: «Эй бадбаҳт, инмалар демоқдасан; унда Ашҳабим ўлибидад!» Амир таъзим бажо келтириб, сиз бу мудҳиш хабарни айтиши йўлини таҳдид ва қўрқитиш тўсифи билан боғлаган эдингиз. Илло, алҳамду ки оқибатда ўзингиз шу маънидан хабар бердингиз ва бу мушкулни барчанинг иши чеҳрасидан кўтардингиз, деди. Подшох унинг тадбири ва зарофатидан хурсанд бўлиб, узоқ кулди ва деди: «У отни кафанга солиб қабрга қўйинглар». Унинг учун таъзия оши бердилар.

Алқисса, Устоднинг ҳунару мартабаси кундан-кун, соатма-соат ривож топди. Ҳар бир чеккан нақши ғайб пардаси остидан унинг фатҳу етуклик суратини намоён этарди.

Машҳурдирки, мазкур Устод бир тасвири саҳифани улуғ амир Алишернинг жаннат тартибли, осмон мартабали мажлисига келтириди. Сурат аҳволи шундай эди: гүйогун дараҳтлар билан қопланган бир ораста боғ. Дараҳт бутоғларида ранг-баранг товланиб турувчи хушсурат қушлар. Ҳар тарафда ариқлар равон ва очилган зангори гул бўталари Мирнинг маргуб сурати шундай чекилганки, бир асони тутган ҳолда турибди-

лар. Зар тўла тавақлар сочиқ расми учун олдиларига қўйилган.

Ҳазрати Мир бу суратни мушоҳада ва мулоҳаза қилиб бўлгач, бу латиф саҳифа унинг кўнгул боғини шодлигу сурур гуллари, хотири ҳавзлари атрофини қувончу ҳузур дараҳтлари билан безангандан кўрди. Шавқу завқ шохларидаги унинг таъби андалибидан «Алаҳсан-улаҳсан! («Гўзал, жуда соз!») навоси таралди.

Наққош буди хона мунаққош карди,
Эй вақти ту хуш, ки вақти мо хуш карди.

(Наққош бўлиб, хонамни нақшин этган эдинг, Вақтинг хуш бўлсинки, бизни хушвақт этдинг.)

Кейин мажлисга ҳозир бўлганларга юзланиб, дедилар: «Азизлар, бу шарафлашга лойиқ саҳифа таърифу тавсифида хотирингизга нималар келур?»

Мирнинг устоди ва Хуросоннинг эътиборли кишиларидан бўлган Мавлоно Фасиҳиддин деди: «Махдумлар, мен бу кўриб турганим очилган раъно гулларга қўл чўзиб, бир гул узсаму, дасторим тепасига тақиб қўйсам, дейман».

Мирнинг мусоҳиби ва дўсти мавлоно Соҳибдородеди: «Менда ҳам шундай орзу бор эди. Аммо мабодо қўл узатсам, дараҳтлар тепасидан бу қушлар учиб кетармикин, деган андешадаман!»

Хуросон аҳлининг пешқадам зарифлари ва пешволаридан бўлган ва доимо Мир билан айтишиб, ҳазилмутойиба қилиб, кўнгил овлаб юрадиган мавлоно Бурҳон деди: «Мен мулоҳаза қилиб, қўлимни ҳам, оғизими ҳам тийиб турмоқчиман ва ҳеч нарса демоқчи эмасман. Мабодо, ҳазрати Мирнинг жаҳллари чиқса, юзлари ва қошларини чимирмагайлар!»

Хуросон зарифлари «Мирнинг латифатароши». деб лақаб берган ва ҳамиша хушомадликни машқ қилиб юрувчи мавлоно Мухаммад Бадахший деди: «Эй, мавлоно Бурҳон! Беадаблик ва густоҳлик саналмаганда, мен Ҳазрати Мир қўлларидан бу асони олиб, бошингга тушурган бўлардим!»

Ҳазрати Мир дедиларки, азизлар марғуб маъно дурларин териб, яхши гаплар айтишди. Агар Мавлоно Бурҳон шундай иохуш ва ножӯя қилиқ қилмасалар, хотиримга шу нарса келдики, шу сочиқ учун қўйилган

табақлардаги олтинларни дўсту ёрлар бошидан нисор этсам!

Шундан кейин у киши устод Беҳзодга эгар жабдуқли от, муносиб саруо, мажлис аҳлипинг ҳар бирига фахрли либослар инъом қилдилар.

Дариғу дард аз иш мардумон, ки хок шуданд,
Ба тийғи марг ба жигар решу сийиачок шуданд.

(Дариғ ва аламки, бундай инсонлар хок бўлдилар.
Улим тифи билан жигарлари яра, сийналари чок бўлдилар...)

ҲАЗРАТИ СУЛТОНИ АЪЗАМ СУЛТОН МУҲАММАДНИНГ ХАЛИФАЛИҚ ТАХТИ ВА ҚОЙИММАҚОМЛИҚ МАСНАДИГА ҮТИРМОҒИ

Санаи 931 ҳижрий, шаввол ойининг иккинчи куни (милодий 1525 йил 23 июль) эди. Улуг хоннинг салтанати офтоби ва ҳашамати қўёши тутилиш ниқобига яшириниб, кўздан йўқолди; иқболи ниҳоли ажал сарсари дастидан йиқилди... Рўзгор одати шулки, вужуд шаҳристонига ким кирган бўлса, малол келмай адам дарвозасидан чиқмоғи лозим. Ким омонат ҳаёт либосини кийган экан, бир куни ажалнинг қўли уни юлқиб олгуси. Абадийлик рақами ҳеч бир халқ қилинганинг холи саҳифасига ёзилмагандир. Бақо туғроси ҳеч бир узоқ умрлининг умри номасига чекилмаган...

Санаи 931 ҳажрий, шаввол ойи иккисида, олижаноб салтанатмаоб... Султон Муҳаммад баҳодир салтанат баҳти ва улуғлик тахтига Тошканд доруссалтанасида отаси ўрнига ўлтириди. Олижаноб Наврўз Аҳмад баҳодир... Шоҳруҳия вилояти ҳукуматига жўнади... Ҳазрати аъло хоқон... вафотининг йигирманчи куни аъло ҳазрат... Хожа Жалолиддин Юсуф Қошғарийники, ул ҳазратнинг маслаҳатгўй вазири бўлиб, майдасидан йиригигача бўлган барча ишлар унинг савобли фаолияти туфайли амалда эди, ўрдага чақиртириди ва буюрди: «Ҳазрати аъло хоқоннинг мақбараси учун бир тош топиш ва унинг атрофларига арабий иншо билан таърих битмак лозим. Бизнинг салтанатимизда жаноби мавлоно Муҳаммад

Куртый, мавлоно Хожа Али ва мавлоно Юсуф, Восифийлар бу ишнинг уҳдасидан чиқолади!»

Хожа Жалолиддин Юсуф дедилар: «Мавлоно Хожа Али турганда зоҳиран бошқа кишига эҳтиёж қолмайди. Зероки, бу ишда у киши ягона ва мислсиздир».

Ҳазрати Султоннинг... қаҳри келиб, дедилар: «Сенинг бу гапга қулоқ тутишинг ва сўзсиз қабул қилменинг вақтидир!»

Хожа Юсуф деди: «Мен шундан эътиборан айтмоқдаманки, Муҳаммад Шайбонийхон замонида Самарқанд шаҳрида воқеъ бўлган ҳамма султонлар мақбара ва хотиралари мавлоно Хожа Али ишсоси билан битилгандир».

Ҳазрати Султон дедилар: «Бу Шайбекхон замонида садрлик маснадида улуғлик ва ҳашамат мавқеъида бўлган. Барча фозилу олинажодлар, акобиру аҳоли унинг мансабини риоят қилиб, унда кўрган ҳар қандай халалу қусурлардан кўз юмганлар!

Энди бор, ўша уччаласига буюр, шу ишни бажариниси. Ҳар бири яхшилаб ёзгач, уларнинг энг яхшисини тошга чектиргаймиз».

Хожа Юсуф бу хабарни айтиши билан жаноби маҳдум (Мавлоно Муҳаммад Куртый) узр сўрадилар ва бу хизматни қабул қилмадилар. Бу иш фақир ва мавлоно Хожа Али гарданига тушди.

Бир неча кун ўтгач, Хожа Юсуф уйида мавлоно Хожа Али билан учрашиб қолдим. У киши ёзган иншоларини кўрсатдилар. Ул иншода жуда кўп камчилик ва хатолар кўзга чалинди. Каминанинг мақсади Хожа Юсуфни бу вазифани Хожа Алига топширишга кўндиromoқ эди. Аммо қусурлари кўзга ташлангани учун мени бу ишни бажармоққа ундали. Андак ҳаракат билан ишога тартиб бердим...

Шу аснода Самарқанд сангтарошлари иншони сўраб келдилар. Ҳазрати Султон Муҳаммад сарой эшигининг амирулумароси Амин Миракка дедилар: «Шеърдан хабари бор барча фазилатли аҳоли, шоиру фозил, толиби илмларни ҳарам эшиги ёнидаги масжидга тўплагин ва буюргилки ишто соҳиблари ўзаро мубоҳаса ва мунозара қилиб, қайсисини тошга ўйилишига муносиб топилса, ўшани сангтарошларга топширурмиз!»

Жамъият тўплангач, мавлоно Хожа Алига ўз иншо-

сини ўқиб беришни буюрдилар. Менга подшо: сиз унга аралашиб, қусури ва айби бўлса, айтинг, деб буюрдилар...

Султон Ҳусайнмурзо замонида Мирза Байрам, деган бир хушқомат йигит бўларди... Ёзувининг ети турини яхши битарди. Қонуниң қонун бўйича шундай чалар эдики, чангчи Зуҳро рашик қилиб, ўз чанггини ерга уради. Бу икки санъатда мислсиз бўлган. Ҳожа Абдулла Марворид доимо унинг қўлини олиб ўпар ва кўзига суриб, мен шу икки санъатда бу йигит истеъдолдига тенг келадиган одамни учратмаганман, тасавур ҳам қилолмайман, дерди. Илми сиёҳни жуда яхши биларди. Шу васила билан у Султон Абусаид Мирзо хотинларидан бири Руқиябегимнинг девони мансабига эришганди. Бу улуғ хоним истеъдолди ва бир нави шеър ҳам айтар эди...

Биз ҳамиша у билан бирга бўлардик ва доимо мусоҳабатда эдик. Орадан ўн беш йил ўтди.

Бир куни кечқурун уйда дўстлар билан суҳбат қуриб ўтирар эдик. Шоҳ Исмоилнинг босиб келиши ҳақида гап-сўз борар эди. Ярим кечадан бир пос ўтган. Бир киши эшик ҳалқасини урди. Очдим. Мирза Байрамнинг ранг-қути ўчган ҳолда турибди. У деди: «Хабарингиз йўқми, Шоҳ Исмоил Шайбонийхонни сиғиб, ўлдирибди. Амир Нажми Сонийнинг жияни Қулихон Шоҳ Исмоилнинг фатҳномасини келтирибди». Дўстлар билан бирга Мирзо Аловуддин чорсуқининг бошланишидаги Амир Ферузшоҳ мадрасасига келдик. У ердаги толиби илмларни шу даражада ҳарос босган эдики, гўё ўлим кутаётгандек эдилар. Биз уларга, дўстлар, қўрқманглар деб, тасалли бердик. Биз кечани шу мадрасада ўтказдик.

Эрталаб жар солишдики, «барча акобиру аҳоли Хиротнинг маликон масжиди жомеъсига йиғилсин!»

Хатибининг минбарини мақсурा айвонининг шимолий чеккасига қўйдилар. Шайхулислом ва Амир Муҳаммад ибни Амир Юсуф, Саййид Абдилқодир, Амир Иброҳим, Амир Халил, Амир Жамолиддин, Амир Ҳисомиддин, Амир Иброҳим Мушаъшаъ, Амир Муртоз, қози Ихтиёр, мавлоно Асомиддин Иброҳим, Амир Атаулла ва бошқа муллалар минбар ёнидан жой олдилар. Кўпчилик халқ томларда ва ерда игна ташланса ерга тушмайдиган даражада тўпланган эди.

Мавлоно Шарафиддин Зиёратгоҳий авлодларидан бўлган Ҳофиз Зайниддин фатҳномани ўқимоқ учун тайинланди. Қизил тилло тўла дастурхон минбар ёнига қўйилган: устига хатиб учун тилло тугмали чорқаб ташланган эди. Аммо Ҳофиз Ҳасанали билан Зайниддин ўртасида низо пайдо бўлди. Қўп акобир олдин Ҳофиз Зайниддин томон әдилар. Баъзилар Ҳасанали томонида. Алқисса, минбарга Ҳофиз Зайниддин чиқди ва фатҳномани ўқий бошлади...

Хожа Абдулла бу қадар обитобида ёзилган ишони асло кўрмаганман, деди. Саҳобалардан ўн етти киши номига лаънат ўқилган жойига келганда Ҳофиз Зайниддин Шайхулислом ва акобирга бир қараб олди. Шайхулислом деди: «О, Ҳофиз! Фитна қўзғама ва халойиқ хунини тўкма, нима ёзилган бўлса, ўқигил». Ҳофиз Зайниддин қарийб ўн сатр шу «лаънат»га тегнишли жойни ташлаб ўқий бошлади. Қулихон хафа бўлиб; деди: «Бу қандай одам ўзи, шоҳ нишонига хиёнат қиласди!» Ҳофиз Ҳасанали деди: «У қандай ўқисин «лаънат» ни унинг номи Зайниддин Абубакр. Бобоси Шарафиддин Усмон бўлса?!» Амир Муҳаммад бинни Амир Юсуф деди: «Эй, Ҳофиз! Қандай бадбаҳт одамсан? Нега ёлгон гапирасан. Унинг номи Зайниддин Али-ку!» Мулло Ёлгор Астрободий: «Эй Амир Муҳаммад! Токай иккюзламачилик қиласиз! Ҳофиз Ҳасанали тўғри гапирди». Шу заҳоти Қулихон ўрнидан турди ва Ҳайдарали маддоҳни минбарга чиқарди. Ў бориб Ҳофиз Зайниддиннинг соқоли ва ёқасидан олиб, «Ҳай, хорижий, тез бўл! Лаънат қил», деди-да, сўз сўзлашга ҳам мажол бермай, минбардан тортиб тушурди. У ерга қадам қўймаган ҳам эдики, бир қизилбош унинг бошига шамшир билан тушуриб, қоши ўртасидан икки бўлди. Ун чоғли қизилбош уни шамшир билан минбар этагида пора-пора қилди.

Масжиди жомеъда шу дамда қиёмат куни содир бўлди. Мавлоно Нуриддин Абдураҳмон Жомийнинг муридларидан бўлган Ҳофиз Хуш обрўли одамлардан эди. У деди: «Мискин Ҳофиз Зайниддин шаҳид бўлди». Муни ҳам пора-пора қилиб ташламоқчи бўлишди. Бир тўда одам ўртага тушиб, уни тўрт минг хоний тилла, эвазига халос қилди.

Аълоҳазрат... мавлоно Нуриддин Абдураҳмон Жо-

мийнинг ўғиллари Хожа Зиёвуддин Юсуф масжиди жомеъда беҳуш бўлиб қолди. Уни кўтариб олиб кетишиди. Шайхулислом ва бошқа баъзи акобирни ҳам шу аҳволда олиб кетишиди. Ҳайдарали маддоҳ чорқабни кийди ва ашрафийларга эгалик қилди. Том тепасида ўтирганлардан кўп киши ҳуши оғиб, йиқилиб, оёқ-кўли майнб бўлди. Етти киши ўлди. Мен, Мирзабайрам ва яна бир печа киши саросима бўлиб, масжид эшигига етган ҳам эдикки, у қадар шуур қолмади. Билдикки, ташқари чиқиб кетмоқ керак. У ердан қайтиб, бошқа эшикка йўналдик; у ерда ҳам шу ҳол эди. Масжиди жомеъ тепасида бир гуруҳ қизилбош одамлар устига ашрафийлар сочар эди. Ҳеч ким уларга парво қилмас ва ердан териб олмасди. Бир дўстим пайдо бўлди ва бизни у ердан ташқари олиб чиқди. Қаёққа кетаётганимизни ҳеч билмасдик. Султон Ҳусайн мирзо мадрасаси ва хонақоҳига етганимиздан кейин қаерда эканлигимизни фаҳмладик.

Масжиди жомеъдан шу ергача қарийиб элликка яқин найзага санчилган бошларни кўтариб юрганларини кўрдик. Улар: «Эй сунний хорижийлар, ибрат олинглар!» дердилар.

Мир шонатарош деган машҳур рофизий бўларди. Саҳобалар лаънатига атаб Ироқ оҳангига куй басталаған эди. Мингга яқин киши тўпланиб, шу куйни куйлаганча Хиёбон боши томон кетарди. Ҳар ким уларга эргашар, уларни қайтаришга мажол йўқ эди. Ҳар замонда найзада бош кўтариб ўтар эдилар. Мавлоно Нуриддин Абдураҳмон Жомий мозори тепасига етганида уларнинг сони мингга яқин бўлди. Шу диёрда қаерда эшик борми, дераза, курси, тахта борми — ҳаммасини мавлавий қабри устига уйиб, тўда қилдилар. Унинг баландлиги мозор айвони баландлигича келарди. Кейин ўт қўйдилар. Ўт аланга олиши билан, оловга бир найза бўйидан яқин бора олмайдиган даражада қизишиб кетдики, Намруд оташини эсга соларди. Мен ва Мирзобайрам бир-биримизни йўқотиб қўйдик.

Муқриён маҳалласининг бошида бир тўда одам «лаънат»ни ўқишимоқда эди. Биз билан мусоҳиб бўлган ва биз уни сунний ва мусулмён деб билган бир толиби илм келиб қолди. Мен унга дедим: «Дўстим, нега туриб-

миз? Бу бемаъни гапларга қачонгача чидаймиз? Кел, кетайлик!»

У бадбахт фарёд кўтариб: «Эй ёронлар, бу ёққа келинглар, мана, хорижий!» дея бақирди. Шундай дейини билан ҳалиги маърака талатўп бўлиб қолди. Мен бошимни хам қилганча югуриб, шу маъракага келиб қўшилдим, ва ўзимни ҳалиги ҳаромзодадан узоқлаштирдим. Мени излашга тушдилар.

Шу маҳалланинг бошланишида жуда ҳам тор ва узун бир кўча бор эди. Уни Кўчаи Шафтому дер эдилар. Шу кўчага ўзимни урдим. Кўчага тушганимни биламан, ҳалиги ҳаромзода мени кўриб қолди-да, дод солиб: «Эй дўстлар, мана, ўша хорижий!» деди. Халойиқ мен томон ёпирилди. Тошу кесак тепамдан ёмғирдек ёғила бошлади. Мен кўча бўйлаб югурга қочдим. Ногоҳ, қаршимдан бир киши чиқиб қолди. Орқа томонимдан «уни ушла!» деб бақиришди. У икки қўли билан кўчани тўсди. Мен этагимни кўтариб, бир урмоқчи эдим, у пичоғи бор деб, гумон қилди шекилли, қўрқиб кўксини деворга бериб; «ўтавер, менинг сен билан ишим йўқ», деди. Мен ундан ўтиб, бир анҳор бўйидан чиқдим. У катта эди, суви бир боғ ичига мўри орқали ўтарди. Ўзимни шу анҳорга ташлаб, ўша мўрига тушдим. Унинг ўртасида михлари бор экан. Ўтиш имкони бўлмади. Кўкрагимни бир чўпга тираб, зўр берган эдим, чўп синди, мен ташқари чиқдим. Қирғоқча чиқиб ўтирдим. Ўзимни сувга отганимда сув остида турган бир суяқ оёғимга ботиб кетибди. Кон оқа бошлади. Аммо бу жамоа мени қувиб етади. Бу қон изи уларга йўл кўрсатади, деган фикр миямга урплди. Мисра: «Оқибат қоним мени тутиб бергуси!» Дарҳол танбонимни ечиб, оёғим жароҳатини маҳкам боғладим. Бир томонга караб юрдим. Бир иморат вайронасига кўзим тушди. Ўша вайронага кирдим. Бир хонада ҳар турли ўтинлар қалашиб ётган экан. Шу ўтинлар орасидан ўзимга жой қилдим.

Ҳалиги толиби илм ўша жамоатга деди: «Эй азиزلар! Агар мисол учун Язидни ўлдирсанглар қанчалик савобга ботсангизлар; бу шундай одамки, у шоҳ Исмоилни ва унинг хонадони барча аъзоларини ҳажв қилган. Шоҳ учун бундан ортиқ тухфа бўлмайди!» У жамоатни

мени ўлдирмоққа тарғиб қилиб, шу боққа олиб кирди. Улар ўтinxона эшигига яқинлашдилар. Бир тұдаси: дедики: «У одам шу ўтиналар орасынға кириб олғай бўлиши керак!» Бошқаси «Бўлмаган гап!!» деди. Баъзиси: «Агар шу ўтиналар остида бўлмаса отим Ғуломалц эмас», деди. Шу ўтиналарга ўт қўймоққа чоғландилар. Биттаси ўт олиб келмоқ учун кетди. Шу аснода ғала-ғовур бошланди. Сабаби: бир киши шу боғда юрган экан. Боққа кирган одамларни кўриши билан, қўрқиб, қоча бошлаган. Ҳалиги тўда ўшани қува кетди. Уни тұтиб, бошини кесиб, наизага илдилар, ва бақира бошладилар: «Мана уни топдик!» Ўтинхона эшиги ёнида турганларнинг ҳаммаси қайтиб, боғдан чиқиб кетишиди.

Бир оз муддат ўтгач, ўтиналар остидан чиқдим. Аммо қайси томон юришни билмас эдим. Қарасам, боғнинг бир томонида иморат бор экан. Ўша ёқдан бир хотин менга қараб ишорат қилмоқда эди. Унга қараб юрдим. У хотин: «Ажаб қутулдингда, жоним болам! Қел, бу уйга кир!» деди. Мени уйга олиб кирди. Олдимга овқат-нону қатиқ қўйди-да, деди: «Болажоним, буларни егину қазноққа киргин. Эрим сабзаворлик. Мабодо, сени кўриб қолса, яна қутулишинг маҳол бўлади». Мен турдиму дедим: «Эй, онажон, мени беркитинг, қўрқувдан ҳалок бўлишим турган гап!» Мени у қазноққа киритди. Замбиллар қўйилган экан. Ўшалар остига мени бостириди.

Қазноқдан чиқиши билан эри келиб қолди. «Ҳалиги хорижийнинг мозори бошида эдим. У хорижийни ажаб кўйдирдилар. Эшлишишмча, бу боғда ҳам бир хорижийни тутиб ўлдирган эканлар. Аммо, афсуски, бу савобга мен мушарраф бўлолмадим!» деди. Ҳалиги хотин кўрган воқеаларини бошидан-охиригача эрига сўзлаб берди. Бир оз вақтдан кейин ҳалиги киши уйидан чиқиб кетди.

Аммо Мирзабайрам мендан ажраб, ҳазрати Мавлавий (Жомий) мозори бошида туриб, шу чорбоғда бу фақирни ўлдирибдилар, деб эшишибди. Йиғлаб, ёқаларини чок этиб, бу хабарни уйимизга етказибди. У қариёб эллик хотинни бошлаб шу чорбоққа олиб келиб қолди. Ҳалиги ўлдирилган одамни кўриб, лод-фарёд кўтардилар; ёқаларини чок этдилар ва ўша мурда устига ўзларини ташладилар. У мурда юзтубан ётган экан. Синг-

лим: бу акамнинг жасади эмас, зеро, унинг икки шонаси оралигида қора холи бор эди. Бу баданда ўша хол йўқ, дебди. У ўз гапига бошқаларни ишонтириди. Шу боғнинг чор атрофини югуриб қидиришди, сўроқлашди. Ҳалиги уйга стганларида мени бекитган хотин уларни чақириб, ўша уйга олиб кирди. Мен жамоатнинг овозларидан таниб, йиғлаганча қазноқдан югуриб чиқдим. Хотинлар бирма-бир мени қучоқларига олдилар, юзларини юзларимга суришди, дод солиб, йиғлашди.

Ҳамшираю хешларим ўзларидаги ҳалқаю узукларини ҳалиги хотин олдига қўйдилар.

Намозшомда, хуршиди анварнинг бошини нур найзаларида мағриб шаҳристонида ниҳон этиб, кўкнинг бокира қизлари юлдуз ва ҳалқа узукларини фалак золи этагига ташлаганда, шаҳар томонга жўнадик. Ҳуфтаи намози пайти эди. Омон-эсон ва тинч уйимизга етиб олдик.

Бир неча кун ўтгач, уйимизга бир тўда меҳмон келди. Иттифоқо, уйда ҳалим пиширишган эди. Бу фақирининг мўйлаби ўсган эди. Ҳалим унга ёпишди. Меҳмонлардан бири буни айтган эди, дарҳол мен қайчи олдиму мўйлабимни калта қилиб қирқдим. Ҳалиги одам деди: «Буни яхши қилмадинг. Энди узоқ муддат уйдан чиқмагин, йўқса, бошинг кетишига сабаб бўласан!» Икки кун ўтгач, зарурат юзасидан албатта ташқарига чиқишим лозим бўлиб қолди. Енгимни оғзимга қўйиб, ташқари чиқдим. Бу ҳолат кўникмада бўлмагани сабабли, бир марта қўйимни оғзимдан олдим. Бир қизил бошнинг менга назари тушиб қолди, менга ёпиша кетди. «Ҳай, Язид, мўйлабингни қирқдингми?» Бадеҳа тарзида унга тегишли жавоб хотирга келиб қолди. «Фози, жуда вақтида келдингиз, мен сизга ўхшаган одам излаб, ташқари чиққандим. Алҳамдулло, муродимга мұяссар бўлдим. Маълумингиз бўлсинки, бир тўда Зиёратгоҳ хожазодалари бир хонада ўлтиришган экан. Мен улар орасида эдим. Улар ҳазиллашиб, менинг мўйлабимни қирқишиди. Улар ўн киши. Ҳар биридан ҳеч бўлмагандан минг тангадан чиқади. Сиз карам қилиб, ортимдан юрсангиз. Мен қайси саройга кирсам, сиз ҳам орқамдан киринг». Мен юра бошладим. Қарадим: ўзимни қаёққа урсаму бу кофир чангалидан қутулсам. Йўлим Хои Козирон анҳори бўйи-

дан тушди. Сой бўйидаги бир сарой дарвозасини очиқ турганини кўрдим. Секин юриб борар эканман, икки ҳаппой билан ўзимни сарой долонига урдим. Эшикни танба билан маҳкамлаб, томга чиқдим. У срдан қўшни ҳовлига тушиб, у томондан кўчага чиқдим. У қизилбош ҳалиги сарой дарвозасига кириб, гавго кўтарди. «Зиёратгоҳликлар шу саройда эканлар!» Маҳалла аҳли келиб, «Сиз адашибсиз. У киши сиз билан ҳазиллашибди», дедилар.

Алқисса, бу фақирнинг сайри Хожа Рухбанд мозорига тушди. Қози Нуриддин мадрасасига кирдим. Бир гуруҳ толиби илмлар ўлтиришган экан. Улар ёнига келиб ўтиредим. Қарасам, ҳалиги қизилбош шу мадраса долонига кирди. Дарҳол яктагимни бошимга ёпиб, ўзими толиби илмлар орқасига олдиму «Вой кўзим!» лаб дод сола бошладим. У қизилбош келиб, суфа тепасига ўтириди ва бир кишидан сўради: «Бирор одамнинг шу мадрасага кирганини кўрдингизми?» Йўқ, деб жавоб бердилар. «Бу одамга нима бўлди?» деб сўради. «Кўзи оғрияни», дейишди. «Менда дори бор, Шоҳим садақаси учун дардманлар кўзига суртаман!» леди. Мен дод солиб: «Менга бу дори бўлмайди. Бир неча бор одамлар кўзимга дору қўйишиди. Жуда ёмон зиён қилди». Ҳалиги қизилбошнинг жаҳли чиқиб, сўкиниди ва ўрнидан туриб, чиқиб кетди. Мен ўрнимдан турдиму аҳволим, кайфиятимни талабаларга ганириб бердим. Улар узоқ кулишди ва таажжуб қилдилар.

Шоҳ Исмоил замонидан олти ої ўтди. Бир кечаси бир гуруҳ дўстлар бу фақирнинг уйига тўпланиши. Мирзабайрам қонунини созлади; Хонзода Булбул доира чалди. Сияҳча хонандалик қилди. Мулло Фазлий ва мулло Аҳлий, мавлоно Амоний, мавлоно Муқбилий бадеҳа айтишиди. Тоҳирчакка ва Моҳчучук рақсга тушдилар.

Бирвақт Мирзабайрамнинг кўкалтоши Шоҳқосим уйга кирди-да, ёқасини йиртиб, кўкрагини тилиб йиғлаб деди: «Намозгар Имом Фахр Розий мозори тепасига борган эрдим. Бир гуруҳ одамлар туришган экан. Сўрасам: Ҳусайнали маддоҳнинг укаси Муҳибали Ироқдан келди. Акасининг интиқомини Мирзабайрамдан олмоқ бўлиб, нидо қилади. Ким менга Мирзабайрамни тутиб берса, унинг боши оғирлигича ашрафий бераман, деб

юрган эмиши. Бу гапни эшитдигу мажлис зеру забар бўлди. Сурайё шодасидек бир мажлис жамъ бўлган эди. Банотунинаш каби тарқади. Мирзабайрам йиғлашга тутинди. Менга: «Эй, биродар! Мен учун хешу арабо, Хуросондаги мусоҳиблардан ажраб кетиш осон. Аммо сендан ажралишга дил қўёлмаяпман», деди. Мен: «Эй, жон биродарим! Менинг ҳам сендан жудо бўлишим ақлимга сифмай турибди...»

Алқисса, мен, Мирзабайрам ва Шоҳқосим бир-бири-мизга аҳду паймон қилдик: «Тирик эканмиз, бир-бири-миздан жудо бўлмагаймиз!» Ўзимизга яқин қариндош-уруглар билан видолашиб, хайрлашдик ва дедик: «Ҳеч қандай сафар Маккаю Мадина сафаридан фойдалироқ бўлмас». Йўлга тушдик.

Тонг пайти эди. Ҳожа Абулвалид мозорига етдик. У Ҳирот шаҳридан бир фарсах масофададир. Минг азобу уқубатлар билан беш кун деганда Имом Ризо Машҳади мунавварасига етдик. Пешин намози пайти эди. Машҳад мозори тоши тепасида бир маърака кўрдикки, мингга яқин одам бор эди. Ҳусндор бир лўли ашула айтар ва маъракани олиб бораради. Бир баётий оҳангига машҳур ашула бор эди. Уни Ҳожа Абдулла Марворидга мансуб дейишарди ва халқ оғзидан тушмай юрарди. Мирзабайрам деди: «Эй дўстлар, бу маъракани ташлаб ўтиб кетавериш яхши бўлмайди. Бир лаҳза кўнглимизни ёзиб олайлик. Йўл ҳордиги ҳам чиқиб кетади. Қейин бирор бошпана фикрини қиласиз». Шу жамоат ичига киришимиз билан Шоҳқосим кўздан гойиб бўлди. Биз йигиннинг бир чеккасида турадик. Тўгримизга қарасак, бир одам бизга томон ишора қилмоқда эди. Мен Мирзабайрамга дедим: «Кўряпсанми, бир одам рўпарамизда бизга ишора қиласинти». У: «Шояд бошқага ишорат қилаётган бўлса керак» деди. Шу гап устида орқамиздан бир тўда одамлар келиб қўлимиизни орқага қайриб, боғлашга киришдилар. Биз: «О азизлар, нима гап?» дедик. Бир киши: «Булар билан нима ишларинг бор?» деб сўради. Шундай дейиши билан учи тепкилай кетишиди. Бошию бетини уриб ёришди. Ҳалиги одамлар: «Булар бизнинг хунимиз, бизнинг оғаларимизни ўлдиришиди. Биз Ироқдан Хуросон томон кетаётган эдик. Ўша ёқдан буларни излаб келяпмиз. Сиз бўлсангиз ҳимоя қилмоқчисиз!» дейишиди. Тур-

гән одамлар: «Бизнинг булар билан ишимиз йўқ», дедилар.

Алқисса, менинг ва Мирзабайрамнинг қўлини бойлашди. Бошимиз, юзимизни уриб ёришди. Сўнг бизни Айнулқуззот аталмиш Машҳад ҳокими ҳузурига олиб бордилар. У Шоҳ Исмоил уруғидан эди. Қад-қоматли ва азамат жуссали. Эгнида зарбафт тўн, бошида шоҳлик тожи, зардўза фўта бойлаб олган. Кўрган одам ундан оташин сўзлар чиқади, деб ўйлар эди. Муҳибали унинг қархисида тиз чўкиб, деди: «Эй халифа! Бу икки одам менинг акам Ҳасанали маддоҳнинг қотиллариdir. Ўн беш йилдан бўён шулар гуссасидан косалаб қон ютаман. Энди шундай кун келдики, буларнинг қонини бир қатра қолдирмай ичаману ўзгарувчан замон азобу жафоларини унутаман». Айнулқуззот деди: «Аввал ўн икки таёқдан шоҳлик йўриғи учун уришни буюраман. Кейин текшириб кўраман. Бир газ келадиган чўпни йўниб, учига тасма таққан эдилар. Қандай гуноҳкорни олиб келишмасин, аввал ўн икки бор шу билан тушириб, кейин сўроққа ўтилар эди. Мирзабайрамни ўша қамчи билан ўн икки марта урдилар. Навбат менга етиши билан, баланд овозда ҳазрати Муртазо Алининг руҳига сифиндим: «Эй Муртазо Али, ҳолимни кўр, додимга ет! Ноҳақдан менга жафо қилма!» Муҳибалига ҳамроҳ жамоадаи иккитаси деди: «Бизнинг билишимиизча, бу одам уни тийиб, қўрқитиб юрган. У бўлса қабул қилмаган». Айнулқуззот, бунинг гуноҳи йўқ экан кўйиб юборинглар, деди: Мени бўшатиб юборишди. Мирзабайрамни тош устида пора-пора қилмоқ ҳукмини чиқарди. Муҳибали тиз чўкиб деди: «Мен биродарингиз Нурулқуззот ҳузуридан, сабзавордан бу одамин унга олиб бормоқ ниятида келган эдим. У киши учун бундан ошиб тушадиган тухфа бўлмайди». Айнулқуззот: ихтиёринг, деди. Айнулқуззот навкарларидан бир гуруҳ турган эди. Муҳибали уларга: «Дўстлар, мен баъзи зарур ишларимни битириб олгунимча, бир-икки кун буни сақлаб туринглар», деб илтимос қилди. Мирзабайрамни уларга топширди. Бир хона бор эди девоихона яқинида. Уни ўша хонага ташлаб, эшигини қулфладилар.

Менинг жигарим пора бўлиб, йиглаганимча у ердан чиқиб, Амир Валибек мадрасасига келдим. Шоҳкосим келиб қолди: «Мирзабайрам қани?» Мен унга бўлган

воқеани гапириб бердим. У, ҳечқиси йўқ, Мирзабайрам маҳбус этилаган хонани менга қўйиб бер, деди. «Мен у эшик ёнига борсам, таниб қолиб, тутиб олишлари мумкин», дедим. Шу гап устида одамлар ғала-говури эшигиди. Бир баққол Айнулқуззотнинг бир пиёда навқари билан жанжаллашиб қолиб, уни бир мушт урган экан, тишлари синибди. У пиёда, буни Айнулқуззот ҳузурига олиб бормасдан қўймайман, деб Шоҳ Исмоил бошини ўртага қўйиб қасам ичибди.

Бир тўда одам Айнулқуззот уйи томон йўналди. Мен билан Шоҳқосим ҳам уларга эргашдик. Дархонасига етгач, мен Шоҳқосимга: «Анави қибла тарафдаги заъфарон эшикли уй, бизга керакли одам ўша ерда», дедим. У атрофга бир қараб олиб, кулиб қўйди. Мен, нега кулласан, дедим. У: «Мирзабайрамни халос қилиш ҳеч гап эмас, аммо бу кеча шу ҳовлидан чиқмаслигимиз лозим», деди. Ҳар тарафни айланиб, жой суриштиридик. Бир эшикка кўзимиз тушди. Ўша эшикка кирсак, бир боғча экан. Бир томонига қараб юрдик. Бир тавила эшигига яқинлашдик. Намозшом яқинлашиб қолганди. Сайнслар отларга арпа ташлаган эканлар. Мирохўр маст ётибди. Қолганлар ҳар томон кетиб қолган. Бир томондан кўпчиликнинг оёқ товуши эшитилди. Шоҳқосим: шу тавилага кирмоқдан ўзга чора йўқдир, деди. Иккаламиз ҳам ичкари кирдик. Тавила эшиги олдида отларнинг ем-ҳашаги уйилган экан. Шу уюм панасиға ўзимизни олдик. Кечадан бир пос ўтди. Шоҳқосим: «Юр энди, Мирзабайрамни чиқариб оламиз» деди. Мен: «Қандай қилиб, ахир хонанинг эшиги жуда мустаҳкам қулфланган-ку, дедим. У: «Мен унинг эшигини кўриб кулган эдим. Сиз, нега кулласан, деб сўрадингиз. Эшик тепасида тобадон бор экан. Унга панжара ўрнатилган. Ўша ердан уйга тушиш осон. Шунинг учун кулган эди», деди. Хуллас, у ердан чиқиб, хонага яқинлашдик. Бир одам Айнулқуззотга киссаҳонлик қиласарди. Булар ухлагунча сабр қилиб турдик. Ўша хона эшигига яқинлашдик. Шоҳқосим мени кўтариб кифтига чиқарди ва қўлимга пичоқ берди-да, деди: «Панжаранинг бир чўпини кес». Мен кесдим. Қолган чўплари ўзи чиқди. Ўша тобадонга чиқиб олдиму хонага бош сукдим. Мирзабайрамга овоз қилдим. Жавоб бўлмади. Шоҳқосимга дедим: «Мирзабайрамни бу хонадан олиб чиқиб кетишганга ўхшайди». У деди: Панжара чўпларини уй

атрофу бурчакларига от, эҳтимол, ухлаб қолгандир». Шундай қилдим. Охири у уйғониб, овоз берди. Тобадондан уй ичига сакрадим. Унинг қўллари орқасига қотиб қолган эди. Олдинга қилолмасди. Унинг кифтию билакларини уқалаб, мулойимлаштирудим. Биз тобадондан ташқари чиқиб олдик. Ҳовли ўртасида бир тўда одам ухлаб ётарди. Ҳовли дархонасига тушдик. Қулф экан. Жуда қийин аҳволда қолдик. Ногоҳ томга чиқиладиган жойга кўзимиз тушди. Томга чиқиб олдик. Дастроу фўталаримизни бир-бирига улаб боғладик. Олдин Мирзабайрамни кўчага туширудик. Кейин Шоҳқосим тушди. Фақир томда ҳайрон бўлиб қолдим. Шоҳқосим кўчани тимирскилаб бир суяк топди-да, томга иргитди. Менга қараб: Суякнинг бошини эгиб, дэворга қаданг-да, иккичи учини мустаҳкам ушлаб, пастга сиргалиб тушинг», деди. Шундай қилиб, осонгина пастга тушдим.

Шоҳқосим: «Бу диёрнинг ҳар қарич ерини яхши биламан, мен қаёққа бошласам, қулоқ солинглар. Маслаҳат шуки, Нишонур томон жўнаш лозим», деди.

Ярим кечага яқин эди. Кўхи Сангинга етдик. У Машҳадлан бир фарсаҳлик масофада бўлиб, шу ерда яшовчиларнинг сайргоҳи эди. У тогнинг тепасида Мирза Бобур Қаландар сангтарошларга буюриб, бир ҳужра қурдирган эди. Ӯзи шу ерлик ёшлар билан сайдга чиқарди. Шу тогнинг устига чиқдик. Ӯша ҳужрага кирдик. Қарасак, икки киши хона кунжида ўтирибди. Бизни кўришлари билан қўрқиб кетдилар. «Қимсизлар?» деб сўрадилар. Биз «Мусофирилиз» дедик. Биз ҳам суриштиридик. Улар ҳам бизникidek жавоб қилишибди. Биз: «Дўстлар, қандай яхши бўлди, бу кеч сұҳбатлашамиз», дедик. Биз ҳам ўтиридик. Қарасак, уларнинг бири соҳиби ҳусн экан. У сўради: «Қаердан бўласизлар? Йўл бўлсин?!» Биз Хурсонданмиз, Маккага деб йўлга чиққан эдик, дедик. Улар: «бизлар ҳам сизларга Астрободгача ҳамроҳ бўламиз», дедилар.

Қиссанинг асли шундай эди: Бу йигит бир бақлоннинг ўғли бўлиб, Машҳад гўзаллари орасида зарбулмасал экан. Мир Қонуний бир неча вақт Машҳадда бўлган эди. Бу у кишининг шогирди экан. Мир Қонуний Астрободга кетгач, бу йигитнинг ошиғу уни ёмон йўлга бошлабди. «Сени устозингга олиб бораман», деб Машҳаддан олиб чиққан.

Йигит ошиғига: ҳалиги таомин ол. Дўстлар билан

ташовул құлайлық, деди. Бир рўмоп олди. Унда бир неча қаттиқ ион ва кеча қовурилган кабоб бор экан. Биз жуда ҳам оч эдик. Иштаҳа билан овқатландик. Бош қўйинб, уйқуга кетдик.

Уйқумиз ярмида бузулди. Бир тўда одам қўлларида таёқлари билан кириб, бизни калтаклай кетишиди. Сачраб туришимиз билан, қўлларимизни орқага боғлаб, уриб бошларимизни ёришиди. Хонадан олиб чиқиб, тепадан бизларни юмалатиб юборишиди. Кейин уриб, шаҳар томон ҳайдашди.

Бу одамлар ҳалиги йигитнинг отаси, акаси ва қариндошлари экан. Хабар топиб, излаб келган эканлар. Биз зор-зор ялинидик: «Бизнинг ўғлингиздан асло хабаримиз йўқ эди. Бу горга кирганимиздан кейин уларни кўрдик». Улар: «Сизларни Айнулқуззот ҳузурига олиб бормагунимизча қўймаймиз», дедилар. Биз: «Оҳ, қандайни балога йўлиқдик. Нимадан қўрқиб қочсақ, шунга дучор бўляпмиз. Юзта жонимиз бўлганда ҳам, энди бири ҳам омон қолмайди» дедик ўзимизча.

Ҳалиги йигит отасига қараб: «Отажон, бу фақирлар тўғри айтишяпти. Уларнинг биздан ҳеч бир хабарлари йўқ эди. Буларни балога грифтор қилиб, ўша кофиirlар қўлига топширганингиздан нима чиқади?» Бу гап унга маъқул тушиб, қўлларимизни ечиб, қўйиб, юборди. Худога шукурлар айтиб, йўлсиз жойлардан юриб, Нишопурга йўл олдик. Уч кун деганда чошт пайти Нишонур бозорига кириб келдик. Мирзабайрам деди: «Жуда ҳам қорнимиз очди. Қоврилган гўшт егим келяпти». Кабобпаз дўконига кирдик. Ерга чўкишимиз билан бозор томонда гала-ғовур кўтарилиди.

Жарчи овози қулоққа чалинди: «Фалон кўрининшаги уч киши Нишопурга келган. Уларни яширган ёки бошпана берганларни топишса, унинг кўчаси ва маҳалласи ғарот қилинур. Аҳолиси эса қатлга етказилур». Бу гапларни эшишиб, айвондан тушдик. Кабобпаз деди: «Дўкон қаршисида эшик бор, гўристонга чиқади. Шу томондан чиқинглар». Чиқишимиз билан мени ёндириб юборгудек иситма олди. Юрарга мажолим қолмади. Мирзабайрам ва Шоҳқосим қўлтиғимдан олиб, бир оз юрдилар-да бир қабр соясига мени ётқиздилар. Ўзлари бошим тепасида ўлтирилар. Ҳар замонда бозордан одамлар ҳой-ҳуйи ва шовқини эшитиларди. Мен: «Эй, дўстларим, шу ерда қоладиган бўлсак, бир-биримизни

биттадан худога топширишимиз турган гап. Маслаҳатим шуки, Астробод томон жўнаш керак. Тирик бўлсақ кўришармиз. Йўқса, маҳшар саҳроси ваъдагоҳимиз бўлгуси», дедим. Шундай дейиншам билан учаламиз ҳам аччиқ-аччиқ йиғлашга тутиндик.

Бир-биrimiz билан видолашдик... Мен шу қабр соясида қолиб кетдим... Щиглаб-йиғлаб ухлаб қолибман. Кўзимни очсан, бир соҳибжамол хотин тепамда ўлтириб, рўмолчаси билан юзимдан кўз ёшларимни артарди. У сўради: «Кимсан, кулфатдасан, хору зорсан?» Мен: «Эй, меҳрибон она! Хурсонданман. Гурбатда ва бечораликда нотавонман, ҳеч кимсан йўқки, менга ғамхўрлик қилса», дедим. «Болам, гам емагин, мен сенга она бўламан, ғамхўрлик ва парвариш қиласман. Ҳозир сенга бир одам юбораман», деди.

Бир оз фурсат ўтгач, бир фулом улов олиб келди ва мени уйига олиб кетди. Қасалим янада оғирлашиди. Иситма оташи танимни куйдиради. Ҳеч кимни танимайдиган бўлиб қолдим. Қирқ кун шу алпозда ўтди. Шундан кейингина оташимга тер суви сепилиб, қасаллик оловининг тутуни бошимдан соқит бўлди. Ўзимга келиб, сайдага ва юришга бир оз қувват ҳосил қилгач, Нишопур чорсуси бошланишига чиқдим. Бир ҳалвогар дўконига кўзим тушди. У шундайин ораста эдики, бундайини кўрмагандим. Фалак унинг таввофдек у дўкон атрофидан айланар эди. Юлдуз болалари нур ойи наълини унинг ҳалвоси учун ҳар томон судрашарди.

Ўша дўкон эшиги олдига келиб ўлтиридим. Ва томоша қила бошладим. Ҳалвогар устод олдимга бир тақсимчада ҳалводан келтириб қўйди. Мен ундан тановвул қила бошладим. Чорсу ўртасидан одамлар шовқини эшитилди. Уша томонга боқдим. Қарасам, бир ёш йигитки, офтобу ой унинг юзидан нур истиорасини олади. Унинг оразидан рашк қилиб, гулу райҳонларнинг юзига шабнам тери чиқарди.

Саноқсиз одам олдимдан елиб ўтиб кетишди. Мен шундай ҳолда эдимки, қўлимдаги еб турган ҳалвом ерга тушибди, билмабман. Устод ҳалвогар олдимга келиб: «Эй йигит, ўзингни тут. Бу йигит шундайларданки, унинг ишқида кўплар сен каби бошини тикиб, юришибди, жонларини балога гаров қўйишган. У

Саййид Зайнобиддиннинг ўғлидир», деди. Ўрнимдан турдиму, уларнинг ортидан кетдим. Бир кўча чиқди. Йкки томонидан ариқ оқарди. Ҳар ариқ бўйида қатор дараҳтлар, сув тагидаги майда тошлар марвариддек эди. Кўчанинг ўртароғида бир айвон бор эди... Ундан ўтиб, кўча охирида таҳорат қилаётган бир чолни кўрдим. Менга у пешвоз чиқиб, сўрашди ва: «Мақдамингиз хайрли бўлсин, мусоғирга ўхшайсиз, қаерлардан қадам ранижидан қилгансиз?» деди. Мен хуросонликман, дедим. У мени уйига таклиф қилди. Ҳавз бўйига гилам тўшатиб, овқат олиб келди. Бир оз суҳбатлашиб ўтирганимиздан кейин, чол деди: «Махдум, бу уй ўзингизники бу камина пири гуломингиз».

У менга чексиз тақаллуфлар кўрсатди. Номимни сўради. Мен: «Восифий», дедим. «Мавлоно Ҳусайн Воизнинг шогирди Восифийми?» деб сўради. Мен ҳа, дедим. У яна ўрнидан турди-да, фақирни қучорига олди. У деди: «Нишопур халқининг сизга бўлган иштиёқи шу қадарлики, таърифлаш қийин. Маҳдига бунчалик эмас, деса бўлади. Ажаб вақтида келибсиз-да. Амир Зайнобиддиннинг ўғли Рафиддин Ҳусайн қофияни тамом қилиб, «Шарҳи Мулло»ни бошлиди. Махтума ва маҳтуфадан суҳбат қурмоқдалар. Нишопурнинг барча фозилларини чақирганилар. Ҳусн аҳли, созу павоз арбоби — ҳаммаси шу ерда тўпланишган. Шундай бир мажлиски, Нишопур бино бўлгандан бўён бундай йигин бўлганини ҳеч ким ослаёлмайди».

Чол Мирнинг хонаси томон кетди. Ҳуфтон яқинлашиб қолган эди. У бир тўда одамлар билан қайтиб келди; «Сиз ҳақингизда у ерда гап бўлди. Ажиб тортишувлар бўлиб ўтди. Бу киши мавлоно Ҳусайн Воиз Кошифийнинг шогирдлариdir, дедилар. Рум дарвозасидан тоузоқ Ҳиндистонгача фазилат ва қобилиятда бу кишига тенг келадиган одам йўқ, деб сизнинг мазкур мавлонодан устунлигингизни таъриф қилдилар.

Амир Зайнобиддиннинг инилари Амир Алиасфар дедилар: «Бундан икки ой бурун мен Ҳиротда бўлган эдим. Абдуллахон садр уйига бир кеча мавлоно Восифийни чорлашди. Хуросон ва Ироқ фозиллари жамъ бўлган эди. Бу кишини у фозилларга нисбатан тенглаштириб бўлмасди». Мен: «Махдумлар жуда ошириб лутф қилишди. Аммо мен Нишопурда қирқ кундан бери касал эдим. Ҳозир унчалик ўзимга келмаган-

ман. Ўзимни мажолсиз сезиб турибман. Агар шу кечада мени маъзур тутсаңгизлар, матьқул бўлур эди,» дедим. Улар: «Худо сақласин, сиз маъзур тутгайсиз. Қетмасангиз! Шуни ҳам билингки, Амир Алиасгар ва Амир Рауфиуддин Ҳусайн сезин кузатиб қўйиншади», дейишли, Мен чора тополмай, ўша жамога эргашдим.

Мажлиста яқинлашувимиз билан ҳамма қўлларида шамълар билан ҳовлига чиқди. Мен пирлару устодлар руҳидан мадад ҳиммати сўрадим. У мажлис аҳли таъзимда бу каминага ҳадисиз муболага кўрсатдики, тасаввур қилиб бўлмасди. Амир Алиасгар дедилар: «Бу кеча созу навоз, суҳбат ва бошқа ишларни йигиштириб, мавлоно Восифий фазилатлари ва қечинималаридан эшитишни ганимат билсан!»

Амир Зайнобиддин: «Бир неча йил бўлдики, мавлоно Вониз ваъзларини эшитиш орзусида эдик — мўяссар бўлмади. Яна шу гани эшитганмизки, Мавлоно Ҳусайн бу кишининг шогирдлигидан фаҳр қилиб юрар эканлар ва дер эканларки, мен билан шогирдим ўртасидаги тафовут шундан иборатки, бу хушовоз, мен эса хушовоз эмасман. Истардикки, бу кишидан ваъз эшитсан!» Шундай дейишлари билан бир неча киши бориб масжиддан минбар келтирдилар ва айвон чеккасига қўйдилар. Ҳовли ўртасида машъалалар ёқилди. Нишопур халқидан хотин-қизу эрлар бўлиб қарийб беш минг одам йигилди. Томлар, девор устлари, дараҳт тепаларида ҳам одам эди.

Ўша кеч мавлоно Ҳусайн Вониз менга валілар мартабасида кўринди. Ўзимни заниф, касал сезиб, минбарга қадам қўймоққа кучим етмасди. Ул азиз руҳига сифидим: кўз олдимда намоён бўлиб, «Чиқ, ғам ема. Мен мададкорингман», дедилар. Менда қувват пайдо бўлди. Турдиму кучли журъат билан минбарга чиқдим. Ашуро кунлари эди. Амирулмуъмининлар Ҳасан ва Ҳусайнларнинг ҳайит кунидаги ҳангомалари хотиримга келди...

Ҳикоя тугагач, Амир Зайнобиддин паботий йўлида тикилган мовут чакмонини каминага инъом қилдилар. Бу шоҳ Исмоилнинг хос жомаси бўлиб, амирга тухфа қилиб жўнатган эди. Амир Алиасгар ва Амир Рауфиуддин Ҳусайн, Амир Ҳусайнларнинг ҳар бири биттадан эгар-жабдуқли от инъом қилди.

Қарийб бир ҳафта Нишопур санд ва нақиблари

мени меҳмон қилдилар. Қейин Амир Зайнобиддиннинг катта ўғли Амир Қавомиддин Жаъфар шоҳ кўрунишига кетган эди, Ироқдан келиб қолди. Бир павъи муносабатда бўлдик...

Бир кеч меҳмонхонада ўтирган эдим... Ногоҳ, хона эшигидан Амир Қавомиддин Жаъфар кириб келди. Бошида қора барра тоқа, устида луиги, қўлида яланғоч шамшир. У шамшир дамидан ҳаёт риштаси ўзилиши турган гап эди. Уни кўриб, хотиримга: наҳот бирор кишининг иғвоси билан мени ўлдиromoққа келди экан, деган фикр келди. Ўлимим қандай юз беринин тийги ойнасидан мушоҳада қилдим. У менинг қўрққанимни кўриб кулди-да деди: «Қўрқманг, мени бу кеча бир жойга бормоқчи эдим. Келиши керак бўлган одам келмади. Ҳеч кимга эътимодим йўқ. Сизга ишониб келдим. Менга ҳамроҳ бўлсангиз». Қабул қилмоқдан ўзга чорам йўқ эди.

Қоронғу кеча эди... Ёмғир томчиларди...

Асли воқеа шундай экан: Нишонур ҳокими Амир Ҳусаин Бозорийнинг хотини одам юбориб, Амир Қавомиддинни келсин деб одам йўллабди. Ўшанинг чорбоги томон кетдик. Деворига яқинлашдик. У менинг елкамга оёгии қўйиб, девор устига чиқди; мени ҳам кейин тортиб чиқарди. Иккаламиз ҳам боққа тушдик. Имаратига яқинлашувимиз билан бир тўда одам қўлларида ичиқ, санжар ва калтаклар билан бизга қарши кела бошлади. Амир Қавомиддин Жаъфар қочди: мен ҳам қочдим. Менинг елкамга оёқ қўйиб деворга чиқдию у бадар кетди. Жамоат мени тутиб, дўппослай кетди. Қўлларимни орқага қилиб бояглаб, Амир Ҳусайнга топширмоқ бўлишди. Баъзилар буни маслаҳат бермадилар. «Буни бу кеча ну ерда сақлаб, эрта билан олиб борурмиз», дедиларда, мени болохонага олиб чиқдилар. Уч ошиёналик эди. Баландлигидан сарву аръар теракнинг ҳам учи унинг томига етмас эди. Мени шу хонага қамаб, эшигини қўлфлаб олдилар. Ўзлари айвон ташқарисида ухладилар. Ўзимча ўйладим: «Эрта билан хонани очишса, Нишонурда мени танимайдиган одам йўқ. Нима деган одам бўламан. Уларга қандай жавоб қиласман? Улар: «Ўзинг воиз, мавлоно Ҳусайн Воиз Кошифий шогирди бўлатуриб, ўғирлик ва талончиликдан ҳам хабарингиз бор экан-да», демайдими? Бу аҳволдан ўлганим беҳроқ эмасми? Мендан яна сўрашлари мумкин: «Сенинг ел-

канғга оёғини қўйиб, девор оша қочиб кетган одам ким?» Айтсам, ғавғо кўтарилиб, қоп тўқилмайдими? Айтмасам, аҳволим нима кечади?

Девоналарча хона атрофини айландим. Деворларига қўл узатиб кўрдим. Маълум бўлди: тўрт эшиги бор экан. Учтаси боғ томонга қараган, бирни — кўча томонга. Кўча томон эшигини очдим. Панжараси бор экан. Ён имда фарангни пичоқ бор эди. Пичоқ билан панжарани очдим. Аммо баландлиги шу даражада эдикни, ўзимни ерга ташлаёлмасдим. Хонада ишак гилам тўшоғлиқ экан. Шундан арқон қўлсаммикаи, деб ўйладим. Уши саккиз бўлакга бўлдим. Улариниг учини бир-бирига уладим. Аммо бир учини боғлайдиган жой тополмадим. Яна бир эшик борлиги ёдимга келди. Уни очиб, арқоннинг туғилган бир учини унга қистириб, эшикини беркитдим. Арқон маҳкам бўлди. Йккинчи учини эшикдан пастга ташладим. Тезда болохонадан пастга тушиб, кўчага тушдим.

Худога минг бора шукурлар қилиб, бир томоғига караб юрдим. Юриб, Нишопур кўчабандига етдим. Шоҳроҳга чиқиб олиб, суръат билан жадал қадам ташлаб тоғига яқин бир тепаликка яқинлашдим. Учиниг эттила саҳронишини одамлар яшар экан. Пастга тушибим билан бир гала ит ҳужум қилиб қолди. Кийимларимни гажишиб, оёқларимни мажруҳ қилиниди. Дод дедим. Овозимга одамлар чодирларидан чопиб келиб, мени ура кетинди. Кўлларимни орқага боғлаб, судрашди.

Гап щунда эканки, бир неча бор буларнинг уйини ўғри уриб, молу мулкини кўтариб кетишган экан. Мени ҳам ўшалардан деб ўйлаб, капага олиб кирдилар. Оёгларимни сутундан ўтказиб, учларини занжирабанд қилиниди. Эрталаб, битта-биттадан келиб, мени тепа бошладилар: «Фалон-фалон нарсаларимизни уриб кетгани эдинг, қани улар, ростини айт!» Туш пайтигача аҳвол шу алпозда давом этди.

Ногоҳ, Сабзавор томондан тўрт отлиқ келиб қолди. Мабодо, мени сўроқлаб келдилармикни, деб қўрқувдан жон бераёздим. Кападагилар ташқари чиқди. Сўрадилар: Улар: «Биз Хуросондан Сабзаворга таҳсил (олтин руда) олиб борган эдик. Энди тоза олtingга айлантириб Хуросонга қайтмоқдамиз. Бирор соат отларимизга дам бермоқчимиз», дейиниди. Уларини чодирга олиб кирдилар. У мен банд қилинган чодирга яқин эди.

Бир оздан кейин улардан бири шу чодирга кирди ва менга узоқ тикилиб қолди. «Сиз Ҳиротдан эмасмисиз?» деди. Мен таесиқладим. «Мир Шоҳвали билан ошнолигингиз борми?» деб сўради. «Мен унинг ўғлига устоз бўламан», дедим. У дод деб ёнимга югуриб келди-да: «Сиз Мулло Восифий эмасмисиз? Қандай бу аҳволга тушдингиз?» дея сўроқлай бошлади. Қўлни елкамга кўйиб: «Мени танимадингиз. Мен Шоҳмансурнинг заргари Султонмурод бўламан», деди. Қолган учаласи, чодир аҳди киришиб, аҳволимга ачинишиб, зор-зор йиглашди. Султонмурод у одамга: «Эй кўри ботинлар! Қандай шуурсиз одамлариз? Бу азиз одам сиз ўйлагилардан эмас-ку! Бу кишини хўрлабесиз!» дея кетди. Дарҳол оёғимдан занжирни олиб, кўпдан-кўй узр сўрашиди. Мен учун сарупо келтирилар. У ердан турганимиздан кейин Султонмурод менга деди: «Махдум биз сизни ташлаб кетмаймиз. Хурсонга олиб бориб, қавму қариндошларнингизга қўшамиз. Амир Шоҳвалидан нима сўрасак, мақсадимиз ҳбенл бўлган, қайтармайди». Мен рози бўлдим.

Намозгарга яқин эди. Саҳронишинлардан бири Нишонурдан келиб қолди ва қўйдагиларни гапирди: «Нишонурда ажаб ҳол воқеъ бўлди. Тўполон, шаҳар зеру забар бўлди», деб бўлган воқеани гапириб берди.

Алқисса, Султонимурод ўзининг кўтал отини менга берди. Йўлга тушганимизда намозшом эди. Бир саққояликка тушиб, ҳордиқ чиқардик. Бу ер Нишонурдан икки фарсаҳлик масофада эди. Кейин, олти кун деганда Хурсонга стиб келдик...

Шу ҳикояни тугатишм билан олиҳазрат дедилар: «Жаноби... мавлоно Қатилий нақл қилиган эдиларки, сизнинг Хурсоңда Ғиёсiddин Муҳаммад деган хешингиз бўлган экан. Шайбекхон замонида ажойиб ишлар кўрасатган экан. Шулар ҳақида эшитмоқ иштиёқида эдик». Мен ҳикоя қилиб бердим.

Саиан 923 ҳижрийда (1517 йил) ашуро кунлари эди. Ҳадиҷабетимнинг кўкалтоши Амир Шоҳвали Чигатой хоҷаидонида Султон Ҳусайн мирзо саройининг энг улуғ ва эътиборли кишиси эди. Шу амирнинг ҳовлисида подшо бир куни шундай деган эди: «Бу кўкалтошининг фарзандлари наздида менинг ўз фарзандларимдан

мақбулроқдир». Барча ҳурматли улуғ амирлар унинг чизган чизигидан чиқмас әдилар. Ўзларининг умид доналарини унга бандалик ва итоат әкинзорига экар әдилар.

Қўқгумбаз остида бир сұхбат қурган эдик. Бундайин базмни ҳеч ким кўрмаган. Султон Маҳмуд хонанда ғазалхонлик қилди... Бошқалар ҳам...

Ногоҳ бир киши эшикдан кириб, деди: «Эй Мир! Бу нима ҳангома? Тезда туриңглару, қочинг—мажолингиз бўлса! Хадичабегимга хабар келди: Шоҳ Бадиуззамон билан Музаффар Ҳусайн Мирзо Чилдухтарон яйловида сұхбат қуришган экан. Мажлис аҳли ўз иши билан банд чоги уларга хабар келибдики, Шайбекхон Насаф, яъни Қарши шаҳридан илғор қилиб етиб келди. Бу хонадоннинг сипаҳсолори ва баҳодири Амир Зуннун аргун ўн минг кишилик мукаммал қуролланган ботир ва қиличбозлар билан қоровул бўлиб турган эканлар. Бу баҳодирларнинг ҳар бири жанг куни номусу жанг учун хаётларини ҳам аямас әдилар. Чилдухтарондан бир фарсанхлик масофада бўлган Тарноб мавзеида улар тўқнашибдилар. Жанг шу даражада бўлибдики, Шайбекхон лашкари сели Зуннун аргун одамларини хашакни сургандек қириб ташлабди. Амирни тутиб ўлдириб, бошини наизага илибдилар. Буни эшитган шаҳзодалар тарқаб кетишибди... Хон ўн беш минг киши билан шаҳарга яқинлашмоқда».

Амир Шоҳвали чақа маст ҳолда эди. Бу сўзлар унинг устига бир лаган чўғ бўлиб қуюлди. Ғазаби қайнаб, деди: «Эй шумхабар, разил! Эй қабиҳ тилли. Қандай даҳшатла ҳикояту не нохуш хабар келтирдинг! Мажлисимизни буздинг! Ўзбак Шайбекда подшоларимиз устига келишга мажол борми?» Шамширини суғуриб, уни чопмоқ истади. Мен ва бир тўда одамлар уни тўхтатиб қолдик... «Бир оз сабр қилинг. Агар унинг гапи нотўғрилиги аён бўлса, уни ўлдирмоқ қийин эмас». Шу гап-сўз устида кўчанинг бошидан отлар дупури эшитилди. Ер зилзила бўлгандек... фалак шифти унинг салобатидан гўё ўпирилиб тушган эди.

Ярим соат ичида шу мўътабар мажлиснинг минг чоғли кишидан иборат юлдузлари мен, Гиёсиддин Муҳаммад, Амир Шоҳвали ва ҳарам аҳлидан бошқа бирортаси қолмай йўқолди. Мен ва Гиёсиддин Муҳаммад дарвоза эшигини маҳкамладик.

Амир Шоҳвали фақирнинг этагига ёпишиб, йиғлашга тутунди: «Эй Маҳдум! Мана, етти йилдирки, сиз менинг маслаҳатчим ва раҳбаримсиз. Зару жавоҳирларимга сиз туфайли эришдим. Биздаги ёмон мижозу бад-феълликка қарамай, подшолар олдида бош эгмадик. Сиз итоат ва бўйсунишда жону дил билан рағбат кўрсатдик. Шогирдингиз бўлмиш ўғлимга: «Бу кишининг сен ғуломзодасидирсан, деб борҳо айтганман... Сиздан ўтинчим шулки, бу даҳшатли воқеада бизни қўлланг. Сиз ва укангиз Ғиёсиддин Муҳаммад бизни ташлаб кетманг. Агар шу ҳалокатли гирдобдан тириклик соҳилига чиқа олсак, сизга узроҳлик билдиргум...»

Фақир ўзимга-ўзим дедим: «Субҳоноллоҳ! Қандай улуг худосан! Шундай мутакаббир бир одамни, бирда бир одамни ўлдиртириб, уни ўз уйида яширган, Султон Ҳусайн мирзо: менга ўша қотилни юбор, текширайин, деб уч бор унга одам юборганда, мен текширидим, тухмат экан деб хабар берган киши шунчалик зеру забун ҳолга тушса... Бу фақир қаминага, худонинг заиф қулига шу қадар илтимос қылса: «бизни олиб чиқинг», деб».

Хусну малоҳатда, сабоҳатда мисли бўлмаган унинг ўғли, хотини ва қизи тўпланишди-да, мени ва Ғиёсиддин Муҳаммад этагидан тутиб, зор йиғлаб, шундай фифон чекдиларки, парвардигор малойикалари улар учун кўзларидан юлдуз ёшлигини тўкишди. Канизагу чўри қизлар бўлиб яна ўнтаси жамъ бўлди. Бир қуръон келтириб, қасам ичдикки: «Сизларни ташламаймиз ва доим сизлар билан бўламиш!»

Мен: «Нақд пул ва нафис буюмлардан ярайдигани бўлса имкони борича олиш керак», дедим. Ҳазинага кирдик. Ўнта сандиқ турган экан, уларни очдик: беш сандиқ тангага, иккиси ашрафийларга, бири пичогу ҳанжар шамширларга, иккитаси лаълу забаржад, ёқуту зумурладларга, марваридларга тўла эди. Мен: «Жавоҳирлардан бошқасини олмаслик керак», дедим. Ҳамёнларни тангадан бўшатиб, жавоҳирларга тўлдиридик. Ортган ашрафийларни халталарга солиб, туғиб олдик. Қолганини аёлу эркак кучлари етганча белларига туғиб олишди. Агар ҳозир ҳовлидан чиқсан, шаҳарга киролмаймиз. Сабр қилмоқ керак, дедим. Қоронғи тушиши билан Ғиёсиддин Муҳаммад иккимиз дарвоза эшигининг ярмисигача тупроқ ташладик.

Намозшом бўлиб, банотуннаъшнинг бокира қизлари

ўз бўш ҳамёнларини юлдуз жавоҳири ва олтинлари билан тўлдириб, белларига туғиб олганда, ҳамсоя уйи томига чиқиб, унинг сарой эшигидан чиқдик. Хуфтон номози пайтида Дарвозаи Маликка етдик. Дарвозабон таниш эди, очди. Биз шаҳарга кирдик. Амир Шоҳвали: «Бизникига ёки қариндошларимизнинг уйига бормоқ яхши бўлмас. Сизнинг ҳовлингиз ҳам бизники сингари маҳкум бўлса ҳам, акобиру шайхулислом олдида ихтиносингиз катта. Шунинг учун Сизнинг ҳовлингиз бехавотир ва тинч қолгуси»,— деди.

Алқисса, бизнинг уй томон кетдик. Кечадан икки пос ўтганда етиб бордик. Уларни меҳмонхонага жойлаштирдим. Ҳамёндагиларни катта бир қозонга солиб, Фиёсиiddин Муҳаммад иккимиз уни кўмдик. Ўзбек лашкари хазинани шу ҳовлидалигини билган тақдирда ҳам, уни кавлаб ололмас эди. Амир Шоҳвали, бизнинг бу манзилда туришимиз маслаҳатдан эмас деди.

Мен ўйлаб қарасам, доим дўстлик, бирлик, якжиҳатликдан лоф уриб юрувчи дўстларим бўларди. Гўё айтганларидек:

Ёр машмор онки, дар неъмат занад,
Лофи ёрию бародар хондаги.
Ён он бошадки, гирад дасти дўст,
Дар паришонҳолни дармондаги.

(Неъмат устида ёру биродарликдан лоф урувчиларни дўст билма. Паришонҳол ва қийинчиликда қолганингда қўлловчигина дўст саналади.)

Эслаб кўрсам шундайлардан ўн икки киши бор экан. Шуларни излаб кетдим. Бири мени кўриб, юзини пана қилди, бири узр айтди: «Ўзингни кўзим қорачуғида сақлашим мумкин, аммо Сиз айтаётган одамларга жой берсам... Уларни қаердан топишса, Ўша маҳалла ва кўйнинг форат ва асир этилишига сабаб бўлади».

Уйга қайтар эканман, бир болохона остидан йўлим тушди. Унда шаробхўрлик мажлиси борарди. Бири:

«Амир Муҳаммад Солиҳ Чигатойга атаб ажойиб бир рубоий айтганлар,— деб ўша рубоийни ўқиди:

Мискин Чигатойки, кундузи тундур онға,
Аҳволи паришону қаро кундур онға.
Мағрур бўлуб, ер юзиға сиғмас эди,
Сичқон тўшуги эмди минг олтиндур онға».

Бу рубоийни такрорлай-такрорлай, ёд олдиму, йиғлаганча уйга келдим. Амир Шоҳвали нега йиғлайсиз, деб сўради. Мен бу рубоий йиғлатди, деб ўқиб бердим. У ҳам, унинг одамлари ҳам роса йиғлашди. Менинг ганим уларни ғамга чўмдирди.

... Ноумид бўлманглар. Худованд ҳамма нарсаннинг сабабчиси ва мушкулларни осон қилувчидир. Бир сабаб билан ўзи бир томонга бошқаради, деди.

Тонг билан уйдан чиқдим. Йўлим қалъя этагидан тушди. Қаршимдан бир киши келарди. Мен билан сўрашиб: «Ташвишли кўринасиз, паришонҳолсиз. Сабабини айтолмайсизми?» деди.

Мен, аввал ўзингдан сўзла, дедим. У бундан етти йил бурун бир кечаси Маликон маҳалласидаги Ҳофиз Нур Абрешимкор уйида бўлган эдик. Сиз мавлоно Ҳусайн Воиз тақлидини қилиб кўрсатдингиз. Ўша мажлис аҳлининг ҳаммаси йиғига тушиб, бизда мавлоно Ҳусайн Воизнинг ўз мажлисида ҳам бундай кайфият бўлмаган, деб эди. Шу бўлдию мен сизга банда — хизматкор ва муҳлис бўлиб қолдим, деди. Мен ҳозир қаердасиз. Не иш қиласиз? — деб сўрадим.

— Бир ўғлим бор, толиби илм ва ҳофиз, жуда хушшовоз. Уни оилали қилмоқчи эдим. Унга атаб бир саройча қурдимки, беҳишт қасри дейсиз. Ногоҳ унга беҳишт хурларидан бири насиб қилди.— Дунёсидан гапирди. Сўнgra мендан:— «Ўзларидан сўрасак?» деди. Мен: «Менинг бир тўда қариндошим Сабзавор вилоятидан келиб қолишиди. Бундай ғавғо пайтида уларни қаерга жойлаширишни билмай юрибман», дедим. У:

— Мана, менинг саройим. Ўғлим ҳали ёш. Оиласа бош бўлай дегунича ариндошларингиз ўша ерда туришин,—деди.

Мен катта миннатдорлик билдириб, ўзимни жуда хушҳол сездим. У билан саройчасини бориб кўрдик. Шундай жойки, қадам қўйсанг, чиққинг келмайди. У ердан чиқиб тезда уйга келдим. Амир Шоҳвалига қараб сиз ва ўғлингиз учун ажиб бир хилват жой топдим, дедим.

Ҳар биримиз бошимизга келиштириб дастор ўрадик, толиби илмлар жузвонидан осиб олдик. Хотинлар эски чодирларни ёпиндиilar. Ҳаммамиз йўлга тушдик. Уларга тарқалиб юришларини айтдим. Шу алпозда ўша ҳовлига етиб келдик.

Ҳадичабегим шаҳар боғига келиб, Ҳиротнинг барча акобири олий табақа арбоблар, олиму аслзодаларини тўплабди. Уларга: «Сизлар Султон Ҳусайн мирзо давлатида молу дунё топдингиз, бахтли ҳаёт кечирдингиз. Риоят қилиб, ҳурматингизни шундай жойига қўйдик, ҳеч бир подшо сиздекларга бундайин муносабатда бўлмаган. Бугунги кунда унинг ўғиллари бошига шундайин ҳодисалар ва воқеа тушиб, улар қочиб кетишиди. Маслаҳат шулки, улар яна қайтиб, шаҳарга эгалик қилишлари лозим. Сизлардан шу нарса муносаб вараво бўлур эдик, ҳақиқат қилиб, уларга оталари ҳуқуқини манзур қилсангиз ва шаҳар муҳофазасини қўлга олсангиз. Кирдикорлари Самарқанд ва бутун Мовароуннаҳр халқига маълум ва машҳур бўлган ўзбеклар жамоасига Ҳирот халқининг аёлу болаларини топшириб қўйманглар», деди. Шайхулислом, Амир Саййид Абдулқодир ва бошқа акобир деди: «Эй, замон Билқиси! Эй, даврон Зубайдаси! Сиз жуда тўғри гап айтдингиз. Тақдирда бор экан. Лекин биз шаҳзодалардан умид қилурмиз. Сиз яхши билурсизки, Шоҳ Бадиуззамон ва ўғлингиз Музаффар Ҳусайн мирзо оталари вафотидан кейин қайтарзда подшолик қилдилар? Улардан халқнинг ҳеч бир умиди йўқ. Бир шоир бир қанча қитъя айтган. Бутун халқ уни ёд олганлар:

Султон Ҳусайн шоҳи жаҳон, к-аз улувви қадр,
Будаш фарози гунбази феруза боргоҳ.
Рафту намонд бар фалак салтанат аз у,
Монанди меҳру моҳ ду шоҳи жаҳонпаноҳ.
Лекин ба ҳар ду нисбати шоҳи буд чунонак,
Бар як ду чўб пора зи шатранж номи шоҳ.

(Султон Ҳусайн шоҳи жаҳон эди; қадри баландлигидан таҳти кўк гумбазидек баланд эди. У кетиб, фалак узра унинг салтанати йўқолди. Бу икки шоҳ қуёшу ойдек эди. Лекин уларнинг шоҳлиги шатранжнинг икки чўпдан бўлган шохлари нисбатиша эди).

Иккинчидан, улар қайтиб келарли даражада шикаст топмадилар! Уларнинг кўпчилик амирлари ўлдирилди, бутун қурол-яроғи қўлдан кетди. Шайбекхон ўта қаҳру разабли подшо. Биз мабодо саркашлиқ қиласидиган бўлсак, устимиздан ғолиб келса, бирортамизни ҳам тирик қўймайди.

Бутун шаҳар ғорат қилинади, халқи асири олинади.

Ўзингиз ўйлаб кўринг, ўн кун ёки бир ой шаҳарни мудофаа қилдик дейлик, бари бир натижаси биз айтган-дек бўлади; бундан нима фойда?»

Ҳадичабегим, рост айтасизлар, деб акобирдан узр сўраб, йиғлаганча уларга ижозат берди. Акобир Шайхулислом мадрасаси томон йўналди. Шу ерга тўпланиб, шаҳар калидларини хонга топшириш лозим, деган қарорга келдилар. Кун ўрталарида Султонали деган бир тикувчи мадрасага югуриб кирди:

— Эй шайх, эй акобир, суюнчи беринглар, хушхабар. Абулмуҳсин ва унинг укаси Қепакмирзо эллик минг мукаммал қуролланган суворий билан Машҳаддан илгор қилиб келди. Қорун банди яқинида Хиёбон кўчасининг бошида туардим. Соқи Салмон томондан чўиг кўринди... Олдинроқ бориб қарасам, бир отлиқ йўртиб келмоқда. «Кимсан», деди. «Оҳ, мен фалончиман! Эсиз Хуросон, дариф, эй Хуросон!» дедим. У яқинроқ кел деди-да, қўлимга бир бўлак новот берди. «Мен Муҳаммадвалибекман. Бу новотни Шайхулисломга элтиб бер. Дегилки, ғам еманг, Мирзо Абулмуҳсин ва Мирзо Қепак эллик минг отлиқ билан келмоқда», деди. Шайхулислом кулди-да, бу гапингнинг ёлғонлиги кундан ҳам равшунку, деди. Ҳалиги киши: «Махдум, сиз мени банд қилиб, кутиб туринг. Агар гапим ёлғон чиқса, мени пора-пора қилишингиз мумкин», деди. Муллазоданинг набираси мавлоно Усмон Самарқандийни Хиёбон бошига олиб келиш учун жўнатишиди. У бориб келиб: «Бутун Хиёбон ўзбакларга тўла. Улардан асар ҳам ийќ» деди. Тикувчига: «Энди нима дейсан?» дедилар. У: «Малик дарвозасида бир одам катта қасам ичиб, шу новотни бериб, шундай деган эди. Мен унга ишондим», деди. Уни роса дўппослашиб, бир четга ташладилар. Тонг отиши билан шаҳар калидларини расм бўлган туҳфа ва ҳадялар билан хон қаршисига олиб чиқамиз, деган қарорга келдилар.

Хон ўзбак подшоларидан бирининг қизи бўлмиш Музаффар Ҳусайн мирзонинг хотинига атаб бир ғазал ёзиб юборган эди. У хотин ҳуснда ва малоҳатда оламда шуҳрат топган эди. Кеч кириши билан Ҳадичабегим Иҳтиёридин қалъасига қамалиб олди. Музаффар Ҳусайн мирzonинг хотини унга эргашмади. Тонг отди. Акобир шаҳар калидларини пешкашу совринлар билан Хиёбон бошига хонга пешвуз олиб чиқдилар. Хон Шай-

хулисломга бир навъи эъзоз икром кўрсатдики, уни тасвирлаб бўлмайди. Қейин Музаффар Ҳусайн мирзонинг хотинини сўради. Унга: эри тирик, хотин унинг никоҳида. Қадай бўларкин, дедилар. Ҳон фоят музтар бўлди. Мирмуҳаммад ибни Амир Юсуф, Қози Ихтиёр эса шундай гувоҳлик бердилар: Музаффар Ҳусайн мирзо уни уч талоқ қўйган.

Бу гап рост эди. Аммо кейин уни ҳалала қилиб, ўз никоҳига олган эди. Улар буни хондан яширдилар. Ҳон Ҳиротдан бир фарсаҳлик масофада бўлган ва Хуш дарвозаси шарқий тарафидаги Кўҳдастон ўтлогида Бегимни унинг барча тобеъ одамлари билан тантанали суратда кутиб олиб, Кўҳдастон ариги бўйига туширди, айёмининг фахрли соатида уни ўз никоҳига киритди. Амир Шоҳвалининг отаси Мир Ёдгор кўкалдошга катта ҳурмат кўрсатиб, риоя қилиб, уни шоҳ Бегимниг эшиги соҳиб-иҳтиёри қилиб тайинлади.

Амир Ёдгорниг Ҳоним ҳузурида эътибор топганини эшитган Амир Шоҳвали манга: сиз бориб, бизнинг саломат эканлигимизни унга етказинг, деди.

Мен ўзимга-ўзим либосимни ўзгартирмай борсам тўғри келмас, деб бир қариндошим ҳовлисига бордим. Бир канизакнинг чиркин, йиртиқ тўнини кийиб олдим. Йиртиқ бир фўтани ғуломларга ўхшаб белимга боғладим. Шунга лойиқ дўппи топиб, қошимгача бостириб кийдим. Синиқ бир гадой асосини қўлга олиб, ўз уйимга бормоқни тахмин қилдим. Уйдагилар мени танишмаса, Амир Ёдгор ёнига борганим яхши. Танишса бормаганим маъқул, дедим. Уйга кириб боришим билан ҳамма: «Бу гадо ким бўлди, деб дод солиши: «Қандай калтафаҳм гадо бу! Тўғридан-тўғри уйга кириб келаверади!» Канизаклар қўлларига таёқ олиб, бошиму юзим демай савалай кетишди ва мени уйдан ҳайдаб чиқаришиди. Яна қайтиб кириб: «Ростини айтинглар, мени танимадингларми?» деб сўрадим. Мени овозимдан таниб, чунонам хандон урдиларки, ағнаб-ағнаб кулишиди. «Бу кийимларни нега кийдингиз?» деб сўрадилар. Мен: «Шундай маслаҳат бўлганки, сизлар билмасликларингиз яхши», дедим.

Кўҳдастон сари жўнадим. Амир Ёдгор кўкалдош уйи эшигига ўлтиридим. Ош ташиб ўтар экан Амир Ёдгорниг кўзи менга тушиб, бу гадога бир нима бериб юборинглар, деди. Товоқ устига бир бўлак гўшт қўйиб,

менга келтиришла. Ош олиб келган одамни танир эдим. Унга: «Мени танияпсанми?» дедим. У илло-билло! Бу не ҳолат? деб ҳайрон бўлди. Мен жим бўл, секин бориб, Мирга, фалон киши сизнинг одамларингиздан хабар келтирибди, дегин. Бир чодирни хилват қилдилар. Мени у срга олиб кирдилар. Амир Ёдгор кириб, менга кўзи тушди-да, роса кулди. Сўнг йиғлашга тутинди, фарзандлари ҳолидан сўради. Мен бор гапни батафсил гапириб бердим. У худога шукурлар айтиб: «Эй мавлоно, бизнинг косамиз сув бетида. Билмадим, оқибатимиз нима кечади. Бекам Сизни кўп эслаб, сўроқлайдилар. Тахминчада у ўз хазинасини ўзбаклар орасидан олиб чиқиб кетмоқчи. Султонвали (Шоҳвалининг ўғли) дастузаси бўлган қизни бир панароқ жойга беркитиб қўймоқчи. Чунки, кўп одам унинг кетидан тушган...»

Шу гап устида: «Ана, Бегим келдилар!» дейишди. Мени чодир ичида кўриб, мириқиб кулди ва «Эй Мулло, қаерларда эдингиз? Кўкамдан хабарингиз борми?» деб сўради. Улар аҳволидан қисқагина хабар эшитиб, хушҳол бўлди. Ўрнидан туриб, қўлимдан олди-да, чодирига бошлади. Катта сандиқлар устма-уст қалашиб ётарди. Чодирнинг бир бучагида бир парипайкар қиз ўлтиради. Ою қуёш унинг оламни ёритувчи жамоли тобидан бетобу нотавон бўлиб қоларди.

Бегим буни танийсизми, деди. Бу қиз кўкам Султонвали дастузаси. Дам-бадам бу қизни ўғирлаб кетишиларидан қўрқаман. Шунда бизнинг хаста жигаримизга шундай бир доғ тушардики, унинг иложини ҳеч бир ҳаким ё жарроҳ қилолмайди. Бу кўриб турганингиз сандиқлариниң кўпи жавоҳири ёқутлар билан тўла. Худо кўрсатмасин, хон ёки бирор бошқа ўзбак бу сандиқларда нималар борлигини билсами?! Булар тўғрисида нима фикр айтасиз? Мен: «Буларни Ғиёсиддин Муҳаммад билан олиб кетаман. Отам ўз ҳовлисида бир сардоба қурганлар. Унинг эшигини шундай ўрнатганларки, сувга етгунча ковласалар ҳам...»

Шу гап устида хизматкор қиз кириб: «Бир гадой келиб, Қоракўз энагага гапим бор, деди. Мен каромат қилиб, бу Ғиёсиддин Муҳаммад, деб айтдим. Ўша қиздан: «Гадонинг соқоли сариқми?» деб сўрадим. У ҳа, деди. Тўппа-тўғри. Уни тез бу ёқقا олиб кир, дедим. Чодирга кириши билан Бегим чунонам кулдики, йиқилиб тушаёзди. Сўради:

— Ҳа, Сариқ! Сенга нима бўлди. Биз томонга ўралашмай қўйдинг.

— Эй Бегим, сабаби ўзингизга равшан-ку,— деди.

Мен унга ўз режамни айтдим. У жуда соз, яхши ўйлабсиз, деди. Мен бир бўлак бўз келтиришларини сўрадим. Ундан ҳамён ва халтачалар тикишди. Бегим хизматкорларига: «Бу чодирга бирор кишини яқин йўлатманглар», деб буюрди. Бир сандиқни очдилар. Унда жавоҳирларга тўла қирқта майда сандиқчалар бор экан. Уларни ҳамёну халтачаларга бўшатдим. Кийим сандигини очишиди. Бир тўн олдиларки ёқасидан этагигача жавоҳир билан безатилганди. Мир Ёдгор: «Бу тўнга ўттиз минг танга харж бўлган», деди. Тўнимни ечдим-да; ўша тўнни кийдим. Этагини камаримга қистирдим. Бир халта жавоҳирни этагим устидан боғладим. Кўҳна жузвоним бор эди. Унга тилла билағузук, халхол, узук ва сирғаларни жойладим ва қўлтиғимга олдим. Чап қўлимнинг учидан қўлтиғимгача бўз билан ўрадим. Ҳар қаватига жавоҳирлардан териб чиқдим. Бир чиркин рўмол учини туғиб, гарданимга ташлаб, чап қўлимни унга осиб олдим. Рўмол учидан қўлим атрофига кетганча жавоҳир солдим. Кейин устидан ҳалиги эски тўнни кийдим. Фиёсиддин Муҳаммад ҳам шу тартибда иш тутди. Фақат у қўлини осиб олмади. У менинг етакчим бўлди.

Кўҳдастон ариғидан ўтдик. Мен нола чека бошладим. Фиёсиддин Муҳаммад ўзбакларга дерди: «Худо ҳаққи, бу шикаста фақирга раҳм қилинглар. Бу саййид ва ҳожидир. Қўли синган!»

Ўзбаклар пул ва танга берардилар. Шу йўсин кечакундуз қатнайвериб, бир ҳафта деганда хазинани саронжомладик. Саккизинчи куни келсак, Амир Ёдгор бошида бир чиркин дўппи ва йиртиқ фўта боғлаб олган, эгнида бир ғариб тўн. Фиёсиддин Муҳаммад фалак бир найранг қилган кўринади, деди. Яқин бориб ҳол сўрадик. У деди:

— Уй аҳволин кўру мендан сўрмагин,
Остона қонини бу не, демагин...

Бегим бу кеча бир қабиҳ иш қилибдики, агар жаҳон хокдонини ғалвирдан ўтказсангизлар ҳам унинг иложи топилмайди. У хонни ранжитибди... Кечаси хон унинг ёнидан чиқиб кетиб, қайтиб келмабди.. Султонвалининг

дастузасини онаси билан бир ўзбак шаҳарга олиб кетиб қолди...

Кейин Мир Ёдгор деди: «Махдумлар, нега турибсизлар, кетинг, бирор гӯшага яширининг». Биз ноилож қайтдик. Амир Шоҳвалига келиб воқеани айтиб бердик. Қиёмат кун бўлди...

Икки кун ўтказиб Амир Шоҳвали ҳузурига бордим. Султонвали ёқасини чок қилиб, қўлида бир пичоқ тутиб, чунон йиғлар эдики, кўзлари шишиб кетган эди. Мени кўриб, фарёд чекди: «Махдум, мени сўйинг! Йўқса ўзимни-ўзим ўлдирман... Унингиз бир дам яшашдан юз бора ўлганим афзал. Мен Моҳчучук фироқига тоқат қиломайман!»

Мен: «Эй ўғлим, сабру таҳаммулдан ўзга чора йўқ. Фиёсиддин Муҳаммад келсин. У билан бирор маслаҳат қиласмиз», дедим.

Иккинчи куни Фиёсиддин Муҳаммадни бозорда учратиб, унга дедим: «Гап шу !.. Қандай фикр билдирасан?» У: Мен хабарини топдим. Моҳчучукни Ҳусайн қўнғирот олиб кетибди. У Динорон анҳори бўйида яшар экан. Онасининг оёги Кўҳдастон йўлида отдан ийқилиб синибди. У қиз қўлига пичоқ олиб, ким ёнимга келса уни ҳам ўзимни ҳам ўлдирман, дермиш. Мен у қизни қутқазиш режасини тузиб қўйдим. Шояд ишимиз ўнгидан келса... Тез туринг, темирни қизифида босмоқ лозим. Файсалга соладиган пайт эмас. деди.

Дарвозаи Малик томон йўл олдик. Дарвоза ичкарисига бўлуклар аҳолиси сотиш учун узум келтиришган эди. Фиёсиддин Муҳаммад икки сават узум сотиб олди; биттасини менинг елкамга боғлади, бирини ўзи кўтарди. Динорон анҳори томон йўл олдик. Сарой эшигига етишимиз билан қарасак, бир тўда ўзбаклар ичкарига кириб-чиқиб туришган экан. Сўрагандик, Мир Ҳусайн қўнғиротнинг саройи шу, дедилар. Ҳовлига кирдик. Қарасак, супа тепасида азamat жуссали бир киши эллик чоғли одамлар қаршисида қўл қовуштирганча турибди. Айвон олдидағи хонада бир хотин кўрпа-ёстиқ қилиб олиб, нола чекмоқда. Мен ва Фиёсиддин Муҳаммад узумли саватларни ўша ўзбак ёнига қўйдик.

Югуриб, хонага кирдигу ҳалиги хотиннинг оёғига ийқилиб, «Эй Бегим, валинеъматимиз! Бу не ҳол ўзи? Қандай кунларга қолдик?! Сизни бу аҳволда кўргандан кўра кўзларимиз кўр бўлгани яхши эмасмиди!» дедик.

Амир Ҳусайн: «Сизлар қандай одамларсиз?— деб сўради. Биз шу Бегимнинг барзагар — деҳқонларимиз. Бу кишининг Гулслонда бир боғи борки, латофату гўзаликда унга тенг келадиганини бутун Хурросонда то-пиб бўлмайди. Қариyb беш юз харвор узуми бор. У узумларнинг ҳаммаси нобуд бўлиб кетяпти. Амир Ҳусайн деди:

—Фам еманглар! У боғ бизга тааллуқ топади. Сиз ҳам бизга тегишли одам бўласиз Сизларни риоят ва тарбият қилгум. У боғнинг узумларини биз учун шаробга бостириб қўйинглар.

Бегим бизларга ажаб бир қараш қилди. Бизларнинг не иш билан келганимизни тушунди шекилли, индамади. Мен хонадан чиқдим-да, бир сават узумни ўзбакларга бўлишириб бердим. Биттасини хонага олиб кириб: «Бу узумни биз эртага узум олиб келгунча сақлаб қўйинг», дедим.

Моҳчучук хона эшиги олдида йиғлаб ўлтиради. Мен: «Тур, саватга туш, йиғлаш пайти эмас. Султонвали сан учун ўзини ҳалок қилаёди!» дедим. У саватга тушиб, юмaloқ бўлиб олди. Устига ток баргларини ташладик Фиёсиддин Муҳаммад: «Бу саватни менга қўйиб», беринг. Буни кўтарурга сизда қувват ўйқ. Бўш саватни олинг», деди. Шундай қилдик. Ўзбаклар орасидан ўтиб, ташқари чиқдик.

Амир Шоҳвали турган уйга етганимизда намозгар бўлиб қолган эди. Султонвалини кўрсак, зор-зор йиғла-моқда. Ёқаси йиртиқ, сийнасини тилган, фифон чекарди. Унга яқинлашиб, дедим: «Фам ема, мақсаду муродинг ҳосил бўлди!»

Фиёсиддин Муҳаммад саватни ерга қўйди. Булут остидан кўринган офтобдек Моҳчучук саватдан туриб, чиқиб келди. Дод солишиб, бир-бирларига отилдилар, йиғлашга тутиндилар. Амир Шоҳвалининг хотинида Хурросонда мисли бўлмаган бўйин маржони бор эди. Олиб Фиёсиддин Муҳаммадга берди. Қизлари узугу ҳалқаларини чиқариб менга тутдилар.

Мен Фиёсиддин Муҳаммадга бизнинг ўзимизга қарашли одамлар билан бу шаҳарда туришимиз яхши эмас, бир оташ ёқдикки, тошу темирдан «Кунфаякун» бўлиб, оташ чиққан кундан ҳам алангаси баланд. Ўз кўч- ўлнимизни яшириб, аёлларни ва болаларни Ўба қасабасига жўнатайлик, дедим. У, жуда яхши ўйлабсиз, деди... Тезда ўз уйимизга кетдик. Меҳмонхонада кўмил-

ган жавоҳирни олиб, Сардоба остидаги Хадичабегим жавоҳирларига қўшиб қўйдик. Шу заҳотиёқ Фиёсиддин Мұхаммад улоғлар кира қилиб, волидаю ҳамширалар, аммаю холалар, жорияларни олиб, Ўба томон жўнади. Мен уй нарса ва жиҳозларини қариндошларнинг уйларига тарқатиб чиқдим. Хуросоннинг машҳур шоирларидан бири нуҳуд қовуриб сотадиган дўкон очган эди. Дўкони тепасида ҳужра қурилган бўлиб, у шоиру фозиллар тўпланадиган жойга айланган эди. Ўша томонга қараб кетдим. Бориб унга дедим: «Бир неча кунга болохонани бу камина учун маҳсус қилсангиз. Дўкон олдидаги хонага меҳмонлар учун гилам ташланг!» У дарров болохона калидини дастори тепасидан олиб менга тутқазди. У ерга чиқиб олиб, ҳужра эшигини беркитдим-да, дераза ёнида ўтирдим.

Пешин намозига яқин эди. Йиртиқ дўппи кийган, калта чиркин тўнли тиззасигача оёғи яланг бир одам дўкон ёнидан ўтиб кетдим. Бу Амир Ёдгор Кўкалтош эмасмикин, деган гап хотиримдан ўтди. Мавлоно Амонийга овоз қилдим: «Шу аҳволда бир одам ўтиб кетди, бориб сўрангиз-чи, ким экан. У кетиб, йиғлаганча қайтиб келди.. Амир Ёдгор экан», деди. Унинг олдига тушдим. Амир мени қучоғига олганча узоқ йиғлади. Фўта, ковуш ва яктагимни унга бердим. У кетди.

Амоний деди: «Эй, мавлоно Восивий, дунёning бева-фолигию фирибгарлигини қаранг. Ўтган йили сиз Нийрату қалъасида бўлган эдингиз. Мен ҳам ўша ерда эдим. Унинг мингта мукаммал қуролланган навкари бор эди. Такаббурлик боши ва жобир гарданини фалак авжигача кўтарарди. Минг жуфти гав ери бор эди. Қаминага унинг экин ерлари фалак сабзазорига ўхшаб кўринарди. Энди қаранг: нималар бўлди, қандай ҳолга тушиб қолди..

Эртаси кун чошт чоғида қалъа этагидан одамлар ғала-ғовури эшитилди. Қарасам, бир ёбу отда қўли боғлиқ одам. Унинг ортида бошқаси мангашган. Тузукроқ, қарасам — Амир Шоҳвали. Уч юзга яқин ўзбак уни ўраб келмоқда. Мавлоно Амоний улар ортидан кетди. Анча муддат ўтгач қайтиб келди. Авзори бузуқ. У деди: «Ажиб воқеа содир бўлибди. Амир Шоҳвалининг бир жорияси бор экан, ҳусну жамолли. Унинг бир маҳбуби бўлиб, бир кеча уйга өлиб келган экан. Амир Шоҳвали бундан воқиф бўлиб қолиб, буюрибди: ўтугни қиздириб у қизнинг қизил бахмалини дазмоллашибди. Қиз дод солганча

кўчага чиқиб: «Амир Шоҳвали мана шу саройда!» деб қичқирибди. Амир Їонвафонинг ииниси Амир Ўрус ўтиб кетаётган экан. Хуллас, Амир Шоҳвали ва хотинини қўлга олишибди. Қолганлар қочиб қутулибди. Амир Шоҳвалидан Хадичабегимнинг хазинасини сўрашибди. У сизларни ўша мол-дунё қўйилган жойга олиб бораман, деб сизнинг уйингиз томон ўзбакларни бошлаб кетмоқда экан. Мен ҳам улар ортидан бордим. Ҳовли дарвозаси ичкаридан тупроқ билан тамбаланган экан. Табарзин билан бузиши, ҳовлига кириб, меҳмонхонани ковладилар, ҳеч нарса тополмадилар. Мир Шоҳвалини исканжага тортдилар. У: «Мени исканжага олмоқдан фойда йўқ. Мавлоно Восифийни тоғмасангизлар, у нарсаларни тополмайсизлар», дебди. Ҳозир сизни уйма-уй, кўчамакўча қидиришиб юришибди. Нима маслаҳат энди?» Мен: «Мени халос қилиш ё тутиб бериш сизнинг қўлингизда. Шаҳарда менинг бу ерда эканлигимни ҳамма билади. Шаҳарда қолиши муносиб билмайман. Хотиримга Кавсавга кетиш келди. У ерда дўстларим бор, улар мени сақлаёлади». Кейин намозшом бўлишини кутдим. Мавлоно Амоний билан видолашиб, кетдим... Бир оз йўл юргач, хотиримга ўзимнинг Кавсавга боришимни Амонийга айтиб яхши иш қилмаганим келди. Ҳудо кўрсатмасин, агар уни қўлга олишса бир оз қийноқдан кейин менинг қаерда эканлигими айтади ва мени ўзбакларга тутиб беради. Шуларни ўйлаб, бошим қотиб кетаётган эдим, бир кишининг «Эй Ҳасан, Насруллага айт, биз Сайистонга кетдик. Сен ҳам кетадиган бўлсанг, эртага бизни Сарипули Молондан топасан!» дегани қулоғимга чалинди. Ўзимга келиб, бу овоз ғойибдан бўлса керак дедим-да, Сайистон томон жўнашга қарор бердим. Ажойиб ҳодисалардан бири шу бўлдики, Сабзаворда эканман, мавлоно Амонийни қўлга олиб, уйини ғорат қилганлари, у ўзбакларни бошлаб Қавсавга боргани, мени тополмай кўп жафолар тортганини эщитдим...

МАВЛАНО ҚОТИБИЙ НИШОПУРИЙ ВА БОБО САВДОИЙ БОВАРДИЙ ЗИКРИ

Намозшом пайти, нилий тусдаги фалакнинг фаррошлиари офтобнинг Афросиёб соябонини мағриб шаҳристонида кўтариб, шомнинг ўнқир-чўнқир гиламини кўкнинг

равоқи айвони пештоқида ёйдилар. Ҳазрати... Султон Мұҳаммад Баҳодирхон Кайкавус тахти девонхонасида бир базму сұхбат қурмоқни буюрди... Мажлисда ул ҳазрат Котибийнинг қайси замонда яшагани ва қайси подшо қўлида тарбия топгани ҳақида сўзлаб берсангиз, дедилар. Мен ҳикоя қилдим: Шоҳ Бойсунқур ибни Шоҳруҳ мирзо унинг мураббийси эди. Унинг шоҳ билан дастлабки танишуви шундай бўлган: У Нишопурдан Ҳиротга келади. Бойсунқур Боги Сафедда яшар эди. Котибий ўша боғдаги унинг ҳужрасига тўғри кириб келди. Шоҳ ўз хосу надимлари билан ўлтиради. Бир забардаст, баландқомат, йиртиқ дасторли, сарбонлар тўнини кийиб олган кишини кўриб сўради:

— Кимсан? Қаерликсан? Нима иш билан келдинг?

— Мен шоирпеша одамман. Узоқ Нишопур вилоятидан келдим.

— Қомату дасторингга муносиб байт дегил-чи,— деди шоҳ. У айтди:

Қадли бўланд дораму дастор пора-пора,
Чун ошиёни лаклак бар қуллаи минора.

(Қаддим баланд, дасторим пора-пора. Лайлак ин қўйган минорага ўҳшайман).

Подшо хандон отиб кулиб, унга ўз ёнидан жой берди, ўз саройи шоирлари қаторига қўшди.

Бобо Савдоий ҳам Бойсунқурнинг хос ва надими эди. У ўзини шу хонадон хизматкорларидан ҳисоблар эди. Лекин кучли шоир бўлганидан маликушшуаро дер эдилар.

Мирзо бир куни уни ғамли ҳолда кўрди. Олдида Шайх Сўзанийнинг китоби. Уни очган эдилар қуйидаги байтга кўзлари тушди:

Токай зи гардиши фалаки обгинаранг,
Бар обгинаҳонаи тоат занем санг,

(Шишаранг фалак гардишидан таотнинг шиша уйига токай тош урамиз).

Мирзо шоирнинг ана шу қасидасига дўстлар жавоб ёзсинлар, деб бўюрди. Котибийга девонхона ёнидан ҳужра тайин қилди. Бобо Савдоий ғамнинг тимқора чоҳида азобда қолди. У ўзича деди: Котибий оламнинг машҳур шоирларидан бўлса, менда унга бас келарли қувват бўлмаса. Мисра: «Шер панжаси олдида қуёнда қолмас мажол».

У бор экан, ҳолим нима кечаркин? Шундай фикру андешада эди, бир гуруҳ ёшлар у подшо олий мартабали шабистони шамъи атрофида парвона янглиғ тўпландилар. Улар Бобо Савдоини ниҳоятда ҳурмат қилишар эди. Уни ғамгин ҳолда кўриб, сўрашди. У деди: «Эй дўстларим, жоним бўстонининг райҳонлари! Мен пок номус билан яшадим, умримда ҳеч кимдан мағлуб бўлмадим. Бирор киши мени номус сарпанжаси билан урмади. Ҳозир ғолиб бир ғаним пайдо бўлди. Уни подшо мен билан мусобақа қилдирмоқчи».

Ёшлар унга: «Бобо сиз ғам, еманг! Биз мавлоно Котибийни шундай машғул қиласайликки, шеър ёзолмасин, андешаси кемасини шеър дарёси томон бошқаролмасин. Сиз ўша қасидани ўз дилхоҳингизча ёзаверинг. Эрта Сиз Котибийни подшо мажлисида хижолат ва шармандалик доирасида қолдуурурсиз», дедилар.

Улар Котибийнинг ҳужрасига кирдилар. У қасиданинг тўрт байтини энди ёзиб бўлган эди... Ёшларни кўриб Котибий ҳайрон бўлди. Маъно қизлари дил хилватхонаси деворларида Чин суратхонаси суратларидек жилва қила бўшлаган эди. Булардан хижолат бўлиб махфийлик пардасига яширинишди. Алқисса, ёшлар Котибийни эрталабгача машғул қилишди, шеър ёзишга имкон беришмади.

Тонг отди... Ҳазрати шоҳ шоирларни чорлади. Котибий ва Бобо Савдоий ҳам келди. Аввал Котибий ўз қасидасини ўқисин деб буюрилди. Котибий ёнидан ўша тўрт байт битилган қофозни чиқарди ва унга қараб ўқий бошлади; ўттизинчи байтга етганда ёнидаги шоирлар таажжуб изҳор қилдилар. Подшо бунинг сабабини сўради. Ўша шоир деди: «У тутиб турган қофозда бор-йўғи тўрт байт шеър ёзилган. Бу одам ўттиз байт айтди. Ҳали яна ўқимоқчи. Билмадим, бунинг сири нимада экан?»

Подшо сўради. Котибий деди:

— Кеча тўрт байт ёзилган эди. Бир гируҳ дўстлар меҳмон бўлиб келди. Бошқа ёзишга фуржа бўлмади. Подшо бу бандани чорлаганларида узр айтишга кўнглим ёр бермади. Шу туфайли бу қасидани бадеҳа тарзида ўқий бошладим.

Бобо Савдоий инсоф ёқасини тутиб... «Сенинг тўғрингда нима яхши гап эшитган бўлсам, ундан минг чандон ортиқ экансан», деди...

Мирзо Бойсунқурнинг Бобо Савдоий билан биринчи

учрашуви шундай бўлган: Зарифлардан бир гуруҳ Хиёбонда ўзаро ҳазил-мутобиба қиласидилар. Бобо Савдоий ҳам бир чеккада ўлтиради. Ногоҳ Мирзо Бойсунқур ўтиб қолдилар. Ҳамма ўрнидан туриб, таъзим бажо келтирди. Аммо Бобо Савдоий ўрнидан қўзғолмади. Зарифлар унга таъна қиласидилар: «Шоҳ ўтаётганда нега таъзим қиласидан?» Бобо Савдоий: «Менинг олам подшолари билан ишим йўқ», деди.

— Сен кимнинг ўғлисан?

— Худонинг ўғлимани.

— Ҳай, ноўрин гап қиласидинг. Худои таолода фарзанд бўлмайди. Сен кофир бўлдинг!

Гавғо кўторилди. Буни подшо эшитиб, буюрди. Бобо Савдоийни унинг ҳузурига келтирдилар. Мирзо сўради:

— Эй, девона! Айтишларича, сен худонинг ўғлимани, деган эмишсан?

— Ҳа, шундай дедим, айтаман ҳам!

— Шундай экан, қудратингни кўрсат-чи?— деди шоҳ кулиб.

— Нима буюрсангиз, бажарурман!

Мирзонинг бир гоят соҳибжамол чуҳраси бор эди. Аммо айби: кўзлари торроқ эди. Мирзо деди:

— Бу йигитнинг кўзлари тангроқ. Қудратингни кўрсатгина-да, уни шу айбидан арит.

— Шоҳим, бундай қиласи ақлда эмас. Бундай иш отамнинг вазифасига киради. Буюрсангиз мен унинг бошқа кўзини очгум.

Мирзо хандон отиб кулди-да, бу олампаноҳ даргоҳида мулизим бўлсин, деди. Буюрди, унга бир този от ва муносиб сарупо инъом қиласидилар. Бобо Савдоий кун-кундан олий мартабали бу саройнинг энг яқин кишиларидан бўла борди.

Нақл қилишларича Мирзо Шоҳрухнинг энг обрўли ўғилларидан бўлган Мирзо Бойсунқур доимо фозилу илм аҳли билан бирга бўлган. Уларни подшо саройига тўплаган. Унинг бир Мирзо Жўги деган иниси бўлиб, сипоҳийликка берилган. Паҳлавонлик ва баҳодирликда унга тенг келадиган бўлмаган. Унинг тортган камонини ҳеч ким торта олмас, у урган нишонга ҳеч ким теккизолмас экан. Унга дебдилар. Сизнинг акангиз доимо хуштабъ ва зариф кишилар билан суҳбат қуради. Идрок аҳли билан дўст тутинади. Сиз бўлсангиз нақобил ва бесалоҳият одамларга ҳунар ўргатмоқ бўласиз. Байт:

Ҳаминини ту аз ту беҳ бояд,
То туро ақлу дин бияфбояд.

/Сен доим ўзнигдан афзалроқлар билан ўлтири. Ақлу имонинг ортажак/.

Аканғизнинг бир Бобо Савдоий деган мулозими бор, фазилат аҳли матъракасида сарвар...

Мирзо Жўги бир киши юбориб: «Ўша остона мулозими Бобо Савдоий таърифу тавсифини кўп эшиштирилди. Уни биз томон юборсангиз. Унинг кўнгил очувчи сұхбатидан камина ҳам баҳра топса», деди. Бобо Савдоий бормоқдан ибо қилди, баҳона ва узрлар топди. Бу гап Мирзо Жўгига етгач, ғазаби қайнаб, деди:

— Бир тўдангиз уни пойланг.

У Мирзо Бойсунқур ҳузуридан уйнга қайтаётганда тутиб, Мирзо Жўги ҳузурига судраб келтирдилар. Бобо Савдоий ғоят ғамгин эди. Мирзо Жўги сўради: «Таъриф қилган одамларнинг шуми? Бундан идрок ҳиди табъ ма-шомига етмайди-ку?!»

— Шоҳим, бу ўшадир. Аммо, жаҳл билан вафодорлик сақлаб турибди.

Мирзо буюрди, ишамишини келтирдилар. Унинг боини ва оёқларини ушладилар. «Бошим билан қасам ишамац, буни икки нимта қилурман!» деди Мирзо. Бобо Савдоий деди:

— Худо ҳаққи, менга қўл кўтарманг! Худонинг яратганини муниоҳада қилинг.

Уни қўйиб юбордилар, ўриндан турдию ўйнаб ашула айта бошлиди...

Бу гапдан Мирзо Бойсунқур хабар топди. Бир кишини юбориб, бориб кўр-чи, Бобо Савдоий ишма ҳунар кўреатмоқда, деди. У одам ҳабар келтириди:

— Эй шоҳим! Савдоий сизнинг мулозаматингиздагига ўхшамайди. Бу ерда хомуш юрарди. У ерда ақл бовар қилмайдиган ҳунар ва санъатлар кўреатмоқда.

Мирзо Бойсунқур жуда ҳам хафа бўлди: «Бобо Савдоий келса бирортангиз ҳам у билан сўрашманг, саломига алик ҳам олманг. Качон мени қўлини дасторимга олиб борсам, уни грибонидан олиб, ташқари олиб чиқнинг; муболага қилиб, сени ўлимга ҳукм қилишиди, денглар. Уни боғ эшигигача судраб, жаллодни чақирасизлар. Мен чорбоғдан чиқиб кетгунча шундай ҳийла ишлата-санзлар», деди.

Уч кун ўтгач Бобо Савдоий кўринишга келди. Ҳукмига бинсан шоҳ ҳузурида турганларининг ҳеч бири «тирикмидинг ё ўлиқмидинг» ҳам демади. Бобо Савдоий қўл очиб, бу лиёр мозороти арвоҳи ва бедор ухлаётгандарга савоб такбирини юборурман, деб фотиҳа ўқиди. Мажлис аҳли кулиб юборди. Мирзо қўлнини дасторига олиб борган эди, бир сарҳанг Бобо Савдоийининг гирибондан тутиб, ташқарига судради. Сени ўлимга буюрдилар, деди. Ҳамма унинг олдитан бир-бир ўтиб кетар экан. «Бу қандай ҳол!» «Махлук хизматида бўлган одамга лаънатлар бўлсан!» Қаранг, шундай, дунёда назири ва тенги бўлмаган одами ўлимга ҳукм қилибдилар-да?!» дейшиарди.

Бобо Савдоийиниг рағнида қон қолмади. Жаллодлар унинг кўзларини боғлаб, қўлда шаминир билан атрофидан айланса бошлади. «Ҳой-хуй!» овозлари эшитилди. Мирзо етиб келиб, бу одамини ҳамон ўлдирмадингларни, деди. Бобо Савдоий Мирзонинг овозини эшитиши билан ўриндан туриб, шоҳим, худо ҳакқи бир оғиз айтадиган сўзим бор, эшитинг! Мен ўз хунимни бағишладим, деди. Мирзо буюрди:

— Айт, нима демоқчисан?

— Шоҳим, бу онкор айтиладиган сүз эмас. Муодрак қулогингизга айтмасам бўлмайди.

— Уни кўтариб, отга минганиширинг, айтсан сўзини, деди кулиб шоҳ. Уни отнинг орқа томонинга миндиргандаризда, оғзини Мирзонинг қулогига яқин келтириб: «Гап шу, отингни ишқат! Бир лаҳза кечикканингда бу гарлар менни батамом ўлдириб қўйиниарди!» деди.

Мирзо кулиб, боққа қайтиб кирди, айш базми тузмоқни буюрди. Аскиячи ва мажлисоролар тўпланди. Мирзо Бобо Савдоийга деди:

— Бугун бизнинг лутфу иноятларимиз энниги сен учун очиқ. Нима истагинг бўлса айт.

— Шоҳим! Сендан бир талабим бор: бугун ложувара фалак тахтининг подиоси (қўёш) магриб саронарласига келиб киргуича ўз подшолигингни менга бағишила. — Подиши қабул қилди, тахтидан тушиб ҳарамсаройи томони кетди.

Бобо Савдоий подио тахтига ўлтириб, ҳукмдорлик ва фармонраволик қондасича иш тутди; кимдан ўз юрагида адовати ва кийнаси бўлса ҳал қилди, подшолик ҳезинаси эшикларини очиб, ким қанча истаса олтин нињом

Қилди. Подшолик тавиласидаги хосса отларни йигиту чухраларга бўлиб берди ва деди, мисра: «Бир лаҳза бўлса ҳам подшолик ганиматлар». Бир кунлик подшоликни хона кунжидан ўтказмоқдан не маъни? Подшолар бавлоҳи Тахти Остонага бориб, мазза қилиб шароб ичишимиз, тантана ва ҳуқмронлик қилишимиз лозим!

Алқисса, катта дабдаба ва ҳашам билан отларга миинб, Тахти Остонага йўл олдилар.

Бу гайларни Мирзога етказниши: «Эй подшо, қўлни гиздан келса Савдоийнинг ҳузур қилиб, завқланишини тамошо қилинг. Салтанат қондасини ўрганинг!»

Лйтишларича, Мирзо толиби пымлар кийимини кийиб, жувоздонини қўлтиғига қистирган. Бир дасторни налашартиш ўраб олдики, ҳеч ким уни танимайдиган бўлган. Кейин Савдоий маъракасининг бир чеккасидан бориб, бир дараҳт панасидан жой олган. Савдоийнинг унга кўзи тушиши билан таниган; ёнида писла тутиб турган бир кишига деган: фалончи, сездирмай орқадаги дараҳт остидаги йигитга разм солу, менга диққат қил. У чинории ўзига паноҳ қилиб олган. Сен маъракадан секин чиққин да, ортидан бориб, уни тутиб олгши. Мен ўз отими ни сенга инъом қиласман, деди.

У одам маъракадан чиқиб, Мирзони тутиш учун кетди. Мирзо буни сезгап эди: қочиб қолди. Ҳалиги одам уни қувди. Бир девор чиққап эди. Ундан ошиб, қутулиб кетди.

Нилгун фалак подшоҳи матриб саронарласига киргач, Бобо Савдоийнинг подшолик давлати үугади. Сурайё мисоли тўйланган жамъияти бандотунинаш каби тарқаб кетди.

Тонг билан шарқ хисрави машриқ даричасидан бош чиқариб, шоҳ ўз тахтида қарор тонгач, давлат аркони ва ҳазрат аъёнининг ҳар бири ўз ўриидан жой олди. Мирзо Бобо Савдоийга деди:

— Эй Савдоий! Подшолигингниг нимасидир менга ёқди.

— Олам подшоҳи! Тахти Остонада суҳбат қуриб турганимизда моҳи тобон ва дурахшон офтобдек бир йигит маърака чеккасида келиб турди. Уни тутмоқ истадик. Бахт ёр бўлмади, саодатҳамдам йигит қочиб қолди. Тутганимизда биз ҳам ҳузур қиласар эдик, сиз ҳам!

ХАМСАИ МУТАҲАЙИРА ҲИҚОЯТИ

Санан 933 ҳижрӣ, жумадилюхир ойи /милодий 1547 йил, март ойи/ эди. Олиҳазрат... Султон Муҳаммад Баҳодирхон шикор қўлмоқ ниятида Паракдарёси бўйига чиқди. У жой Тошканд шаҳридан бир фарсаҳлик масоғада эди. Йўл асносида шоҳ каминага: хотиrimiz «хамсан мутаҳайири»— ҳайратлантириарли бешлик ҳикоятини эшитмоқ қасдидадир, дедилар. Мен ҳикоя қилиб бердим:

Шоҳим, ложувард фалакнинг хамсан мутаҳайириаси ўз равиши ва рафторида забаржадий буржида ҳайратда эканлар, ҳашамату салтанатигиз душманлари оворалик биёбонида саргашта ва саргандон бўлгайлар!

Мунаввар раъйнинг маълуми бўлсинки, бу олижабоб силсиланинг бошлиғи... мавлоно Нурриддин Аблураҳмон Жомийдир. Бири мавлоно Қамолиддин Шайх Ҳусайн; яна бири мавлоно Шамсиддин, кашф соҳиби, яна бири мавлоно Довуд, яна мавлоно Муъин Туний бешкишидир. Бирор ақл эгаси буларга олтиничи бўлиб қўшила олмади.

Бу жамоат мавлоно Муҳаммад Жожармий шогирди ва давомчилари эдилар. Улар ўп саккиз ёшида Амир Саййид Шариф... Бони Зоғонда дарс ўқиётганда дарс тинглашган. Бир мураккаб масала ўртага ташланган эди. Айтишларича, етти бор Мир Саййид Шарифнинг сўзини бўлганлар. Айтишларича, мазкур мавлоно олдида мавлоно Али Күшчининг «Шарҳи тажрид» асарини ўқиётган эканлар. Мударрисга бир навъи ҳужум қиласидилар. Мударрис ўзининг бирор сўзини ҳам ўтказолмайди. Мавлоно бир кеч ўйлапиб қолди. Ўзига-ўзи деди: агар иш шу тарзда кетаверса, кўичилик эшитгай. Бу замон олимларининг олими, доинишмандлар доирасида, майдон шаҳсуорлари пойгасида баён улоғини доимо олиб юрган одам ўз шогидлари уҳдасидан чиқа олмай юрса! Ана шармандалиқ, ана расволик. Шундай тадбир қўлласам: ўзимни ёлғондан касалга соламан. Сизларни бир неча кунга бекор қўядиган бўлдим, деб ўлар олдида узр сўрайман.

Талабалар у кишининг ҳузурига келгандага ва жузвларини очганларида мавлона деди:

— Азизлар, неча муддатдин бери мен ўзимни лоҳаз ва ташвишли сезаман. Хотиримга ўзимни бир тозалаб

олишим лозим, деган ўй келди. Акс ҳолда, касал чўзи-
либ кетиши мумкин. Қасалнинг келиши осон, кетиши
қийин. Толиби илмлар деди:

— Махдум! Худо хоҳласа, зоти шарифингиз ва латиф
унсуурингиз касалликдан поклангуси.

— Қирқ кун мубоҳаза лозим,— деди мавлоно.

Мавлононинг уйидан чиқишлари билан ҳазрати мав-
лоно Жомий дедилар:

— Эй азизлар! Маҳдумимизга нима бўлганини сез-
дингизми?

— Йўқ.

— Мавлононинг касали бизлармиз. Бизлардан чар-
чадилар. Ҳеч илож тополмай, бизларни бир неча кунга
бўш қўядилар, ўзларига келадилар.

Кейин илгаригидек дарс берадилар.

— Вақтимизни зое ўтказишидан ҳеч маъно чиқмай-
дику,— деди қолганлари.

— Шундай қилиш керакки, биз ҳам машғул бўлай-
лик. Вақтимиз нақдими пасткашлар оёғи остига сочмай-
лик.

— Бу шаҳарнинг бирор мударриси дарсига кириб,
савол-жавоб қилиш лозим,— деди мавлоно Довуд. Ҳаз-
рати мавлавий Жомий дедилар:

— Қайси мударрис бизнинг мунозара ва мубоҳаса-
мизга чидай оларди? Булар орасида эш билимдони ва
йириги мавлоно Баҳрободийдир. Ҳаммаларингиз бор
эдингиз: ўз отаси таъзияси куни Хожа Исмоил Ҳисорий
 билан баҳслашганида. Маслаҳат шуки, биз ҳам иттифоқ
 бўлиб, қуръа ташлаб, ҳар кун бирортамиз мударрислик
 қиласиз.

Шу қарорга келишиди. Бодғисак мавзеъидаги Мали-
кон масжиди жомеъси дарс жой қилиб белгиланди. Ӯша
 ерга бориб қуръа ташлашган эди, мавлавий Жомий
 номига тушди. Шу куни у киши дарс ўқидилар. Шунда
 дарс ўқийман деб хаёлга ҳам келтирмаган эдилар.

Қирқ кун давомида ҳар кун уларнинг бирни мудар-
рис бўлди. Шу давр мобайнида Мир Сайид Шариф
 кеча-кундуз мутолаа қилди. Шогирдларидан устун чиқар
 даражада далиллар ҳозирлади. Қирқ кун ўтди. Мавла-
 вийнинг хотири жамъ эди. Чунки, етарли нарсани кўриб
 улгурган, бир йилга етарли мубоҳаса далили тўплаган
 ва бу билан шогирдларимни енгиб, мағлуб этаман,
 деган хаёлда эди. Мавлавийнинг Фаттоҳ исмли ғуломи
 бор эди. Унга, бор талабаларни тўплаб кел, деди.

— Уларни қаердан излайин?

— Мирзо Рустамнинг ёки Мирзо Баҳодирнинг шаробхонасидан.

Гулом Ҳирот чорсусига етган эди. Шу куни маҳдумлар биргаликда Ҳиротнинг Пир ҳаммомига тушган эдилар. Ҳаммомдан чиққанларида Фаттоҳ етиб келиб, уларга мавлавийнинг гапини айтди. Улар шу ердан тўғри мударриснинг уйига келиб, у кишини зиёрат қилдилар ва шавқу завқ кўз ёшлари билан меҳру муҳаббат саҳифаларини безадилар. Мударрис; маҳдумлар бугун сабоқни бошлаймиз, деди.

Алқисса, ҳамма жузвондонларини олди. Савол-жавоб бошланди. Мавлавий қандай масалани ишонч билан ўртага ташламасин, оғизларидан чиқиши ҳамоно ҳарифлар уни чақиб ташлайвердилар. Мавлоно Ҳамсан мутаҳаййира қўлида ҳайратда қолди. Деди: «Эй азизлар! Мисра: Яширин ногора урмоқ истадим, тогорам томдан тушиб кетди. Мен касал эмас эдим. Сизларнинг камандингиз сарпанжасида ожиз бўлдим. Сизларга сабоқ айтиш уҳдасидан чиқа олмадим. Шунинг учун тадбир қилиб эдим. Энди билингларки, тўртинчи осмон шоҳбози қуёш ўзининг ложувард ошиёнасидаги парвози жойидан то мағриб дарёсида пар урадиган жойигача бирор одам сизларга бирор илмдан дарс бермайди. Боринглар, қаерни кўнглингиз тиласа шу ерга бориб дарс бераверинглар».

Мавлавий ҳузуридан чиққанларидан кейин мавлоно Жомий ишқ ва тасаввуф водийсига шўнғидилар. Мавлоно Шайх Ҳусайн ва мавлоно Муъин Туний таҳсил ва мутолаага машғул бўлдилар. Мавлоно Довуд Султон Маҳмуд ибни Султон Абусаъид Мустанд садрлигига сайланди. Мавлоно Шамсуддин соҳиби кашф Султон Абусаъиднинг садри бўлди.

Айтишларича, мавлоно Шайх Ҳусайн шу даражада жидду жаҳд кўрсатдики, илмлар эшигини очолди, катта шуҳрат топди. Мубоҳаса ва мунозарада бирор киши унга ҳарифлик қилолмасди. Қайси мударрис дарсига бормасин ўшанинг илму фазилати биносига дарз кетарди. Мударрислар тўпланишиб маслаҳат қилдилар: жуда ҳам мушкул ҳолатдамиз. Мавлоно Муҳаммад Жожармийнинг шогирди шу даражага етибдики, шаҳарда ҳеч кимнинг у билан баҳслашувга мажоли қолмади. У барча донишманлар ор-номусига путур етказиши мумкин. Нима

маслаҳат берасизлар? Баъзилари уни девоналик ва ақлдан озганликда айбласак, унинг чуқур маъноли гапларини алжираш ёки маъносиз деб эълон қилсак, уни чеклаб қўйган бўламиз, деди. Шундай қилишга қарор беришди.

Мавлоно Шайх Ҳусайн оғир аҳволда қолди. Бир йил давомида у одамлар билан тўғри муносабатда бўла олмай юрди. Охири у барча ёзган китобларини бир қопга солиб, ҳаммолга орқалатди-да, шаҳар боғи томон йўл олди. Бу ерда Султон Абусаъиддинг девонхонаси жойлашган эди. Акобиру аслзодалар, фозилу шоирлар тўпланиб туришган экан. У ҳаммолга қопни арзи додга келувчилар ўрнига қўйгин, деди. Акобир қараса уларнинг ҳарифи келмоқда. Журъат қуши улар баданида чала сўйилган қуш каби патирлай бошлади. Бир-бирлагрига ишорат қилдилар. Улар кемаси энди ҳайрат гирдо-бига қолган эди. Подшонинг кўзи унга тушиб, ясовулига деди: сўрагин-чи, қопидаги нима, ўзи ким?

Мавлоно тиз чўкиб деди:

— Шоҳим, сиз шундай подшоҳдирсизки, мағрибу машриқ оламида доду адл, донолигу мушкулкушоликда сизга монади йўқдур. Бугунги кунда пойтахtingизда менга зулму ситам етмоқда. Бундай зулмни фаранг кофиристонида ҳам учратиш мушкул. Бу ўлтриган уламо сиз кўриб турган мана бу китоблар туфайли эътибору эъзоз топди. Камина бу китоблар юзасидан шу мударрисларга ҳақли равишда дарс ўқийман. Буларнинг кўпи менинг сўзларимга тушуммаганликлари сабабли шундайин иззату ҳурматда, мен эсам азобда, фалокатда.

Подшо:

— Эй, шайхулислом! Мен дину ислом масалаларини сизнинг тажрибали ва доно ихиёрингиз қўлига топшириб қўйганман. Бу агар рост сўзлаётган бўлса, ҳолингизгавой! У ёлгои сўзлаётган бўлса — унинг ҳолига.

Шайхулислом муллозодаларга хитоб қилиб деди:

— Сиз нима дейсиз?

Улар бир овоздан:

— Бизнинг пешвомиз ва раҳбаримизсиз. Не десангиз шуни тўғри топамиз!

Шайхулислом:

— Шоҳим, биздан қусур ўтган. У тўғри айтди, деди. «Бунинг тадорикини ўзим кўрурман», деб шоҳ ўрнидан

турди. Мажлисдагилар тарқаши билан шайхулислом мавлоно Шайх Ҳусайнни бағрига босиб, устидаги сақарлат чакмонни унинг кифтига ташладилар; ўз дасторларни унинг бошига қўйдилар; ўз отларига миндириб, муллаваччалар билан қалъа этагидаги Мирзо Шоҳруҳ мадрасасига олиб бордилар. Шайх Ҳусайн минбарга чиқди ва дарс ўқиди. Барча муллалар, аслзода ва аҳоли сукут мўҳрини оғизларига олганча тингладилар. У деди:

— Биз подшо мажлисида овозимизни баланд қўйдик. Буни лофу казофга йўймасликларингиз учун шуни айтмоқ истайманки, бу муборак мадраса биноси шаксиз гилу ғиштлардан қурилгандир. Мен сизларга унинг нуқра ва тиллодан қурилганини исбот қила оламан. Ким агар, ўқ, у нарсалардан эмас, деб монелик қилса, унга исботлаб бераман.

Ҳеч ким унга қарши бир оғиз гапирмоққа ботинолмади. Бу мажлис кайфиятини подшога етказдилар. Подшо унга маҳлиё бўлиб, ўз мулозими қилиб олди. Ҳатто мамлакатнинг ва шариатнинг бутун муҳим масалаларини ҳал этишда унинг таъсири кучайди. Айтишларича, у туфайли ҳамма дарсларни қолдирмасдан, шуғулланадиган бўлган.

Унинг талабалари орасида энг илғори мавлоно Раис эди. Бир марта мавлоно Раис узоқ сафарга кетади. Шу муддат мобайнида мавлоно мударрис унинг ҳамсабоқларига мутолаа қилмасдан дарс берган. Мавлононинг фуломи мавлоно Раисни бир куни бозорда кўриб қолади. Намозшомда, мавлоно мутолаа билан банд пайти фулом, мен Раисни бозорда кўрдим, дейди. У киши дарҳол ўринларидан туриб, ўқиётган китобларини йиғиб тоқчага қўйдилар ва мавлоно Раисга ўқитиладиган китобни олдилар.

Мавлоно Раис мавлавийни ҳолдан тойдирган эди, савол-жавобга йўл қўймасди. Иш шунгача бордики, мударрис ўз шогирдларига айтиб уни урдириди ва изо берди. Мавлоно Раис дарсни тарқ этиб, шаробхоналарда юрадиган бўлди.

Бир куни мударрис дарс ўқир экан, етакчи шогирдларидан бир гуруҳи кечикиброқ келишди. Мавловий кечикиш сабабини сўрадилар. Улар, биз Хиёбонда бўлган эдик; оломон шовқини эшитилди. Сўрасак, Абдураҳмон Чалабий Румдан қайтибди, дейишди.

Мавлавийнинг шогирдларидан бир нечаси Румга

борганда у билан учрашган, мавлавий ишларидан сўра-
ганда бўлган гапларни сўзлаб берган эдилар. У ажаб-
ланиб: «Рост айтинглар, у сизларни ранжитадиган иш
қилдими? Сизлар унга фириб бергансизлар. Мулло ва
донишманд бир кишини масхара ва бемаънига чиқариб-
сизлар-ку?! Бу қандай гап бўлди, художўй одамни-я?!»
деган эди. Бу гапларни келиб мударрисга айтган эдилар.
Мавлавий ундан қўрқиб юрган эди. Ҳазрати мулло-
га бу хабар келгач, ўзини йўқотиб қўйди. «Нимадан
чўчиб юрган бўлсан, шунга дучор бўлдим», дедилар
ўз-ўзларига.

Ўйларига келиб, баъзи эътиборли шогирдларига
дедилар:

— Эй ўғилларим! Ниҳоят номус билан яшадим.
Бугунги кунда номусим пардаси йиртилур, деб қўрқар-
ман. Сиз эшиятган ва менга айтган одамларингиз ғаним-
дир. Шогирдлардан бири:

— Эй маҳдумлар! Мавлоно Раисдек шогирд ва му-
лозим турганда Чалабийгина эмас, балки Абу Али ва
Афлотун бўлмайдими? Мисра: «Бадмастни соқи ғамза-
сига ҳавола қил».

Мавлавий дедилар:

— Раис мендан ранжиб, дарсимга келмай қўйди.

— Маҳдум! У сизнинг одамингиз. Унинг қулоғидан
тутиб, ҳузурингизга келтиришим ҳеч гап эмас!

У мавлоно Раисни шаробхонадан топиб, ҳазрати маҳ-
дум сени йўқламоқдалар,— деди.

— Чалабий келмагунча Мавлавий мени ёдига ҳам
олмади. Эндими?..

— Бемаъни гапларни қўй, Мавлавий валинеъматdir.

Мавлоно Раисни у мударрис ҳузурига олиб келди.
Мударрис:

— Эй ўғлим, худо ҳаққи! Сенга нисбатан қўполли-
гим шафқату мурувватдан эди, — деди.

— Маҳдум, хотирингиз жамъ бўлсин. Сизнинг олий
ҳимматингиз олдида Чалабийни шарманда қилурман...

Эртаси куни шаҳарда: Чалабий мавлоно Шайх Ҳусайн
ҳузурига келармиш, деган овоза тарқалди. Хуштабиат
нозикфаҳмлар бундай мажлисни орзиқиб кутдилар.
Мавлононинг дарс ўтиш муддати аниқ бўлгач, Чалабий
бир гуруҳ хуштабъ шогирдлари билан унинг дарсига
кириб келди. У ҳайбат ва салобат билан киргани учун
мавлавийнинг қути ўчиб, тавозеъ билан югуриб бориб,

таъзим қилди, ҳурмат билан кутиб олди. Йўл ва сафар ранжларидан одат бўйича сўради. Иттифоқо, мавлоно Али Қушчининг «Шарҳи тажрид» асари турган эди. Ҳазрати мавлавий дарсни қолдириб, Чалабийни меҳмон қилмоқ истадилар. У бўлса:

— Махдум, йиллар бўлди, дарсингиз эшитиш орзуисида эдим. Албатта, иноят қилиб, шу фойдадан мени дориғ тутманг!— деди.

Мавлоно Раис дарсга кечикироқ келди. Мавлавийнинг кўзи унинг йўлида эди. Ўзларини ноқулай сезаётганлари шу туфайли эди. Охири баҳс вужуди баҳсга келди. Бу борада мавлононинг гаплари кўп эди. Шундан бошлаган эдилар Чалабий у кишининг сўзини бўлиб, деди:

— Махдумлар! Рум вилоятида талабаларнинг баъзи-си Хуросондан бориб, шогирдларингизга алоқадор гап етказишиди. Мен сизнинг хос таъингиз, фазилатларингиз, иш ва ютуқларингиздан сўрадим. Толиби илмлар табъининг ярамаслиги шундаки, ўша бўлмағур гапни етказишиди. Бу менга оғир ботди. Маълум бўлдики, ўша талаба воқеасини тўғри айтишган экан. Бу қандай бемаънилик ва масхарабозлик. Ҳеч бир қулоқ эшитмаган гап.

Мавлоно Шайх Ҳусайн шу қадар мулзам бўлдики, ўзини лочин қўлига тушган кабутардек сезди. Шу орада мавлоно Раис дарсга кириб келди. Чалабий келганда мавлоно қай ҳолга тушган бўлса, Чалабий ҳам шундай ҳолатга тушди. Мавлоно Раис: «Бу камина махдумлар савол-жавобидан ғофил қолибман», деди. Мавлавий қисқа қилиб тушунтириб берди. Мавлоно Раис деди:

— Агар мавлоно Али Қушчи бу сўзларни эшитгудек бўлса, ўз ёзганларини ўзгартирган бўлурди.

Хуллас, Чалабий ва мавлоно Раис айтишиб қолдилар. Чалабий енгилди. Аммо мажлис аҳлининг унга раҳму шафқати маълум бўлди. Шунда мавлоно Раис деди:

— Эй Чалабий, нимангиз билан мақтанаисиз? Шармандалил байроғини кўтардингиз. Биз сизни толиби илм хаёл қилиб юардик. Айни забун ва ғариб одам бўлдингиз.

Хуллас, Чалабий шундай бир аҳволда мажлисдан чиқиб кетдики, уни шарҳлаш қийин.

Бу ҳикоят сўнгига етгач, ул олиҳазарат... деди: Абдул-

восеъ Жабалий ҳакида Шоҳруҳия яйловида бир ҳикоя бошлаган эдингиз. Бир сабаб бўлиб, охирига етмаган эди. Шуни бошидан гапириб берсангиз.

Мен ҳикоя бошладим.

Султон Маҳмуд Фазнавий билан Ҳасан Маймандий ўртасида узоқ муддат мубоҳаса ва мунозара бўлди. Султон Маҳмуд қобилият ва истеъдод одамда зотийдир, табиатида туғма бўлади. Мураббийнинг саъӣ ва харакати натижасида юзага чиқади, дерди. Ҳасан Маймандий бошқача фикрда эди: «Одам канча ноқобил ва бесалоҳият бўлса ҳам мураббий тарбияти ва ғамхўрлиги туфайли истеъдод топади».

Бир куни ҳар иккиси ширкорга чиқди. Лашкардан ажralиб, йўллари бир тоғ ёқасидан тушли. Султон Маҳмуд қараса, бир одам тоғ тепасидаги бир ёнгоқ дарахти шохига миниб олиб, ўша шохни тагидан арраламоқда. У Ҳасан Маймандийга деди:

— Кибру ҳавони йигиштириб, мана бу дарахт тепасига боқ. Бу одамни мушоҳада қилиб кўр. Инсоф билан айт-чи, шу одамга тарбия қандай таъсир қилсон?

— Агар тарбият топса, шу бўлишида ҳам олам нодири бўлади!

Султон Маҳмуд ғазаб билан:

— Сен шу одамни тарбия қил. Кўрамиз, қўлингиздан нима келаркин!— дедиую қайтиб кетди.

Ҳасан ҳалиги одамга овоз қилиб, пастга туш, деди. Сўради:

— Номинг нима?

— Абдулвосеъ Жабалий. Кўҳистонликман. Шаҳарга ўтин ташиб сотаман, шу билан тириклилик қиласман.

Ҳасан навкарларига буюрди, уни отга миндирдилар. Келтириб, ўз мулозаматидаги шоир ва фозиллар ихтиёрига топширди ва деди:

— Мен билан Султон ўртамиизда шундай баҳс бўлди. Ердамингиз туфайли менинг айтганим чиқиб, шу одам бўлса, мен сизларни бадавлат ва риоя қилгум. Бу одам билан асло насрда сўзлашманглар. Нима ҳақда бўлса ҳам ўзаро назм ва вазнла сўзлашинглар.

Маълум муддати ўтди. Саҳро сайдига чиқишиган эди, пахта пайкалининг чеккасида бир тую турганини кўрдилар. Адулвосеъ деди:

Уштуро, қажгардано, донам чи хоҳи кардано.

Гардан намуди каж магар панба бихоҳи кандано.

/Эй эгри бўйин тая, нима қилмоқчи эканлигингни биламан. Гарданингни хам қилиб пахта юлмоқчисан./

Шоирлар буни эшитиб, гоят хушҳол бўлди. Ҳасанинг олдига келиб воқеани батафсил гапириб бердилар. Ҳасан шоирларга катта инъомлар қилди. Буюрди; ўша байтни йирик ҳарфлар билан ҳаммом иссиқхонасига, Султонга кўринарли жойга ёзиб қўйдилар. Султон ҳаммомга кириб, сартарошни чақирди. Соқолининг томоғи остидаги мўйларини тарошлаётганда султоннинг кўзи ўша байтга тушди. Ўқиди: «Уштуро, кажгардано, донам чи хоҳи кардано». Сартарош «донам чи хоҳи кардано» сўзларини эшитиб, қўли қалтиради, қўлидаги устара ерга тушиб кетди. Султон буюрди. Уни ҳибсга олдилар. Үндан, ростини айт, нега қўлинг қалтиради ва устара қўлингдан тушди, деб сўради. У айтиб берди:

— Жоним билан. Султон амирлари иттифоқ бўлиб, султоннинг укаси билан тил топишиди. Мени йўлдан уриб, агар Султоннинг бошини олсанг, сенга эътибор қилурмиз ва бошингни Кайвондан ҳам оширурмиз, дедилар. Мен шу ишга қасд қилиб турганимда Султон: «Донам чи хоҳи кардано!» деб житоб қилдилар. Мен Султон бу гапдан огоҳ экан, деб хаёл қилдим. Қўлимнинг қалтирагани шундан.

Султон худога минг карра шукурлар айтиб, бубайт кимники? Менинг жонимни сақлаб қолди, деди. Ҳасан Маймандий тиз чўкиб, Шоҳим, бу байт ўша дарахт шоҳига миниб, уни кесмоқчи бўлган кишиники, деди.

Султон Маҳмуд Абдулвосеъни ўз ҳомийлигига олди. Унинг иши шу қадар ривож топдики, Султон мадхига чор дар чор услубида қасида ёзди. Ҳазрати мавлоно Жомий ўзларининг «Баҳористон» асарида: «Шу қасида ёзилганидан бери ҳеч ким унга жавоб ёзиш уҳдасидан чиқа олмади», деб ёзган әдилар.

СУЛТОН ХУСАЙН МИРЗОНИНГ ХУРОСОН ВИЛОЯТИДАГИ ВАЗИРИ НИЗОМУЛМУЛК ҲАВОФИЙ ҲИКОЯТИ

Бир куни Шоҳрухия чорбогида бир гуруҳ шоиру фоизиллар ҳазрати Султон мулозаматида ҳозир әдилар. Ҳазрат каминадан марҳум Султон Ҳусайн мирзонинг вазири Низомулмулк ҳақида сўрадилар.

Машҳурдирки, вазирлик боғида ҳаргиз у каби сарв кўкармаган ва амирлик гиламида унингдек бирор сарвар ўлтирган. У ўз нисбатини улуғ пайғамбар саҳобаларига боғлар экан, Аббосийлар сулоласига мансубман деркан. У ўз шажарасини ёзиб, мавлоно Нуридин Абдураҳмон Жомий ҳузурига олиб борибди. У ҳазрат ўз муборак номини унга чекишдан ибо қилибди. Хожа Низомулмulk махдум ҳузурига келиб, кўп илтифот кўрсатса ҳам кўнмай, ул ҳазрат зарофат юзасидан бу руబойни ёзибдилар ва ўша шажарага қўшиб қўйишни сўрадилар:

Онроқи бувад нури наби дар башара,
Ҳожат набувад ба тувлу арзи шажара.
Вонро ки эи руҳ натобод ин нури сара,
Шажара надиҳад ба ғайри лаънат самара.

/Юзида пайғамбарлик нури бўлмаса, узундан-узун шажаранинг ҳожати бўлмайди. Бундай тоза нур унинг юзидан тобланиб турмас экан, бундай шажара лаънатдан бошқа самара бермайди.

Подшо ўз хослари билан осмон мартабали саройида ўлтирап эди. «Юрак лаъл» ҳақида гап кетди. Фалакнинг Бадаҳшон конидан офтоб қизил лаъли чиққан замондан буён бирор киши у каби лаълни кўрмаган. У қўй юраги катталигида бўлиб, унга ўн саккиз ҳукмдорнинг номи чекилган эди. Мирзо Бобир Қаландар уни ўғирда туйдирив. ўз одамларига маъжун тайёрлатган экан.

Султон Ҳусайн мирзо дедилар: менинг салтанатим дуржида шундай бир лаъл борки, бирор бошқа подшо хазинасида бўлмаган. Хослардан бири сўради:

— Шоҳим, биз ҳеч бир эшитмаган эдик-ку.

У лаълнинг вазни қанча?

— Хуросон тоши билан таҳминан олтмиш ман келади.

Барча ҳайратда қолди. Шу аснода Хожа Низомулмulk пайдо бўлди. Подшо: мен сизга таъриф қилган лаъл мана шу, деди.

Дунёнинг ҳақсизлиги ва подшолар бевафолигини кўрингки, шунда йил лаълни каҳрабога айлантиридилар!

Подшо доимо айтиб юаркан: Низомулмulkнинг катта ўғли Камолиддин Ҳусайн менинг ўнг кўзим; унинг кичик ўғли Амидулмulk менинг чап кўзимдир. Камолиддин Ҳусайн яхши шеър ёзар ва тушунар эди. Шеърият

суҳбатида ҳам илғор. Бирор мажлисда шоирлар ё фозиллар шеър мазмунидан гап бошласалар ва у сўзга кириши гудек бўлса ҳамма сукут мўҳрини оғзига солиб оларди.

Низомулмулк, унинг икки ўғли, жиянлари Имодиулислом ва Низомиддин Курд, Хожа Абдулазиз, Хожа Маҳмудшоҳ Фараҳийларнинг қатл этилишига қуйидаги ҳодиса сабаб бўлган эди. Султон Ҳусайн мирзонинг набираси, Бадиuzzамоннинг ўғли Муҳаммад Мўъмин мирзо Астрободда ҳоким эди. Ҳадичабегимнинг қутқуси билан Астробод ҳокимлигини Султон Ҳусайн мирзо унинг ўғли Музаффар Ҳусайн мирзога берган эди. Музаффар Ҳусайн мирзо Астробод устига қўшин тортганда Муҳаммад Мўъмин мирзо унга қарши чиқди, аммо енгилиб, ўзи асир тушди. Шу пайт у қуидаги матлаъни ўқиди:

Манам-аз тийғи ман бас беша холи аз ғазанфар шуд,
Фалак ёри накард, эй дўстон, душман Музаффар шуд.

/Тийғимдан ўрмон шерлардан холи эди. Эй дўстлар, фалак менга ёрлиқ қилмади, душманим Музаффар бўлди, яъни енгди).

Ўшанда Мирзо Мурғоб дарёси бўйида чодир тикиб ўлтирган эди. Музаффар Ҳусайн Мирзо Муҳаммад Мўъмин мирзони Ҳиротга жўнатди. Ҳиротга хабар етиши билан хотин-қизу эр, оқу қора, ёшу қари барча халқ шаҳардан тўрт фарсах масофада бўлган Пули Солор бўйига унинг истиқболига чиқди. Шаҳзодани Ихтиёридин қалъасига қамадилар. Қалъа кутволи Бибimuҳиб Чангий эди. Халойиқнинг бу издиҳомини Султон Ҳусайн мирзога етказдилар. У Хожа Низомулмулкка маслаҳат солди:

— Ҳазрат, халқ издиҳом қилибдур, нима маслаҳат берурсиз? Хожа деди:

— Лашкари бад аҳди пароканда беҳ,
Рахнагари мулк сарафканда беҳ.

/Ёмон лашкарни тарқатмоқ авло. Мулкни бузувчини ўлдирмоқ авло/.

Мирзо мастилик ҳолида буюрди. Бибimuҳибга бир нишон ёздилар; муболага қилиб, нишон етиши билан пайсалга солмай Муҳаммад Мўъмин мирзони камон ипига тортиб, йўқлик чиллахонасига жўнатгайсизлар, деб

ёзилди. Нишон етиб келганда ярим түн эди. Кутвол буйруқни бажарди.

Эрта тонгдан Мўъмин мирзонинг қатл этилгани хабари шаҳарга тарқалди. Шаҳар аҳли қиёмат кун бўлгандек қўзғолиб, хотин-қизу эркак ҳаммаси кўк кийдилар. Боғи Зоғон яқинидаги Боғи Навда таъзия уюштирилар. Хурросон шоирлари марсиялар ёзди. Замоннинг етакчи шоирларидан Гулханий Астрободий қўйидаги қитъани ёзган эди:

Бозори зулм боз ривожи дигар гирифт,
Зон кофире, ки Мўъминни динро шаҳид кард.
Онжо Язид омаду кори Ҳусайн соҳт,
Инжо Ҳусайн омаду кори Язид кард.

/Дин Мўминини ўлдирган кофирилар дастидан зулм бозори бошқача тарзда қизиди. Йилгари Язид келиб Ҳусайнни ўлдирган эди. Бу ердаги Ҳусайн Язид ишини қилди/.

Боғ ўртасида бир санубар дарахти бор эди. Унинг соясига минг одам сиғарди. Шунинг устидан гулхан ёқдилар. Шоирлар унинг атрофида жам бўлиб ўлтирилар. Гулханий бу матлаъни ўқиди:

Офтоби ман ба зери хожу ман шаб то саҳар,
Хок бар сар мекунам, то офтоб ояд бадар.

(Офтобим тўпроқ остида, у кўрингаймукин, деб кечадан тонггача устимга тупроқ сочганим сочган).

Буни эшитган шоирларнинг ҳаммаси наъра тортиб йиғлашга тушди. Одам Ато вафотидан буён шу кунларгача ҳеч бир шоир бу қадарли матлаъ айтмаган эди. Мен ўшандада ўн уч яшар бола эдим. Қариндошим мавлоно Амонийга дедим:

- Бу қандай бемаъни матлаъ бўлди.
- Ҳой, жим бўл, сени расвойи жаҳон қиласи у.
- Халиги одам келиб:
 - Эй, мавлоно Амоний, бу йигитча нима демоқ-да?— деб сўради. Мавлоно Амоний:
 - Сизнинг бу матлаънгизни таъриф қилиб, қандай латиф айтилган матлаъ!— демоқда.
 - Бу байтнинг латофатини у қаёқдан билсин!
Мен тиз чўкиб, дедим:
 - Бу байтингиз латофатини тушунмасам ҳам, қабоғатини билдим!

Шу сўзимни эшитиши билан ҳамма тағбоғ кўтарди. Мен эътироғ билдирам: азизлар, бир нафас қулоқ тутиңг, фикримни тушунтирай... Бу кишининг байти: «Кечадан тоңггача офтоб чиқармикин, деб қуръон ўқийман», дегандай гап-ку! Оқил хуштаъблар наздида бунинг бемаънилиги аён. Эй, мавлоно Гулханий, сиз шаҳзода хокини устимга сочаман, демоқдасиз. Нима, сиз наббош, яъни кафан ўғрисими, шаҳзода жасадини очасиз? Халқ яна фифон кўтарди. Мен бу матлаъни қўйидагича тузатиб айтган маъқул дедим:

Офтобам зери хоку шаб мане хунин жигар,
Хок бар сар мекунам то офтоб ояд бадар.

(Офтобим ер остида, менинг жигарим қон, Бошимга тупроқ сочаман, у чиққайми деб.)

Гулханий ёнига қўл тиқиб мавлоно Султонали Машҳадий учун тайёрлаган ўз девонини менга тортиқ қилди. Ўтирганлардан менинг шаънимга фотиҳа ўқишини илтимос қилди. Шу билан у ўзининг хижолатини яширди.

Мұҳаммад Мўёмин мирзо фожиасидан сўнг подшо Хожа Низомулмулк кийнасини дилида туғиб юрди. Уни яқинлари билан қўлга олиб, Ҳиротдаги Ихтиёриддин қалъасига юбортирди. Бир ой ўтгач, Мир Абдулхолиқ ибни Амир Ферузшоҳга нишон келди: Низомулмулкнинг икки ўғлини қалъа ичида боши олиниб, пўстига сомон тиқилсин. Низомулмулкнинг дарвоза кўприги устида пўстти шилинсин. Низомиддин Курд ва Абдулазизнинг пўстти қалъа этагида, Хожа Имодулисломники Сарбозорда, Хожа Маҳмудшоҳ Фараҳийники Чорсу бошида шилинсин!

Нишон етиб келган кун камина отам билан қалъа ичкарисида эдим. Эрта тоңг. Хожа Низомулмулк бомдод намозини, қандайдир вирдларни ўқир эди. Нишонни унинг қўлига тутқаздилар. Уни ўқиб осмонга боқиб, шундай оҳ чекдики, салобатидан қалъа деворлари ларзага келди. Ўғилларини чақириб, нишонни кўрсатди. Иккаласи ҳам уни ўқиб беҳуш йиқилди. Хожа Низомулмулк деди:

— Жоним фарзандларим! Амирулмўйминин Ҳусайн ва Қарбало даштини, уларнинг етмиш икки нафар ўғилу қариндошлари, пойғамбарлар аҳволини эсланг! Олға боқинг! Юраксизлик, чидамсизлик қилманг, сабр қилсангиз савоб топгайсиз!..

Лкаси деди:

— Эй худо! Олдин менинг жонимни олгин! Укамнинг ўлимини кўрмайин. Сиз-ку каттасиз, тоқат қилолмасан-гиз, мен нечук тоқат қилурман! — деди укаси.

Алқисса, ҳар бири бирорининг устига ўзини ташлаб, уни сақлаб қолмоқ истади. Охирида иккаласини ўлдириб, пўстига сомон тиқиб, Малик дарвозаси тепасига осиб қўйдилар. Буларнинг ғаними Хожа Афзалнинг ўғли фоят юзсиз одам эди; отга миниб дарвозадан кирди ва мурдаларни томоша қилиб чиқиб кетди. Хуросон зарифларидан Шоди гўяиданинг ўғли шу ерда унга деди:

Нега қарайпсан, сомони бор учунми? Улар ҳануз ҳам сендан авлороқдирлар!..

Маҳмудшоҳ Фараҳийнинг ўлдирилишига ҳалқ тамоман норози эди. Бунинг учун подшони ҳалқ кўп койиди, қарғади. Зотан, у карому саховатда, хушхулқ ва жавонмардликда Муҳаммад уммати орасида ягона эди. Фараҳ вилоятида ҳар намозгар жар чақиртириб, ҳамма мусофири ғарибларни Хожанинг Пушту қишлоғидаги ўйига тўплардилар; ҳар кеч ҳеч бўлмагандан бир навбат ўн ҳарвон арина мөҳмонлар улови учун сарф бўларди. Бу одат жуда машҳур бўлиб кетган эди.

Султон Ҳусайн Бойқаронинг ўғли Бадиuzzамон мирзо отасига қарши чиқсан пайтлар Хожа Маҳмудшоҳнинг ўйига тушар эди. Хожа ўйида бўлмагандан Мирзо унинг мөҳмонхонасида тунарди. Хожанинг ўйидагилар у келгандан икки минг тавақ моҳича тортар эди. Атрофдан йигилган ҳалқ буни кўриб ҳайратда қоларди.

Хожанинг ўлимидан кейин мен Сайистон вилоятига бордим. Хожанинг ўйига тушдим. Унинг Сулаймон номли бир вакили бор эди. Барча ишни шу бажарар эди. У деди: «Бадиuzzамон мирзо мөҳмон бўлганда ҳамма нарсани мен тайёрлаган эдим».

Гап шундаки, Хожанинг қишлоғи Пуштуда минг ўйлик аҳоли бор. Бадиuzzаман мирзо келармиш, деб эшитишим билан ҳар хона икки тавоқдан моҳича ёйиб, тайёрлаши керак, деб хонадонларга хабар бердим. Шунга яраша бошқа нарсаларни тайёрлади.

Подшо келиб тушиши билан томга чиқиб ногора чаламиз. Ногора чалиниши белги эди. Ҳамма моҳичаларини қозони билан келтиради. Шу тарзда кутиб олдик. Бунинг тадбирини тушунмаганлар ҳайрон эди.

Хожа Сулаймон шундай ҳикоя қиласиди: Бундан ҳам

ажойниб, гаройибини гапириб бераман. Бир кун шу Сиз ўлтирган ўринда Хожа бор эдилар. Мен у кишининг рўбарўсида шатранж ўйнардим. Мехмонхона эшигидан бир соҳибжамол йигит кириб келди. Унинг ортидан таркаш ва шамшир осган сипоҳи кирди. Хожа уларни дастурхонга таклиф қилди. Боварчи овқат келтирди. Одам кўп эди. Хожа олдин шу йигит билан сипоҳий олдига ош қўйишни буюрди. Ҳамма таомга қўл узатганда ҳам йигит индамай тураверди. Хожа, зоҳирон, бу таомдан шубҳангиз борга ўхшайди. Зероки, биз деҳқон одамлармиз. Зироатда ҳам эҳтиёт сақлаймиз, дедилар.

Йигитнинг қўзидан ёш оқа бошлади...

— Эй Хожа, ғариб ҳолга тушганман. Ижозат бўлса арз қилсам.

Хожа қўлига пичоқ олди. Қолганлар ҳам шундай қилдилар. У деди:

— Мен ироқлик хожазодаман. Оллоҳ ҳукми билан бир хато иш қилиб қўйдим. Мастилкда икки кишини ўлдирганман. Хунталаблар мени тутиб, шариатга мувофиқ қотиллигимни исбот қилдилар. Подшо ва Ироқ аъёнлари орани келиширишта ва хун пули тўлашга қанчалик уринишмасин, кўнишмади. Мени бир киши ихтиёрига топширганларида у мени қочириб юборди. Ҳурносонга келиб Амир Муҳаммад Бурундуқбарлосга навкар бўлдим. Олти ой ўтгач бу йигит балойи ногаҳоний янглиғ Ироқдан ҳукмнома билан келди ва ўз даъвосини айтди. Хун пулига рози бўлди. Султон Ҳусайн мирзо амирлари беш минг танга инъом бермоқ бўлдилар. Аммо пасткаш одамлардан садақа олишга кўнглим ёр бермади. Бир киши менга бу мушкулни Хожа Маҳмудхожа Фараҳий ҳузурида еча оласан, деди. Бу йигитдан илтимос қилишиб, бу томон келишга кўндиридилар. Бу томони сизнинг ҳукмингизга ҳавола.

Хожа буни эшитиб кулдилар-да, дедилар:

Эй, хожазода! Мен бир деҳқон бўлсан, экин эксан, хосилини фуқаро ва мискинлар билан баҳом кўрсан. Ўзингиз ўйланг, Султон Ҳусайн мирзо саройидаги қудратли амирлар ҳал қила олмаган мушкулни мен нечук еча олурман?

Йигит навбаҳор булути каби кўзёши тўка бошлади. Хожа кулиб хожазода, таом енг. Ишооллоҳ, бу ишингиз битгуси, дедилар. Таом едилар. Кейин Хожа ўз девони аъзоларини чорлади. Давот ва қалам олди-да, ёза боди.

лади. Шунчалик кўп ёздики, девон охири чидаёлмай, маҳдум, ёзганингиз мөъеридан ошиб кетмадими? Бир ҳисоблайлик, деди. Хожа эътиroz билдири:

— Эй, фалон, турфа иш қилдингми? Мени карам во-дийсидан узоқлаштириб юбординг-ку! Мени тушкун ҳолга солдинг. Энди қизишган эканман. Унинг этагиу қўйни ни тўлдирмоқчи эдим, қўймадинг.

Ҳисобласалар эллик минг танга бўлибди. Ўн беш минг тангани хун ҳақига ажратдилар; беш мингини — муҳас-силга, беш мингини — унга ҳамроҳ бўлиб келган беш навкарга, қолган йигирма беш минг тангани ҳалиги йигитнинг ўзига бериб, бир неча кун Ҳирот шахрида сайру тамошо қилинг, кейин ўз ватанингизга қайтинг, деди-лар.

Хожа Маҳмудшоҳнинг уч ўғли бор эди. Энг кичигини Хожа Афзал дер эдилар. Ҳурросоннинг тўрт юз қишлоғида ҳусну малоҳатда унга тенг келадиганий йўқ, эди. Настаълиқни чиройли ёзарди. Аммо икки важдан ўз хатини бошқаларга кўрсатмас эди. Мавлоно Султоналининг қўйидаги қитъасини у пақл қилган эди.

Гар арз кунад сипехри аъло,
Фазли фузалову фазли афзал.
Аз ҳар малаки ба жон тасбех,
Овоз оядки, Афзали афзал.

Бу қитъани мавлоно Султонали Машҳадийга кўрсат-ганларида у менинг ёзувимми бу, ёки ўзганикими, деб ҳайратда иккиланиб қолди.

Қирқ кун бу фақирни Фараҳда меҳмон қилдилар. Шунчалик хизматда бўлиб, такаллуфлар кўрсатдиларки, подшолар одатида ҳам бунчалигини тасаввур қилиш қийин эди. Қирқ кун ўтиб, бу каминага ижозат бериладиган кун эгар жабдуқли от бердиларки, бундайин йўрға отни кун ашҳоби кеча Адҳами билан фалак ўтлоғида ўтлагандан буён жаҳон яйлови кўрмагандир. Фақирнинг укаси ва шогирдига биттадан эгар жабдуқли от ва муносаб саруполар инъом қилдилар. Фараҳдан ярим фарсаҳлик йўлда бўлган карвонгоҳгача бизларга ҳамроҳлик қилдилар. Шу ерда тушиб, бизларга таом тортилар. Мен билан видолашиб, хайрлашдилар. Катта ака бир неча қадам юриб, қайтди-да, бизнинг одатимизча меҳмон кузатарда мусофаҳа қилурмиз, яъни қўл олишурмиз,

деб ёнидан қофозга ўроғлиқ нарса берди. Уртанчаси ва кичиги ҳам шундай қилишиб, укам ва шогирдим билан қўл олишдилар. Кейинги тўхтамда зарларни ҳисоблаб кўрсак, етти юз танга чиқди. Бунчалик саҳоват ва карамни Хотами Тоийдан ҳам нақд қилиб бўлмасди...

СОҲИБҚИРОН СУЛТОН КЕЛДИМУҲАММАДНИНГ ХУРОСОН ТОМОН САФАРИ

Санаи 935 ҳижрийда /милодий 1530 йил/ Султон Муҳаммад Баҳодирхон Хурросон вилояти томон отланди. Саодатли аскарлар Марв вилоятига етгач тўхтади. Шоину фозиллар камина ҳузурига ташриф буюрдилар. Узоқдан бир киши суръат билан келарди. Келиб, мавлоно Восифий қайси бирларингиз, деб сўради. Махдумлар мен томон ишорат қилдилар. У дарҳол бу фақир оёғига йиқилиб, юзини қўйди. Қанча манъ этмайин бўлмади. Мен:

— Эй азиз, қандай одамсиз? Арзингиз мақсадини айтинг,— дедим.

— Мен шоир одамман. Бухородан бу лашкарга ҳамроҳ бўлиб келдим. Шири Шутур чўлида отим майиб бўлиб қолди. Ўшандан бу ёғига пиёда келмоқдаман. Отим марсиясига бир қасида ёзган эдим. Танишларим гапи билан мулозаматдан бехабар бўлсан ҳам ақлсизлик қилиб, сизнинг василангизсиз у қасидани Султонга етказибман. Ўқиб берсам, икки байт ўқишим билан ул ҳазрат сўрадилар: «Бу қасидани Восифийга ўқиб берганмисан?» Мен йўқ, дедим. У киши, бориб унга кўрсат, деб буюрдилар. Агар унга маъқул бўлсаю бу ёмон қасида эмас, деса, мен муддаойингни ҳосил қилурман, дедилар. Шунинг учун сизга келдим. Худо ҳаққи, махдум! Мени маҳрум қилмангиз!

Мен, қани қасидангизни ўқинг-чи, дедим. У ўқий бошлиди. Аввало, биринчи мисраси вазнга тушмаган. Иккинчи байт маъносиз эди. Назмга ўхшамас эди. Дўстлар кулиб юборишиди. У хижолат чекди. «Бу кишининг баҳти бор эканки, сизнинг ҳузурингизда бу ҳол кечди. Энди кўпчилик бўлиб бунинг учун қасида ёзайлик ва ҳазрати Султонга топширайлик. Унинг муддаосини ҳосил қилайлик», дедим. Бир лаҳзада у қасидани саранжом-

ладик ва уни олиҳазратга олиб бордик. У киши дастлаб-ки икки байтини эшитганман, дедилар. Мен гапингиз тўғри, аммо маҳдумлар ислоҳи билан бу қасида мавзун бўлди, дедим. Султон, у қасида ислоҳ қилиб бўлмас даражада эди, сиз бошқа қасида ёзибсиз, дедилар. Хуллас, ҳар ҳолда унинг муддаоси ҳосил бўлди: эгар жабдуқли от ва муносиб сарупо инъом олди. Султон уни Марв шаҳри муҳтасиблигига ҳам тайинлади.

Эртаси куни ҳазрати Султон девонхонада салтанат тахтида ўлтирганда бу каминадан сўрадилар: «Кўп шоирларни кўрдик. Бунга ўхшаб bemани ва сохта шеърлар айтувчилар ҳам учради. Бундайларга жудду жаҳд билан эътибор кўрсатадилар. Уларга эътиқод чинданми ёки зарофат юзасидан, одамлар ўртасида масхара қилиш учунми? Мен дедим:

— Бундайларни тушуниши қийин... Масалан, мавлоно Аҳмадий Самарқандийнинг бемаъни байтлари ҳам, тузукроқлари ҳам бор...

Амир Алишер шоирларга Котибийнинг «Шутр ҳужра» қасидасига жавоб ёзишни буюради. Мавлоно Аҳмадий у қасидани Амир Алишер мадҳига бағишлайди. Ўқи берар экан қўйидаги байтга етади:

Ба пеши ҳужраи ту чун шутр занам зону,
Агар зи ҳужра чу шутр берун куни гардан.

(Ҳужрангдан туйдек бош чиқарадиган бўлсанг, Ҳужранг олдида туйдек тиз чўкарман.)

Амир дедилар:

— Эй мардак, сен мени ҳажв қиляпсанми?— Буюрдилар, унинг қўл-оёғини боғлаб ҳовузга ташладилар... Ҳовуз лабида мушук турарди, сувга тушиб, шўнғиб чиқди. Аҳмадий сувдан бош чиқариб, мушукка ишорат қилди:

— Эй Амир, бу мушук ҳам «Шутур ҳужра»га жавоб ёзганиди?

Мир табассум қилдилар-да, уни кечирдилар. Ҳаво совуқ эди. Унга бир пўстин инъом қилдилар.

Мавлоно Ҳасаншоҳнинг мартабаси шоирликда пастроқ. Аммо, шеърларида зарофатлари бўлган... Бир зимиистонда у оч, юпун қолгани учун ўғлига кўк салла ўратиб, кўк тўн кийдириб деди: «Амир Алишернинг ўйларига боргин-да, аҳволингни кўриб сўрасалар, отам

оламдан ўтдиilar, дегин! Мир кафаник ва жаноза харжини берадилар. Олиб бозордан егулик нарса олиб келгин».

Мир уни шу ҳолда кўриб, ичкарига киритди ва нима гаплигини сўрадилар. У, отам вафот этди, умрини сизга бахшида қилди, деди. Мир ғоят ғамда қолиб, афсус, мавлоно Ҳасаншоҳ давр нодирларидан эди, деб уч юз хоний маблағ унга чиқариб бердилар. Мавлононинг ўғли бозорга бориб, егулик нарсалар сотиб олди-да, уйига қайти. Эртасига мулло Мирнинг уйига келди. Мир уни кўриши билан кулиб юбордилар.

— Эй мулло! Сиз ўлган эдингиз-ку! Бу не ҳол?

— Эй Мир! Агар ўша инъом бўлмагандан чиндан ҳам ўлган бўлардим!

Мир унга муносиб сарупо, минг динор кепакий маблағ инъом қилдилар.

ҲИКОЯТ

Санаи 938 ҳижрий (милодий 1532 йил) эди. Ҳазрати аъло хоқоний Шоҳруҳия боғидаги девонхонада салтанат бахти таҳтига ўрнашиб, бу каминадан Тоқи Кисро ҳақида сўрадилар. Уни Анушервони Одил кўрган дейишиди, у қайси вилоятда, таърифлаб берсангиз. Мен гапириб бердим:

Ул иморат Мадойин шаҳридадир. Тоқнинг чеккасидан айвони учнгача баландлиги бир юз йигирма газдир. Бундайин иморат бошқа ҳеч бир қурилмаган. Айтишларича, унинг олий суфаси мармар тошдан терилган, турили рангдаги тошлардан безатилиб чиқилган. Иморат битгач, у акобиру аслзодаларни чорлаб, знёфат берган. Кейин, шу иморатга ўхашни бирор жойда кўрганимисизлар,— деб сўраган. Ҳаммаси йўқ, кўрмаганмиз, дейишган. Бир одам туриб, бу иморатнинг бир айби бор. Бу тоқ ёнида бир кампирнинг уйи жойлашган. У дудчиқаради. Дуд айвонга ёпишиб, охири у гўзаллар қоши каби қорайиб қолади. У кампирнинг бир ҳўқизи бор. У мана шу айвон мармари устидан ҳар кун ўтади, ифлос қиласди, деган.

Анушервон шу кампирни чақиритирди:

— Эй онажон, мен бир иморат қурдирдим. Бундайин иморат оламда йўқ. Бу иморатимни ҳўқизинг ифлос қилди. Шу иморатинг эвазига сенга бир зарнигор кўшк, ҳўқизинг ўрнига юз ҳўқиз берсам нима дейсан?

— Эй подшоҳ! Агар юзта зарнигор кўшк, мингта анбарин ҳўқиз берсанг ҳам ўз вайронамга алишмайман!

Анушервон, бу муболагада ҳикмат бор. Мақсад нима, деб сўради. У деди:

— Мақсад шулки, олам инқирозигача Анушервон шундай подшо эдики, бир кампир унинг сўзини қайтариб,adolatини манъ қилди. Унга эътиroz билдиrolмади, деб юришади. Мен сенинг салтанатинг ва яхши но-минг учун қайғураман.

Султон бу ҳикоятни эшитиб хурсанд бўлганини айтди, яна бир ҳикоя бошладим.

Анушервон Одил йўлдан ўтиб борар экан бир чолнинг ёнгоқ экаётганига кўзи тушибди ва дебди:

— Эй ота, сизнинг деҳқончиликдан хабарингиз борми ўзи? Эшитмаганмисиз, ёнгоқ ўттиз йилда ҳосилга киришини? Сиз бу дараҳтдан нима олардингиз?

Чол деди:

— Шоҳим, бошқалар экиб кетган дараҳтлар мева-синни едик, биз ҳам экамиз, бошқалар есин!

Анушервонга бу гап маъқул тушиб, дебди:

— Офарин!— Ҳар гоҳ Анушервон таҳсинга лойиқ кишиларнинг ажойиб ишларига офарин ўқиган!

Унинг хазиначиси чолга минг ашрафий берди. Уни ҳамёнига солиб бўлгач, кулиб деди:

— Шоҳим, сиз бу дараҳтни ўттиз йилдан кейин ҳосил беради, деган эдингиз. Қаранг, бу дараҳт адлингиз шарофати билан шу соатдаёқ ҳосил берди!— Анушервон яна «Офарин!» деди. Хазиначи яна минг ашрафий инъом қилди.

Чол деди:

— Ҳар бир дараҳт йилига бир ҳосил беради. Менинг бу дараҳтим бир замоннинг ўзида икки бор ҳосил берди.

Анушервон хандон отиб кулиб, «Офарин!» деган эди, хазиначи унга яна минг ашрафий берди ва деди:

— Кетайлик, йўқса, бу чол хазинамни қоқлаб олиб қўяди!..

Анушервони Одил Ажам подшоларини меҳмон қилибди. Ош ташиётгандага хонсолор ошни Анушервон ол-

дига кўймоқчи бўлганда, оёғи этагига ўралиб қолиб, иссиқ ош шоҳнинг юзига тўкилди, Шоҳ уни жаллодга буюрди; олиб чиқиб калтаклатмоқ истади. Хонсолор ошнинг қолганини ҳам Анушервон бошидан ағдарди. Анушервон деди:

— Эй, бадбаҳт! Бу нима қилганинг? Узрҳоҳлик гуноҳдан ёмонми?

— Шоҳим, сенинг адлинг овозаси мағрибдан машриққача кетган. Мендан бенхтиёр бир гуноҳ ўтди. Мен ўлимга мустаҳиқ бўлмадим. Мени ўлдирсанг адлинг хуним билан олуда бўлғуси. Оламда адлинг бадномликка учрагуси. Мен қасддан гуноҳ қилдим. Энди ўлдирсанг гуноҳкорни ўлдирган бўласан. Бадном бўлмайсан!

Анушервон уни эътибор билан ҳимоя ва тарбия қилди.

Аълоҳазрат мендан золим Ҳажжож ҳақида сўзлаб беришни сўрадилар.

Ҳажжожнинг асл иоми Мұҳаммад Юсуф Сақфий бўлган. Ҳужжат воситасида одамларни ўлдиради. Айтишларича, у ўз эҳтиёжи билан шундай қилган.

Бир кун унинг ҳузурига сочи оқ, соқоли қора бир одами келтирдилар. У сўради:

— Сочинг оқ, соқолинг қора! Нега бундай? Ақл билан жавоб бермасанг, сени ўлим кутади.

— Шоҳим, онам қорнида бўлганимдаёқ сочим ўсган. Туғилишимдан йигирма йил ўтгач, соқолим чиқа бошлади. Бошим қариб, соқолим ёш қолди.

Ҳажжож кулиб, менинг тийғимдан халос бўлдинг, деди. Бошка бир кишини келтирдилар, у бунинг акси — сочи қора, соқоли оқ эди. Ундан сабабини сўради.

— Шоҳим, сабаби равшан-ку. Сочим доим ёпиқ юралди, ҳаво таъсири кам. Соқолим кечакундуз бир неча бор ювилади, сув ва ҳавонинг таъсири бор.

— Рост айтдинг. Тийғимдан халос бўлдинг.

Бир кун Ҳажжож овга чиқади. Лашкаридан узоқлашиб, бир сувга чўмилмоқчи бўлганда чўкиб ўлишига яқин қолади. Бир одам уни қутқазади. Ҳажжож ундан номинг нима, қаерликсан деб сўради. У айтди.

Тонг отгач, Ҳажжож тахтига келиб ўлтириди.

— Фалон маҳалладан, фалон кишини олиб келинг-

лар,— деб буюрди. Олиб келишлари билан Ҳажжож унга:

— Мен баъзи нарсаларни сендан сўрайман, рост жавоб берсанг тўғрисан, йўқса, сиёсатим тийғига учрагайсан. Зулму ситам қилиб, халқ унинг дафъ бўлишини кечаю кундуз худодан сўраб турган бир киши ҳалокат гирдобига учради. У ўлим олдида эди. Бир киши уни ўлимдан қутқазиб, ундай балони яна халқ бошига қайтарса, нима қилмоқ лозим?

Ҳалиги одам уни тушунди да, деди:

— Шоҳим, нима демоқчи эканлигинизни тушундим. Халқقا зулму ситам қилаётган ўша золим сиз бўласиз. Балога учраган эдингиз, мен сизни халос қилдим. Чунки, отангиз ҳам бизнинг устимиздан ҳоким эди. Чексиз зулму ситам қилди. Халқ нафратига учради. Халқ унинг ўғли бўлмиш сиздан тузукроқмикин, деб кўп умид қилган эди. Унинг ўлимидан кейин сиз юз чандон ҳаромзодароқ чиқдингиз. Мен сиз ўлсангиз, ўғлингиз сиздан ҳам баттароқ бўлмасин, деб қўрқдим. Ҳажжож кулиб, сени кечирдим, деди ва инъомлар берди...

ЛУФАТ

Аворижа — мамлакат раияти солиқ тұлови рүйхати. Үнда оила даромади ва солиқ миқдори күрсатылған.

Адҳам — қора, түқ жигарранг; қора от; тун.

Айюқ — Сомон йұлы үңг тарафида жойлашған қызыл товланувчи юлдуз номи; баланд мартабага киноя.

Акобир — амалдор ва аслзодалар.

Анбарин ҳұқыз, чови анбар — ўздидан анбар чиқарувчи деңгиз ҳайвони, кашолот.

Арганун — мусиқа асбоби, орган.

Асад — шер, үн иккى буржнинг бешиничиси.

Ашрафий — тилло танга.

Ашқаб — оқу қора тусли от, кулранг.

Бавл — најкосат,

Балоқат — аблажлик, нодонлик, бефаҳмлик, гүллик, соддадиллик.

Банданавозлик — үз ихтиёридаги одамларга риоя қылмоқ, парвариши қылмоқ.

Банотуннаңш — тарқоқ юлдузлар түплами номи.

Бовар — рост ва ҳақиқатта мувоғиқ топмоқ.

Боварчи — ошпаз, таомларнинг номини ва тайёрланишини яхши биладиган мутахассис.

Вирд — бирор нарсаны такроран бажармоқ.

Гирдболиши — атрофи гажимдор ҳукмдорлар ўлтирадиган түгарак болиши.

Гүштигир — кураш тури.

Гүшанишин — тарки дунә этган киши.

Давож — бутун бадани үраб оладиган жома; жойпуш.

Далв — қудуқдан сув тортиб олиш учун чармдан ясалған идиш, үн биринчи бурж номи.

Даллок — ҳаммом ходимчиси.

Дариф — афсус, ҳайф, надомат, афсус чекмоқ.

Дастузса, даствижса — ёшлигидан бирор кишига унаштирилған қыз.

Дирам — пүкта танга, 3, 12 граммга тенг ўлчов бирлиги.

Девон—мамлакатнинг иқтисодий ҳаётини ва маданий чиқимларни хужжатлаштирадиган муассаса, маҳкама, вазирлик, ҳисоб-китоб дафтари.

Дуда—чироқ қириндиси.

Дурроа—тўн

Жавшан—темир совут.

Жавҳарий—гавҳар ва лаъллар билимдони.

Жузв—ҳафтияқ, мактаб дарслиги.

Жузвон—талаба китоб халтаси.

Жуфтигов—бир қўшик ёрдамида ҳайдаб, экиладиган экин майдони.

Замҳарир—қаттиқ совуқ.

Занбақ — гул навъи.

Зариф—нозик, гўзал сўзловчи, хушштабнат, зийрак, латифагўй.

Зарофат—ҳозиржавоблик, нозик иборалар ишлатни.

Захҳоки морон — Фирдавсий «Шоҳнома»сидаги илонлар подшоҳнинг номи.

Зиреҳ—темир қобиқ.

Зоича—юлдузлар жойланишига қараб келадиган воқеани аниқлаш, юлдуз жадвалига қараб толеъни айтиш.

Зол—чол, мўйсафи, Рустамининг отаси.

Иёдат—ҳол сўраш, касални қўргани бориши.

Илмий маоний—пистилоҳлар мағзини чақиш, баён қилиш билан шуғулланувчи фан (ташбех, мажоз, пистора, киноя ва ҳ. к.)

Илми қалом—нақлий масалаларни ақлни далиллар билан аниқловчи фан; эътиқод илми.

Илғор—қўшини авангарди.

Истиора—мажозий сўзлар воситасида ташбех қилмоқ.

Истибройи раҳм—бачадонни тозалаш.

Камон — ёй; ноябрь — декабрь ойларига тўғри келадиган ой.

Кежим — темир ёниччиқ.

Кусуф—қуёш тутилиши.

Қўка — эмукдош.

Қўкалтош—бегона хотинни эмган болалардан бири.

Қўнгура—қалъа девори тепасидаги дандона, шурфа.

Қўтал—жангчининг етакдаги эҳтиёт оти.

Лифа — давот ичига солинадиган ипак лос, патос. Қалам нуки синмасин деб солинади.

Лугз—шеърий топишмоқ.

Мажмар—манқал.

Мавкиб—подшоҳ билан бирга юрувчи отлиқ ёки пиёда гуруҳи.

Малакулмавт—малак—фаришта, мавт—ўлим. Ўлим фариштаси, Жабрайл.

Ман—турли жойда турлича бўлган оғирлик ўлчови; Самарқандда—8 пуд, Табризда—3 кг. Хуросонда 2 кг. яқин, шариатмани 180 мисқол, яъни 846 г.

Маҳча—түғ учидаги ярим ой шакти, тилло ёки қумушдан ишланган

Маъжун—турлича таркибдаги ичимлик дори.

Махтума—мўхрланган, мустаҳкам.

Мафосил—суяк бўғинлари касали.

Мирохур—шоҳ отхонаси бошлиғи.

Моҳича—хамир овқат тури.

Мизроб—танбур, рубоб чалишда ишлатиладиган иохуни.

Микроз—қайчи.

Мил—кишилар кўзини кўр қилишда ишлатиладиган темир таёқча, нук, сурмачўп; фарсаҳнинг учдан бирига тенг масофа.

Мубаррот—садақа ва хайрли бинолар.

Мубашшир—хушхабар келтирувчи, мужда айтувчи.

Муддаий—даъвогар.

Мўътамад—ишенчли, эътимодли киши.

Мусҳаф—китоб, қуръон.

Муҳассил—ҳосил қилувчи, қўлга киртиувчи, хирож ўндирувчи.

Мусофаҳа—қўл бериб, қучоқлашиб хайрлашиш.

Муҳтасиб—шариат қонунларининг бажарилишини кузатувчи амалдор, ранс.

Муътазилий—исломдаги фалсафи маслак, диннинг рационал нуқтаи назардан тарғиботчиси.

Муҳаққақ—исботланган, таҳқиқ қилинган хат тури.

Мўҳра—қофозга оҳордан кейин сайқал берувчи асбоб.

Наббош—кафан ўгриси.

Нассож—тикувчи, тўқувчи.

Обгинагар—шишасоз.

Очор—сирка ёки туз сепилган сабзавот, ионхўриш; иотекис ер.

Омил—солиқ ундирувчи, ёки подшо фармонини бажарувчи амалдор.

Пашмина—юнгдан тикилган либос ёки чакмон.

Рабиъ—баҳор ойи.

Райҳон—хушбўй ўспимлиқ, хат тури.

Разаж—аруз баҳри.

Рамал—«фонлотун»нинг саккиз бор такроридан иборат аruz баҳри.

Раъд—момақалдироқ, чақин.

Риқоъ—қуроқ, хат наъъни.

Ромиҳ—ҳаракатдаги отлиқ аскар, найзадор.

Руд—мусиқа асбоби.

Рофизий—сардоридан ажралган аскар гуруҳи, шина мазҳабидаги киши.

Румуз—рамзлар, яширин маъноли сўзлар.

Руфугар—йиртилган матони ўзидек тўқиб ямовчи уста.
Самоки Ромиҳ — Асад буржидаги юкдуз номи.
Савр—ҳўкиз, бурж номи, апрель ойига тўғри келади.
Садр—сийна, юқори ўрин: мансабдор.
Сайис—отбоқар.
Санжоб—кулранг тусли жун чакмон.
Сарҳанг—қўшиннинг бир бўлаги бошлиғи, полковник.
Сафро—сариқ модда; ўт халтаси, сариқ касаллиги.
Саққоя—моллар сув ичиши қулай жой.
Сақарлот, **сақирлот**—нафис мато, кўпроқ зарли бўлган.
Сулс—учдан бир, хат тури.
Сурра—олтин ёки кумуш ташгали ҳамёни.
Тавила—от ётадиган жой.
Табархун—танаси қизил тол навъни.
Тавқеъ—подшоҳ мўҳри, мўҳрли ҳукм.
Таввоф — тавоғ қилувчи.
Табарзин—жанг болтачаси.
Таркаш — ўқдон.
Тарроҳ—тарҳ чизувчи, лойиҳа чизувчи.
Тархон — имтиёзли ер эгаси.
Тақтеъ — алоҳида-алоҳида.
Таҳсил—рудадан олтинни тозалаб олиш, ҳосил қилмоқ.
Тажрид—бошқалардан ажратиб олиш, танҳо қолмоқ.
Таҳқиқ — ҳақиқатни аниқлаш.
Таълиқ—бирор нарсани илиб қўйиш, алоқадорлик, хат тури.
Тобадон—эшик тепасидан қўйиладиган туйшук.
Тока — устибош, бир жўра кийим.
Тунбон — паҳлавонлар кияндиган калта чарм иштон.
Тумор — узун мактуб, ҳужжат, уни юмалоқ қилиб ўралган.
Убайдий — Бухоро хони Убайдуллахон шайбоний зарб қилган пул.
Уд—мусиқа асбоби.
Урмаки—оддий миниладиган той.
Фарсах—масофа бирлиги—8 км.
Фирния—гуручдан тайёрланадиган ичимлик.
Халхол—оёқ тақинчоги, кумуш ёки олтиндандан бўлган.
Харвар — бир эшак кўтара оладиган юқ; 300 кг.га яқин оғирлик.
Хокпилла—болалар ўйини, энгашиб турган болалар устидан навбат билан сакраб ўтиш ўйини.
Хокрез — қалъя мудофааси учун айлантириб қазилган чуқурлик.
Хоний — олти тангага тенг пул бирлиги.
Хонсолар — дастурхон мутасаддиси, ошпазлар бошлиғи
Хорижий—ёт, бегона, келгинди.
Хусуф—оай тутулиши.

Чорқаб—шоҳлар киядиган зарбофт тӯн.
Чорсуқ — чорсу, кӯчалар туташган жой.
Чуҳра—олий наасабли шоҳ мулозими.
Шажара—даракт, ўтмиш авлодлар рўйхати.
Шабохун, шабихун—тунги ҳужум.
Шакарханд — ширин жилмайиш.
Шероза —китоб жузвларини тутиб турувчи мато.
Шиҳоб—учар юлдуз, порлоқ юлдуз.
Шиҳна, шахна — шаҳар посбони: шоҳ томондан тайинланган шаҳар истилочиси: кутвол.
Ятим—ота-онасиз қолиб, ўз жисемоний кучи ёки паҳлавонлиги, курасчилиги билан кун кўриб юрувчи дарбадар; олифта.
Қаннод—ҳалвопаз.
Қарроба—сув идиши, май идиши, шиша.
Қаря—йирик қишлоқ.
Қофила—корвон қарроргоҳи.
Қонун—мусиқа асбоби.
Қозоқилик—амалдор ёки ҳукмдорнинг бошқа ўлкаларда куч тўплаш учун юриши.
Қосид—қасад қилувчи; нома, хабар келтирувчи, элчи.
Фолия — қора хушбўй модда: мушк, анбар ва ҳ. к,
Ғубор—гард, чанг, ғам-ғусса асари, майда ёзув.
Ҳазаж — аruz баҳри, овоз, қўшиқ.
Ҳамал — қўзи, бурж номи, шамсий ой номи (21 март — 20 апрель).
Ҳамишабаҳор — чечак навъи.
Ҳасба—қизилча; касаллик.
Ҳожиб—пардалиқ, қош, дарвозабон.
Ҳосид—ҳасадчи, ёмон инятли киши.
Ҳўққа — қимматбаҳо нарсалар сақланадиган қутича, ҳамён.

ИЗОҲЛАР

- 8- бет: Байтнинг мазмуни: Қаердан қизилбош жой олган бўлса, ўша ер улар хунрезлиги натижасида лолазордек бўлди. Қитъа мазмуни: Эй мусулмонлар, дод фалак гардиши жабридан, Аторуд жафоси, ой қасди, Муштарий сайридан дод! Кулсам у бир умр заҳрини сочади; йиғлагудек бўлсам, унинг иши ҳар кун хурсандчилик. Умрим кемасига осмон доимо икки иш қилади: гоҳ шодлик елкани бўлалиди, гоҳида ғам лангарига боғлайди.
- 13- бет: Ҳижрий 918 йил муҳаррам ойининг охиirlари милодий 1512 йил апрели ўрталарига тўғри келади.
- 17—18- бет: Фазал мазмуни: Созингдан ошиқлар жигари қондир, найни оғзингга олиб бораар экансан, у найшакарга айланади. Жигарим най каби тешилса ҳам мен дастингдан нолийидиганлардан эмас. Мозоримдан най овози чиқиб, сенга ҳамнафас бўлишини истайман. Дилем оташидан тезлашадими, деб лабимга най яқинлаштирумайман. Лъаъли лабинг-ла, ҳамдамлигини кўриб, икки кўллаб найга ёпишаман. Эй Восифий, най билан ўз иолаю афлонингни айтма, бошқалар эшитиши мумкин.
- 28- бет: Уй эгаси меҳмонларни ўйламай, бадеҳа айтишни бошлиди. Йиғилганлар ўзбек тилида мушонра бошлиди. Форсигўй Восифийнинг бундан энсаси қотди.
- 53- бет: «Қоғия», «Шоғия», «Шамсия»— араб тили грамматикасига доир рисолалар.
- 74- бет: «Таркиботул-нағмат вал-алҳон»—«Нағмалар ва куй-овозлар таркиби»— мусиқа назариясига доир асар.
- 78- бет: Оби ҳаёт—тириклик суви, оби ҳайвон; ичган кимса ўлмай, абадий яшайди деб ҳисобланган. Афсонага кўра Хизр пайғамбар уни өр ости зулматидан олиб чиқкан.
- 79- бет: Парак—Чирчиқ дарёсининг қадимий номи.
- 80- бет: Айман водийси олови—Исо пайғамбарга гўё шу водийда дараҳт тепасидан олов кўринган.
- 83- бет: Кузаки, Соҳиби, ҳусайнин, бобаки, шакари—узум навълари. «Араблар ҳалвога чўп ўрнатурлар»—Миср араблари на-вотни чўпга тортганлар. Ҳозир навот пиширувчилар навот пишириладиган қозонга иш тортадилар.
- 84- бет: Ширинлиги ўткир—тилни тилади, Алишер табъидан буни билади.
Ковуннинг Алишерий ёки Амирий навънига ишора.
- 87- бет: Жомийнинг назмий сарфи. Бу ерда унинг «Шарҳи мулло» деган грамматикага доир асари кўзда тутилмоқда.

- 89- бет: «Алқориату малқорна»—Қуръоннинг жаҳаннам азобини баён қилувчи сураси.
- 91- бет: «Изҳори музмари»—«Яширин ҳарфни топиш» санъати.
- 98- бет: Байтнинг мазмуни: Истагимга зид жавоб келар экан, қўлимда гурзи билан Афросиёб жангини кўрсатурман.
- 159- бет: «Таърихи Муъиний»—Муъиниддин бинни Жалолиддин Муҳаммад Яздий (Вафоти 1387 йил)нинг тарихий асари.
- 199- бет: «Таърихи олам»—Муъиниддин Натаиний асари; 1413 йили Форс ҳокими Искандар ибни Шоҳрухга бағишлиб ёзган.
- 275- бет: Қитъа мазмуни: фазилатли фозиллар ва фазилатлилар афзали арши аълога арз қилганларида ҳар бир фариштадан овоз келади. Афзал тузукроқдир

МУНДАРИЖА

Зайниддин Восифий	3
Мовароунаҳрга сафар	5
Бу каминанинг улуг' хон Кўчкунжихонининг вазири Хожа Юсуф Маломатий билан мунозараси	21
Фозиллар сараси олижаноб Мавлоно Ҳожи Табризий	25
Самарқанд совуғи ва қлши шиддати	27
Фазилат аҳлининг бу каминани ишо санъати ва муаммо ечишда имтиҳон қылгани	30
Самарқанд шаҳрида зоҳир бўлган воқеалар зикрида.	33
У ҳам бўлса, Нажми сонийнинг келиши эди.	47
Олиқазрат хони аъзам... Убайдулла Мұхаммад Баҳодирхонининг қарши яйловидан қайтиши	50
Убайдуллахондан рухсат олиб Туркистон вилояти томон йўлга чиқмоқ ҳусусида	54
Ҳазрати Убайдуллахонининг вазири таърифида	76
Фирдавсий Тусний достонининг ёзилиши	82
Саъиди Шаҳид Улуғбек Мирзонинг баъзи фазилатлари ва камолати зикрида	87
Ҳазрати адолатли султоннинг Амир Алишерга доир гайривотлардан ва ажойиб тадбирларидан ҳикоя қилиб беришни сўрагани	93
Амир Алишер мизожи назокати ва латофатининг зикри .	96
Амир Алишер ва Хожа Маждиддин Мұхаммад мажлиси таърифи	104
Алишер Навоий табъида нафсоний шаҳват ва рӯҳий лаззатга майлининг чеклангани ҳусусида	106
Мавлоно Бинонди фазилатлари	113
Муфрад қаландар зикрида	118
Паҳлавон Мұхаммад Абусаъид ва Султон Ҳусайн Мирзонинг бошқа курашчилари фазилатлари ва камолоти зикрида	131
Оҳангаронлик бир хотининг султони аъзам Келдимуҳаммад Султон номига Ҳазрати Аъло Хоқон Севинчхожа-хондан нишон олиб келгани зикри	133
Шоирлар фасоҳати ва зарофати зикрида	135
Аср нодири Мавлоно Жалолиддин Юсуф наққошнинг бир йўлбарс овлайтган шаҳсувор суратини келтиргани .	140
Бадеалар манбаи мўъжизалар ихтирочиси мавлоно Юсуф Наққошнинг Мавлоно... Қози Ҷодакнинг ажойиб суратини саодатли мажлисга юборгани	145
Ҳазрати султони аъзам Султон Мұхаммаднинг халифалик таҳти ва қойиммақомлик маснадига ўлтирмоғи	

Мавлоно Котибий Нишопурӣ ва Бобо Савдоӣ Бовардӣ зикри	177
Ҳамсаи мутаҳайири ҳикояси	184
Султон Ҳусайн Мирзонинг Ҳуросон вилоятидаги вазири Низомулмулк Ҳавоғий ҳикояти	192
Соҳибқиён Султон Қелдимуҳаммаднинг Ҳуросон томон сафари	200
Ҳикоят	202
Лугат	206

На узбекском языке

Зайниддин Васифи

УДИВИТЕЛЬНЫЕ СОБЫТИЯ

Редактор А. Шаропов

Рассом А. Крюков

Расмлар редактори В. Немеровский

Техн. редактор Е. Потапова

Корректор М. Холматова

ИБ № 668

Босмахонага берилди 20. 04. 79. Босишига рухсат этилди 04. 12. 79.
Формати 84×108^{1/32}. Босмахона қоғози № 1. Адабий гарнитура.
Юқори босма. Шартли босма л. 11,34. Нашр л. 11,48. Тиражи
10000. Заказ № 241. Баҳоси 1 с.
Ғафур Ғулом номидаги Адабиёт ва санъат нашриёти. Тошкент,
700129. Навоий кӯчаси, 30.

Узбекистон ССР Нашриётлар, полиграфия ва китоб савдоси
ишилари Давлат комитетининг Тошкент «Матбуот» полиграфия
ишилаб чиқариш бирлашмасининг 2-босмахонасида босилди.
Янгийўл шаҳри, Самарқанд кӯчаси, 44.